




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.4.13





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.4.13




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.4.13




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.4.13

Atw. 2/4




Ex Libris Joannis Nencini
1874




CENTRALE-FIRENZE
NI
ING
NENG





Felit. Can.

LIBRARY
OF THE
BIBLIOTHECA NAZIONALE CENTRALE DI
FIRENZE



ET
BO
LIT
AL
STVDI
EPIST

PRINCIPI
ILLVSTRISS.
ET, EXCELLENTISS.
IACOBO
BONCOMPAGNO
LITTERATORVM, MAECENATI
AMPLISSIMO
ALDVS. MANVTIVS
PAVLLI. F. ALDI, N.
STVDII, GRATITVDINIS, OBSERVANTIAE
ERGO
HOC, PAVLLI. PATRIS
EPISTOLARVM. PRAEFATIONVMQ.
VOLUMEN
NVNCVPAT. DICATQ.

francian
sentu i
illustri
quae
& mini
plicata
pax, sin
armis c
liciter
illa, qu
tur, con
praeten
tudo, ut
tus pari
constat

AD . ILLVSTRISS.

ALBERICVM . CIBO
MALASPINAM

MASSAE . ET . CARRARIAE

PRINCIPEM

E X . I I S artibus , quae merito
Liberales appellantur , excel-
lere duas in primis , Litterarum
scientiam , & Rei militaris prae-
stantiam , in omni aetate omnium con-
sensu iudicatum est : utra uero ex his ipsis
illustrior , utra magis expetenda sit , &
quaesitum aliquando est a magnis uiris ,
& minime tamen adhuc plane uidetur ex-
plicata deliberatio . nam , ut otium , &
pax , sine quibus litterae non consistunt ,
armis comparentur : tamen nec ipsa fe-
liciter satis arma tractantur , nisi adsint
illa , quae magna ex parte a litteris petun-
tur , consilium , ordo , prudentia , animi
praeterea ita ratione temperata magni-
tudo , ut , sicubi periculum occurrat , me-
tus pariter ac temeritas absint . itaque
constat , quae nationes bellica gloria

a 3 cia-

claruerunt, in ijsdem uiguisse studia do-
ctrinae, ut in Graecia, quae Persarum in-
numerabiles exercitus non modo susti-
nuit, uerum etiam fregit, atque profliga-
uit; ipsa uero numquam uinci, nisi a se
ipsa, potuit. domesticis enim & diuisa
discordijs, & infirmata bellis, non tam
Philippi, Macedonum Regis, uirtute,
quam proprijs perculsa uiribus, afflictâq.
corruit; Romana uero gente quae fuit ul-
lumquam gens aut belli gerendi scien-
tia, ac fortitudine praestantior, aut ijs
praecipue litteris, quae rudes animos hu-
manitate informant, exulta diligentius?
hinc illa manus ducum excellentium,
quae Romani terminos imperij quam lon-
gissime protulit, Catones, Aemiliani,
Sullae, Luculli, Caesares, quos historiae
mirabiliter laudant, nec tamen ita, ut eo-
rum merita laudes ullae fatis adaequare
uideantur. Age, Macedonum tot uicto-
riae, tot militaria decora unde fluxerint,
si quis interroget; quid respondebimus?
hoc primum, ut opinor, ab Alexandro
duce: is enim Asiam perdomuit uniuersam,
& ad intimos etiam Oceani recessus
pene-

penetrasse fertur : deinde illud, a phalan-
ge, quae fuit acies in exercitu firmissima.
quod utrumque si spectetur, ac perpen-
datur accurate; non exiguam fortasse bel-
licae laudis partem litterae sibi uindi-
cant. nam Alexandrum a primis annis
disciplina erudit Aristotelis, & ad eam
tum animi, tum ingenij praestantiam,
quae postea res illas, omnium opinione
maiores, & aggressus est, & confecit,
praeceptis philosophiae pulcherrimis ex-
tulit. Phalangem uero, eiusque artem
struendae ab uno primum Homeri poe-
tae uersu manasse, doctissimi homines
memoriae prodiderunt. Ergo uicissim &
a litteris adiuuantur arma, & ab armis
litterae sustentur. quod si, ubi quae-
sum armis imperium est, ibi artes illae ui-
gerent, quae litterarum usu cognoscun-
tur: conseruarentur facile studia ciuium,
ac populorum: & in communi omnium
concordia, nullus umquam externis ui-
ribus ad labefactandam publicam rem lo-
cus esse posset. quod contra & in Grae-
cia, & apud Romanos, & ubiuis gentium
accidisse, atque accidere quotidie, uide-

mus . Neque solum in una ciuitate , aut
in una etiam gente multos , sed uix in sin-
gulis familijs singulos , qui utramque lau-
dem adamauerint , & in utraque pariter
excelluerint , reperire difficillimum est .
unum quidem non modo nostra tempe-
state , sed multorum saeculorum memo-
ria , historiae celebrant , quem uere phoe-
nicem inter omnes Europae uniuersae
Principes licet appellare , Laurentium Me-
dicen , proauum tuum : cuius , nescio , plus
ne uirtus in bellis , an in pace sapientia ,
ac moderatio enituerit . nam rem Floren-
tinam , saepe aduersa fortuna nutantem ,
confirmauit , interdum malis prope ex-
stinctam unus ipse non modo restituit , ue-
rum etiam uehementer auxit . tranquillis
uero rebus , ornauit patriam , muniuit le-
gibus optimis , atque institutis : iustitiam
praeter ceteros , ac temperantiam publi-
ce , priuatimq. coluit : liberalitate , si quis
umquam , delectatus est : cuius fama lon-
ginquas regiones peruagata , barbaras et-
iam gentes , & religione diuersas , illi con-
ciliauit , multosque , aliqua modo uirtute ,
nobiliue arte insignes , in urbem Floren-
tiam

tiam p
uel in
rantur
bus Orl
cem , at
nignita
uit , ac
uindicat
& praed
tius Me
ea , qua
esset in
quodam
gnopet
nime u
domest
tus , Lec
berales
ornauit
quando
gnocera
bo , & in
omnium
ercitatio
nalibus
ab eo ter

tiam perduxit. Et, ut alia uel in patriam,
uel in singulos non uulgaria merita omit-
tantur, quis miseram Graeciam, suis sedi-
bus Othomanorum iniuria pulsam, suppli-
cem, atque egentem hospitio excepit, be-
nignitate subleuauit, perpetuo studio fo-
uit, ac tutatus est? unus eam laudem sibi
uindicat, unus in Italia Graecas litteras,
& praeclara doctrinarum studia Lauren-
tius Medices excitauit: cum & ipse pro
ea, qua excelluit, eruditione acerrimus
esset ingeniorum aestimator, & naturae
quodam impulsu ad beneficentiam ma-
gnopere propenderet: ut mirandum mi-
nime uideatur, si, tanto patre genitus,
domestico tam illustri exemplo commo-
tus, Leo X, Pontifex maximus, omnes li-
berales disciplinas praemijs extulit, atque
ornauit amplissimis, effecitque, ut ali-
quando Romam in urbe Roma liceret a-
gnosceret. In tua uero paternagente Ci-
bo, & in materna Malaspina, mirabilis
omnium uirtutum in omni aetate fuit ex-
ercitatio. &, ne illa nimis uetera ex an-
nalibus fide dignis repetamus, iam inde
ab eo tempore, cum, Graecorum Impe-
rato-

ratorum aetate, opidum Pera, quod pro-
xime Byzantium situm est, Genuenses
obtinebant; quo tempore summis ho-
noribus, & copijs maiores tuos florui-
se constat: aut, cum Mucius ille Cibo,
plane alter Mucius in tuenda patriae sa-
lute, triremibus priuato sumptu com-
paratis, atque instructis, Pisanos, Ge-
nuensium rebus acriter infensos, in Sar-
dinia profligauit: sexcenta praeterea in
Genuensium Remp. merita, in qua etiam
Gulielmus Cibo Cruce rubea, publico in-
signi, uirtutis ergo decoratus est: haec ue-
omittam, & illa, quae auorum nostrorum
memoria gesta sunt, attingam; Aranus, A-
aron in historijs nominatus, equestri digni-
tate ornatus, Romani Senatoris titulo in-
signis, antiqua ille quidem suae gentis no-
bilitate clarus, multo tamen suis laudibus
illustrior, qui nihil umquam in uita non e-
gregium, non amplum, non ingenuo nobi-
lique uiro dignum aut cogitauit, aut fecit,
is, qua tempestate Renatus Andegauensis
Alfonso Neapolitanorum Regi bellum
intulit, in eo bello, quaecumque a sum-
mo duce munera postulantur, ea fortissi-
me

me praef
poli potit
ac potesta
in imperie
tiam est ce
rursus uict
partibus
in primis
Renatum
quem saep
scrimen ut
gratiae loc
rum uirtut
ptimam
cia, docu
biliter inst
lendiam,
ptus & uirt
Pontifex
bus, atque
creatus est
dissimilem
rea contem
omnes ant
omni laud
secutus est

pro-
entes
ho-
orui.
Dibo,
ae sa-
com-
Ge-
n Sar-
rea in
etiam
ico in-
ec ut
orum
us, A-
i digni
ulo in-
tis no-
adibus
non e-
nobi
fecit
uenis
ellum
sum-
ortim
ine

me praestitit, usque eo, ut Renatus, Nea-
poli potitus, eum pro Rege, iure summo,
ac potestate amplissima, constituerit. quo
in imperio ita se gessit abstineret, ita iusti-
tiam est complexus, ut, cum ad Alonsum
rursus uictoria inclinasset, afflictis Renati
partibus, exceptus ab illo sit honorifice
in primis, ac splendide: quemque apud
Renatum antea, eundem apud eum,
quem saepe armis laeserat, saepe in di-
scrimen uitae adduxerat, & dignitatis, &
gratiae locum obtinuerit. Ex hac tanta-
rum uirtutum praestantia filius eius, ad o-
ptimam naturam optima uoluntate adiun-
cta, documenta sumpsit ad uitam lauda-
biliter instituendam, & ijs artibus exco-
lendam, quibus postea maximam ade-
ptus & uirtutis, & probitatis opinionem,
Pontifex, approbante Deo, fauenti-
bus, atque incumben-ibus hominibus,
creatus est. Nec se postea, ut multi, sui
disimilem praebuit; sed, quantum an-
tea contenderat, ut in studio uirtutis
omnes anteiret, tantum, ut se ipse in
omni laude uinceret, & studuit, & con-
secutus est. itaque, quemadmodum ci
non

non modo ad obtinendam Cardinalis dignitatem, uerum etiam ad Pontificatum, antiqua maiorum existimatio, & clarissima patris memoria quasi uiam ex aliqua parte munijt, aditumque patefecit: sic patris deinde tui fratrem, multis illum quidem animi bonis ornatum, multo tamen facilius ad Cardinalatum egregia Pontificatus Innocentij fama perduxit. Haec est in tua gente, magne Princeps, non opum, ac diuitiarum, quibus etiam minime digni saepe affluunt, sed uirtutis, & gloriae, perpetua multorum saeculorum serie quasi per manus tradita, & ad te ipsum usque conseruata hereditas. Nec uero paternum tibi quidem genus praedicandum, maternum autem dissimulandum uidetur. utroque licet, si uetera spectas, aequae glorieris. nam Malaspinarum nobilitas simul & antiquitas Etrusci poetae doctissimi, ac sapientissimi Dantis testimonio cognoscitur: nobilitas in eo, quod illam Italiae partem, quae hodie Lunigiana communi uocabulo nuncupatur, Malaspinis olim uniuersam paruissae tradit: antiquitas autem, quod, cum ipse
annis

annis ante
ruerit, Ce
non ut aeta
tis ante saec
lat. Vides
cas, Alberic
des tu quid
imitaris qui
lanur enim
egregiae: in
eta, tuis mi
&, quamqu
est militare
gentis nobi
cis earum
absint ab
omnis huma
merces uirt
moria conse
audio: nihil
nullum com
tum, pateri
res gestas ac
litterarum
dices uita
luculenter e

annis ante nos ducentis quinquaginta flo-
ruerit, Corradum tamen Malaspinam,
non ut aetati suae proximum, sed ut mul-
tis ante saeculis natum, honorifice appel-
lat. Vides, a quibus uiris originem du-
cas, Alberice clarissime. neque uero ui-
des tu quidem, sed non imitaris, aut
imitaris quidem, sed non assequeris. uer-
santur enim in animo tuo cogitationes
egregiae: inde emergunt praeclara fa-
cta, tuis maioribus, teque ipso digna.
&, quamquam tibi maxime propositum
est militare decus, unde primum tuae
gentis nobilitas fluxit: magni tamen fa-
cis earum doctrinarum studia, que si
absint ab hominum uita, simul absit
omnis humanitas, neque satis diu, quae
merces uirtutis est, recte factorum me-
moriam conseruetur: faues ingenijs, ut
audio: nihil deesse litteratis hominibus,
nullum commodum, nullum ornamen-
tum, pateris: cupis uirorum illustrium
res gestas aeternis mandari monumentis
litterarum. & uidi iam de Laurentij Me-
dices uita libros tres, a Nicolao Crotto
luculenter conscriptos: qui cum superio-
ribus

ribus diebus Venetias uenisset , mira
quaedam de animi , ingenij , consilij tui
praestantia , de studio erga nobiles disci-
plinas , praeterea de humanitate , ac mo-
rum eleganti praedicabat . quae cum in
te ipso bona sint , longe pluris intelligen-
tium iudicio , quam ea , quae petuntur ex
trinsecus , aestimantur . nam , argenti ,
atque auri magnam uim possidere , im-
perare populis , opida tenere munitis-
sima , clarum esse a maioribus , omnes
paene Italiae Principes , summos etiam
Reges , necessitudine attingere ; magna
quidem haec sunt , nec tibi communia
cum multis , eiusmodi tamen , ut inter
fortunae munera referantur ; quae scis
etiam ad tui dissimillimos peruenire : ui-
tam autem sic instituere , ut omnia con-
silia , omnes actiones ratio moderetur ;
uirtutem in se ipso expetere , in alijs dili-
gere , ac ornare ; uelle inter homines
eminere beneficentia potius , quam po-
testate : haec quia partim sequeris , par-
tim adeptus iam es , iccirco te uere diui-
tem . , qui aeterna bona tibi compares ,
uere nobilem , qui nobilitatem a te ipso
haurias ,

haurias ;
la ipsa ,
quia cum
hunc : qu
tuamque
geres , &
neuolent
re , quam
paratur .
prope ad
ad te dili
longinqui
studio facil
iam aliquo
adolescent
ta cupidita
tutum , ter
observanti
laudibus cu
sum , ut ita
deinde etia
brando ing
aliquando
iam increb
bus optim
eorum no

haurias ; existimamus . Atque etiam illa ipsa , quae dixi a fortuna pendere , quia cum uirtute coniungis , firmiora fiunt ; quandoquidem neque tuas urbes , tuamque ditionem moenia potius , & aggeres , & flumina , quam populorum beneuolentia tuebitur ; neque facilius ullare , quam recte factis , beneuolentia comparatur . Quae sit autem eorum , qui prope adsunt , qui te quotidie intuentur , ad te diligendum propensio ; nos , qui longinqui sumus , ex nostro in te singulari studio facile iudicamus . nam me quidem , iam aliquot abhinc annis , ea , quae de te adolescentulo , rerum laudabilium infinita cupiditas , & magnarum indoles uirtutum , ferebatur , in tui amorem atque obseruantiam coepit allicere ; postea , tuis laudibus cum aetate auctis , incensus ita sum , ut statuerim , tibi quidem primum , deinde etiam alijs , aut meum in te celebrando ingenium , aut certe uoluntatem aliquando ostendere . Quare , cum haec iam increbuerit consuetudo , ut , de quibus optime sentimus , ijs dicata esse , & eorum nomine insigniri nostra scripta cupiamus :

piamus : mittendum putavi ad te, dum
aliquid interim fortasse praestantius ador
natur, uolumen Epistolarum, & Praefa
tionum mearum. quas ego nequaquam
edere animum induxissem, nisi me suaden
tis, atque etiam petentis Venetae nobili
tatis mouisset auctoritas. quibus enim
pro summis erga me meritis omnia debe
re mihi uideor; ijs cur aliquid a me nega
ri aequum putem? cur non obsequar am
plissimis uiris, non credam sapientissimis,
non gratificer amicissimis? Tuo uero no
mini liber inscriptus ut exiret, fecerunt il
la superiora: quae ne te offendant, (quan
doquidem sunt a me, non ut gratiam tuam
ficta laudatione colligrem, sed ut omni
bus mei erga te studij causam uerissimam
exponerem, commemorata) cupio impe
trare a modestia tua, & debeo scilicet,
cum etiam in ijs non tam ad laudandum,
quam ad cohortandum non nulla perti
neant: & currentibus ad metam, atque
etiam appropinquantibus, minime mole
stas esse cohortantium uoces, minime
plausum displicere constat. Venetijs,
C D I D L I X.

E P I
P A

RAIN

genere ortum
cum equidem
ses: & runc,
tu comproba
trionum: ea
magis, quod a
qui de tua fun
togenio tuo, a
opratione: & ba
& labor. cad
nam uirtute:
is, qui honor
na deformita
sunt: praeclear
cū gloria con
bare animo p
centiam sine

EPISTOLARVM
PAVLLI. MANVTII

LIBER. PRIMVS

RAINVTIO. FARNESIO

CARDINALI. CREATO

Romam. I

VIA uirtus est ipsa per se amabilis; & quia nobilitati honor & obseruantia debetur; amauit te iam inde a tua pueritia, studio uirtutis incensum; & colui, clarissimo genere ortum; Paulli III. Pontificis nepotem. iam tum equidem uidi, praedixiq. multis, qui futurus esses: & nunc, opinionem, auguriumq. de te meum exitu comprobante, utrique nostrum gratulor; tibi, cui tribuuntur ea, quae semper illustra fuerunt, nunc eo magis, quod a Paulo III. Pontifice tribuuntur; mihi, qui de tua futura dignitate, fretus indole, moribus, ingenio tuo, adolescens uere coniecerim. Cardinalis es. optabile, & honorificum: sed est in isto honore pondus, & labor. cadunt in eam, quam nunc sustines, personam uirtutes omnes, atque ita cadunt, ut, si absint, is, qui honor est, honor esse desinat, uel sit etiam summa deformitas. Curae autem, & cogitationes illae sunt praeclarae, illae, Rainuti, te dignae, aeternaque cū gloria coniunctae, pietatem praecipue colere; excubare animo pro salute, ac dignitate Ecclesiae: beneficentiam sine spe praemiorum exercere; nihil omnino

A facere

facere, nihil cogitare, in quo statim decus non eluceat: nam, ubi paullo uidetur obscurius, ibi satis constat turpitudinem inesse. quae profecto tibi in mentem uenire, atque ob oculos assidue uersari, cum in aui tui summam gloriam intueris, necesse est. & omnino datum hoc uestro generi diuinitus uidetur, uobis nascentibus heroum numerus ut augeatur, & quasi maius lumen de sublimi quadam specula errantibus honestis disciplinis uiam, & hospitium ostendat. ergo alter alteri exemplo estis ad bene agendum; uobiscum simul & oriuntur uirtutes, & cum aetate crescunt; donec uitae munere perfunctos educant ex hac rerum humanarum taeterrima caligine, & in illa sempiterna luce collocatos cum illo bonis omnibus circumfluente caelestium animorum coetu coniungant. Aut igitur mihi nullus tui cohortandi relictus est locus, aut hic tantum, ut uelis esse tui quamsimillimus; quodq. tuo generi, tuo nomini, tibimet ipsi, tuisq. debes institutis, id cumulate persoluum existimemus. Vnum exoptandum, ut, qui tibi istam mentem cum ista auctoritate dedit, (dedit autem omnium auctor laudandarum rerum, & creator Deus) idem uelit utriusque rei fructum esse maxime diuturnum, & aequare tuae uitae spatium cum ijs bonis, quae in te summa contulit. profecto, tales gubernatores, tam peritos, tam uigilantes, Christiana religio si numquam non haberet; numquam illae exorirentur dissidentium opinionum horribiles procellae; quae iam etiam multis abhinc annis Petri nauem coeperunt, neque dum consistere patiuntur. quo quidem mihi libet

ominari

ominari de
optimis art
& ornament
tantia duce,
ius. oo

ALFC

SOLENT
tiora. non ta
pinus, digni
qui tua iudicia,
nouerant, neq
quam fuit. m
ornat, honor
gloria bono p
sa non pauit
derare cum sm
uolueris, prim
deinde, quae Ca
rio fac. quam ca
fuerit, quibon
fona, quam ab
locis omnium
iple te, nullo c
admonitus, et
honestarum et
suntur, ab iud
nito, quera in

ominari de te idem plane, quod cupio; futurum, ut optimis artibus, quamdiu uixeris, praesidio sis, & ornamento; uiuas autem, quamdiu uel temperantia duce, uel naturae lege licet. Vale. Ventijs. ∞ D XLIV

ALFONSO. CARAFAE

CARDINALI. CREATO

Romam.

2

SOLENT esse, quae minus expectantur, laetiora. nihil tamen ista, qua te auctum nuper accepimus, dignitate neque magis expectatum apud eos, qui tua studia, tuos ad uirtutem praeclaros impetus nouerant, neque incundius, aut laetitiae maioris umquam fuit. nemo enim dubitat, quin eum, qui te nunc ornat, honorem ornaturus aliquando sis, eximia tua gloria bono publico coniuncta. quo te hortari res ipsa non patitur. nam, si attendes diligenter, & considerare cum animo tuo, adhibita in consilium ratione, uolueris, primum illud, quis te Cardinalem creauit; deinde, quae Cardinalis partes, quam graues, & laboriosae, quam eadem honorificae, ac splendidae sint; postremo, quibus temporibus haec tibi sit imposita persona, quam alienis a uirtute, quam turpi omnibus in locis omnium paene scelerum labe foedatis: profecto ipse te, nullo cuiusquam hortatu, a te ipso de tua laude admonitus, excitabis ad excellentem omnium artium honestarum cupiditatem: quaeq. his artibus aduersantur, abijcies, atque contemnes, neque solum eo uiro, quem in posterum praestare debes, qualemq. te

A 2 fore

fore omnes auguramur, uerum indigna prorsus homi-
ne indicabis. Vivisti semper antea laudabiliter: fuit in
puero pudor: est in adolescente probitas, est perfecta
paeneratio, & expetendarum uitandarumq. rerum
scientia: desiderari uidebatur, in qua te ostenderes,
ocasio. delata diuinitus est omnium maxima, singula-
ri consilio summi Pontificis Paulli IV. qui cum sit pa-
trius parentis tui; cum te ab ineunte aetate non me-
dicriner dilexerit; cum omnes suos incredibili quadam
complecti caritate consueuerit: tamen in te honestan-
do alia quaedam secutus est: dedit honorem non pro-
pinqritati, aut familiae, sed tibi ipsi, qui familiae no-
men inde illustrare, & quo modo principia se dant,
studium comprobabit euentus. En habes. Alphonse cam-
pum, in quo tua uirtus, parta uigilijs, bene agendi con-
suetudine iam confirmata, excurrat. haec est illa, ad
quam te exercebas, quo tuae spectabant curae, tuo
ingenio, tuis optimis cogitationibus, ac studijs dignissi-
ma provincia. ostende, quae tuae sit non modo uolun-
tatis, uerum etiam industriae praestantia; & prome
ex animo tuo illa praeclara, quae, ut antiquum gentis
tuae decus, ac domesticam praesentem uirtutem refer-
re, a pueritia collegisti. Non est, mihi crede, labor ei,
qui bene sentiat, bene facere. quod enim positum est
in nobis ipsis, non aliunde pendet, non extrinsecus as-
sumitur, in eo, quid obstat, quo minus uoluntatem
res ipsa consequatur? Iam, ipsa uirtus inuitat, ipsa al-
licit, atque afficit sui studiosos omni uoluntate, om-
nibusque praemijs. nec dubito, quin excellens animi
tui uis omnes difficultates, omnia superet humana.

Quare

Quare grat
te exultat
aliquo gra
tates: quae
ate, aequa
xime, salu
nata; pra
funtam imp
qua uolunt
iure, ac m
in ipse ad
Deo omnia p
munt: quod
rem, aequa
se p. i. i. i. i.

ST E

MAGN
tis, & amoris
illis hoc nam
gulari uino, C
que summa
gias, quo ego
iam ad id
omnis uirtutis
fuerit, eleganti
sime: ut us le
um, qui te ad
tiam, p. i. i. i. i.

Quare gratulor equidem tibi tua causa, de isto, quo te extulit Pauli Pontificis diuina sapientia, bonis altissimo gradu: sed me mouet aliquanto magis publica res: quam tu, traditam tibi simul cum ista dignitate, atque commendatam, saepe, ac nunc quidem maxime, talium uirorum ope indigentem, tueberis in conuiuita; praesidiumq. erit in te situm aduersus iniustitiam impietatemq. firmissimum. Quae si tibi magna uidentur, atque gloriosa; debes animum sic instituire, ac moderari, nihil ut ad te ipsum referas, nihil ipse tibi arroges, aut a te ipso expectes. mansisse a Deo cuncta puta; qui perennis aeternusq. bonorum omnium est fons. nos enim, ut nos, nihil sumus; aliquid autem, atque adeo plurimum, ut a Deo, & per Deum, esse possumus. Vale, Veneris, ∞ D L V I I.

STEPHANO. SAVLIO

Decentianum.

3

MAGNUM est hoc, Sauli clarissime, humanitatis, & amoris in me tui argumentum, quod, cum in istis locis nunc sis, ubi multam diei partem cum singulari uiro, Cardinali Polo, grauissimis, sanctissimisque sermonibus traducas; non modo tamen de me cogitas, quo ego uno contentus esse poteram. uerum etiam id ipsum mihi declarandum litteris existimes. at quibus litteris? scriptis mebercule, quod ad uerba attinet, elegantissime; quod ad sententias, prudentissime: ut his legendis non magis amarem amorem tuum, qui te ad scribendum impulerat, quam eloquentiam suspicerem; qua effeceras, ut illa ipsa, quae scriberes,

A 3 beres,

beres, cum ornatiora essent, amabiliora quoque uiderentur. Quare, cum tibi ago gratias, ut debeo, immortales, quod ita animatus in me sis: tum uero etiam terogo, in quo me ambitio quaedam mouet, ut id, quod facis, perpetuo facias. quanti enim putas ad meam laudem interessè, cum hoc percrebescit, me a Stephano Saulio diligi: cuius est familia perillustis: qui suae ipse familiae clarum lumen est: quem praeclari illi uiri, eius consuetudine, & conuictu magnopere delectati, coluerunt, Bonamicus, Iulius Camillus, Longolius. Haec ego, Sauli, cum aliquot abhinc annis cogitarem; semper quidem, ut a te diligerer, optavi: ut uero etiam laudarer, optare fortasse potui, sperare, cum ipse me nosses, certe non debui. at tu in hac parte mecum sane perliberaliter egisti. scripsisti, in hac Romanae linguae facultate, non, mihi neminem praestare, sed id, quod ego cum legerem erubui, neminem esse, cui non ipse antecellam. equidem, ut, quod res est, aperiam, fateor a prima pueritia ita me in litteris esse uersatum, ut unam maxime spectarem eloquentiam, unam colerem, unam admirarer. atque hoc me studio satis mea sponte flagrantem, acrius inflammabant ij, qui tum homines uiuebant, Bembus, Sadoletus, Bonamicus; quorum nomina per orbem terrarum celebrata sermonibus, & scriptis, exstingui nulla uetustate posse intellegebam. Polus hic noster, qui nunc in omni laude, omniq. uirtute tantus est, suis me scriptis capiebat atque afficiebat maxime. ego tum, ut erat aetas mea, praeter uerborum, & nonnullarum sententiarum ornamenta,

amenta,
re putaba
lerem. sed
reni, prae
hauserat,
meq. paul
magis orat
dicit. & e
tum proce
iectam, su
lem, excita
humana, q
cum in doq
lerendi par
per se gram
usu mihi li
est animi
biennium d
riti tempore
pristina red
sue; quas m
gere sine gra
his quoque
debeo, cript
bras errasse
multorum m
scerem, uita
tamen, orig
so, ut ex am
incommoda

namenta, nihil agnoscebam. pure, & eleganter scribere putabam. esse id, quod unum si assequer, excellerem. sed Rhambertus meus, qui ex Gasparis Contrani, praestantissimi uiri, consuetudine prudentiam hauserat, praeclara quaedam notabat in Polo; meq. paullo aetate inferiorem, ex uulgata uenaliū magistrorum disciplina rudem, atque impolitum, erudiebat, & conformabat exemplo. tum quidem, quantum proficerem, non me paenitebat: & ex ijs, quae ieceram, fundamentis aliquid eiusmodi, quale ego uellem, excitari aliquando posse uidebatur. sed in rebus humanis, quis est, cui nihil umquam secus accidat? cum in eloquentiae studio multus essem, nec satis ualitudini parcerem, incidi in morbum: qui cum esset per se grauis, tum eo factus est periculosior, quod, usu mihi librorum a medicis interdicto, magna sane est animi mei affectio, atque aegritudo consecuta. post biennium denique ualitudine recuperata, cum praeteriti temporis iacturam sarcire diligentia uellem, ad pristina redeuntem exceperunt domesticae controuersiae; quas neque sedare minimo negotio, neque negligere sine graui mearum fortunarum exitio licebat. his quoque me difficultatibus aliquando is, cui omnia debeo, eripuit Deus. Lucem iam, quasi diu per tenebras errassem, uidebar adspicere: & quamquam, multorum annorum amisso fructu, erat sane cur ingemiscerem, uitamq. mihi haud satis incundam putarem; tamen, otij sperere creatus, facile impetrabam a me ipso, ut ex animo meo superiorum molestiarum, atque incommodorum memoriam obliuione delerem. Vigebat

bat item, ut antea, pristina illa cura: nec erat quidquam in meis consilijs antiquius, quam ut abditas atque implicatas in mente cogitationes non modo aperire, atque explicare uerbis, uerum etiam exornare, quasiq. pigmentis & coloribus illustrare possem. res erat nec exigui temporis, & maximi laboris. tempus non, quantum rei magnitudo ferret, suppetebat; cum ex uetere patris instituto in hoc imprimendorum librorum munere, & restituendae antiquitatis cura distinerer. laborem autem, uel si abundarem tempore, perspecta ualetudinis meae ratio recusabat. utrumq. tamen cum uoluntas uinceret; quotidieq. aliquot horas, occupationibus ereptas, stylo darem: ecce me nescio quis, homo certe satis fortuna felix, praemijs commotum, & blanditijs captum, atque irretitum, Romam abduxit. ubi cum aliquot menses non in ijs, quae semper amaueram, litterarum studijs, sed in animi officiorum genere consumpsissem; & ille, quem secutus eram, montes aureos pollicitus uix minima praestaret; collegi ipse me; neque solum studiorum meorum, quae intermiseram potius, quam dimiseram, uerum etiam rei familiaris, cui nisi consulerem, ipsa quoque iacere studia necesse erat, habendam mihi rationem duxi. quo consilio in patriam reuersus, retuli me omnino ad ueteres meas tum legendi, tum scribendi exercitationes: sed tum in domestica re constituenda, tum in emendandis antiquorum libris districtus, postea uero etiam erudienda duodecim nobilium adolescentium Academia per triennium occupatus, quantulam habuerim excolendae facultatem eloquentiae,

tiae, quam
eam, quam
cedere pot
fui tu, Saul
fima sunt, a
quale illud
care; deinde
mus. id re ip
cillimum: id
seruorum q
genere elabo
non de tim,
in eloquenti
sare: null
ut cetera, q
ce varia. mi
fuisse: tem
rominus ha
hoc singula
abundem am
me. nunc ad
quam nullo
minis, inter
guat: ratio q
dia fonebat m
set: omis eni
opus esset, an
sultentabat. a
com nio mibi
guardum est

tiae, quantumq. in tantis temporum angustijs per
eam, quam ingressus eram, Latine scribendi uiam pro-
cedere potuerim, facile, ut opinor, est existimare. No-
sti tu, Sauli, cuius acies ingenij etiam ea, quae occultis-
sima sunt, assequitur, primum cuius prudentiae sit,
quale illud est, quod in imitatione sit optimum, dijudi-
care; deinde, cuius industriae, quod optimum iudica-
mus, id re ipsa consequi. quod utrumque cum sit diffi-
cillimum; id quod, ut uides, aetate nostra optimorum
scriptorum paenuria declarat; cum tamen, qui hoc in
genere elaborant, plurimi sint: satis equidem mirari
non possum, cur tu me in epistola tua summum feceris
in eloquentia, dederisq. id, quod ego si accipiam, mei
sane dissimillimus, hoc est impudens plane sim. nam,
ut cetera, quae dixi esse ad studium huiusce laudis ne-
cessaria, mihi non defuerint, quae utinam mediocria
fuissent: temporis quidem, ut paullo ante exposui, mul-
to minus habui, quam res tanta postulabat. fatum in
hoc singulare meum est, ut otio numquam abundem.
abundem autem? utinam non semper indigerem maxi-
me. nunc ad occupationem etiam accessit sollicitudo:
quam mihi ex immaturo Cardinalis Masæi, diuini ho-
minis, interitu exortam utinam aliquando dies extin-
guat: ratio quidem hoc nondum potuit. ille mea stu-
dia fouebat unus: ille mihi otij spem dederat: & fecis-
set: quis enim ad benignitatem propensior? ille me, ubi
opus esset, auctoritate ornabat, consilio monebat, re
sustentabat. quid plura? in illo mihi erant omnia, &
cum illo mihi omnia perierunt. quare non tam mihi co-
gitandum est, ut opus uniuersum de Romanis antiqui-
tatibus,

tatibus, quod tu dilaudas, illo auctore institutum, pos-
sim absoluere, quam ut partem aliquam, iam confe-
ctam, liceat perpolire. quod ipsum, si mihi nunc per
meas occupationes liceret, hic tamen, qui me uexat,
dolor certe non concederet. ac mehercule haec ipsa,
quae tu nunc legis, irrigaui lacrumis, cum scriberem:
nec putavi fore, cum tot curis distinerer, ut possem scri-
bere: sed magna uis amoris est, magna obseruantiae
erga te meae. ea fecit, ut hoc officium rebus omnibus
anteferrem. Aduentus tui iam aliquam nobis exspe-
ctationem amicorum sermo commouerat. eam tu quod
litteris confirmes, ualde laetor. cupio enim tuam tum
humanitatem, tum prudentiam, quarum altera tibi
ab hominibus amorem, altera etiam honorem conci-
liat, in consuetudine & sermonibus regustare. me au-
tem quod huius consilij praecipuam tibi ais esse caus-
sam; facile patior mihi hoc a te, uiro grauissimo, per-
suaderi; amoq. mirabiliter animum, atque amorem
istum tuum; cui respondere officijs etsi difficile
est; perpetuo tamen studio, & singulari quodam
obseruantiae genere, ut spero, tibi satisfaciam. Va-
le. Venetijs, ∞ D L I I I.

E I D E M

Decentiano Genuam redeunti.

4

ET SI multarum rerum curis atque oneribus ita
premor, optime Sauli, ut ressi irare uix possim: tamen,
ut litteris tuis, amantiissime scriptis, aliquid responde-
rem, abieci omnia, & officium, quod tibi a me debe-
tur,

tur, habui antiquissimum. Video te miro quodam ue-
 teris eloquentiae amore, ac studio teneri. significant
 hoc studia tua, declarant scripta, sermones ubique non
 obscure testantur. nae tu rem pulcherrimam diligis: cu-
 ius me quoque forma cepit adolescentem: & de uolun-
 tate illa, uel cupiditate potius, tantum abest, ut dies
 aliquid detraxerit, ut cum aetate simul amor creuerit.
 quare, cum tibi ego tam multis in rebus concedam; pa-
 tere, obsecro te, in hac me una riualet esse tuum, nec
 tibi uel tantillum omnino uelle concedere. sentimus e-
 nim idem, quod tu, nihil esse speciosius eloquentia, ni-
 hil praestantius: quam, ut ipse nosti, amarunt aetate
 nostra, atque appetiere quamplurimi; potiri autem,
 ut mihi quidem uidetur, adhuc nemo potuit. quis e-
 nim Latinae orationis laudem non magnopere diligen-
 dam dixit? quis porro rationem, & quasi uiam, qua
 peruenire ad eam liceat, nobis indicauit? nam, qui se
 ita exercent, ut ex ueterum scriptis & membra, &
 integrum quandoque comprehensionis corpus sua in
 scripta transferant; non equidem eos reprehendo; si-
 quidem perfecti similitudinem quandam sequuntur;
 sed, quia perfectum ipsum non attingunt, in magna lau-
 de non posuerim. Obsecro te, Sauli, qui iudicio ex-
 cellis, quid tibi de Christophoro Longolio uidetur?
 equidem, si quando, quid de scriptis illius existi-
 mem, interrogor, ita soleo respondere, exsilem esse
 in sententijs, non luculentum in uerbis; ut tamen de
 eo, si uitae contigisset usura diuturnior, bene cen-
 seam sperandum fuisse. sed, ut nunc est, mea quidem
 sententia, nullus est. quid enim affert exquisitum,
 quid

quid singulare, quid non vulgatum, non ex quotidiana consuetudine, usuq. sumptum? At scribit interdum & de rebus familiaribus, & ad familiares. Quid tum? quasi non uel in obscuro argumento possit ingenij lumen elucere. Nam, quod in eo uerborum circuitus saepe a Cicerone totus est: si consulto fecit, quod inde laudem speraret, iudicium requiro. etenim, aliena quae sunt, ad nos translata stulte iactamus: ut ne minem laudare solemus, quia pulcher, quod accipitur a natura; at quia temperatus, quia iustus, quae posita sunt in nobis ipsis. sin, quod potius existimo, inops a Latina lingua explicare animi sensa aliter non potuit: necessitatem excuso: nec tamen, quod faciebat, diutius eum puto facturum fuisse. qui enim in illo otio Patauino nihil ageret aliud, quam ut se tum eloquentiae copijs, quae philosophiam ornant, tum earum artium instrumento, sine quibus muta silet eloquentia, locupletaret; utriusque studio facultatis consecutus esset, ut, suis quasi opibus abundans, de alieno quotidie parcius assumeret. cuius autem generis ea, quae moriens reliquit, scripta sunt; abesse eum iudico ab ea specie, quae est inscribendo optima, longissime. qua de re cum aliquot abhinc annis in conuentu amicorum sermo esset ortus, memini dissentire a me amicum hominem, & eruditum: qui Ciceronis in libris diu, multumq. uolutatus, tamen Longolium suspicit. aurea uidelicet cum assidue tractet, aerea non internoscit. itaque, paucis post illum sermonem diebus interiectis, cum epistolam ad me misisset, in qua ita scripsit, nihil sibi tam accidisse mirandum,

randum, quod
mibi Longolia
in rescripti,
comioem no
omino quae
ipi non percip
eratio probabi
dicante, in tra
ar, inanes, su
ipso uero, si ap
om, Acte, qua
Latinam lingua
sub imitatione
& maiorem
de ea praecipe
deinde, quae
feste exquirit
quod enim in
aut in uerbis
uerbis, quae
et cum inueni
runt inuando
tum. postea
re: cogitanti
quam ingenij
fuisse; quod am
Tum inuati
cum paucissimi
erogitas sent
Terentio, taci

randum, quam quod a me audisset, cum dicerem,
 mihi Longoliana scripta non admodum probari: ni-
 hil rescripsi, quod homini quinquagenario insitam
 opinionem non speravi me posse euellere. & sunt
 omnino quaedam res, quas ubi sensu & iudicio
 ipsi non percipimus, atque assequimur, nulla satis
 oratio probabit; ut cum Anaxagora, niuem atram iu-
 dicante, frustra de albedine disputares. Improbas igi-
 tur, inquires, si ab antiquitate scribes mutuemur?
 Ego uero, si apte fiat, etiam summe probo. sed hoc ip-
 sum, Aptē, quam difficile sit, ex eo licet cogitare, quod
 Latinam linguam continet uniuersam: uniuersa enim
 sub imitationem cadit. imitandi autem ratio, quia
 & multiplex est, & admodum recondita: primum,
 de ea praecipere sigillatim, infinitae doctrinae est;
 deinde, quae praecipiantur, cognoscere, & per-
 fecte exsequi, non mediocris ingenij. Cumq. id,
 quod enitet in oratione, aut in re uideatur esse,
 aut in uerbis: ego olim rem significatam simul cum
 uerbis significantibus sumebam; eaq. meis scrip-
 tis cum inseruissem, tum optimum illud, quod quae-
 ritur imitando, plane arbitrabar me esse consecu-
 tum. postea coepit mihi meum consilium displice-
 re: cogitavi, quoniam id esset memoriae magis,
 quam ingenij; quod ego efficerem, praestare multos
 posse; quod autem multi possent, egregium non esse.
 Tum iniuriam non haud paullo difficiliorē, quam
 cum paucissimis mihi esse communem intelligebam.
 exquisitas sententias, de Cicerone excerptas, aut de
 Terentio, tacitus in animo uersabam. eas ornabam
 uerbis

uerbis quam poteram lectissimis, ut, quasi uestitu orationis mutato, cum eadem essent, aliae tamen uiderentur. Erat non dissimilis in uerborum figuris commentatio. si quas notaueram illustriores, ad alias sententias ita traducebam, ut interdum eandem locutionem in res prope innumerabiles accommodans, quasi ex una cera plures imagines, nec tamen eiusdem generis, effingerem. In hac exercitatione quantum esset, utinam aut mature cognouissem, aut sero cognitum, auideq. arreptum uis occupationum non extorfisset. equidem, si quis me neget in scribendo quidquam esse, non pugnabo: sed, si quid sum, ab hac una esse contendam. Tibi gratulor, Sauli, qui & uis, quod sentis esse praeclarum; &, quod uis, nihil impedit, quo minus praestare possis. otij enim tantum habes, quantum styli exercitatio postulat. abundas, ut animi, sic fortunae bonis: in quibus ipsis (Zenonis pace dixerim) non minima, his praesertim temporibus, ad uirtutem uis est. ingenio uero ita flores, ut tuam maxime consuetudinem propterea expetierint ij, qui ipsi ingenij gloria praeter ceteros excellere putabantur. atque utinam ea, quae litteris mandasti de homine Christiano, aliquando emittas; ut opinionem ac sermones de te meos res ipsa confirmet. quod breui futurum facile spero. recipis enim te nunc in uillulas tuas, hoc est in summum otium: ubi cum nullam tibi horam a studijs uacuam abire patiaris; (sic enim & a multis antea cognouerā, & postea Coccius noster confirmauit) expolitionem intra paucos menses expectamus operum tuorum. qua de re ut interdum me Decij nostri litteris cer-

vis certiores fieri uelis, etiam atque etiam rogo. Pontificis Legatus, Ludouicus Beccatellius, homo antiquae probitatis, humanitate, ac doctrina praestans, post obitum Cardinalis Masaei ita me complexus est, ut omnem in meis commodis atque ornamentis curam & cogitationem fixisse uideatur. cui non tam a me gratiae sunt habendae, quod agit ipse quantum potest, ac plus etiam, quam potest; quam, quod alios etiam, magnos & principes uiros, ad me augendum, atque honestandum suo exemplo, atque auctoritate uehementer excitat. qui cum multi sint, tua tamen inter omnes elucet liberalitas; qui, re uix audita, amore in me tuo, studio erga litteras incitatus, tantum tua sponte ad hanc provinciam conferre uelle pollicitus es, quantum ex animo meo nulla unquam delebit obliuio. Vale, tuamque ualitudinem cum tua, tum nostra etiam, qui a te pendemus, causa diligenter cura. Venetijs, ∞ D L I I I.

E I D E M, Genuam. 5

M A G N U M mihi solatium attulit epistola tua: iucunditatem, dicere non possum; quam tempora eripiunt, sic, ut me tristitiae totum paene tradiderim. Ac primum, obijisse audio fratrem meum Bononiae, cum ualeret optime, repentino morbo oppressum. fratrem cum dico, me alterum iure naturae dico. uerum addo illud. obierit, si uera narrantur, frater is, qui bonitate praestabat, ualebat ingenio, excellēbat industria, factus ad omnia maxime omnium uidebatur. itaque obruor dolore: nec, puto, emergam, nisi aut, illi melius esse, cognouero, aut, si naturae

*turae satisfacit, opem tulerit ipsa dies: quae ualet ad
 omnia plurimum, animi uero morbis plus etiam in-
 terdum, quam ratio, medetur. Ad hanc aegritudinem
 accedunt domestica, meaq. propria. uxor, cuius prae-
 cipue studio res familiaris, ac domus tota nititur, quae
 me multis molestijs, multarumq. rerum & curarum
 onere leuabat, quae meam ualetudinem praesenti sem-
 per officio tuebatur, ipsa nunc iacet, periculi non ex-
 pers, affectis diuturno morbo uiribus. ego uexor acer-
 bissime anniuersarijs oculorum doloribus: quos sana-
 re, cum iam paene tentata sint omnia, humanae ar-
 tis esse non puto. remedia sunt ab uno illo, qui malis
 cunctis medetur, caelesti medica expetenda. is mihi
 optimam, ut spero, ualetudinem aliquando restituet:
 si hoc minus, muniet me saltem ea uirtute, qua res ad-
 uersae facile perferuntur. ita salus ex morbo nasce-
 tur, non haec, qua corpus uiget, quam ego adhuc om-
 ni remediorum genere frustra quaesiui, quae cum ip-
 so corpore paucorum annorum spatio penitus extin-
 guetur, sed illa multo praestantior, qua nostrae men-
 tes, cum sese ab hac terrestri labe seiunxerint, & cum
 purissimo illo caelestium animorum coetu consociaue-
 rint, perpetuo fruuntur. interim, tot in me concurren-
 tibus malis, aegre impetum sustineo, planeque, quo-
 niam homo sum, debilitor aduersis. Hic tu me uocas
 ad scribendum; & hortaris, ut ea tradam litteris, quae
 assiduo Latinae linguae usu, & diuturna tibi uideor ex
 ercitatione consecutus. Vis me scilicet, optime Sau-
 li, eam uiam, quae ad eloquentiam ducit, aperire. spif-
 sum opus, ac difficile, multi otij, tranquillae mentis,*

non

non nostrae
 neque nostrae
 firmos; ego
 sentio. At en-
 dat. Si ita est
 di, qui uult
 gregia cupien-
 querur. te,
 quam, ipse
 quod mihi in-
 cessaria, quon-
 dant omnia,
 dicum, quid
 nent: illae m-
 sum enim ing-
 gi: inopia an-
 Graeciae lum-
 tam multa pe-
 lis otium ven-
 alicant. Ermo-
 mus praemijs
 stóricos, prae-
 losophos. cum
 bantur, dispa-
 nus liberet,
 ri, minima nu-
 gre sustineo. I
 ualetudine, sa-
 ueteris eloqui-
 nec in rectam

non nostrae fortunae, cuius tibi imaginem ostendi,
neque nostrorum nervorum, quos tu putas esse satis
firmos; ego, quam sint imbecilli, experior saepe, ac
sentio. At erunt praeclari conatus, etiam si non succe-
dat. Si ita est, hac laude nemo excluditur, potest aggre-
di, qui uult. uelle autem quis non debet? siquidem e-
gregia cupientem aliqua uel ex hoc ipso gloria conse-
quetur. te, si quemquam, Sauli doctissime, te, in-
quam, ipsum decet maxime omnium id suscipere,
quod mihi imponis. quae enim sunt ad hoc munus ne-
cessaria, quorum alijs alia desunt, ea in te uno abun-
dant omnia, ingenium, usus diuturnus, doctrina, iu-
dicum. quid? opes, & fortuna numquid huc perti-
nent? illae uero, mea sententia, uel maxime. cur-
sum enim ingeniorum retardat, uires debilitat, ac fran-
git inopia. an tu putas Aristotelem, & Platonem, illa
Graeciae lumina, an Ciceronem nostrum, an Plinium
tam multa potuisse litteris mandare, nisi summum il-
lis otium rerum omnium affluentia peperisset? domi
alebant seruos eruditos: contubernales habebant, exi-
mijs praemijs accersitos ex ultimis terris, rhetores, hi-
stóricos, praestantis ingenij, singularis doctrinae phi-
losophos. cum his se quotidie exercebant, commenta-
bantur, disputabant: horum omnium opera, quate-
nus liberet, utebantur. at ego sumptum unius pue-
ri, minima mercede conducti, quo in scribendo utor, ae-
gre sustineo. Et in his angustijs, in hac mea tam tenui
ualetudine, tam aduersa fortuna, quia rudes homines,
ueteris eloquentiae cupidos, meis scriptis non erudio,
nec in rectam Litine scribendi uiam induco, appellas me

P quasi

quasi malum debitorem, atque etiam accusas uerbis
 tu quidem humanissimis, & alieno, ut uideris no-
 mine, re tamen ipsa grauitate, & ut ergo interpretor,
 tuo iudicio: quod uereor in primis, facioque sicuti de-
 beo, plurimi. uerumtamen uidere te puto, quam facul-
 tatem res desideret. quid autem praestari a me possit,
 nemo omnium, qui uiuunt, me ipso melius intelligit.
 quare noli mihi languorem, aut desidiā obijcere;
 quae abesse procul a me, qui anteaetate meae uitae cur-
 sum inspiciet, atque examinabit, facile cognoscet. satis
 habeas, si nemo istam in te culpam conferat. qui cum
 ingenio praestes, aetatem omnem in Latina lingua
 contriueris; ex quo factum est, ut eam perfecte calleas;
 id quod tuorum scriptorum subtilitas, & elegantia de-
 clarat: cum ualeitudinem non desideres; otio paene
 diffluas: addo etiam illud: cum optime tibi cum fortu-
 na conueniat: quae tibi de suis bonis tantum elargita
 est, ut erogare quātamuis pecuniam in homines doctos
 eorumque studia nullo tuo incōmodo possis: haec cum
 in te sint omnia, eaque ut ego arbitror, summa, non
 minima quidem certe: abstines tamen ab hoc mune-
 re, & hortaris alios nulla tibi re, praeterquam uolun-
 tate, & studio, conferendos. Quis non miretur sitire fon-
 tes? sitiunt enim certe, cum tu petis a me tamquam ex
 arido solo, quod in te ipso uberrimum esse constat; &
 cum ad nostram potius inopiam confugere, quam tuis
 copiis uti uis. Hoc loco mihi uenit in mentem, tuam
 quoque causam, non modo meam, meditati, quod
 tu fortasse respondeas. Distingues illa superiora: ne-
 gabis in te uno esse omnia, quae dixi esse de Latina lin-
 gua

qua scribent
 enim: etiam
 dem, & doct
 cies, fortasse
 quae human
 tecum, Saul
 ram, quod tu
 uerumq, fate
 plane confirm
 tamen, in bi
 quibus iam te
 quam tuo ipso
 bonos ac sapi
 quam ipso tes
 probabo tua
 me putas ill
 mine Christi
 lo multa pra
 quam a re gra
 data. neq. m
 dir, qui uir, e
 qui potest effi
 tem in re tua
 audire mui
 bat laudibus.
 flus, cuius a
 quide aut un
 ferendum cu
 deo illuc, &
 tiam. cupis

qua scribentibus necessaria. de fortuna concedes: patet enim: etiam, opinor, de ualitudine, de otio: ingenij laudem, & doctrinae, quae tua modestia est, abs te reijcies, fortasse etiam, quae tui est in me animi propensio, quae humanitas, ad me trāsferes. Nolim equidem tecum, Sauli, ne in tua quidem laude contendere: uerum, quod tu mihi de te ipso non credes, credent alij, uerumq. fatebuntur, adducti in hanc sententiam, ac plane confirmati, non tam auctoritate mea, quam tamen, in his praesertim elegantioribus litteris, in quibus iam tot annos uersor, non esse nullam intelligo, quam tuo ipsius testimonio, quod habet ponderis apud bonos ac sapientes uiros in omni re plurimum. te, inquam ipso teste locuplete, cui fides habenda uideatur, probabo tuam uirtutem. Oblitus ne es, aut oblitum me putas illius temporis, cum tu librum tuum de homine Christiano mihi ostendisti? bone Deus, quam in illo multa praeclara, cuius industriae, cuius prudentiae, quam a te grauitate, quam copiose, quam splendide tractata. neq. uero ego unus illum librum, uidere alij, uidit, qui uir, & quantus, Reginaldus Polus Cardinalis, qui potest esse instar omnium, quem tu profecto iudicem in re tua numquam recusabis. hunc ego audiui, audiuerunt multi, de tuo interdū libro loquentem. orabat laudibus. (& est homo, ut scis, natura simplex, rektus, cuius ab intimo sensu numquam ne minimum quidē aut uultus, aut oratio discrepet) quid plura? conferendum cum antiquitate iudicabat. Quamobrem redeo illuc, & concludo paucis. Magni facis eloquentiam. cupis eam cognosci, cupis amari, & coli. egre-

gia cupiditas, & nobili sane uiro digna: uerum, ut tibi satisfacias, et inuenias exitum studiij tui, elige de duobus utrum uis. aut ipse, qui potes, ostēde nobis Latinae linguae pulchritudinem, ac praestātiā; doce nos, doce posteros, quae sit eius adipiscendae, & perfruendae ratio ineunda: aut, si quos existimas hoc praestare posse, excita eos liberalitate, fone tuis copijs: noli pati, animum eorum hac & illa cura distrahi; sit intentus, & fixus hoc uno in studio; neque abducatur eum ab opere pulcherrimo, ac nobilissimo humillimae interdum rei turpis, & sordida procuratio. ita consequeris facile, quod uis; optimisq. studijs & posteritati magna tua cum laude consules. Illa, quae scribis de leguleijs quibusdam, in meum librum de Romanis legibus, detrahendi studio, incurrentibus, legi nullo cum stomacho: nec sum miratus, a barbaris hominibus, sordido quodam litterarum genere assueris, elegantioris doctrinae scientiam, & quasi laetitiam quandam studiorum contemni. Non placet istis meus liber: magnis uidelicet uiris, quorum fama aedium illarum, in quibus ipsi habitant, limina nondum est egressa. at placet Vincentio Portulacae, cuius est in urbe Brixia insignis auctoritas, illustre per Italiam nomen; placet Antonio Augustino, Marco Antonio Nattae, Laelio Taurello, Vido Pancirolo, iuris utriusque scientia claris: quorum nomina, scriptis egregijs testata uirtus, atque expressa, cum aeternitate coniunget. hos ego meorum laborum, & uigiliarum laudatores cum audio, uiros graues, & certos, omniumque nobilissimos; uoculas raucae plebeculae contemno; quidq.

quidq. leues
loquantur,
mo. te quod
si qui urger
diae, & m
nio frangi.
laris in te
gratiam: sine
quod meos
dignos, qui
ueneris.

V

NESC
culpa factum
sibus postea
an eadem gra
dam scriptu
genti, de in
potius; quod
necium acci
quum est. fa
bendo meum
lum, vide, si
tamen iniqu
est, primum
dem etiam
bre mibi gr
cundius, ni

quidq. leues, & obscuri homines de me sentiant, aut loquantur, non esse mihi ualde laborandum existimo. te quoque sperabam in meis praesidijs esse, & si qui urgerent grauius, obsistere, impetumq. inuidiae, & maleuolentiae tua auctoritate, ac testimonio frangi. quod si facis; fructum fero meae singularis in te obseruantiae, & habeo tibi, quam debeo, gratiam: sin minus; hoc tamen nomine tibi debeo, quod meos obtrectatores flocci facis, usque eo, ut indignos, quibus respondeatur, existimes. Vale. Venetijs. ∞ D L I X

V I D O . F A B R O

Patauium.

6

NESCIO, utrum fortunae succenseam, cuius culpa factum sit, ut ego tuas litteras duobus fere mensibus post eum diem, quo tu scripseras, acceperim; an eidem gratias habeam, quod mihi, arculam quandam scriptorum meorum euoluenti, planeq. aliud agenti, de improviso illas obtulerit. gratias habebo potius; quod eodem tempore simul cum iniuria beneficium accepi; & iniuriae beneficium praeferri, aequum est. sed, quoniam uereor, ne tarditatem in scribendo meam durius acceperis; hunc tu mihi scrupulum, Vide, si ex animo euelleres, faceres humane, nec tamen inique: cum hoc ipsum, quod commissum a me est, primum ex aliena culpa pendeat, deinde nunc quidem etiam corrigatur. Venio ad tuas litteras: quibus mihi gratius nihil potuit accidere; dicerem, iucundius, nisi clausula illa de Bunello meo plane om-

B 3 nem

nem incunditatem eriperet . nam sic fac existimes , ex illius uiri interitu tantum me cepisse dolorem , quantum fortasse dies exhaurire nulla poterit . Vixerat me cum Venetijs per quadriennium : cum ego in illo probitatem morum , uirtutemq. diligerem ; ille in me propensionem , credo , quandam ad litteras non improbareret . Intercessere etiam inter nos officia quaedam , sed a me leuia , nec satis digna , quae memoria tenerentur : quae tamen ille , ut erat gratus , non memnisse solum , sed praedicare etiam solebat . ego ab illo maximum habebam beneficium , quod me , cum PhilelpHis , & Campanis nescio quibus (ut alijs parcam) misere errantem , in hanc recte scribendi uiam primus induxerat . Videbatur quibusdam natura seuerior ; sed erat lenissimus erga sui similes , hoc est erga bonos uiros ; ubi uitiata nosset , censor acerrimus . Distinguere homines non fortuna , sed moribus solebat . Loqui ad uoluntatem neque ipse poterat , neque ferre qui ad istam artem eruditus esset : totus erat apertus , & simplex . Satis scio fuisse , qui illum deprauatae religionis nomine in crimen uocauerint . quorum uitam si cum Bunelli uita comparares , Socratem diceres iniquorum conspiratione circumuentum . Coluit omnes uirtutes & philosopho dignas . & homine Christiano , sed continentiam praeter ceteras . hac uero ille triumphauit maxime , & triumphauit adolescens , cum ceteros uoluptas capit . quo mirandum est minus , si tantus postea uir ex tanto adolescente factus est . nam extremam uitae partem , quam , ut in fabula actum , decet esse perfectissimam , heroicam audio fuisse , & plane diuinam .

nam . Quare
Bunello nostri
tate dignissim
sinamus . que
ci . mi . summa
qui tantum p
dicabo . uiden
quin possis . m
les plurimum
cuius efficitur
bet ; quod cum
stri exentio g
stros amore et
glutinandos ,
in epistolarum
pra de laudib
quaedam er
et si tibi , no
fortuna , sed
nato , & , qu
maxime uel
hoc impetrat
non efficitur ,
tius me crede
se laudis , lau
contemnas : q
cuntur , ego , e
scis , uelle , &
tingit multis
ligere putant

nam. Quare incumbamus, o Vide, & hanc operam
 Bunello nostro nauemus, ut illius nomen, immortalitate dignissimum, exstingui mortali cum corpore non sinamus. quod equidem enitar; & hominis mihi amicissimi, summi uiri, memoriam (si modo is ego sum, qui tantum praestare possim) profecto ab interitu uindicabo. uideo te in tuis litteris idem uelle: nec dubito, quin possis. nam & Bunellum amas mortuum: & uales plurimum ingenio; quod etiam pietas excitabit. cuius officij societas eo gratior utrique nostrum esse debet; quod cum apud alios laudabilis maxime erit, illi stri exemplo gratiae referendae; tum ad animos nostros amore coniungendos, aeternaq. necessitudine conglutinandos, plus ualere nihil potest. Reliqua erant in epistola tua magnifica quaedam, & eleganter scripta de laudibus parentis mei; quae uerissima fateor; quaedam etiam de me ipso, quae non agnosco. nam, etsi tibi, nobilissimo adolescenti, multis non solum fortunae, sed etiam naturae, doctrinaeq. bonis ornato, & quod caput est, uirtutis amanti, placere maxime uelim: tamen, quia nemo adhuc a me hoc impetrauit, ut ea mihi adsciscerem, quae mea non essent, patere, obsecro te, de me ipso mihi potius me credere, quam tibi. quod si, cupidum esse laudis, laudem esse uis: isto me licet nomine non contemnas: quod ea, quae habent ij, qui laudabiles ducuntur, ego, eadem ut haberem, semper laboravi. sed scis, uelle, & perficere, non idem esse. alterum contingit multis, alterum dumtaxat ijs, quos dii diligere putantur. quorum ego te in numero, opti-

B 4 me

*me Vide , praestanti natura praeditum , Bunelli
praeceptis informatum , confido facile futurum .
Vale . Venetijs .*

MARCELLO . CERVINO

CARDINALI

Rotnam .

7

POSTEA quam Roma discessi , etsi tum mea
vetus in te observantia , tum tua in me perpetua be
nivolentia postulare uidebatur , ut ad te quam saepis
sime scriberem ; tamen id non feci : propterea quod om
ne otium , atque omnem etiam mentis tranquillita
tem molestiae in primis ademerunt occupationes : qua
rum me , cum primum huc reuerti , tantus aestus ab
sorbuisset , ut longo interuallo uix emergerim . nam pri
mum domesticas res ita male affectas offendi , ut eas
seruare , multi temporis , non exigui laboris , etiam
alicuius artis esset . deinde , cum illa , quam scis in
meis epistolis nutu tantum appellari , inimica natio
virtutis , ac diligentiae , quae etiam patri meo , uiro
optimo , (& adde si quid uis) negotium exhibuit , ad
me uexandum , atque opprimendum conspirasset : du
rius habui negotium , ut meas fortunas in tuto collo
carem . sed me , qui antea praesto mihi semper affuit
laboranti , idem in hoc potissimum discrimine egen
tem opis & consilij , nec mediocriter de toto rerum
me earum statu sollicitum , respexit , ac liberauit Deus .
itaq. omni plane molestia perfunctus esse mihi uideor .
quid quaeris ? aliqua etiam officij specie ab ijsdem obser
uamur : ac se satis apte simulationis , ut opinor , artificio
tuentur .

tuentur. accipere tamen quod datur, quocumq. animo
 detur, in scitiae nō est: nec hodierni mores, & ratio tem-
 porum secus postulat. Cetera sunt in meis rebus non
 plane cuiusmodi nos optabamus, sed cuiusmodi tamen
 multi non sperarunt: quibus haec, quae nunc agimus,
 amplissima uidentur esse, cum nos prae ijs, quae, nisi
 quis casus nostris consilijs occurrerit, agere aliquando
 cogitamus, tenuissima iudicemus. quam quidem ad
 rem quod tu omnia, quae in te sunt, liberalissime polli-
 ceris; quodq. Alexandrum etiam Farnesium, prae-
 stantem omni uirtute Cardinalem, in eandem ratio-
 nem propensum esse affirmas: equidem de te sic existi-
 mo; & multas esse res, in quibus iuuari a te pro tua
 summa tum dignitate, tum etiam fortuna possim; &
 in ijs rebus numquam omnino mihi tuam esse humani-
 tatem defuturam: Farnesium autem, diuinum adole-
 scentem, natum ad liberalitatem, & ad gloriam, non
 miror eo esse erga uirtutem animo, quo quia semper
 fuit auus eius, iccirco ad eum gradum, qui est in terris
 summus, & augustissimus, dijs hominibusq. uolenti-
 bus adscendit. ac sane ille cum domestico exemplo, tum
 multo etiam magis, egregia ipsius natura ad immorta-
 litatis laudem excitatus, saepe alias, quanti bonas ar-
 tes faceret, ostendit, sed proxime uel in primis, cum
 Hieronymum Ferrarium, iuuenem rarissimae uirtu-
 tis, sane quam pro eius meritis ornauit, atque au-
 xit. in quo, cum apud unum posuisse beneficium ui-
 deatur, a multis tamen gratiam iniuit. nam, cum
 uos, tales uiri, patrocinium litterarum suscipitis:
 quicumque bonis artibus delectantur, animo recrea-
 ti, ha-

ti, ueniunt in spem aliquando fore, ut, post diuturnos labores, & molestiarum quasi tempestates, in quieris & otij portum, uobis adspirantibus, deferantur. quos si in cursu studiorum instituto uestrae benignitatis aura deficiat; haerebunt, neque iam poterunt, quo intendebant, sine ope auxilioq. uestro peruenire. uerum huiusmodi dubitationem uestra iam consuetudo sustulit. magna enim optimae uoluntatis documenta saepissime dedistis, maiora etiam dare cogitatis; cum quidem, ut Antonius Bladus ad me detulit, pulcherrimam rem, & uobis dignissimam aggressi, omnes libros Graece scriptos, qui nunc in bibliotheca Palatina conditi asseruantur, praelo subiicere cogitetis; ut, multiplicatis exemplaribus, per orbem terrarum, in usum omnium gentium, omniumq. saeculorum, diuulgentur. cui se muneri Bladus a te esse praepositum aiebat: itaque uenisse ad nos, ut & eos typos, quibus atramento illitis charta imprimitur, constandos curaret, & si qua praeterea sunt ad opus necessaria, maturaret. sane sum laetatus plurimum; hominemq. sua sponte diligentissimum, tamen cohortari non desino, ut in ea re, quae ad commodum studiosorum, maxime uero ad tuam, ut ego sentio, gloriam spectat, operae ne parcat: ei q. dixi, ut ad omnia me & fratribus ueretur. neque minus prolixè, quae uerbis pollicitus sum, ubi ille petierit, re praestabo. nam & hominem diligo; & uero tua uoluntas maximi est apud me ponderis. In Romulo quidem tuo, quem initio sum complexus ut fratrem tuum, deinde amare coepi ut te fratre dignum, nihil praetermitto, quod aut in officio

ficio cohortam
 sis. sed ille, em
 core. credo. fau
 nel in maximis
 lectum, sed eti
 tur, ad illum si
 quo consilio Pa
 gentia consequa
 adhuc quidem,
 quae uolumus,
 firmitate eius a
 ut possit consiste

BERNAL

EPI

VBI re
 ratus sum na
 perhonorifica;
 terdotum est
 quia, de te ip
 se, cui ad ista
 facultas in op
 rant, quae ne
 & iniqua, t
 neminem hono
 re fingeres, a
 cessi, multis
 probatus; cui
 & optimo; q

ficio cohortandi, aut etiam in studio inuandi positum sit. sed ille, cui notissimae sunt occupationes meae, pudore, credo, facit, ut rarius ad me scribat: cum mihi, uel in maximis negotijs, ei uacare, non modo non molestum, sed etiam gratissimum sit. quod tu, si uidebitur, ad illum scribes: simulq. litteris admonebis, ut, quo consilio Patavium est profectus, id studio & diligentia consequatur. neque tamen hoc dico, quod eum, adhuc quidem, lapsum esse putem; de quo etiam ea, quae uolumus, & uidemus, & audimus; sed quod, infirmitatē eius aetatis cum recordor, interdum uereor, ut possit consistere. Vale. Venetijs. M.D. XXXIX

BERNARDINO. MAFAEIO

EPISCOPO. CREATO

Romam.

8

VBI te audiui Episcopum esse creatum, laetatus sum non tam ob ipsam rem, quae sane est perhonorifica; propterea quod Episcopatus & sacerdotium est, & maximum sacerdotium; quam quia, de te ipso cogitans, intelligebam te eum esse, cui ad istam honestandam dignitatem summa facultas in optima uoluntate non deesset. Tibi erunt, quae multis solent esse laboriosa, uirtus, & uigilantia, ex tua uetere consuetudine facillima. non enim honorem quasi legem bonitatis, ad quam te fingeres, accepisti; sed ad honorem bonus accessisti, multis antea, magnisque rebus Paulo III probatus; cui Pontifici? omnium sapientissimo, & optimo; qui & ipse Deo probatus est, & non probat

probat nisi sui similes . Gratulor igitur tibi , non ut gratulantur ij , qui fere , quibus fructibus auctus sis , unum cogitant , cetera magnopere non spectant ; sed ut ij , quibus dignitas , & religio prima sunt : quae tu coles maxime , & eris in Christi militia antesignanus . Grauem sane personam Episcopi sustinetis . uestrum est , errantes animos in uiam reducere . & reducit is uos quidem praeceptis diuinae doctrinae tradendis ; sed magna uis est in exemplo , cum ea , quae traditis , ipsi uita , & moribus exprimitis . quod tu praestabis utrumque omnium maxime ; qui & habes non doctrinam modo , uerum etiam eloquentiam . quarum altera imperitos erudias , altera languentes excites : & uiuis , ut homo , satis extra culpam . quod memini me multis abhinc annis in tua prima adolescentia miratum ; cum ea in te laudarem , quae tamen imitari uix poteram . quod fecisti adolescens , cum tua te singularis , optimaq. natura ad decus inuitaret , & quasi manu prehensum duceret ; nunc , aetate confirmata , cum ad uoluntatem accesserit ratio , dubitem , quin idem multo sis alacrius constantiusq. factururus ? dubitet , qui te ignorat : mihi , cui tua studia , tui sensus ex nostra familiaritate notissimi sunt , dubitare non licet . Quare , ut ad prima redeam , non eo solum nomine tibi gratulor , quod Episcopus es , in summa dignitate constitutus ; quod tibi scis esse commune cum multis ; sed quod is es , qui cum ista dignitate uirtutem aequare possis . quod quia uides quam non multi potuerint , eo magis tu , qui potes , hoc ipsum , quod potes , acceptum Deo referre debes , tantumq. mu-

nus

nis in te colla
quoniam est pr
ueris causam
flumare. V. ale.

GAB

EPISTO
praeleganti
Kar. Sept. dede
Oli. dies et a
lum. uenio in
dillima. illud
significas nabi
uatiendinem
soluere , ac per
prudenciam te
ille , grauior da
te aegrotante ,
loco mihi uenit
refte cum habe
nisi. illa , illa
quae tuae rure
Tu mihi non ex
rum pirolosophi
tem meam pra
nunc idem in t
two. nis , quae

nus in te collatum, illud quidem plurimi facere, sed, quoniam est proprij erga te amoris argumentum, muneris caussam multo, quam ipsum munus, pluris aestimare. Vale. Venetijs. Kal. Maij. ∞ DXLII

GABRIELI. CATIANO

Brixiam.

9

EPISTOLAS a te habeo duas: utramque scriptam elegantissime, sed illam pleniorē, quam XI. Kal. Sept. dederas: nam haec recentior, cui nonarum Oct. dies erat adscripta, argumentum habuit fere nullum. uenio igitur ad priorem: in qua cetera iucundissima, illud permolestum, quod te minus commodē significas ualere: scribis enim, ualde te ob aduersam uoletudinem uereri, ne non illud, quod instituisti, absoluerē, ac perpolire tibi liceat. Mi Catiane, excita prudentiam tuam; & occurre morbi principijs; ne ille, grauior deinde factus, & te, & amicos tuos, qui, te aegrotante, ualere non possunt, diutius uexet. Hoc loco mihi ueniunt in mentem, quae tu me olim, minus recte cum haberem, prudentissime, & amantissime monuisti. illa, illa ipse tibi nunc in memoriam redige; & quae tuae tunc partes erant, eas nunc fac esse meas. Tu mihi non ex Hippocrate, aut Galeno, sed ex ueterum philosophorum libris ea remedia, quibus ad salutem meam praestantius esse nihil potuit, attulisti: ego nunc idem in te facio: tuamque tibi medicinam restituo. uis, quae meum morbum, te medente, sanarunt,

ea tuo

ea tuo ipse in morbo praetermittere? non uis, opinor. non enim id te dignum est: qui ea saepe legisti, unde homines alijs cauere cum discant, sibi eos non cauere turpe est. quare adhibe eam, quam ad omnes res soles, ad te curandum diligentiam: & quod oneris suscepisse te scribis, id si grauius uidetur, quam ut perferre possis, depone prius, quam opprimare. magnum est, quod moliris, & magni non solum ingenij, quo tu non egres, sed etiam otij: quo nisi abundas, quo modo te speras ea, quae in iure ciuili dispersa sunt, quae scis esse minime pauca, primum posse cogere, deinde coacta ita disponere, ut ex certis generibus totum ius ciuile cognoscatur? atque ego tamen sic existimo: si quis est, qui hoc praestare possit, aut eum te esse, aut omnino neminem: sed, quoniam res, & fortunae tuae, quemadmodum tu quidem affirmas, ita ferunt, ut in forum tibi necessario sit eundum; quae ratio, si modo & tibi, & populo placere uelis, multi temporis exercitationem desiderat; haec autem, quae a te est iuris ciuilis instituta digestio, eiusmodi est, ut nihil operosius existimetur: uereor, ne, duarum rerum difficillimarum tractatione distractus, utramque dum uis, neutram assequare. quamobrem, quid suscipias, tui consilij est: ego monendi partes, quae sunt prudentiae, non assumo: neque enim plus ulla in re me existimo uidere, quam tu uides: id, quod est beneuolentiae meae, faciam, ut magnopere te non solum horter, uerum etiam rogem, ualetudini tuae minus, quam gloriae, ne seruias: quae quidem nobis, qui te summe diligimus, tantae curae est, ut plurimas nostrae salutis partes

in

in tua salute
bro, ualde te
mittas, non
Quae scis a
iam paene ab
mus. fratres
si non optime
quod si perper
contentus ero
r. non appeto
ueniet in men
cilo: gratias
paene horis, a
biratio sit, &
te ad uirtute
multis: si m
tur: colim
opinionem add
di hominis, n
tefero, facili
ciam; ne tot
Venetus.

FR

St. NE
ri nostro trib
rioribus me
tuas littera
re; & nunc

in tua salute positas existimemus . De Alciati li-
bro, ualde te amo: sed, eum, hoc quidem tempore, cur
mittas, non est . sunt quaedam, quae magis urgent .
Quae scis a nobis anno proximo superiore instituta,
iam paene absoluimus . Domestica fere sunt ut uolu-
mus . fratres ualent optime, ego sicut soleo, hoc est, et-
si non optime, sic tamen, ut studijs nostris frui liceat .
quod si perpetuo detur, equidem hac mea tenuitate
contentus ero; illam firmitatem, illa athletarum late-
ra non appeto: neque mihi umquam de natura queri
ueniet in mentem, quae me corpusculo finxerit imbe-
cillo: gratias agam potius, quod effecerit, ut omnibus
paene horis, aduersae ualetudinis metu, spectanda mi-
hi ratio sit, & continentiam, quae uirtus est, aut cer-
te ad uirtutem ducit, cogar amplecti . Amamur a
multis: si modo ex uultu, & uerbis amor intelli-
gitur: colimur etiam a nonnullis, qui, falsa de nobis
opinionem adducti, nostram consuetudinem, quasi do-
cti hominis, uidentur expetere, quibus ego si me pa-
tesfecero, facile hunc errorem eripiam, & puto, fa-
ciam; ne totos dies salutatoribus tribuam . Vale.
Venetijs. ∞ DXLIII

FRANCISCO. LVISINO

Patauium.

IO

SI. NESCI, Luifine, quantum ego amo-
ri nostro tribuam; cognosce ex hoc, quod & supe-
rioribus mensibus licere mihi per eum putavi ad
tuas litteras, humanissime scriptas, nihil responde-
re; & nunc, eodem fretus, etiam male respondeo.

Non

Non est hoc, inquis, officium colere. Quasi iam probaueris, quia non coluerim, ideo me turpem esse. non placet ita duris legibus amicitiam adstringi, ut numquam relaxentur. summam diligentiam maximis in rebus si ab amico requiris, iure facis: sed, si etiam in minimis, non aequus es. est enim profecto quaedam suauitas in negligentia: quam qui ex amicitia tollit, horridior est, quam ut urbani mores ferre possint. quare, si amabilis esse uis, (quamquam quis te uno amabilior est?) uerumtamen, si id tibi propositum est, ut omnibus in rebus aequae amabilis, aequae iucundus sis: permitte mihi, ut liceat aliquando tecum esse negligenti. Nam, quod ad tuas litteras attinet, ita iudico, scriptas esse non solum eleganter, in quo tamen non minima laus est, sed etiam sapienter; quod quia solet ab aetate tua longius abesse, non solum laude, sed etiam admiratione dignum est. uitium hoc in plerisque adolescentibus, atque etiam in robustioribus quibusdam fama celebratis animaduerto, ut inania colligant, & eloquentiam non, ut ueteres illi, in sententijs, & uerbis a communi consuetudine alienis, sed in quibusdam uulgaribus, ac paene puerilibus ineptijs constituent. Quocirca non ego te, Luifine, hortabor, ut ex ista imperite scribentium turba te eximas: sed gratulabor potius, quod ita effeciisti, ut hortationi locum non reliqueris. hoc cum adolescens adhuc, & paene imberbis, nondum ea prudentia, quae extrinsecus assumitur, propter aetatem copiose instructus, naturali quadam ingenij facultate, & assidua Ciceronis lectione sis consecutus: cum illa accesserint

Ari-

Aristotelica
rerum, qui
qualem te
ra blandus;
re: potius
quod dictum
ro. si quond
tquam illam
deantur in
bus praefata
nibus, Cali
Calium, pu
nem Alcyon
Corneli, f
tium iam an
affirmanti:
laudabilia
aut esse iam
Amatibo an
nor, ut signifi
tem indicem
constituit. qu
tiam tres opti
corum studio,
quod si me et
amore fertis:
quae forma
barbarie uita
posibac, ut
tuebimur. p

Quasi Aristotelica, in quibus nunc totus es; usumq.
rerum, qui in adolescentem non cadit, percallueris,
qualem te uirum futurum putemus? non sum natu-
ra blandus; neque seculo cuiusquam auribus inserui-
re: potius offendi quam sciam libertas mea. itaque,
quod dicturus sum, gratiae carissima dictum ne puta-
to. si quando acciderit, ut interroger de ijs, qui an-
tiquam illam perfecte scribendi laudem posse nobis ui-
deantur iam paene antiquam resistere, seculo te duo-
bus praestantissimis adolescentibus, meis familia-
rissimis, Calino, & Amaltheo, tertium inferere.
Calinum, puto, non nesci: qui clarissimum inue-
nem Alcysium Cornelium singularis uiri, Ioannis
Cornelij, filium, in Cypro in insulam securus, ter-
tium iam annum abest. sed tibi hoc uelim credas
affirmanti: ea bona, quae magister tuus Aristoteles
laudabilia esse dicit, omnia fere in illo adolescente
aut esse iam, aut breui, ut ego auguror, futura. De
Amaltheo autem quid sentiam, non expectas opi-
nor, ut significem, neque ut ego tibi eum quasi laten-
tem indicem, quem in illustri quadam specula uirtus
constituit. quare coniunge te cum his, & eloquen-
tiam tres optimi adolescentes, aetate fere pares, con-
cordi studio, sicuti pulcherrimam uirginem, diligite.
quod si me etiam socium recipitis, & riualem in hoc
amore fertis: erit praeclara consensio; & Latinae lin-
guae formam, quam, superioribus temporibus turpi
barbarie uitiatam, nunc agnoscere uix possumus,
posthac, ut opinio mea fert, intactam, illibatamq.
tuebimur. Vale. Venetijs. ∞ DXLVII

C PAVLLO

PAVLLO . CONTARENO

Venetias.

II

CUM Venetijs proxime discessi, ut in hanc solitudinem ex ista frequentia me conferrem; magna sane laetitia perfuebar; & quoad ea, quae homini carissima sunt in uita, uxorem, ac liberos meos redibam; & quod mihi, otium ad studia, amoenitatem ad ualitudinem quaerenti, hunc esse praeter ceteros locum expetendum atque adamandum intelligebam. sed, ut in rebus humanis nihil est simplex, in summa uoluptate molestiae tamen hoc erat, quod ita fortuna talis ferret, ut, quo tempore tibi per anniuersarias Patauini gymnasij ferias Venetijs esse, & commorari liceret, tum ego a te disiungerer, magnamque manendi cupiditatem maxima discedendi necessitas uinceret. nec uero mihi dubium est, quin cum meo sensu tuus quoque sensus congruat, & quae me cura torquet, eadem te pungat. uinci enim in officio, atque amore, quam sit turpe, si te non mea uox aliquando docuisset, ipsi te libri, unde hauris illa praeclara, quibus ad laudem informamur, penitus erudirent. quod si, ut una simus, & tu, ut opinor, sperabas, & ego certe cupiebam, per interualla locorum non licet: at, quod proximum est, ut una esse uideamur, non uideo, cur praestare litteris, & consequi non liceat. nam si propterea, simul esse, iucundum est, quia mutuo sermone fruimur: in litteris non ego quidem tuam uocem audio, neque tu meam; sed, quae uoci subest res, eam nihilo minus, quam una cum sumus, percipimus, hoc
etiam

NO

11

in hanc se

; magna

homini ca

ne os redim

ratem ad u

ceteros ion

ebam. sed,

summa non

a fortunam

trias Patan

morari uer

anendi cup

ceret. nec u

us quoque e

uer, eadem

nore, quan

cuisset. ip

ad laudem

ut una sim

te cupieba

ad proxima

praeferre

propterea

ermone fr

iocem au

res, eam

ipimus, i

etiam

etiam maiore cum fructu, quod aliquanto scribimus accuratius, quam loquimur. quare uelim ad scribendum te des: & cum me tuae consuetudinis usura, ob ingenij tui suauitatem, & sermonis elegantiam, mirifice capiat; haec, quae in te amo, quae nunc abesse doleo, fac, si me diligis, ne omnino desiderem. debes hoc mea caussa non nolle, tua uero maxime cupere. nam, cum te aliquot abhinc annis in rectam illam antiquae eloquentiae uiam dederis, patris tui, uiri optimi, ac sapientissimi, uocibus, consilijsq. commotus, patruum uero, clarissimi, ac praestantissimi ciuis, exemplo incitatus: turpe tibi est, in mediocri laude consistere; & ad summam peruenire, sine stylo, assiduaq. exercitatione, non licet. quid enim ille noster, cuius tu libros numquam de manibus deponis, quid aiebat? timere se, nisi frequenter declamaret, ne, quod adeptus erat in arte oratoria facultatis, exaresceret. Attende, mi Paulle, & tuam caussam, a qua mea disiuncta non est, si placet, mecum considera. Ille sibi, homo Romanus, Latinae orationis inopiam metuebat; cum tamen omnibus in hoc genere diuitijs abundaret: nos, quibus Latina lingua peregrina est, qui in optima scribendi aut dicendi ratione rudes, & infantes paene sumus, de summa eloquentia sine summo studio cogitabimus? & unam omnium difficillimam rem, eandemq. omnium gloriosissimam, ludibundi consequemur? Vides me ipsum, qui quid sim, ego quidem non statuo; sed sunt, quibus non esse nihil uidear; nullum paene diem intermittere, quin aliquid Latine scribam? cum tamen, ex quo lapidem hunc uoluo, annus iam uigessimus

C 2

abierit.

abierit . Est adolescens in uestra nobilitate , tibi non ignotus , mihi admodum familiaris : quem , excellenti praeditum ingenio , gloriae cupiditate flagrantem , nisi a Romanae eloquentiae laude ad huius maternae linguae studium falsa quaedam opinio traduxisset , erat cur de illo sperarem ea , quae summa sunt . tantam enim operam in scribendo ponit , quantam tu uidelicet in legendo . sed neque illi in summa industria iudicij satis est , qui de Latinae linguae dignitate non optime sentire uidetur : neque tibi , rectissime iudicanti , ad id ipsum quod probas obtinendum suppetit industria . quare uellem , ut & tu illum in diligentia , & ille te in sententia . quod utrumque si contingeret ; nae ego uestrae utriusque laudi praeclare consultum putarem . Sed ille de suo consilio uiderit . iccirco enim se non existimat errare , quia , quos sequatur , auctores habet eos uiros , qui , quod optimum esse dicunt , in eo facile omnibus hominibus antecellunt . Te uero , qui mecum in iisdem aedibus per triennium fere uixisti ; qui , quidquid es , de meorum consiliorum praeceptorumq. fonte fluxisti ; cuius a laude mea laus quodam modo pendet ; te , inquam , mi Paulle , quantum in me erit , errare non patiar ; teque , coactus amore , & officijs tuis , hortari numquam desinam , ut in ueram ac sinceram eloquentiae formam , cuius ego tibi excellentem pulchritudinem , duorum ueterum oratorum exemplo , saepe demonstraui , tuae mentis oculos acriter intendas ; eamq. tibi a me ueris , ut arbitror , lineis designatam , tu aliquando tuis scriptis , quasi coloribus , coneris exprimere . Graue , in-
quies,

quies, onus imponis, & difficilem mihi laborem mandas. Fateor ita esse: addo etiam illud, non esse nobis optandum, ut aliter sit. nam, cum omnium hominum in appetenda laude par prope uoluntas, similisq. sensus sit: quod omnes appetunt, id si esset eiusmodi, ut consequi multi possent; quanti, obsecro, aestimares? opinor, minimi. copiam enim uilitas, & uilitatem sequitur contemptus. quare non tibi est dolendum, quod de sudoribus manat gloria. laetare potius, quod, cum eam omnes amabilem esse, ualdeq. expetendam sentiant, plerosq. tamen laboris magnitudo terret, & aemulandi studium rei difficultas imminuit. Est autem tibi ad hanc laudem, quo te uoco, aditus eo faciliior, atque apertior, quod, quae duo sunt ad comparandam eloquentiam instrumenta maxime necessaria, ingenium, & memoria, utrumq. sic tenes, ut in altero excellas, in altera ijs, qui excellere putantur, non admodum concedas. haec tu bona si languere sinis; gratiam naturae non optimam refers; quae non in te benigna fuit, ut suum beneficium negligeres, sed ut ad decus, ad dignitatem, ad immortalem, aeternamq. laudem conferres. Neque uero is ego sum, qui te uelim eloquentiam a philosophia seiungere, totosq. dies in hoc uno expoliendae orationis studio consumere. erras, si me ita sentire putas. ego philosophiam diuinum quiddam esse dico, indicem ueritatis, magistram uitae, omnium uirtutum, omniumq. laudandarum artium parentem. sed idem ita statuo; si, qui optime sciat, non optime loquatur, plerumq. fieri, ut id ipsum, quod sciat, nescire uideatur; & ut in conuiujs non pa-

rum interest, qua epulae ratione condiantur, sic in sermonibus, aut scriptis, magni refert, quibus animi cogitata uerbis enuncientur. quod si cui ita stupidus aut ita deprauatus est sensus, ut ornatae, & bene structae orationis suauitatem, & tamquam harmoniam auribus non percipiat: hunc tu, si sapis, neque consules in re tua; quia, recte qui non intelligit, is ut recte iudicet, sperare non licet: neque ipsum monebis; quia, quibus desunt principia naturae, ijs inutilem artem esse constat. tu, si me audies, musarum uocem ab rusticano sono distingues; & ut inanem multorum loquacitatem oderis, sic elinguem quorundam sapientiam non amabis. qua in sententia uideo fuisse, quos uiros? Platonem, & Xenophontem: quibus ego plus crederem solis nutu significantibus, quam omnibus, qui nunc ubique sunt, philosophis cum iureiurando confirmantibus. non ne uides magnum utrumque & excellentem in philosophia fuisse, utrumque tamen in hac, quam homines inepti reprehendunt, exornandae orationis facultate ita praestitisse, ut, eorum scripta cum legimus, nihil omnino purius, nihil elegantius, nihil illustrius fieri posse iudicemus? a qua laude plurimum absuissent, nisi temporis industriaeq. multum in eloquentiae studio collocassent. neque uero eloquentiae studuissent, nisi ex ea decoris ornamentiq. plurimum ad philosophiam accedere, tamquam ad formosam uirginem a corporis cultu, iudicassent. Hos igitur ego te imitari malo, quorum nomina adhuc uigent, cum ipsi duobus abhinc annorum millibus obierint, quam istos, si qui sunt, qui te infirmis rationibus

tionibus a pa
Perge, ut fa
Parauit artifi
nam: eloquen
me ducem non
nim & debes,
ta, si, quod m
te, & cum ra
tum, & pa
& communes
be Sac. ca

CHRISTO
C

AVDIO
risce. praecla
ab eo Principe
xerit, ut in a
semper antea,
quam uia sem
tuis praestanti
stanti sermone
neque uero, si
tem, aut dign
rum haec sunt,
illa, quae rna
Christophorum
studio singula

tionibus a pulcherrimo consilio conantur abducere. Perge, ut facis, in disciplina philosophiae, in qua Patauij artificem habes eximium M. Antonium Genuam: eloquentiam uero, cuius, ut opinor, in uia me ducem non contemnis, ne dimitte. utrumque enim & debes, si tibi magna proposita sunt; & potes, si, quod me saepe dixisse memini, diei horas apte, & cum ratione distribues. Vale, & patrem tuum, & patrum, quos ego plurimi sane facio, & communes amicos meo nomine saluta. Ex Plebe Sacij. ∞ D LVI

CHRISTOPHORO. MADRVTIO

CARDINALI

Mediolanum.

12

AUDIO te de nobis & loqui, & sentire perhonorifice. praeclarum hoc est, laudari a Principe uiro, & ab eo Principe, qui cum fortuna uirtutem ita coniunxerit, ut in utraque pariter emineat. atque ego te semper antea, cum numquam essem allocutus, numquam uidissem, tamen uehementer colui. mouebar tuis praestantissimis actionibus, hominumque constanti sermone, omnia de te summa praedicantium. neque uero, si quis in te laudaret opes, aut nobilitatem, aut dignitatem, admirabar. communia multorum haec sunt, optabilia potius, quam laudabilia. sed illa, quae tua proprie sunt, cum audirem; unum esse Christophorum Madrutium, qui uirtutem ipse coleret studio singulari, in alijs ornaret praemijs amplissimis.

C 4

mis.

mis, omnesq. liberales disciplinas (fato quodam, temporum dicam, an hominum iniurijs? exfulantes) exciperet, amplecteretur, foueret; qui denique solidam gloriam spectaret, inania, quae multi sequuntur, contemneret: haec ego cum audirem, incitabar studio meae tibi singularis erga te obseruantiae declarandae: sed obstrepere litteris inanibus tali uiro, praeclaras Italiae urbes, multorumq. populorum fortunas non potestate magis, quam iustitia, tuenti, hominis esse uel inepti nimis, uel impudenter ambitiosi existimabam. nunc autem, cum ad me sermones tui, mea cum laude habiti, referantur; occasionem cupide completor, quam mihi tua liberalitas offert: tibiq. gratias, quas possum quidem, ago, habeo autem certe maximas, atque immortales; tum quod ornes me testimonio iudicij tui, quod apud omnes ualere plurimum intelligo: tum uero, quod isto officio, ista tam praestanti humanitate quasi fores mihi aperueris ad amicitiam tuam. qua quidem ego me, si minus alia re licebit, perpetuo certe, ac singulari erga te studio, assiduaq. tuarum uirtutum praedicatione, dignum praestabo. quod cum antea fecerim, iudicio meo commotus; faciam tamen in posterum alacrius, ac diligentius tua humanitate incitatus, quam semper eandem in me futuram, non magis constantiae ratio, quam naturae tuae benignitas, mihi persuadet. Vale. Venerijs. ∞ DLVII

ROMV.

ROMULO. CERVINO

Patauium.

13

QVOD tu persaepe queri solitus es, id mihi nunc accidit, ut epistolae prorsus caream argumento: sed ego tamen non committam, quod tu soles, ut argumenti me inopia deterreat a scribendo. quin uide, quam diuersa ratio sit. tu, cum sententiam non habes, ualde tibi ais laboriosum esse epistolam texere: ego numquam facilius soleo scribere, quam cum nihil habeo, quod scribam. At, inanes huiusmodi litterae sint, necesse est. Primum, hoc non semper. quindoque enim accidit, ut, nihil dicentes, aliquid tamen dicamus. &, ut in fidibus est quaedam manus aberratio sine arte, in qua tamen ipsa ars sit: sic in epistolis argumentum quandoque est sine argumento. itaque, non semper inanes huiusmodi litterae: siquidem in ijs solet aliquid nonnumquam existere, quod pondus habeat. sed fac inanes esse: quid refert? non hoc spectamus, id sequimur, ut, exercitatione duce, eo perueniamus aliquando, ubi sita laus uideatur eloquentiae? quod si nobis tantum in hoc proficere non licet, ut ueteribus illis, quorum est purissima oratio, similes esse possimus: at tentemus tamen, si possumus nostris, qui inquinato loquuntur, dissimiles esse. quod, ut opinor, & multum, & saepe scribendo consequemur. Ac noli putare, semper in eo nobis esse elaborandum, ut philosophemur in epistolis. graues sententiae probantur: fateor: sed numquid hoc uno Latina lingua

conti-

continetur? me quidem Cicero noster paullo minus interdum delectat, de iocis cum agit, quam de turpi, & honesto cum disputat. utrobique enim sunt ornamenta: & utrumq. saepe necessarium est. itaq. ad utrumq. me do: teque, ut idem facias, etiam atque etiam hortor. cumq. res non erit, de qua scribas; tum tu, si me audis, uel leuissima quaeque ex omni parte, ex omni genere arripies, & ijs pro argumento utere. hoc autem quatenus agas, aut cum quibus agas, tibi non praescribo: cuius tanta prudentia est, quantam aetas ista, qua nunc es, capere uix potest. Summa sit, ut & cum argumento, & sine argumento saepissime scribas. Vale. Romae.

FRANCISCO. GONZAGAE

Patauium.

14

ODI paene meos oculos: et si oculi sunt, id est omnium rerum carissimi: sed odi certe peius, quam antea, hunc morbum, quo mihi nunc tuus adspectus, tuus complexus eripitur. aduolarem enim ad te, si ualerem: nihil me moraretur: nihil esset tanti. an cum tu, magni Principis filius, familia natus Italicarum omnium nobilissima, nec iam a maioribus tantum, sed a te ipso clarus, Mantua me, humilis hominem loci, nondum de facie notum, litteris humanissimis tua sponte salutandum putaueris; ego, cum Patauij, hoc est prope in conspectu meo, sis, non accurram ad te? facerem: sed soluta uoluntas non est: impeditur enim consuetudine. solatio tamen hoc, in magno dolore, sustentor,

tentor, quod
lescam. con
rim cura, m
adibo ad te,
inter nos m
tia est. eam p
consuetudine
te, largire hoc
tuituae, ut e
meis quam po
Miro ad te li
xime rogari
hoc tamen, si
ribus mea can
bati tuo iudic
pere, rogare
patrem iudi
ipiam pende
enim is ego
quam ueritati
concedas. Per
libus non imp
lurem, rarissim
Veneris.

ANT

GRAT
qui te in eam
me scriberes.

tentor, quod futurum breui non despero, ut conualescam. concurrunt simul, anni tempus, assidua medicorum cura, mea summa continentia. haec si proficient; adibo ad te, nulla interposita mora. opto enim, quae inter nos mutuo litterarum officio conglutinata amicitia est, eam paullo artius mutuis sermonibus, mutua consuetudine adstringi. sin haerebit morbus: obsecro te, largire hoc uel meae in te obseruantiae, uel humanitati tuae, ut omnino tuis litteris ne caream: quas ego meis quam potero creberrimis dabo operā ut eliciam. Mitto ad te librum meum de Romanis legibus, proxime rogatu multorum editum. cupio, legas, cum hoc tamen, si uacat. nam, auocari te a studijs grauioribus mea causa, nolo. cupio etiam, cum legeris, probari tuo iudicio nostram industriam. sed hoc me cupere, rogare ne puta. uolo tibi esse liberam in utramque partem iudicandi facultatem. nihil mihi tribue: rem ipsam pende suo merito, ac statue de tuo sensu. nec enim is ego sum, qui plus amicitiae dari postulem, quam ueritati; nec tu is es, qui, si postulem, facile concedas. Pergam ad reliqua, haec si tibi, tuique similibus non improbari cognouero. Vale. Posseuino salutem, rarissimo iuueni, cuius heri epistolae respondi. Venerijs.

ANTONIO. POSSEVINO

Patauium.

15

GRATVS, & iucundus admodum amor is, qui te in eam mentem impulit, ut officij gratia ad me scriberes. quid enim aliud existimeu? cum argu-
mentum

mentum res quidem ipsa tibi nullum daret. ingenium uero mirifice tuum amari, amplexatusque, quantum licuit, animo sum, quod raptim, & ut ad hominem familiarem, familiariter cum scriberes, epistolam tamen confeceris elegantissimam, distinctam luminibus eloquentiae, in qua non fucatus, sed uerus, ac tamquam naturalis Romanae linguae color eniteat. Maeste, Possenine, fratre iam maior, iuene eximio: urge totus in studio litterarum. uides, quae te manent praemia. gloriam habes proximam, eamq. pae-ne manibus attingis. paullulum si te incitaueris, apprehendes. non mehercule, quia nolis, dico: sed, ut intelligas quantum cupiam, propterea dicendum putauim. faueo enim omnibus, qui recte sentiunt, recteq. faciunt: in te uero mea praecipua & est uoluntas, & esse debet. scis, quintum abhinc annum, Romae, cum te frater tuus adolescentulum adduxit ad me, quibus uerbis commendauerit, amicitia iunxerit, & ueluti in clientelam tradiderit. ex eo tempore, quoties adisti ad me, quos tecum habuerim sermones, quam studiose, quam amanter ad illa praeclara, quae frater tuus amabat, sim cohortatus, potes recordari. dixi saepe, non esse tibi de fortunae bonis cogitandum: quae uel improbi malis artibus quaererent, uel bonis uiris recte quaesita facile casus eriperet. ostendi, uere & esse, & appellari diuitem posse, qui liberalium doctrinarum scientiam possideret. non neglexisti: contulisti cogitationes omnes tuas ad studium uerae laudis, & in eo nunc apud Franciscum Gonzagam, nobilissimum, ac uirtutis amore incensum adolescentem, ita

ita uersaris, i
re gratulor ep
riabitur sum
tus uideris, q
nio, acerrima
Nec uero, qui
aut ad ullam
fudat expecta
cilemter. uiri
premiis: ea t
ris, opes imper
fecem, Possen
statis: me mi
men eam a ma
is curis, quae
Deus a iuuen
quae sola sum
tem animis a
ne separant, i
Vale. Venerij

HIERO

BREVI
nia. primu
quid gratius
pignatibus
raile est: ab
na comparat

ita uersaris, ut propemodum uidearis excellere. Quare gratulor equidem fratris tui manibus; quos laetari arbitror summopere, quia talis es, & quia fore tantus uideris, quanta potest esse uirtus maximo ingenio, acerrima uoluntate, summo studio comparata. Nec uero, quod epistola tua significat, mea tibi sunt aut ad ullam fortunæ accessionem, aut ad dignitatem studia exspectanda. a te ipso, mihi crede, omnia proficiuntur. uirtutem si habes, nihil desidera. ea pro te prensabit: ea tibi omnes honores, omnes, quas petieris, opes impetrabit. o praeclaram uitae ducem. te felicem, Possenine, qui cum hac uiuis, & uiuendum statuis: me miserum, qui, cum idem sentiam, cogor tamen eam a me disiungere, uictus grauitate morbi, & ijs curis, quae inuitum alio traducunt. quod si me Deus aliquando respexerit; acquiescam in ijs studijs, quae sola sunt ad naturam meam, sola tranquillitatem animis afferunt, hominemq. paulatim ab homine separant, & quantum licet, cum Deo coniungunt. Vale. Venetijs.

HIERONYMO . LIPPOMANO

Venetias.

16

BREVIS epistola tua, sed habet multa sua uia. primum significas amorem in me tuum, quod quid gratius? nam, amari a nobili adolescente, propinquitatibus, amicitijs, opibus florentissimo, optabile est: ab eo uero adolescente, cuius ad animi bona comparanda mens omnis, & cogitatio dirigatur; qui

qui scientiam litterarum ita expetat, ut inani tamen ambitione prorsus uacet, nihil ad se ipsum, ad summum Deum omnia referat; hoc uero eiusmodi est, quod qui assequitur, triumphat. itaque ego uehementer mihi gratulor de amicitia tua: quam cupio esse perpetuam: & ut sit, omni equidem studio, omniq. erga te obseruantia laborabo. Quod uero ais nescio quid de beneficio in te meo: mi Hieronyme, noli tantum largiri modestiae tuae, ut uocabulis parum proprijs, nec satis cum re congruentibus, ut are. quod enim tu beneficium appellas, ego uerius officium, & officium eiusmodi, quod praetermitti a me sine graui culpa uix posset. rogabas, ut consulerem studijs tuis: impetrasti facile, & curauim libentissime. quod enim tribuere unitibi uidebar, id non tam tibi tribuebam, quam litteris, quam uirtuti, quam consuetudini, & naturae meae. amplector tamen istam humanitatem: quae tibi non modo beneuolentiam conciliat, uerum etiam laudem parit. nam, ut extenuare, ac dissimulare, quae acceperis, beneficia, ieiuni animi est, & perangusti, ac sordidi: sic, ea uerbis augere, palamque profiteri, excelsi, atque ampla spectantis hominis est; & ad liberalitatem, idest ad decus, & ad gloriam, nati. coniunge, quae so, istam mentem, atque istam sententiam cum doctrina, & cum ijs studijs, ad quae te uocat illustre domesticum exemplum Veronen-
sis Episcopi, patris tui: quem uides auersum penitus a studijs rerum humanarum, eaq. contemnentem, quae ceteri admirantur, totum esse in una uirtute defixum, & diuinam consuetudinem, quatenus homini liceat,

liceat, imita-
fuis, ac sam
magna ex par
cen. si sequer
erabis in hoc
ei inuenerunt
non etiam mi
que ego, quan
guere te pra
interis, digne
nunc me cupi
coram tui sim
meae morbas
bus, modo sp
ne uideretur
pere, cum q
se sibi necessi
ut animata
dolendum, f
timamors op
felicitatis loc
exemplis. qu
fuit: Haec qu
leuiter incom
tenimis acer
ipso, ut scis
ris etiam ma
ram. non lica
dem, opido
nae partem

liceat, imitari. itaque nunc eius sapientissimis con-
 silijs, ac sanctissimis institutis, eximiaq. doctrina,
 magna ex parte Romana nititur Ecclesia. hunc tu du-
 cem si sequeris, & in eius uestigio pedem pones: non
 errabis in hoc dubio uitae cursu, non laberis in lubri-
 ca iuuentutis uia. quod te facere iam, laetor; factu-
 rum etiam multo in posterum diligentius, confido. at-
 que ego, quando mihi licere apud te tantum uis, lan-
 guere te praeclaris in studijs non patiar. hortabor
 litteris, dum abero: praesens sermonibus excitabo.
 nunc me cupidum urbis, tuique maxime, ac pau-
 corum tui similibus, tenet tamen in his locis uxoris
 meae morbus: de qua iactor uarie, tamquam flucti-
 bus, modo spe, modo metu. in una tantum cogitatio-
 ne uidetur animus consistere, & quietem aliquam ca-
 pere, cum quasi secum loquitur, & commemorat ip-
 se sibi necessitatem illam rebus omnibus impendentem,
 ut animata intereant, creata dissoluantur. At est
 dolendum, si quem uiribus aetateq. florentem imma-
 tura mors oppressit. Ita, si mortem in malis, uitam
 felicitatis loco statuas. quod qui existimat, refellitur
 exemplis. quam multis enim, diu uiuere, miserrimum
 fuit? Haec quam diu cogito, uideor acquiescere; satisq.
 leuiter incommodi mei grauitatem sustineo. sed cer-
 te nimis acerbe fortuna mecum egit, quae me, de me
 ipso, ut scis, ac de mea ualetudine sollicitum, alie-
 nis etiam malis implicauerit. Benacum petere statue-
 ram. non licuit, neque forsitan licebit: Asulae qui-
 dem, opido satis eleganti, ubi magnam pueritiae
 h. eae partem traduxeram, omnes mihi iucunditates,

omnia

omnia gaudia tum in fratris conuictu, tum in ueterum
amicorum consuetudine fixeram. cecidi contra. fra-
ter enim aegrotauit diu, neque dum firmus est: amicis
autem qui possum frui, cum uxorem, multarum die-
rum morbo conflictatam, nunc incerta uitae spe ani-
mam trahentem, in oculis habeam? De me ipsa, ac de
meo reditu, noli expectare dum scribam. uides me
alienis miserijs esse miserum: meam non esse liberam,
aut solutam uoluntatem, intelligis: nisi si meos dese-
rere, idest ab omni prorsus humanitate uelim desci-
scere: quod profecto numquam committam. quod si
nostrorum animorum sensus, & nostra consilia Deo
patent, ut certe patent: amat, opinor, pietatem
meam; eaque, non dubito, quin mihi uel opem ab eo
celeriter impetret, uel hoc saltem, ut, quidquid eue-
nerit, moderate feram. profecto enim ex uno illo fon-
te omnis nostra fortitudo manat, omnisq. sapientia.
alioqui facile frangimur, & facile aberramus a uero,
insidiosus uoluptatum illecebris abducti, & rerum
mutabilium fallacissima specie decepti. quae tu, ac
multo plura, cum audieris saepe de patruo tuo, qui-
cum ab ineunte pueritia in ijsdem aedibus, atq. in eo-
dem paene cubiculo uixisti: si quid huius generis mihi
nunc, multis difficultatibus ac molestijs circumuen-
to, litteris imperties; habebo a te munus aptissimum
meo tempori, dignum amicitia nostra, dignum ue-
ro maxime ea persona, quam tu sustines; qui te sa-
cris addixisti, semper ut bene ageres, aut bene cogi-
tares. Vale; & ad Episcopum Veronae designatum,
quem uidi numquam, de fama tamen cognitum stu-
diosè

diose colo, obsecro te, cum scribes, meo nomine salutem plurimam. *Asulae.* ∞ D LVI

E I D E M, Venetias.

17

N V M Q V A M putavi fore, ut iniuriam acciperem in beneficio, praesertim a te, cuius in fronte, oculis, uultu habitare uidetur humanitas. benigne mecum, & liberaliter agere, quod est proprium familiae tuae, magnopere te decuit: idq. adeo postulabat amicitia nostra: callide uero agere, & ficta ueritatis imagine fucum facere, neque te dignum fuit, ad praeclara laudandarum rerum studia ex nobilissima familia nato, neque uero me, tui studiosissimo, de tua bonitate, tuisq. moribus egregie non modo sentiente, uerum etiam praedicante. astutiae praestantibus uiris numquam placuere. apertam, simplicem, rectam in omni uita consuetudinem sequuntur. quo ego te in numero quia credidi esse, & quia, ut esses, curare non mediocriter debuisti; ideo sum in fraudem facillime inductus, & illo tuo figmento, quo nihil umquam gustavi suauius, abstinui perinuitus. meae tamen inscitiae eo me pudet minus, quia sequitur amorem credulitas, & ita uitium laude corrigitur. noli igitur me, quasi rudem quendam, & prorsus earum epularum, quae nouo quodam artificio condiuntur, imperitum, contemnere. poenarum satis in ipsa re tuli: quam reieci quasi noxiam; cum esset eius generis, ut me docuit heri uesperis Sebastianus noster, unde simul possem & alimentum capere, uoletudini meae uehementer ap-
ium, & palatum oblectare, quantum antea fortasse

D

num-

numquam. restitue nobis tuam fidem. liceat mihi
meum errorem tuo beneficio corrigere. magna res non
est: magnopere tamen sum commotus, uel inscitia
mea, uel malitia tua: quae uicit omnino, uel fesellit
potius opinionem meam. id si moleste fers; non longe
abest mei leniendi facultas: si modo animum tuum in-
dlexeris, ut id, quod potes, etiam uelis. quod si secus
acciderit: praedico tibi, culpam exiguam grauiter
lues: neque te mellitis placentulis, quibus me mune-
rari solitus es, absoluam, sed ea poena condemnabo,
cuius etiam nomen cum audieris, extimesces. interim
sistineo me, neque dum muto iudicium de te meum;
quia te spero rationem utriusque nostrum habere uel-
le. Cupio tecum coram iocari, et simul ad spectu illo tuo
incundissimo frui. Vale. E cubiculo meo, ante lucem.

E I D E M, Romam. 18

CUM in magnis molestijs haec una merces dele-
tare non mediocriter soleat, quod amicitias a me di-
ligenter coli, nec numquam officium contemni, ipse
mihi sum conscius; legi perinuitus eam partem litte-
rarum tuarum, in qua me, ut immemorem promissi.
appellas, atque etiam, ut oblitum humanitatis, leui-
ter accusas. Ego tuae familiae nobilitatem, egregiaq.
tuorum maiorum decora, pro eo ac debui, semper su-
ssexi: te nero ipsum, praeditum ijs bonis, quae nobi-
litem omnem uincunt, amavi prorsus, a quo die mi-
hi cognitus es, amore singulari. hanc immutari in me
uoluntatem, ita etiam si te mihi casus aliquis immu-
tet, neque consuetudo mea, neque natura pateretur.
quod

quod equidem antea tibi certum esse, atq. exploratum
arbitrabar, nunc, quando subdubitare te uideo, si-
gnificandum putavi; ne posthac umquam suspensiones
istiusmodi, plane meo erga te studio, & mehercule
etiam tua bonitate indignas, mearum epistolarum as-
ferat infrequentia. quamquam, si tuum otium cum
meis occupationibus conferatur, non intelligo, cur ego
tuam in scribendo ualde laudare diligentiam, tu meam
reprehendere negligentiam debeas. satis, nisi fallor,
statum rerum tuarum habeo cognitum: tu me scilicet
uideris ignorare: nam, si nosses; & exigeres tamen
id, quod praestare uix possum; esses iniquior. At erat
amoris nostri; lenire litteris dolorem tuum in obitu
patruī, summi uiri. sit ita: uerumtamen abs te postu-
labat idem amor, ne, officium a me illud sine causa
praetermitti, animum induceres. Primum ego te,
per aliquot annos domestica sanctissimi hominis disci-
plina institutum, putabam humana omnia contem-
nere, mortem uero, quae sempiternae uitae initium
est, etiam in bonis ducere. Quod si frangimur huma-
nis, aut commouemur saltem; certe enim a stipite, a
saxo, a ferrea materia longe distat hominis natura:
quis tamen ab afflicto solatium exspectat? aut quis me-
minus tranquilla experitur omnia? quae si tibi nota
sint: profecto me liberares ab omni culpa, & cupias re-
uocare querellam tuam. Neque uero, si uigeat ani-
mus, & perferat aduersa, ita ualemus ingenio, ut con-
solandi partes, quae doctrinae plurimum, & sapien-
tiae postulant, audeamus assumere. non haec in nobis
facultas est: quaeras eam aliunde licet: si modo, ut

D 2 signi-

significas, quod mihi tamen haud omnino persuades, in te ipso non est; qui & acere mentem liberalibus studijs, & augere prudentiam usu rerum, ac praestantium uirorum sermone potuisti. quae si absint, ut abesse a me magna ex parte fateor: tamen ille ipse, qui tibi luctus causam attulit, idem a luctu te remouet exemplo uitae suae, cuius abesse nullam partem a constantia, & a uirtute reperies. Hunc igitur tibi unum ante oculos constitue: finge ad eius imaginem quidquid cogitas, quidquid agis: noli oculos ad uulgi depravatam consuetudinem flectere. ita consules egregie rationibus tuis: & illud recte instituendae uitae consilium, quod a me requiris, nusquam esse praestantius, quam in te ipso, cognosces. Vale. ∞ D L X

EPISTO-

EPI
PAFRAN
CAROL
PHIL
HI

nisi huc aduen
curae statim
in uita omnium
negrauer ex
tre, uno pae
quidem o-ue
pore qui poss
mente comp
in qua tu sole
hunc in portu
ele me tot ma
quam sit ince
quam ea, qu
contra cadant

EPISTOLARVM
PAVLLI. MANVTII

LIBER. SECVNDVS

FRANCISCO. VARGAE
CAROLI. V. IMPERATORIS. ET
PHILIPPI. EIVS. FILII
HISPANIARVM. REGIS
ORATORI
Venetias. I

OFFICII mei saepe me admonet officio-
rum tuorum recordatio. officium autem,
quod absens absenti praestare possum. lit-
terae sunt: quas misissem ad te iam antea,
nisi huc aduenientem graues admodum, & peracerbae
curae statim excepissent. quas enim res scis esse nobis
in uita omnium carissimas, omniumq. primas, in ijs
me grauitur exercere fortuna coepit, uxore, liberis, fra-
tre, uno paene tempore in morbum coniectis. ne mihi
quidem belle satis est. animo enim affectus, ualere cor-
pore qui possum? uerumtamen, quia mihi haerent in
mente consilia tua, fero haec ut humana, diuina spe,
in qua tu soles omnia ponere, confirmatus. quod nisi
hunc in portum, te ducem secutus, confugissem: fa-
cile me tot malorum subita tempestas obruisset. En,
quam sit incertus nostrorum consiliorum euentus, &
quam ea, quae nobis ipsi ad uoluntatem fingimus,
contra cadant. Petiui has regiones, non sine sumptu,

D 3 non

non sine labore, spe ductus ualitudinis recuperanda:
 reliqui urbem pulcherrimam, mea negotia, tuam con-
 suetudinem, in qua mihi ornamenti statuo plurimum.
 haec bona, tantum abest, ut alijs bonis compensata
 sint, ut etiam multa successerint, quae si ad sensum re-
 ferantur, mala uere possum appellare. sed, cum me sen-
 sus quandoque moueat, ratione tamen utor saepius.
 haec ostendit, nihil esse malum, nisi quod nostra cul-
 pa contingat: ancipitem esse in rebus humanis ratio-
 nem iudicandi: nihil enim semper idem esse: quin,
 quae nobis aduersa, exitiosa, prorsus misera uidean-
 tur, ea saepe ita conuerti, ut ex ijs ipsis multae com-
 moditates emanent: contra, quae speciem habeant fe-
 licitatis, inde fluere quae acerbissima sunt, exsulum,
 paupertatem, ignominiam. quae ego cum cogito, re-
 ficior paullulum, & excito me, quatenus licet, ad
 eam uirtutem, quae in aduersis rebus elucet: de qua
 cum multa sint a philosophis tradita, unus tamen
 eam suo exemplo praeclare docuit nostrae salutis au-
 ctor Iesus Christus: quo magistro, quae sit uera forti-
 tudo, discimus, omniumq. laudandarum artium ab-
 solutam, ac uere salutarem doctrinam consequimur.
 Atque ego te, Francisce Varga, quod hoc studij ge-
 nus omnibus & studijs, & scientijs anteponas, longe
 quidem hoc nomine pluris facio, quam quod negotia
 Caesaris Imperatoris ex omnium saeculorum memo-
 ria praestantissimi, & Philippi Regis, omnium Re-
 gum maximi, apud Venetam Remp. orator admini-
 stres. ista enim dignitate alij quoque nobiles uiri cla-
 ruerunt: pietate uero in Deum, & sanctitate uitae,
 parem

parem fortasse aliquem, superiorem certe habes neminem. itaque, postquam a te discessi, vix credas, quam saepe meus ad te animus, tuorum sermonum desiderio, recurrat. equidem, uel si mihi cetera hic omnia secundissima fluerent, quae experior, ut dixi, satis aduersa; iniucunde tamen uiuerem, quia procul a te absun; cuius ex humanitate, sermonibus, consilijs mirificos capiebam fructus, & documenta ad uitam recte traducendam utilissima. Quare iam me minus, quam antea, delectat, ac paene displicere totum coepit consilium illud meum de lacu Benaco incolendo. tua me singularis doctrina, tua probitas, tua benignitas ad urbem reuocat. Benacum, per anni tempus cum licebit, aestate scilicet ineunte, (nam hieme regionem illam protellis, & uentorum ui totam audio agitari) si ualetudo ita postulabit, inuisam. interea meam imbecillitatem ratione uictus, & abstinentia tuebor. ac fortasse fiet, quoniam a Deo cuncta pendent, ut Venetijs, intra meos parietes, in oculis, & adspectu meorum, commodissimo uitae genere, ita conualescam, ne qua postea me caeli mutandi necessitas extrudat. quod si assequar; habebis me, si me tantum ab humanitate tua sperare uis, quod profecto uis, familiaritatem, ac paene contubernalem: & hac equidem spe iam nunc mirifice sustentor. Vale.

QVOD heri iniecisti in sermone, haeret in animo, & , quo diligentius rem perpendo, eo magis omnia mea consilia, omnes cogitationes ad nouam societatem, quaecumque ea sit, conuerto. uxor enim, & deludor indigne ab homine taeterrimo, omniumq. impurissimo: cui non satis est auertere communem rem; sed me prorsus ita despicit, ut nec dignum ducat, ad quem adeat accersitus. equidem nihil mihi adscisco, nihil arrogo insolenter: nihil enim habeo neque a fortuna, neque a me ipso, quo nimium extollar: uerum tamen limina mearum aedium teruntur quotidie pedibus uirorum clarissimorum, ad me confluentium. tu ipse, tu, inquam, Falete, & maximi Ducis orator, & maximus ipse uir, quem grauissima distinent negotia, qui scribis historiam, qui legum scientiam, ueterum, & recentium, scriptis luculentissimis explicas, uenire tamen ad me, quae tua est humanitas, saepe solitus es, horasq. multas suauissimo sermone consumere. Malum est, inquires, ab homine nequissimo contemni. Malum: sed peius etiam, expilari. quod nisi tua prudentia medicinam huic malo affert; perijt fructus omnis tuae liberalitatis. clauam enim citius de manu Herculis possim extorquere, quam ab isto nummum. aut igitur ea mihi conseruetur utilitas, quam tuo beneficio sferaueram: aut, qui nos uult perditos, perdatur ipse

ipse nobiscum, & societas communi perniciē dissoluatur. uerum, cum in tuum ingenium, tuam auctoritatem, & singularem in me beneuolentiam intueor; traducor facile ad optimam spem; tranquilla omnia, comoda, copiosa mihi ipse polliceor. tu restitues unus afflictiā rem: & istum pestiferi ordinis hominem, omnibus inquinatum uitijs, indignum prorsus non modo amicitia nostra, sed congressu etiam, ac sermone, extrudemus, ut uersetur posthac, & uiuat cum sui similibus, in sordida nequitie, seiunctus a nobis, qui humanitatem colimus, & uirtutem omni lucro anteponimus. Interim lege, quam saepe iam efflagitasti. partem libri nostri de quattuor Rebus sub. quam cupio a te probari. otium si habuero, quale ut aliquando consequar, operam dabo; in Bellombrā tuo, si alibi non licebit, totum uolūmen absoluam. Vale. Ex aedibus nostris. ∞ D L V I I

Ex libro de quattuor Rebus pub.

EX. I I S, quae supra sunt commemorata, duae uidentur proposui nobis argumenti partes absolutae. patere enim satis arbitramur, non modo quibus uitijs duae maximae, ac firmissimae ciuitates, primum Sparta, deinde Carthago, labefactatae corruerint; uerum etiam, quibus illa uitia remedijs uel sanari penitus, uel ita saltem corrigi potuerint, ne reip. salutem in discrimen adducerent. nunc urbis Romae quaestio succedit: qui erat tertius in diuisione locus. postremae narrationi, conclusio futura nostri muneris, omniumq. nobilissima,

nobilissima, & eadem difficillima tractatio, Venetiae nostrae reſeruantur.

AC. DE Roma, quae nullo magis vitio, nullo grauius umquam morbo, quam imperij magnitudine, laborauit, primum illud occurrit, nulla omnino in ciuitate poſt homines natos aut uirtutes, & honeſtas aetiones aliquando floruiſſe magis, aut aequae malae artes, & exitioſa publicis rebus conſilia ualuiſſe. Primis reip. temporibus, cum nulli dum de plebe magiſtratus creabantur, ſumma ſenatus poteſtas, ſumma fuit auctoritas. utraq. cum per aliquot annos uiguiſſet, inclinare tum primum coepit, cum tribuni pl. creati ſunt. creatos autem culpa ſenatus, hiſtoriae declarant. nam, ſi prima repetere, & quae cuique rei cauſa ſit. placet animo perquirere: tribuniſiam poteſtatem, quae deinde ſenatus opes fregit ac debilitauit maxime, ipſius uitio ſenatus Romae conſtitutam, facile conſtabit. Quid igitur? an tu, dicet aliquis, ſenatum reprehendis, quia tribunos pl. creati paſſus ſit, cum plebs eum magiſtratum non iam uocibus poſceret, ſed armis extorqueret? an ampliffimum ordinem, quia permiſerit, quod recusari ſine reip. praefenti iam periculo non poterat, imprudentiae condemnas? Ego quidem minime: habeo enim rationem neceſſitatis; cui parere, ſapientis ſemper eſt habitum. Seceſſerat armata multitudo in Sacrum montem: flagrabat ira, & odio in ordinem nobilium: auaritiam, ſuperbiam, crudelitatem ſenatus accuſabat: ſe bella gerere, urbes capere, pro patria ſanguinem effundere, mortem obire clamabat: pro his meritis inopiam, & iniurias pati:

pati : senatum commodis frui , senatum honoribus
 abundare : plebem seruire , quae , ut ceteri liberi es-
 sent , quotidie sua corpora hostium telis obijceret ,
 quem non mouerent huiusmodi querellae ? quem non
 terrerent , cum ij , qui haec querebantur , alij pila ,
 alij gladios manibus tenerent ? recte fecit senatus : tri-
 buniciam potestatem , a plebe flagitatam , concessit ,
 non libenter , sed , ut impetum sedaret , maiorem tem-
 poris , quam suae uoluntatis , rationem duxit . haec ,
 ut dixi , recte , nec sine summo consilio : sapiens enim
 cum necessitate non pugnat : at illud neque recte , ne-
 que prudenter ; quod , ut in eam necessitatem res de-
 duceretur , siue negligentia , siue superbia commisit .
 occurri principiis oportuit , & nascentem pestem ex-
 stingui . nam , cum omnes ciuitates , quae suo milite
 bella gerunt . quotidianis prope seditionibus fluctuare
 necesse sit : quo malo & ueterum memoria , & nostra
 aetate florentissimas ciuitates occidisse constat : sum-
 mae difficultatis , ac diuiniae cuiusdam sapientiae uide-
 tur esse , ita rem moderari , ut consistat ; neque permit-
 tere , ut multitudini , quae satis ipsa per se lenis est ,
 nulla paullo infrior ad motum accedat occasio . Erant
 in plebe Romana quamplurimi ; quibus aere alieno
 obstrictis , unde soluerent , non erat . hi cum ad tribu-
 nal consultum , qui tum , nondum creatis praetoribus ,
 de creditis pecunijs ius dicebant , a feneratoribus uoca-
 rentur , egestatem excusantes , & domesticas mise-
 rias ad eliciendam misericordiam commemorantes , ta-
 men non audiebantur . magistratus neffendum fenera-
 tori debitorem , tradebat , ut , quamcumque creditor
 uellet ,

ueller, seruitutem seruiret . iniqua, & homine prorsus indigna siue consuetudo fuit, siue lex . Tu mihi libertatem lege eripias, cum libertatis causa leges constituantur? an ego ullam legem potiore[m] ea lege ducam, qua Deus, ut homo liberum animal esset, ac ceteris animantibus imperaret, aeterno iure sanxit? pecuniam aufers: non relinquis, unde uiuam, unde liberos alam: fero: relinque libertatem; ut mercenario saltem opere ipse mihi, & esurienti familiae uictum quaeram . Cum his acerbè magistratus agebat; acerbius etiam feneratores; qui ciues Romanos, nexu uinctos, grauissimo seruili opere fatigabant, & nexorum in terga flagellis, ac uerberibus saepe saeuiebant . Hic senatus miseris ciuib[us] consulere, caus[s]am libertatis suscipere & potuit, & debuit; nexos e uinculis eximere, humanitatis fuit; diem soluendi laxiorem egentibus statuere, aequitatis; usuris modum facere, iustitiae . haec & facienda fuerunt; &, ut fierent, cum a patribus plebs, atque consulibus frustra petisset; ad extremum, ut homines desperatio praecipites agit, armata multitudo in Sacrum montem, tria millia ab urbe passuum, secessit . tum, ut plebeiorum animi, stimulis iracundiae perciti, continerentur; senatus, periculo territus, de creando plebeio magistratu, quia res aliter conuenire non poterat, assensit . itaque tribuni pl. primum quinque, deinde decem, creati sunt . ab hac radice ortum quidquid inter ciues discordiae, quidquid seditionis, quidquid bellorum fuit . per annos quingentos, id est, usque ad exitium reip. tribuni pl. contra nobilium potentiam seditiosis concionibus

bus uociferari, plebem ad noui commodi spem, ad
noua incitare consilia numquam destiterunt. specie li-
bertatem tuebantur; re uera senatum oppugnabant.
primo magistratus, deinde & sacerdotia plebi com-
municata. ad extremum is, qui solet, exitus consecu-
tus est. nam plebs, ubi, quod paucorum erat, ad se
transtulit, rursus id ipsum, quod multitudinis est,
in unum confert. facit hoc inscitia, facit inopia, fa-
cit ea, quae in magno numero semper existit, uolun-
tatum et opinionum dissimilitudo. ita popularis admi-
nistratio, quae maxime liberatis imaginem praese-
fert, occulte tamen, si spectemus exitum, tyrannis
est: quoniam ex ea fere semper exoritur tyrannus:
sicuti deinde ex tyranno status optimatum generatur.
Huius mutationis exemplum satis illustre Roma est.
primo, regum summa potestas fuit: deinde senatus,
hoc est optimatum, maior, quam populi: tum populi
maior, quam senatus: postremo rursus unius maxi-
ma, & singularis. populus enim C. Caesarem extraordi-
narijs imperijs auxit, eoq. extulit, unde, cum se
monarchiae proximum esse homo acutus intelligeret,
priuatam condicionem despexit; altiusq. maluit, ut
humani mos ingenij fert, adscendere, quam ad infe-
riora, quae reliquerat, descendere. Neque uero me
fugit id, quod a doctissimis uiris memoriae proditum
est; firmissimas illius reip. uires esse, et quae non facile
ab externis uiribus debilitentur, cuius non simplex, ne-
que unius generis administratio est, sed ita mixta, ita
temperata, ut in triplici forma unum consilium,
unam quasi mentem significet. neq. ego tum in ciuita-
te

te praeclare agi negauerim, cum & unus, & pauci,
 & multi maximas res gerunt, nec tamen aut unus,
 aut pauci, aut multi praecipue dominantur. uerum,
 ut harum trium partium in suo quaeque munere mo-
 dum seruet, & ea, quam habet, potestatem num-
 quam abutatur, ego quidem hoc fieri posse non arbi-
 tror. sunt enim hi tres ordines admodum dissimiles:
 & inter dissimilia perpetuus aequabilitati locus esse
 non potest. nam, quemadmodum in musicis, quo plu-
 res chordae percutiuntur, eo suauior concentus effici-
 tur, quia uariis ille multarum fidium numerus, in
 quo summa discordia est, arte conciliatus, & ad con-
 cordiam perductus, incredibili quadam iucunditate
 aures, animumq. permulcet; sed haec tamen iucun-
 ditas ideo brevis est, quia de multis fidibus aliqua sta-
 tim remittitur, & discrepat: sic multorum ordinum
 administratio uidetur illa quidem esse omnium opti-
 ma; quia, quo longus ab unius imperio disceditur, eo
 propius ad libertatem acceditur; sed quia multis idem
 sentire difficile est, facile dissoluitur. quid autem ex
 dissolutione existat, multarum ciuitatum miserrimus
 exitus declarat. quare, cum sit necesse, ut de tribus
 potestatibus, quae pares sint, aliqua aliquando se ef-
 ferat, & reliquis duabus insultet: ante prouidendum
 est, ut ea, unde magis hoc imminet periculi, quaeq.
 ad temeritatem procliuior est, inferiorem locum obti-
 neat, & reliquas duas neque dignitate, neque uiribus
 adaequet. quae uero de tribus ea sit, quae facilius in-
 saniat, & cum insanierit, cohiberi non possit, hic si-
 ne dubio populus est. qui ut inferiorem in ciuitate con-
 ditionem

& p[er]ditionem aequo animo ferat, ita fiet, si cum eo sem-
 per iuste, numquam superbe, interdum etiam libe-
 raliter senatus aget. tum populus nihil appetet, ni-
 hil molietur: novos magistratus, nouas leges, noua
 imperia non desiderabit: libera seruitute libenter ser-
 uiet: putabit enim se non hominibus seruire, sed legi-
 bus. haec si Romae senatus initio canisset; quiq. fu-
 rentis multitudinis impetus, quaeq. uis esset, matu-
 re cogitasset: non, ut cum seruis agi solet, ita cum
 ciuib[us] agi passus esset: neq[ue] liberos homines uetuis-
 set: usuras, hoc est inopiae caus[s]am, minuisset: ip-
 sam autem inopiam publica benignitate subleuasset.
 quae quia non fecit, iccirco illa, quae dixi, consecuta
 sunt, ex desperatione secessio, ex secessione tribuna-
 tus, ex tribunatu ordinum contentio, ex contentio-
 ne libertatis interitus. Primis temporibus omnia
 potuit senatus; medijs multa senatus, multa popu-
 lus; extremis omnia populus. itaque & primis tem-
 poribus, & medijs florentissima resp. fuit, extremis
 facile concidit. nullum enim ius, nullam potestatem
 a senatu tribunorum temeritas non abstulit. Aera-
 rij dominus per multa saecula senatus fuerat. anti-
 qua tamen iura tribunus pl. P. Clodius neglexit, lege
 lata, qua Pisoni & Gabinio cos. simul cum prouincijs
 pecuniam, quantam uoluit, de publico dedit. Senatus
 lege Sempronia consulares prouincias proconsulibus
 decernebat. decretas tamen idem Clodius abstulit,
 Vatinijs scilicet tribuni pl. improbitatem imitatus:
 qui anno proximo C. Caesari Galliam Cisalpinam cum
 Illyrico, inuito senatu, sua lege dederat. Legati etiam

ex

ex auctoritate senatus deligebantur. Vatinius immutauit, & ipse sibi sua lege legationem detulit. Ipsa comitia quodam modo senatus in potestate fuerant; quia magistratum non gerebat is, qui ceperat, nisi patres auctores essent. hoc quoque amissum, nec fieri iam solere, Cicero significat in oratione pro Plancio. Triumphum a senatu petere imperatores e prouincia redeuntes diu consueuerant. inuentus est, qui, cum senatus triumphum negasset, ad populum confugerit, & populo iubente triumpharit. Qui poterat ea resp. consistere, & ad interitum non ruere, in qua, quod senatus improbabat, populus iubebat; quod decernebat senatus, infirmabat populus? ius enim intercedendi tribuni pl. habebant: quo iure, ne senatus consulta fierent, impediabant. at, impedire iussa populi, si senatus uellet; non erat, ut tuto posset. ilico enim, incitantibus tribunis, erumpebat seditio, ilico uis, ilico caedes. cuius periculi metu saepe senatus iniquissima tulit. nam, ut omittam alia, quae sunt huius generis sexcenta, regna ipsa sine senatus consulto barbaris hominibus ex tribunorum pl. libidine esse donata, scriptum est. quae licentia cum retineri non posset, eo progressa demum est, ut omnia perdiderit. nec dissimilis erit euentus, quacumque in ciuitate pa- res cum senatu uires populus habeat: non quod, ubi aequalitas est, ibi recte non sit: sed quod, ubi ad aequalitatem populus peruenit, diuturnam esse non paritur. Quare, cum ex duorum ordinum aequalitate statim oriatur inaequalitas; aequalitati perniciosae tu- tam inaequalitatem antepono; et eum ordinem prae- esse

E
esse rebus ma-
em, cuius po-
maternitas

M A

EPISTO

ris, ac uenerem
effici, ac me
Pomam adem
mentia, mem
auguria sunt
rem mentem, m
dioporum om
Alexandrum
cognoui Rom
iam tam indol
pis, quas den
cit, magna om
temore uenerem
acuit in studio
so antiquitatis
diorum scienti
prieae expoli
cum uenerem
bus praedant
uadino Masia
mam, alterum
dignum
puit. Quare

esse rebus malo, qui potestate minus abutitur, quam eum, cuius potestatem summa statim licentia, summa temeritas consequitur.

MARIO. NIZOLIO

Parmam.

3

EPISTOLA tua, mi Nizoli, ut amici hominis, ac uehementer amandi, summa me uoluptate affecit, ac meam uehementer incendit cupiditatem Parmam adeundi: non quod urbs, aut urbis ornamenta, me moueant: (alij haec mirantur, apud me uulgaria sunt) sed aueo incredibiliter patronum ueterem meum, meum dico? immo uero litterarum ac studiorum omnium, ipsumque litteris excellentem, Alexandrum Farnesium Cardinalem salutare: quem cognoui Romae, & colui puerum adolescens, eximia iam tum indole praeditum, & earum laudum principis, quas deinde auctus aetate simul & iudicio perfecit, magna omnium expectatione florentem. quo quidem tempore uehementer urbs ipsa excitauit me, atque acuit in studio liberalium disciplinarum, adpectu ipso antiquitatis, & multiplici ac uaria hominum eruditum scientia: sed, ut ingenue uereque fatear, proprie me expoliuit aula Farnesij moribus, ac litteris; cum uiuerem coniunctissime ac familiarissime cum duobus praestantissimis uiris, Marcello Cernino, & Bernardino Masaeio: quorum alterum Pontificem maximum, alterum Cardinalem, utrumque immortalitate dignissimum, aduersa bonis artibus iniqua mors eripuit. Quare, quod me Parmam uocas, & multi

K uerbis

uerbis inuitas amantissime, non me litterae tuae sopitum excitauit, sed currentem potius, ut aiunt, incitarunt. quod utinam cum uoluntate cetera congruerent: iam iamque uobiscum essem. sed uides anni tempus: uides itinerum difficultatem: scis, quam imbecillo sim corpore, quam tenui, & ad incommoda, iniuriasque caeli perferendas parum apto. timeo etiam a militibus; a quibus otium non est: excurrere enim dicuntur, & praedas facere. non igitur ueniam, cum a uobis unius diei uix absim intervallo? ueniam, opinor; quaeque aduersantur, & impediunt, contemnere omnia. uolui omnino meis oculis, Farnesio uidendo, satisfacere: uolo hanc a me ipso gratiam inire, & salutationis officio, expetito sane, ac debito, perfungi. Te uero, optime, ac doctissime Mari, cuius consuetudine & sermone careo multis abhinc annis, quem mihi tamen ex animo numquam eripuit neque tempus, neque longinquitas, quo studio complectar? quantam hauriam, cum praesens praesentem alloquar, uoluptatem? dilexi equidem, a quo primum die te cognoui, tuos mores, tuam naturae comitatem, ac suauitatem: doctrinam uero, ingenium, industriam suspexi semper, extulique laudibus ad caelum: nec iniuria. nam si, Romanae linguae studium colere & illustrare, laus est: quis hoc te uno aut curauit studiosius aetate nostra, aut cumulatus praestitit? ego ipse, quem tu esse aliquid uis in hac Latine scribendi facultate; in quo uereor ne te fallat amor: nam iudicium in dubium uocare non debeo: sed, si quid sum, magna ex parte de tuo fonte fluxi. thesauros enim Ciceronis omnes,

omnes, in illis
congestos, re
disperfos, in
das igitur be
dam modo pr
in oratione p
tuo mea disci
quod me leui
nos collocat
uel tuam
Farnesio Car
Episcopo, uni
meis uerbis

SIL

Ac ut
ter scribis.
spondere, pl
tibi, ne prop
soleo fere f
quia, si quid
ter agendum
ita uerbis, &
uelim quidem
tur ut po
nibus: negot
mor: oculor
ut nullam pa
ris de amico

omnes, in illo praeclaro tuarum Observationum libro congestos, reperi; & usus sum facile: quos colligere dispersos, immensi laboris fuisset, ac temporis. Laudas igitur beneficium tuum, cum me laudas, & quodam modo praemia capis meritorum tuorum. De loco in oratione pro Sextio, disputas erudite: nec a iudicio tuo mea discrepat opinio. quiddam tamen superest, quod me leuiter pungat. qua de re cum erimus inter nos collocuti; uel ego tuam sententiam, ut ueram, uel tu meam sequeris gratiae saltem causa. Vale, & Farnesio Cardinali, simulq. Antonio Mirandulae, Episcopo, uni omnium doctissimo, atque humanissimo, meis uerbis salutem plurimam dicito. Asulae.

SILVIO. ANTONIANO

Ferrariam.

4

ACUTE admodum, mi Silui, nec minus amanter scribis. ego autem in amore facile possum tibi respondere, planeq. respondeo: ingenij signa, praedico tibi, ne prorsus ulla meis in litteris expectato. non soleo fere studiosius epistolas elaborare: primum, quia, si quid scribitur ad familiares, plane familiariter agendum puto: odi illa nimis ambitiosa, constructa uerbis, & sententijs exquisitis: deinde, quia ne si uelim quidem in epistolis agere accuratius, relinquitur ut possim. urgeor quotidianis amicorum salutationibus: negotijs, & rei domesticae cura paene opprimor: oculorum uero uoletudine sic interdum uexor, ut nullam partem capiam quietis. quare male merearis de amico tuo, si uelis ei, tam ualde occupato,

E 2 tam

tam grauitè affecto, diligentiae onus imponere. imitetur epistola sermonem, excurrat libere, nullis adstricta legibus, & suauem quandam, perfectam non indignam amicitia, negligentiam praeseferat. alioqui officium scribendi, saepe inter absentes necessarium, gratum quidem semper, iniucundum & graue nimis accurata reddet industria. Quod me ornas laudibus; non efficis, ut ipse mihi placeam, aut assumam plus quam soleo: id assequeris, ut me tibi deuincias magis, cuius ex amore fluere ista uideo, nimis in me honorifica, praeclara, singularia: quae optavi equidem semper, adeptum me numquam putavi. sed uidelicet, affingere ueritati, uobis poetis religio non est: idque facitis libenter; ne, consuetudine intermissa, quodam modo uestra iuraminuantur. me tamen, si poetice scribis, artificium tuum, sin, ut scribis, ita sentis, error etiam delectat. haec enim me tibi commendat opinio, & amorem augeat necesse est: foris etiam, ut spero, fructum pariet. nam meis laudibus, tuo commoti testimonio, cum te excellere ingenio, florere magnorum Principum gratia conslet, non pauci fortasse assentientur. quod utinam, id quod in meis consilijs erat summum, Ferrariae mihi uiuere per ualitudinem licuisset. nae ego te, singulari uirtute adolescentem, ita meis studijs, & officijs essem complexus, ut nemini prorsus tuorum familiarium, ne Riccio quidem ipsi, apud quem filij locum obtines, in te amando concederem. Quid, inquires, si te, depulso morbo, confirmares? Vtinam id aliquando eueniat: sed id quidem si erare iam nix audeo. iaceo enim nunc, & languo

E
geo miserim
nis remedijs
sumpsi: uno
quod, et si uir
tamen, quales
nit, aut fegit
bo, aut legent
tasse, ut, qui
communi luce
uit, ne quana
farte, opem
cum illa tibi
hoc habeas tu
Vale. Veneram

BART

VERA
ut in magna
men amor in
hoc biennio de
mento, nulla
do mea, siue u
bus humanis
mnes reiecerim
Cardinali, Hi
plexus, unam
sitis quidqua
eximij Princi
scam. itaque

gueo miserrime: nec mihi caeli mutatio profuit: nec no-
 uis remedijs locus est; quae iam omnia frustra con-
 sumpsi: uno tamen bono mea mala compensantur,
 quod, etsi uires corporis magna ex parte, ingenium
 tamen, qualecumque est, uis morbi minime debilita-
 uit, aut fregit. itaque singulis noctibus aliquid scri-
 bo, aut legenti puero aures praebeo. sic assequar for-
 tasse, ut, qui me non uident, carentem publico, &
 communi luce, uiuere tamen intelligant, atque ita ui-
 uere, ne quando cum alijs plane totus exstinguar. Tu
 frue, optime Silui, ista uoletudine, & isto otio:
 cum illa tibi naturae munere satis firma contigerit,
 hoc habeas tui Principis liberalitate uberrimum.
 Vale. Venetijs. ∞ D L I I X

BARTHOLOMAEO. RICCIO

Ferrariam.

5

VERA narras, optime Ricci, atque ita narras,
 ut in magna tuarum litterarum prudentia facile ta-
 men amor interluceat. Mihi, ut scribis, condiciones
 hoc biennio delatae sunt multae, omnes cum emolu-
 mento, nulla sine dignitate. fecit tamen siue ualetu-
 do mea, siue uoluntas, seu fati potius, quae in re-
 bus humanis dominatur, occulta quaedam uis, ut o-
 mnes reiecerim. hanc postremam, delatam a summo
 Cardinali, Hippolyto Estensi, unam auide sum com-
 plexus, unam omnibus anteposui: nec est in meis con-
 silijs quidquam antiquius, quam ut in illius aula,
 eximij Principis, ac uiri praestantissimi, consene-
 scam. itaque, quod hortaris, ut ad uos quamprimum

E 3

me

me conferam; non efficis, ut cupiam, qui cupiditate iam ardeam; dolorem potius auges; cum intelligam, quod maxime uolo, id me consequi, hoc quidem tempore, minime posse. nam, ut omittam, quod haec me frigoris acerrima uis, & intemperies caeli semel aut iterum cubiculo egressum pessime accepit, & in eadem claustra, in easdem, ubi multis iam mensibus iacui, tenebras retrusit: praeterea pietas me retinet. Fratres habet uxor mea duos: quos ego ambos unice diligo: contraque ipsi mihi singularem non modo beneuolentiam, uerum etiam obseruantiam praestant. probi sunt adolescentes, ingenio, modestia, uirtute etiam ornati, una re minus laudandi, quod inter ipsos parum conuenit. orta est inter eos post obitum patris de hereditate dissensio: inde lis, inde odium. quod nisi ego me interponerem; nisi utrumque prensarem, rogaremque per parentis manes, per solitudinem matris, per existimationem familiae: conflictarentur assidue turpibus iudicijs, graui iactura famae, magno rei familiaris detrimento. hoc ego dum uersor in negotio: dum in eo studium, operamque pono, ut uxoris meae fratribus consulam: putem mihi esse uerendum, ne quis me, sana praeditus mente, reprehendat? non puto. non igitur hoc, te iudice, pertimescam. hem, Ricci, qui sacris in litteris non ambitione, ut multi, sed ita uersatus es, ut scientiam, e libris petitam, uita exprimeres; quae sunt illa praeclara, quae nos ille bonarum actionum magister optimus edocuit? non haec sunt, egentibus subuenire, errantes in uiam, dissidentes ad concordiam reuocare? ama igitur me
de

de hoc officio
ci, nel acca
fallorum fr
iudicis, ex
uerborum,
stiuere. Va
causas, ut
ipsa quidem
gibus Roman
diutius nix
incubui, qu
nali. Tu,
liorem mihi
monibus, tu
tamq. multa
quando res
to uehem
iam spero.

ANT

ACCEP
nostro, delat
est. quod si
mun tibi Ra
enim tibi na
plero iam et
doctrinam
industria es
ne, sed prop

de hoc officio . non postulo , ut laudes . iam enim didi-
ci , vel aetate doctus , vel morbo admonitus , recte
factorum fructum a Deo potius , quam ab hominum
iudicijs , expectare , omnemq. laudem non in honore
verborum , sed in ipsa re , atque in una virtute con-
stituere . Vides iam duas esse commorationis meae
causas , utramque satis gravem . accedit tertia , ne
ipsa quidem levis , ut imprimam librum meum de le-
gibus Romanis ; quem poscentibus multis debere iam
diutius vix possum . eoq. magis in hanc voluntatem
incubui , quod inscriptus emitteretur Hippolyto Cardi-
nali . Tu , mi Ricci , fac tibi ita persuadeas , amabi-
liorem mihi Ferrariam fore tua causa . tuis enim ser-
monibus , tua humanitate , tuo lepore frui , interrup-
tamq. multorum annorum consuetudinem licebit ali-
quando resarcire . quod ut sit maxime diuturnum , op-
to uehementer , & , ut tu amantissime auguraris , et-
iam spero . Vale . Venetijs . ∞ D LVI

ANTONIO . AVGVSTINO

Romam .

6

ACCEPI tuum Varronem , missum ab Octavio
nostro , delatum a Laenino . quid quaeris ? te dignus
est . quod si operam eandem posueris in Festo ; pluri-
mum tibi Romanae litterae debebunt . aggredere . quid
enim tibi non succedet ? qui , (ut omittam illa , quae
pleno iam theatro spectata sunt , ingenium , iudicium ,
doctrinam) quantus quantus es , totus labor , totus
industria es . ac mehercule non solum communi nomi-
ne , sed proprias etiam tibi ego agam , atque habebo

E 4 gratias .

gratias . nam , quem in eo libro emendando laborem
 suscipere cogitaueram , quem fortasse , & alijs pressus
 oneribus , & natura , ac uoletudine imbecillus , non
 ferrem , eo me leuabis . Vale . Venetijs . Egregio iu-
 risconsulto , Pyrrho Tarro , ueteri mihi necessitudine
 coniuncto , salutem plurimam . ∞ D L I V .

E I D E M , Romam .

7

E C C O uero & scripsi iam , nisi me fallit memo-
 ria , satis aperte : & nunc , quando tibi ita placet ,
 iterabo eadem libentissime . Lapidēs , aut nummos , si
 quos habes , in quibus mentio fiat legum Romanarum ;
 eos si nobis impertieris , habebō gratias , tuumq. et-
 iam beneficium ipsa fortasse , me narrante , posteri-
 tas audiet . tabulas uideor mihi legisse Romae nescio
 quas : sed neque tum descripsi ; qui magni non face-
 rem ea , quae nunc quidem tanti puto , nihil ut potius
 mihi sit : neque uero , quo in loco , aut apud quem eas
 legerim , satis nunc in memoriam reuocare possum .
 quare ad te confugio , uniuersae arcam antiquitatis ,
 arcam tamen eiusmodi , quae pateat amicis tuis , hoc
 est bonis uiris . quo me in numero quia esse uis , trium-
 pho . Alexander autem tuus facile nostrum artificio
 uincet . tu enim excellis : at nos quid sumus ? aliquid
 fortasse , si cum alijs ; nihil certe , si tecum Augustine
 comparemur . Plura nec possum , quod eram occupa-
 tus : quamquam hoc quidem quotidianum est : nec de-
 beo hac in re , quam tibi non solum amicitia nostra ,
 uerum etiam litterae ipsae , quibus tibi scio nihil esse
 carius , etiam me tacente , magnopere commendant .

Vale ,

Vale, & Siluestrum Aldobrandinum, uirum excellentem, meum perueterem amicum, nisi graue est, saluta meis uerbis plurimum. Venetijs.

EIDEM, Romam. 8

NISI quis casus meis consilij occurrat, editionem cogitabam eius libri, quem delegibus Romanis quinquennio ante a me conscriptum, debere diutius multis flagitantibus non possum. ad hunc librum quantum ex antiquis lapidibus accedere possit ornamenti, praeclare intelligo. porro, tu is es, qui hoc in usu, atque hoc in genere scientiae, tum quia Romae uiuis, tum quod in studijs totus haeres, paene solus excellas. quamquam hoc in tuis laudibus minimum est: alia sunt in te, quae ego non desino praedicare, haud sane paullo praestantiora: quae non est hic commemorandi locus, ac ne significandi quidem; ne tu me nimium esse blandum, & quasi tuae dissidentem humilitati, ad hoc artificium confugisse existimes. peto igitur a te, atque etiam rogo, (quamquam hoc uerbum amicitia nostra, tuaque maxime bonitas respuere uidetur) si quid habes, quod ad leges Romanas pertinet, aut ineat, e libris excerptum, & ueterum lapidum, aut etiam nummorum observatione collectum, id mihi ut impertias. bene mereberis de litteris, uel potius bene de te meritis gratiam referes: quando quidem earum est nece, ac merito tantus es: bene etiam de me ipso; cuius laudi, pro nostra necessitudine, meoque erga te studio singulari, debes uelle consulere. quamquam hoc certe non admodum specto: ambitionem enim paene
Vale, haeo

habeo in extremis : prima mihi est , omniumq. rerum antiquissima publica studiosorum hominum utilitas : quo mei labores intenduntur , mea , quaecumque est , dirigitur industria . excute , si me amas , atque euolve funditus illa tua scrinia , in quibus conditi rerum antiquarum thesauri asseruantur . nemo enim , si possessio litterarum diuitiae sunt ; quod homines elegantii iudicio , sanaq. praediti mente opinantur ; nemo , inquam , optime Augustine , te ditior est . nec uero de tuis copijs multum imminues , si , quod futurum speramus , inopiae nostrae subueneris . qui si etiam nobiscum plurima communicares ; multo id tamen , quod dares , minus esset , quam quantum tibi , libris assidue tractandis , quotidie quaeritur . uerum modeste tecum agimus : petimus a te minima de maximis : itaque facile impetrabimus . Vale . Venetijs .

E I D E M

LEGATO . PONTIFICIO

Viennam .

9

QVIA mihi honore tuo nihil est antiquius , propterea non mediocrem cepi laetitiam : tibiq. sum absenti gratulatus , quo primum tempore de legatione tibi delata ad Romanorum Regem , tum ex amicorum litteris , tum ex multorum sermonibus cognoui . illud , ut uere dicam , molestiae non nihil adspersit , quod ueritus sum , ne nostrae litterae , quibus , in urbe dum uiuis , tua studia splendorem , & utilitatem addunt , te discedente , & in Austriam usque , ad longe diuersum uitae genus translato , iacturae plurimum facerent .

rent. quod si, secus esse, significaueris: (iam enim uer-
saris in ipsa re, quaeq. tua futura sit in uniuerso fere
munere occupatio, usus te monere, & erudire facile
potest) cum labis mea gaudia, & habebo gratiam
his, quibus honestare tuam uirtutem his honoris insi-
gnibus, nullo nostro, hoc est artium, doctrinarumq.
liberalium, detrimento, curae fuit. Ac primum il-
lud, pro meo incredibili erga antiquitatem studio, et-
iam atque etiam a te petam, uel potius, quando pol-
licitus iam es, a te exigam, ut Festum Pompeium
tua emendatione perpolias, atque illustres; aut, si
habes ita emendatum, ut tibi, acerrimi, ac seuerissi-
mi iudicij uiro, satisfaciat, edendum omnino cures,
neque deberi nobis eam utilitatem diutius patiari,
quam, cū in illo uere aureo libro dispersam uideamus,
colligere tamen uix possumus, uel plane nullo modo
possumus, locorum, ut scis, paene innumerabilium
difficili scientia impediti. bene collocabitur industria
tua: & hunc sibi comitem adiungi, ne solus eat per
ora uirum, Varro tuus aequo animo patietur. rogan-
dus non es in tua laude, communi praesertim studio-
rum commodo coniuncta: tu, si de illa non laboras,
hoc saltem commouere te debeat. quod utinam aut
mibi cum hac mente pars aliqua doctrinae tuae, aut
tibi mea mens, & plane incredibilis ad communican-
dam uirtutem animi propensio, cum ista tam exqui-
sita, tamq. multiplici omnium paene litterarum scien-
tia contigisset. nae ego, quod ad me attinet, multa
non sinerem ignorari, quae scire praeclarum est, quaeq.
in tenebris, nisi tu eruas, perpetuo iacebunt. nec tamen
persua-

persuadere mihi possum, te uelle nobis tam iniquum esse, ut tantā doctrinam, si quid tibi accidat humanitus, (homines enim sumus : nec ego mihi, nec tu tibi de uitae diuturnitate praestare quidquam possumus) extinguere tecum uelis . Quid ea, quae chartis iam, & uoluminibus explicasti? cur diutius premis, optime Augustine? cur ex ingenij tui fontibus expleri nostram sitim non uis? sed, opinor, aliquando facies : & faueo libenter meae spei, paullo minus, quam tuae gloriae; cui scio me optime consulere, cum haec ad te scribo . De me si quaeris : uexamur oculorum anniuersario morbo : nec tamen labori parcimus : scribimus aliquid quotidie, aut legenti puero operam damus : aliquo fortasse uoletudinis damno : sed nihil est tanti, ut a litterarum suauissima consuetudine seiungar . Onuphrius Panuinius, ille antiquitatis heluo, spectatae iuuenis industriae, & ingenio, ut probitate, praestans, hic est, eritque, ut uideo, in aliquot menses . imprimit suos Fastos cum commentarijs ; & interim adornat alia . saepe litigat obscuris de rebus cum Sigonio nostro . sed utriusque bonitas, mutuus amor, excellens ad cognoscendam ueritatem iudicium, facit, ut inter eos facile conueniat . Sigonium de facie non nosti : eius tamen scripta, non dubito, quin legeris . ea doctrinam, & ingenium declarant : humanitatis, & studij erga te, tuique . similes testis ego sum : quem debes ipsum suo merito, praeterea tuae praeconem eruditionis, diligere . Vale . Venetijs .

EIDEM,

EIDEM, Romam. 10

VBI te ad urbem rediſſe cognoui, uehementer ſane, pro meo erga bonas litteras perpetuo ac ſingulari ſtudio, ſum laetatus. te enim abſente, ſilere mihi praeſentibus Romanae muſae uidebantur. Scripſeram ad te ſuperioribus diebus; eaſq. litteras ad aulam noui Imperatoris miſeram; quas acceperis, nec ne, cupio ſcire. quam appellabam te, quod iam promiſeras, de Feſto cum tuis correptionibus diuulgando. de quo nunc eo maioris urgeo, quia, niſi fallor, ſpatij plus habebis. aggreſſus ne ſis, & quouſque opus perduxeris, ac de perpolitio- ne quid ſperes, ſi ad me ſcripſeris, gratiſſimum mihi eſt facies. Vale. Venetijs.

BENEDICTO. RHAMBERTO

ruſticanti. II

SVADEBAM, ut exires; quod aegrotans, quantum eſſet in caeli mutatione, cognouiſſem: nunc idem angor, te proſecto: neque me congreſſus, neque ſermo cuiuſquam iuuat: ſolus, ut in litore, oberro. qui etiam, et ſi ſcio quam ſis prudens, & in omni re moderatus; tamen, ut eſt amor ſollicitus, offenſiones in te omnes timeo. commune omnium eſt, ut rure, ueluti quandam uiuendi licentiam naſti, liberius agamus. amabo te, mi Rhamberte, noli iſtam conſuetudinem imitari, ſerua tuam ueterem continentiam. & quoniam mihi, ut ſaepe tecum locutus ſum, aduerſus non diſſimilem deſtillationem praeſens auxilium fuit exercitatio: te quoque ipſum, niſi fallor, hoc uno maxime ſenties

DEM

senties alleuari; si modo hoc tenebis, ut meridianum in solem ne te committas; multo uero minus in uentum, qui sit inclementior. nam sunt aurae quaedam leues, quarum spiritus non modo non hominum generi noxius, sed etiam uitalis: & ego, has saepe ultro secutus, sensi languentes in me uires earum quasi flabris excitari. Sed, o Rhamberte, audi me, hoc uerissime monentem. nihil agis, nisi iucunde uiuas. si uis te tibi restituere; des te ad hilaritatem oportet, & ex animo tuo dispellas, si qua tristium cogitationum residet nubecula. Hanc esse praestantissimam medicinam, uel potius unam esse medicinam, me quidem, superioribus temporibus eodem morbo laborantem, docuit euentus. quare terogo, ut pro eo, quanti ipse tibi es, quanti etiam nos apud te sumus, quorum salus in tua salute posita est; des operam, ut ueterem morbum noua ratione cures, & aliquando istam turbam medicorum malum in crucem iubeas abire; qui te pharmacis non solum diuersis, sed etiam contrariis integrum iam annum lacerant, dum latentem in obscuro ueritatem tuo periculo quaerunt. Vale. Ventijs. ∞ D XLIV. mense Sept.

MARIO . CORRADO

Brundisium.

12

DEBEO tibi, mi Corrade, tot iam nominibus, prorsus ut non uideam, qui soluendo esse possim. scripsi sti ad me saepe: tantum ne? sunt alia: humanissime, elegantissime: laudes in me contulisti eas, quas si agnosca, ipse me nimium uidear amare. tibi tamen habeo gratias

ut meritis de ista tam liberali, tamq. erga me proluxa uolun-
tate; eamque, si gratus, idest si uir bonus esse uolo,
tuae quae certe uolo, puto mihi esse inter summa beneficia
bonorum collocandam. itaque, cum te numquam uiderim, fero
has faciem in oculis: & quamquam habeas, qui te talem
diligant; quos necesse est esse quamplurimos; ego ta-
men primas in amore partes appeto, secundis non li-
benter acquiesco. non soleo blandus esse, nec auribus
indulgere, quod negari possit ueritati. quare uelim mihi
credas affirmanti; neminem me tibi Latina in oratione
anteponere, conferre admodum paucos. hoc ego ita
iudico: nec tu meum iudicium in dubium reuocare de-
bes: cum mihi iam in epistolis tuis tantum in hoc ge-
nere tribueris. unum doleo, tuam istam latere uirtu-
tem in extremo Italiae angulo, neque in hac luce uer-
sari, ubi fructum caperes eam laudem, quae tibi de-
betur, iudicio, ac testimonio praestantium uirorum.
quod si te cohortando possem adducere, ut de migra-
tione cogitares: aggrederer, & in hanc rationem to-
tus incumberem: uerum neque mihi de statu rerum
tuarum constat; et, si cohortatione moueri potes, ipsa
te res, nequaquam tibi, ut opinor, obscura, uel me
tacente debet incitare. Quod scire uis de meis antiqui-
tatibus, haec sunt. Liber nunc imprimitur de legibus:
quem, cum erit absolutus, curabo ad te perferendum.
Edidi iam commentarium in orationem pro Sextio, &
proximis diebus in epistolas ad Brutum, & ad Quin-
tum fratrem: quem tibi nunc utrumque mitto. maio-
ra uellem, & fortasse possem; uerum infirmitas corpo-
ris facit, ut labore debiliter; lippitudo autem, ne le-
gere

gere diutius liceat , aut scribere . magnam etiam mihi temporis partem eripiunt salutationes amicorum , magnam domestica negotia : sexcenta praeterea , quae me a studijs auellunt . sed feramus : humana sunt , nec praecipue nostra , sed communia cum multis . Tu me , uelim , ames , & , si par pari referre uis , amore non uulgari . Vale . Venetijs .

FABIO . STELLAE

Brixiam .

13

CUM tu ad me , Fabi , quem de facie nondum nosti , adductus humanitate epistolam miseris tam elegantem , distinctam notis non amoris minus , quam ingenij : ferreus sim , nisi te , patremq. tuum sic amem , ut amare solemus ea , quae nobis in uita prima sunt . sed quid , si me ipsum etiam uestra caussa plus amem ? quid enim ? cum ego me a parente tuo , magni nominis uiro , summis uirtutibus ornato , diligi uideam , a te uero etiam laudari , excellentis ingenij adolescente , optime ad uirtutem animato ; non ipse mihi pluris sim ? non gaudeam haberi a uobis , qualis esse semper uolui , & , ut essem , laboravi ; sed uoluntati exitum respondisse numquam duxi ? Equidem , cum natura sum , tum ualitudine & morbo subtristis ; nec ad hilaritatem facile traudor : tuae tamen litterae , patrisq. tui , uix credas , quid animo meo incunditatis instillarint , qua uoluptate , qua laetitia perfuderint . itaq. officij uestri memoria sustentor : eaq. sic fruor , ut beneficijs omnibus anteponam . quod utinam adire ad uos , ac studio uestro satisfacere liceret . nihil esset optatius : & esset iter

iter Pastorio comite iucundius. uerum nescio quo fato
 contigit, ut, quo primum huc die perueni, cum tota
 paene familia coepim aegrotare, uxor quidem grauis-
 sime; nec dum ualeat; ego satis leuiter, sic tamen, ut
 iaceam. corpori enim imbecillo quaeuis incommodi-
 tas uix ferenda. quamobrem, affectus morbo, a uiri-
 bus infirmus, equo me non auderem committere, uel
 placidissime incedenti. lecticam, inquis, mittemus.
 hac equidem ueherer commodius: sed, mi Fabi, hoc
 genere deliciarum mei ordinis homines uti non solent:
 ad fortunatos pertinet. itaque differam per aliquot
 dies, quoad uires colligam, idest, quoad equo, aut
 etiam rheda liceat uti. equos quidem hic, quales in-
 firmitas nostri corporis requirit, idest qui alterno gres-
 su crura molliter explicent, quos gradarios antiquitas
 appellabat, facile possum inuenire: sed insolentiam
 huius caeli nonnihil metuo: rheda autem, uereor, ne
 succussu laedat. omnia tamen, ut uideo, moderabitur
 humanitas uestra. Vale, & patri tuo, praestanti ui-
 ro, multam salutem meis uerbis. Asulae.

E I D E M, Brixiam. 14

AGNOSCO tuis in litteris & patris tui, summi
 uiri, singularem humanitatem, & Pastorij nostri,
 hominis integerrimi, nec eloquentia minus, quam do-
 ctrina, praestantis, egregiam disciplinam. & cum ego
 te propter illos diligam: (est enim, ut scis, uterque
 mei, & ego item utriusque amantissimus) tum uero
 ad meam in illos beneuolentiam, quae summa est, non
 nihil tamen tua causa uidetur accedere. Patet, atque

F elucet

elucet in epistola tua pudor ille, ingenuo dignus adole-
 scente, qui maxime commendat aetatem: pater etiam,
 quo fit pudor amabilior, plusq. sibi gratiae conciliat,
 ingenium. quae perspexeram equidem in te, ac lau-
 daueram, quo tempore diuersatus Brixiae sum in aedi-
 bus uestris, exceptusque, & cultus a parentibus tuis
 omni genere officij: sed nihil praestantius, nihil admi-
 rabilius, quam laudis in adolescente perpetuitas. pri-
 mum enim lubrica ipsa aetas est; nec reperitur facile,
 qui consistat: deinde, tenduntur saepe bonis, quibus
 capiantur, insidiae: & multa sunt ad deprauandum
 parata, improborum consilia, aequalium exempla,
 uoluptatum illecebrae. hae sunt illae Syrtes, quibus
 incerto cursu nauigantes absorbentur: haec illa saxa,
 quo salutis cum aperto discrimine impingitur. nec ue-
 ro, poetas, cum & haec, & huius generis alia ce-
 cinerunt, simpliciter locutos, uelim existimes. utun-
 tur similitudine rerum, quae subiectae sensibus sunt,
 ut animos erudiant, moribusq. nostris, ac famae consu-
 lant. itaque sapientem appellarunt eum, qui maris pe-
 rricula, uoragines, & scopulos, & dubijs agitata uen-
 tis loca uitauisset, atque illa perdendorum hominum
 auida monstra, uirginum facie simulata, praedulciq.
 cantu blandientia, contempsisset. quae sunt omnes, mi-
 hi crede, imagines humanae uitae: qua nullum est ma-
 re difficilius, & in qua, nisi rationis quasi gubernacu-
 lo regamur, quam facile fluctuemus, quamq. multa,
 & quam graui rei familiaris, existimationis, ac ui-
 tae naufragia contingant, si te propter aetatem non-
 dum usus docuit, disce a libris, uel disce a parente tuo,
 spectatae

spectatae sapientiae viro ; qui se ex hac tempestate
 tamquam in portum recepit sacrarum litterarum ;
 quodq. habet a foro , quod a publicis muneribus otij,
 totum id in theologia libentissime consumit . quem tu
 imitaris , ut audio , si minus in studio doctrinae , at in
 uoluntate , in moribus , uitaeq. instituto . contemne-
 re te aiunt , quae ceteris ab adolescentibus cum uo-
 luptate fiunt : abhorrere a lusu , uenatione , cursu , alea :
 leuia ducere haec , inania , indecora , turpia : deditum
 esse litteris , uel quibus ad humanitatem informamur ,
 uel quibus ad excellentem liberalium disciplinarum
 cognitionem aditus aperitur : maxime uero solitum ea
 meditari , & curare diligenter , quibus aeternae uitae
 salus comparatur . diuina sunt haec munera , mi Fabi ,
 non a nobis profecta , aut elaborata , nec omnibus im-
 pertita . tibi contigit , ut ita sentires , & ita uelles :
 habe gratiam Deo , qui te tantis in tenebris , atque er-
 roribus praecipuo quodam lumine illustrauerit . alijs
 non idem contigit : mirari noli , neque causam quaere :
 abdita sunt , nec humanis comprehensibilia mentibus
 arcana caeli . stet illud modo , nihil usquam fieri , nihil
 euenire aut insciente , aut nolente Deo : quaeq. ille
 uult , & quae permittit , ea nequaquam reuocare ad
 nostrum iudicium debemus , neque , recte ne fiant , an
 secus , interpretari . Et omnino uelim te , cum de diui-
 nis rebus cogitas , minuere opinionem scientiae , demit-
 tere animum , ac mentem , unamq. putare certissimam
 doctrinam , pietatem in Deum , aut beneuolentiam ,
 & studium erga illos , qui nobis a Deo commendan-
 tur . Quae non dubito quin saepe ita cogites , ut cre-

das ; nec te ita puto credere , ut re ipsa non praestes : cum te omnes ita uiuere confirment , ut a tuis moribus procul absit arrogantia . uerumtamen , si tibi laudo id , quod amas , & quod amandum existimas , non a te gratiam in eo ? non haec tibi , licet parum necessaria , iucunda tamen commemoratio est ? Sequitur illud . Ipse mihi satisfacio . nam , quae laudatio uidetur , eadem , si attendis , cohortandi etiam uim habet . quo genere , pro mea in te benenolentia , magnopere delector . Atque etiam in huiusmodi sermones ego soleo libenter ingredi ; quia , si nihil aliud , ipse mihi fructum fero , dum ea traeto , quibus amore summi boni , studioq. incendor . Te autem , cum haec legis , laetari oportet uel tua caussa , qui tuum intelligas iudicium nostra sententia comprobari ; uel mea , quem sentire tecum uideas , & iisdem gradibus parare adscensum ad ea , quae quanta sint , ex eo conicitur , quod ipsa tantum spes tranquillitatem parit animis nostris , eosq. non a malis modo , sed a malorum quoque metu uindicat . Maeste igitur ista uoluntate , & isto sensu . mature uidisti , quis esset rectus ad gloriam cursus . sequere iudicium tuum : nec tamen contemnes nos , si quando hortamur : & ipse nos uicissim , ubi languemus , hortare . sic erit mutua gratia : sic amabimus etiam magis inter nos , mutuo beneficio prouocati . Vale . Venetijs . ∞ D L I X

IOAN-

IOANNI. BAPTISTAE

PASTORIO

Brixiam.

15

EGO uero te, mi Pastori, tua caussa dilexi semper. habes enim, quae tibi amorem concilient, doctrinam, & humanitatem. munera, quae mittis, me tibi obstringunt magis, beneuolentiam in te meam augere non possunt. quae enim a uirtute profecta sit, non his tamquam adminiculis nititur, sed consistit ipsa per se, eoq. iam processit, ut ad summum peruenisse uideatur. praesta te mihi, obsecro, qualem adhuc cognoui, amantem mei, & in amicitia constantem. munus hoc erit omnium munerum praestantissimum. quod ego, qui sim mei erga te animi ipse mihi conscius, quasi debitum exspecto. Vale. Asulae.

VINCENTIO. STELLAE

Brixiam,

16

SUPERIORIBVS diebus, quo magis incitabar cupiditate ueniendi ad te, uisendaeq. urbis, ut audio, pulcherrimae, qui essem litteris & tuis, & filij tui, idest utriusque tuis, amantissime inuitatus; eo me reuocabat magis pudor meus; neque tam, quid tua permetteret humanitas, quam, quatenus mihi per modestiam meam progredi liceret, cogitabam. ac saepe mecum sic. An tu ad hominem, quem numquam allocutus? quem ne uidisti quidem? adde: quem uirum, quam nobilem, quam grauem, quam distictum magnis rebus? ego autem quis? infirmus natura

F 3

semper,

semper, nunc etiam uale tudine impeditus, exquisita
 quadam ratione, & cura tuendus. Contendebam equi
 dem cum animo meo: nec uici facile, sed uici tamen
 aliquando, & decreui omnino ad uos primo quoque
 tempore me conferre. uereor enim, dum uale tudinis
 commodum exspecto, & id ago, ut, quas morbus
 ademit, uires colligam, in hiemem ne incidam, id est
 in imbres, & frigora: quorum altero uiae corrum
 puntur; alterum scis esse λεπτῷ χρωτὶ πολεμιώ
 ταντον. nam illud, in quo tibi fortasse, uel domesti
 cis tuis, incommodare mea mollities, & paullo fasti
 diosior in uictu consuetudo potest, id non specto. aut
 enim exiguum quiddam erit, & feretur facile; aut,
 si magnum, illustrabit benignitatem tuam. Statutum
 igitur de re: nec est, cur sententiam mutem: uiden
 dum de ratione itineris: quam tu ad meam uolunta
 tem, meumq. consilium, quae tua est humanitas, to
 tam reijcis. ego autem nihil puto commodius, nihil
 aptius ad uirium infirmitatem sustentandam, quam
 leuicula gestari. sed habet species illa, quod ad Fabium
 tuum scripseram, quiddam nimis honorificum: nec
 ego is sum, qui, quod superat fortunam meam, eo li
 benter utar. uerum ignoscetur uale tudini: quam satis
 infirmam, atque imbecillam, concussus & uexatio
 facile frangerent. rheda quidem, qua mearum bene
 perita curationum ancilla cum filiola & puero ueha
 tur, opus est. haec si habebo, uel potius cum habe
 bo; (uis enim me a tua liberalitate omnia expecta
 re) dabo me statim in uiam, & ea quidem spe, ut ali
 quem e caeli mutatione fructum capiam, maximum
 quidem

quidem ex em
 bus audio. V

E

QVOD M
 lescimus;
 dat, ac turpi fi
 su hoc triduo
 beatis incon
 tet, hiemis p
 nulla interposi
 consilium neq
 la omnino tem
 cum primu
 statum in tu
 ditate, atque
 cum maniti
 tuo commoda
 die, aut, qui se
 Leticia man
 deranti, ne qui
 nino rationem
 modent. hoc ti
 dasset. nihil ex
 nam: nihil po
 ob humanitate

Ego ne
 ruam, minime

quidem ex tua humanitate, quam cantari ab omnibus audio. Vale. Asulae.

E I D E M, Brixiam. 17

QVOD ueritus sum, fieri uideo, ut imbris madescat humus, & pulvis in lutum coacta uias impediat, ac turpi foedet adspectu. frigoris etiam acres morsus hoc triduo sentire coepimus. quae cum sint iter habentibus incommoda; tum uero, maiora ut timeantur, hiemis propinquitates facit: ut mihi uel mature, nulla interposita mora, ueniendum ad uos, uel totum consilium necessario abijciendum intelligam. febricula omnino tentamur quotidiana: sed, opinor, decedet, cum primum ex hoc me domestico maerore ereptum statuam in tuis aedibus, id est in aliqua, ut spero, incun-ditate, atque laetitia. iniurias autem caeli, lectica circummuniti, possumus contemnere. quamobrem, quod tuo commodo fiat, dabis negotium tuis, ut Saturni die, aut, qui sequetur, proximo, uehicularum perducant. Lecticario mandetur, atque etiam aurigae rhedam moderanti, ne quid appropere, nisi me iubente; & omnino rationem itineris ad meam uoluntatem accommodent. hoc tu, scio, Stella, uel me non scribente, mandasses. nihil enim te praeterit, ob eximiam prudentiam: nihil porro non uis amicorum tuorum causa, ob humanitatem prudentiae parem. Vale. Asulae.

*

18

E G O uero, comprimi a te mea causa librum tuum, minime uolo. quin, si ad me refers, ut edas

F 4

quam-

quamprimum, suadeo: rogo etiam pro eo, quantus est amor in me tuus: quem non esse mediocre, tuae litterae significant. an ego ita sim bonis artibus infensus, ut industriae tuae impedimenta opponam, & excellentis ingenij fructus, cum bene maturi sint, condi potius, ac domesticos intra parietes asservari, quam in publicum afferri, & communicari cum omnibus uelim? Illa de tuis hortis, & nostris fontibus, eleganter a te, nec sine sale, prolata sunt. uerum agam tecum perliberaliter, atque hanc partem libenter dissimulabo, tibiq. totam largiar. in reliquis etiam habeborationem amicitiae nostrae, nuper institutae, maiorem tamen fortasse ueritatis. Tua scripta, proxime edita, doctrinam habent, & accuratam antiquitatis observationem. itaque uigebunt omnibus, & laudabuntur. quod si quid est, quod desiderari possit: primum id leue est; deinde, ut scis, non imminuit, sed augeat naeuus in formoso corpore pulchritudinem. Vale. Venetijs.

E I D E M,

*

19

NOLI officium litterarum a me requirere: numquam scripsisti, quin rescripserim. quod si contra, quam res est, uidetur; alieno uitio fit; a me quidem prorsus abest culpa. De horologio quod iterum iam scribis, uincit pudorem meum humanitas tua. iam enim statueram oneris tibi nihil imponere, publica explanandi iuris cura occupato, quotidie aliquid scribenti, unde ad nos utilitas, ad te ipsum gloria permanet; negotium amico dederam: & ille curaturum promiserat:

ferat: nec tamen biennio fidem soluit. quare accipio libenter, quod das. tu mihi, quod tuo commodo fiat, horologium Augustae elaboratum; ego tibi, quantum scripseris, pecuniam statim curabo. quale uelim, iam antea significavi, factum eleganter, artificio non uulgari. Audieram, quae ducuntur egregia, minoris triginta scutatis emi non solere. Hoc quidem esset nimium: nec rei familiaris ratio ferret; cui consulere, quia copiosa non est, uideor debere. porro genus hoc ornamentorum ita soleo cupere, ut non insaniam: cupio autem ualetudinis, non libidinis causa. cum enim me satis tristem natura finxerit, accersenda extrinsecus iucunditas est, quam a me ipso petere non possum; eoq. magis, quod plurimus in cubiculo sum, affectus iam quadriennio per totam hiemem oculorum morbo, molesto tamen potius, quam acerbo. nolim igitur impensam esse supra decem scutatos, aut omnino quindecim, eamq. ita fieri, si horologium probetur oculis eruditis. itaque uide, cui negotium mandes. nam neque omnes intelligunt: & alijs alia probantur. ego formam, & artificium, non materiam, cupio emere. De tuis Instit. egi diligenter: hortatus sum, lucri maximi spe proposita. ubi ad pretium uentum est, audire se negarunt. itaque tibi auctor sum, cum ijs transigas, quos faciles iam habuisti, & in tuo merito satis, ut audio, liberales. Vale. Venetijs.

*

20

VOLFANGVM VVerter, cum aliquot abhinc annis Patauij adolescens daret operam Bonamico, dilexi

xi multis nominibus plurimum . nam , ut omittam ,
 quod & in adspectu species quaedam index nobilitatis ,
 & in sermone , atque in moribus probitas elucebat ;
 incensus litterarum studio colebat me , atque observa-
 bat diligentissime , sic , ut in magna frequentia amicorū
 nemo tamen mihi esset illo carior , nemo iucundior .
 tueor illum amorem , & , quoad uiuam , tuebor , eiq.
 absenti memoriam , beneuolentiamque , quam debeo ,
 fratribus praesentibus officia , quae potero , accurate
 praestabo . hoc cum mea sponte facturum essem , quan-
 tum , optime ✱ , mihi accessisse uoluntatis existimas ,
 quod eos tu , uir inter maximos summus , & in exer-
 cenda uirtute semper occupatus , commendandos mi-
 hi tuis litteris putasti ? nam , si quis est , qui de tuo in-
 genio , de doctrina , in primisq. de eloquentia bene &
 sentiat , & loquatur ; is ego sum ; planeq. meos eo sen-
 sus libenter conferam , ut , qui tibi cari sunt , eosdem
 ego quoque diligam . Quare , si uis , da mihi ornandos ,
 atque amandos , qui ad nos ueniunt , amicos tuos . of-
 ficijs eos , si potero ; sin minus , studio certe , & hu-
 manitate complectar . ac ne dubita futurum , ut , quo
 tu sis apud me pondere , cum intellexerint , gratias ti-
 bi , quod eos tua commendatione sis prosecutus , dili-
 genter agant . Audio te quiddam pangerē in Rhetor-
 ricos Aristotelis libros : quod , quale exspecto , augu-
 ror futurum , praeclarum scilicet , ac te dignum . urge
 igitur ; ut & communi utilitati , & tuae gloriae con-
 sulas . Vale .

EIDEM,

Nos hic, optime * (ordiar a re tristi; quando laetae non suppetunt) annum habemus pestilentem; & pulcherrimam ciuitatem quotidianus deformat adspectus mortuorum. furere iam coepit morbus, & insultat in omnes palam, sine discrimine, qui antea repebat sensim, & latenter, nec fere quemquam, nisi obscuri loci, infimaeq. sortis, attingebat. quare diuina sunt imploranda remedia: humana quam iaceant, saepe docuit euentus. Vobis recte istic esse audio, perpetuoq. sit opto, tum ab huiusmodi morbo, qui non modo priuatas domos exhaurit, uerum etiā urbes deuastat, tum a cunctis discordijs, ac bellis, & intestinis, & externis. Te uero florere omni laude, ualere auctoritate, ualere gratia, esse unum, ad quem omnes confluant consilij auxiliq. caussa; nisi plurimum laeter, male sentiam de uirtute, unde tibi ista fluxerunt; male etiam de me ipso, quia tuam uitae rationem probaui quidem semper, secutus autem sum, quatenus licuit: licuit enim certe multo minus quā uolebam. unum si addis, ut ingenium tuum, quo nullum uidi praestantius, languere non sinas, & otij tui rationem constare uelis, hoc est, ut aggrediaris ad scribendum illa praeclara, quae te audio tuis familiaribus esse pollicitum, aut, si iam habes instituta, perpolias, nobiscumq. & cum posteritate communices: nae tu *, omnium fortunam uincis, & solidam plane possides felicitatem. Equidem, quod ad me attinet, idem conor pro mea uirili parte: & haereo, quoad possum, in scribendo:

sed

sed mea ratio quam non sit eadem, quae tua, cognosce. Valetudine sum ea, quae facile in morbos incurrat, imbecilla prorsus, & incommoda: itaque saepe in cursu institutorum meorum, cum progredi maxime uellem, consistere sum coactus. Accedunt, quae temporis haud exiguam partem auferunt, salutationes multae multorum: in quibus uidetur esse honor; & est omnino quaedam species: sed ualeat ambitio: odi omnia, quae detrimentum studijs afferunt. Quid domestica? non enim tantum a me pendent ij, qui meos intra parietes uiuunt, uxor, liberi, familia: sed fratres quoque suas in me uno rationes habent sitas: uterque meis consilijs, alter etiam meis opibus, quantulaecumque sunt, nititur, ac sustentatur. Vides rerum mearum imaginem, ut in tabula depictam. nec tamen obrui me sino fluctibus molestiarum; sed enitor saepe, & consequor interdum, ut ex omnibus curis, atque occupationibus emergam, meq. saltem per aliquot horas in portum recipiam litterarum. quo si frui diutius liceret, in caelo essem: quia non licet, hortor te, cui otij satis est, ingenij uero, scientiae, iudicij multo plus, quam mihi, ut haec omnia studiosorum ad utilitatem conferas. quod si facies; gloriosum tibi erit ex ipsa re, quem uideo praestare posse maxima; ceteris non modo re, uerum etiam exemplo fructuosum. fortasse enim, te praeunte, alij, quoquo modo poterunt, inuitati laude subsequenter. Ego meas Antiquitates, etsi, ut ille ait, spissum opus est, aliquando tamen, ut spero, pertexam. Vale. Venetijs.

GRATA



GRATAE mihi tuae litterae, gratissimus uero
 qui te ad scribendum animus impulit. atque ego te
 antea diligebam; quod, ingressum esse minime uul-
 gare in uiam litterarum, longeque per eam processisse,
 intelligerem: sed auxit amorem in te meum haec, a me
 nunc minus expectata, eoque iucundior, uoluntatis
 erga me tuae minime dubia significatio. soleo enim
 amare in hominibus humanitatem haud paullo plus
 mehercule, quam doctrinam. ac doleo factum esse an-
 tea, casu dicam, an uoluntate tua? ut oriatur inter nos
 quibusdam ex opinionibus dissensio, ijs tamen de re-
 bus, quae si dilucide pateant, quod accidere potest
 utroque nostrum disputante, studiosis fortasse non ni-
 hil in eo consuletur. id quod est in meis consilijs, &
 fuit semper antiquissimum. Nam quod mea quaedam
 improbas: si recte sentis, habeo gratiam: errare pos-
 sum; & corrigi uolo. sin, ubi de meo sensu iudicas,
 tua te fallit opinio: ego tamen, quae a studio ueritatis
 culpa manat, libenter ad laudem conuerto. itaque,
 quod ad hanc partem spectat, nemo audiet me queren-
 tem: excusabo te potius, atque etiam, quoad licebit,
 ornabo. Quod autem, quae meis in scriptis non impro-
 bas, ea dissimulas, & in tuos commentarios, meo no-
 mine praetermisso, quasi noua transfers: miratus
 sum, & requisui paullisper in eo modestiam tuam.
 agam enim tecum libere, sicuti natura mea postulat,
 & inter bonos uiros aequum est. Illa de iudicijs ex-
 traordinarijs, quae te scribis edidisse, si dederis operam,

ut ad

ut ad me perferantur, etsi ea discrepare significas a sententia mea, gratissima tamen erunt. & gaudeo te tam esse diligentem in meis scriptis peruolutandis, & occasionem mei admonendi, & corrigendi tam libenter quaerere. sic enim intelligam; ubi corrigendi finem feceris, nimirum, quae supererunt, a te omnia probari. unum peto: sit condicio par: des mihi, ut idem liceat per te, quod licere tibi per me uolo. si quid ego de tuis itidem non probauero, noli grauius commoueri. iudicemus pariter, ego de te, tu de me utram in partem libet: amemus tamen inter nos, ut boni uiri solent; & si quid fortasse de iudicio, nihil tamen de beneuolentia, detrahatur. Libros quos petis, habeo nullos, Cicerone excepto. nec eius generis, nunc quidem, tibi quidquam polliceor. quae uero ipse composuerim, paucis mensibus habebis, si ualebo, commentarium in epistolas ad Quinctum fratrem, & librum de legibus Romanis: qui est antiquitatum mearum sextus. De Sextiana oratione, si scriptam contuleris cum impressa, quaeq. loca varia sunt, miseris; amabo te: idq. ut facias, rogo. Vale. Venetijs.

HIERONYMO. FVRNARINO

Rauennam.

23

VIDES me tibi satisfacere, & quod olim petieras, id nunc, tuae memorem uoluntatis, re praestare? non enim, ut solebam, plebeio sermone tecum ago; sed eo, quem in quadam epistola patricium appellasti, qui quam tibi sit in delicijs, quantumq. in eo studij poteris, & industriae, facile ex ea ipsa epistola potui conijcere.

conijcere . uerum , quod ad me attinet , non ego meas
 litteras eius esse generis intelligo , ut ab homine patri-
 cio scriptae uideantur esse . quid enim habent , ut ita di-
 cam , nobilitatis , quid splendoris aut in sententijs , aut
 in uerbis ? conor equidem ; & huius me cupiditas lau-
 dis multos iam annos incitat : sed moratur rei difficul-
 tas , occupatio domestica , uoletudinis infirmitas : scri-
 bo tamen assidue , quantum licet , & quoquo modo li-
 cet : animos uidelicet mihi facit , quod inter nos dictum
 sit , multorum inscitia : cum quibus interdum me con-
 fero non sine uoluptate ; sicuti contra , cum in antiqui-
 tatem ipsam intueor , contemno me , planeq. ipse mihi
 displiceo . uera enim illa fuit , suisq. absoluta numeris
 eloquentia : nostra infantia est , mi Furnarine ; nos bal-
 bi , nos elingues paene sumus in Latina lingua . Sed
 quid ago ? dum tecum suauissime loquor , nulla certa
 re proposita ; paginam , uerbis undique sua sponte
 confluentibus , impleni . erit igitur , quod initio scribe-
 re statueram , idem clausula mearum litterarum . Mit-
 to ad te munusculum tenue , amoris tamen significa-
 tionem in te mei , commentarios , a me nuper editos ,
 in epistolas ad Brutum , & Quinctum fratrem : quos ,
 cupio , diligenter legas . id si assequor a te , & a tui si-
 milibus ; honestabor , & gratia meis laboribus opti-
 ma referetur . Vale . Venetijs .

LAEVINO . TORRENTIO

Leodium.

24

MIRABAR , cum in tuis uerbis tanta sit huma-
 nitas , quae tuo mehercule etiam elucet in uultu , cur
 deberi

deberi mihi tam diu paterere tuas litteras, quas, ubi Leodium peruenisses, missurum statim pollicitus eras. hanc admirationem, in qua molestiae quiddam inerat, sustulit prorsus epistola tua, scripta sane elegantissime; in qua causam tui silentij confers in peregrinationem, & negotia. quod si iam in otio consedisti; exerce ingenium tuum praeclaris in studijs, non ut amicus tuus, qui nihil umquam parit, cum tamen parturiat semper, sed ut edas aliquid, quo tuum nomen, aeterna cum laude coniunctum, ab hominum obliuione, omniq. prorsus interitu uindices. Leodiensem Episcopum, de quo multi multa narrant, omnia praeclara, summoq. digna principe, si quid habeo artis, aut facultatis, ornabo laudibus: sin, quod suscipiam, praestare non licebit; amabit ille tamen, ut opinor, uoluntatem. tu me interim de meliore, ut ille inquit, nota commendabis; eiusq. in me beneuolentiam, si qua est, ea, qua apud illum uales, gratia fovebis. Vale, nosq. saepe litteris. si otium est, saluta. Venetijs.

SEBASTIANO. LEONI

CORDVBENSI

Romam.

25

SOLES in nostris sermonibus, humanissime Leo, quod mihi maximum est argumentum amoris tui, monere me, atque etiam rogare, ut pro tenuitate ualitudinis meae litteris utar moderatius, & in studio uirtutis, quod difficillimum est, temperantiam adhibeam: amabiliter tu quidem, & officiose admodum: sed, hoc mihi persuadere si uis, prius illud persuadeas oportet,

oportet, non magnopere esse de gloria laborandum: inanes esse nostras cogitationes, stulta consilia, quae ad eam dirigantur. ad quam causam non tu quidem umquam tantam afferes eloquentiam, ut in re tam praestanti mihi quidem probes modum esse seruandum. quamquam, quod ad rem attinet, tu quoque mecum sentis, uel potius ego tecum. in litteris affirmas esse uiuendum, & optandum in primis scientiae cognitionem, sed cum eo tamen, ut salutis ratio habeatur. obsecro te, mi Leo, quid tu existimas de ijs, qui diuitias immoderate appetunt? num errare uidentur? certe. at ipsi aliter putant; itaque persequuntur institutum. quid de ijs, qui honores sitiunt? non dubito, quin hos quoque sentias peccare. & peccant sane: timida est enim ambitio, ideoque misera: neque tamen pauci sunt, quos inficit haec labes. ego & cum his intelligo me errare, & praeterea cum multis: sed diuersa ratio est. illi eas res plus aequo appetunt, quas consecuti, meliores numquam, deteriores etiam plerumque efficiuntur: ego in earum artium indagatione sum nimius, (sic enim ipse existimas) quarum cognitio euellit ex animis uitia, inserit uirtutes. itaque uides errorem aliorum cum turpitudine esse coniunctum, meum non modo non turpem, uerum etiam laudabilem. At morbis saepe tentamur. Primum, hoc quidem non est praeter naturam: ars enim praestare non potest, ut recte semper ualeamus: nam, si posset, ij, qui scientiam medicinae tenent, ipsi numquam aegrotarent. deinde, est praeclarum in maximis laborare: & quacumque re uirtutem emas, paruo emas. non pos-

G se

se autem nos ad ea, quae summa sunt, sine sudore per-
 venire, indicat illud, quod poetae ne Herculi quidem,
 Ioue nato, nisi maximis exantlatis laboribus, caelum
 dederunt. Te ipsum rogo, qui me mones; quem ego
 studia doctrinae uideo numquam intermittere: ullam
 ne uoluptatem ea cum uoluptate putas esse comparan-
 dam, qua legentes, aut scribentes afficimur? potest
 esse tanta suauitas, qua non maior ea sit, quae perfun-
 dit animos nostros, earum rerum intelligentia fruen-
 tes, quae sunt ad bene beateq. uiuendum necessariae?
 Quod si quis doctrinam contemnit: haud scio, quid
 iste curet. negligit animum; quo nihil potest esse prae-
 stantius: se ipse ignorat; quo nihil turpius: corpori
 seruit, ignauiae deditus; quod est illi commune cum
 belluis; quibus id praecipuum, ut alantur, uentriq.
 indulgeant, a natura tributum. itaque sequar meum
 institutum; neque te, mi Leo, neque alios audiam, stu-
 diosissime monentes: quorum equidem amo uolunta-
 tem, iudicium tamen cogor paullulum requirere, &
 ut ipse quoque erga uos amici partes, uestro exemplo,
 suscipiam; finite meam uocem in aures uestras influe-
 re, quae uobis artium studia optimarum assidue can-
 tat; quae uestra uobis bona commemorat, eaq. ut agno-
 scatis, & quantum licet, exerceatis, hortatur. cui si pa-
 rebitis: fructum capietis eum, quem ipsi mihi, cum
 meam reprehenditis in colenda uirtute constantiam,
 studetis eripere. Vale. Ex aedibus nostris.

MARCO

MARCO. ANTONIO

- L O M B A R D I N O

Patauium .

26

SCIS, optime Lombardine, benignitatem a philosophis, magis etiam a Christianis hominibus laudari: recte id quidem: nihil enim est, quod hominem aequae cum Deo coniungat: sed illa cautio requiritur, ut adsit cum uoluntate prudentia. thesauros plerumque uideas in aliquem conferri ab ijs, qui dominantur. quare caussam: laudabilem nullam reperies. quis igitur beneficium illud praedicabit, in quo neque meritum accipientis, neque iudicium dantis agnoscitur? Equidem pro magnis opibus existimo hesternam illam animi tui significationem. quod enim ad me munus misisti, tum est ipsum per se gratum, quia pertinet ad ea commoda, sine quibus, imbecilli ualitudine qui sunt, aegre sustentantur; tum uero multo gratius, quia iudicij tui laude commendatur. nisi enim tibi mae uitae ratio, nisi ea, in quibus assidue uersor, studia probarentur; metu certe, qui probitatem colis, qui doctrina ingenioq. excellis, beneficio non afficeris. quando igitur ex ista tua in me liberali uoluntate, quid de meis moribus, quid de litteris sentias, facile possum conijcere; contemno Principum diuitias; beatus esse possum in tua beneuolentia; unde honor, & decus, unde praeclara uirtutis argumenta, unde etiam commoda manabunt. quare conserua mihi, si uis me felicem esse, tuum amorem: quem certe intelligas mihi deberi, si tibi, mea quae sint erga te studia, liceat intueri.

G 2 intueri.

intueri. Illa uero, quae a tua benignitate proficiuntur, persuade tibi, hoc potissimum nomine, quia sunt amoris argumenta, mihi esse carissima: neque ego te unquam ex beneficio, sed beneficium semper ex te ipsis pendam. Librum de Magistratibus, quem petieras, habeo equidem absolutum, nondum tamen edendum: itaque comprimetur, usque dum accurate perpoliam. prooemium degustabis: quod ad te cum hac nocturna epistola statui mittere. Vale. Ex aedibus nostris, ante lucem.

PROOEMIUM . LIBRI
de Magistratibus Romanis.

QVOD in priuata domo paterfamilias, idem in ciuitate praestat lex. ille praecipit filiis, quid agant, & quare ratione agant: haec iura ciuibus mandat, & ad pietatem, ad rectum spe praemiorum inuitat; a delicto, proposita poena, deterret. quemadmodum autem rei priuatae non hoc uno consulitur, si sit qui imperet; uerum illud praeterea requiritur, ut imperanti domestici omnes pareant: sic in ciuitate, nisi legem aliquis tueatur, & ut ei ciues, quasi parenti optimo filij, audientes sint, potestate imperioque perficiat; non est in ipsa lege praesidij satis; optimeque ac laudabiliter uiuendi praescripta norma negligitur. quo fit, ut tam legi necessarius uideatur esse magistratus, quam lex ipsa ciuitati. Ac mihi, hoc de genere consideranti, longe uidetur optabilius esse, ut iniquae legi praesit optimus magistratus, quam ut improbus aequissimae. nam si summam potestatem cum optima mente coniungas:



iungas: uir bonus in iure dicendo, praeter aequabili-
 tatem, & iustitiam, nihil spectabit: si quid erit in le-
 ge uitiosum, pro sua sapientia corriget: si quid am-
 biguum, in eam partem interpretabitur, quae ad pie-
 tatem, ad communem ciuium utilitatem, ad reip. sa-
 lutem propensior esse uideatur: sin autem, qui non op-
 time sunt a mente constituti, ijs potestatem addas, &
 uoluntatem uiribus confirmes: legis uocem magistra-
 tus non exaudiet, quid maiores uoluerint, sanxerint,
 seruarint, non attendet; ad suum arbitrium, suamq.
 libidinem omnia reuocabit. quod cum faciet; reip.
 quae tota a iure, & aequitate pendet, non solum fa-
 ctio, sed multo etiam magis exemplo nocebit. nam,
 quia praeuitem sequi non difficile est: propterea, qui
 imitentur, quam qui inueniant, plures non modo in
 rep. administranda, uerum etiam in omni arte repe-
 rias. male C. Caesar; qui, libertate ui & armis op-
 pressa, ea, quae omnium erant, possedit unus: sed lon-
 ge improbior, ac nequior L. Sulla; qui, ut auderet spe-
 rare Caesar ea, quae consecutus est, exemplo suo per-
 fecit. quod si, qui legibus praesuerunt, tales fuissent,
 quales eos, qui leges ipsas condiderant, fuisse legimus:
 stetisset in suo gradu res. quaeq. artes in ciuitate li-
 bertatem auxerant, eadem facile conseruassent. ue-
 rum, in hominibus, non in legibus, uirium fuit. primi
 omnium duo fratres e Sempronia familia, Tiberius &
 Caius Gracchi, malo publico eloquentes, & ingenio-
 si, serere inter ciues discordias coeperunt, infimaeq. ple-
 bis animos nouorum commodorum in spem turbulen-
 tis concionibus excitare. qui etsi decreto senatus iussa

ni oppressi, debitas eorum audaciae poenas exsolue-
 runt: tamen exitiosae consuetudinis initium attulit
 ille dies, qui civili sanguine gladios primus infecit.
 quod enim non modo iustum, sed nec usitatum antea
 fuerat, id postea ne nouum uideretur, effectum est.
 itaque, cum aliquot post annis P. Sulpicius primum,
 ut uisus est, non pess. me animatus; deinde, siue am-
 bitione inductus, siue iracundia concitatus, ab opti-
 ma causa desinisset; eademq. fere, quae duo Gracchi,
 in tribunatu pl. aut certe non dissimilia moliretur: fa-
 cile ad nīm & ad caedes prolapsa res est: neque prius
 arma quieuerunt, quam, ciuium magna parte truci-
 data, aut eiecta, unius libido antiquis legibus par, at-
 que etiam superior esse coepit. quod neque tunc, neque
 postea contigisset, si, quam sapientes in scribendis legi-
 bus maiores fuerant, tam in creandis magistratibus
 cauti posteri fuissent. nam, etsi non recte geritur pu-
 blica res, nisi praestantibus uiris, acriq. ac magno ani-
 mo praeditis committatur: tamen periculosa in pri-
 mis haec est, & lubrica sane deliberatio: propterea
 quod non languentibus in animis, sed in erectis men-
 tibus, ac maximis ingenijs dominandi cupiditas exori-
 tur. honorum spe, fateor, ad labores, ad industriam,
 ad subeunda etiam pericula homines excitantur: sed
 in libera ciuitate est, quatenus cuique credatur; & in
 danda potestate. si modus retinebitur, modus item in
 gerenda seruabitur. legitimis enim potestatibus, &
 moderatis imperijs alitur libertas: neque facile quis-
 quam uult, quod se posse desperat: & qui tantum po-
 test, quantum si consequatur, ceteri nihil possent, hic
 si ma-

si malus est, potestate fit deterior; sin ita moribus ex-
 ploratis, ut antea nihil neque fecerit indignum bene-
 viro, neque uoluerit, interdum tamen, ut humana in-
 tantur, a rectis cogitationibus ad iniquas libidines tra-
 ducitur; & peccat eo ipso, quia peccare permittitur, ut
 possit. Quocirca patriam meam singulari sapientia in-
 stitutam, ac diuino quodam consilio temperatam licet
 existimare: in qua neque magistratus iidem conti-
 nuantur, quod est seruandae ac diutissime retinendae re-
 ip. uinculum firmissimum; neque cuiquam tantum
 uni committitur, ut extraordinario iure elatus liber-
 tati, communiq. otio moliri periculum possit. qua mo-
 deratione factum est, ut post annos ∞ CXXIV.
 (tot enim ab urbe condita numerantur) non modo
 resp. sit, uerum etiam ita sit, ut omnibus rebus publi-
 cis, quae nunc sunt, magnitudine opum; ijs autem,
 quae fuerunt, imperij diuturnitate antecellat. quae
 quibus institutis ac magistratibus usa, ab humili, re-
 nuiq. principio ad tantam dignitatem, atque amplitu-
 dinem peruenierit; neque est hic narrandi locus, &
 hoc argumentum uiri sapientissimi ita non modo co-
 piose, uerum etiam perite ornatq. tractarunt, ut, si
 quid uelis adiungere, idem sit, ac si in Apellis aliqua
 perfectissima imagine, puta in Venere illa Coa, elabo-
 res. Nobis Romana ciuitas proposita est. quae quam
 multas habuerit parces ad imitandum praeclaras, ex
 eo patet, quod ita bello ac pace uiguit, ut illius uim
 & potentiam omnes reges populiq. extimescerent,
 aequitatem & abstinentiam subiectae urbes natio-
 nesq. diligerent. Formam senatus, quod in ea & reli-
 quum

cum consilium fuit, ordinem comitiorum, iura legum tribus libris exposuimus. Nunc de magistratibus eorumq. potestate disputabimus; tum, quia locus ipse admonet, (hoc enim legibus adiunctum, & tamquam adnexum uidetur) tum etiam, quia Ciceronem, cui uideo in ijs libris, quos de Legibus conscripsit, hunc ipsum ordinem placuisse, libenter imitamur.

CAESARI . FERRANTIO

Patauium.

27

E G O uero istum erga me animum, istam, quae significatur in epistola tua, beneuolentiam amplector libentissime, & amo prorsus amore singulari. nam, ut omittam, quod ita postulat humanitas: tui te praeterea mores, tua modestia, & maior iam aetate uirtus egregie commendat. quae cum ipsa me mouent: tum uero in affinem tuum, Episcopum Sueffanum, studium eiusmodi meum est, multis abhinc annis ex incredibili eius humanitate, doctrinaq. susceptum, ut eos etiam, qui modo aliqua illum necessitudine attingunt, quosq. ille caros habet, complectatur. quo tu in numero ut esses, affinitate primum, id est naturae quodam quasi munere, tibi contigerat: postea uero cum natura uoluntatem, & cum uoluntatis studia coniunxisti, excolendis artibus ijs, unde fluxit honor, ac dignitas affinis tui, unde eadem ad te manabunt, si te illi, immo uero si te ipse tibi quam simillimum praebueris. quis enim tantos processus tam adolescens in philosophia fecit, quantos illa tua in aula perillustri Cardinalis Estensis celeberrima disputatio, multis praesentibus, ostendit?

Qua

Qua tamen de laude ita te sentire uolo, ut maximam esse putes, si cum aetate tua conferatur; sin res ipsa spectetur, longe statuas maiorem esse posse; quodq. uiae confeceris, id quidem esse multum, nec tamen tantum, quantum adhuc spatij supersit. sed mihi crede, omnis in eo tuorum studiorum sita perfectio est, si, quemadmodum nunc id cogitas, & id, opinor, agis unum, ut intelligas, humanae res quantum alijs aliae praesent, ita, quantum infra diuinas humanae prorsus cunctae sint, aliquando simul cogitabis. nae tu, Caesar, si te ad hanc, quam ignorari a plerisque uideo, praecalam disciplinam contuleris, magistros habebis haud paullo meliores, quam quibus nunc uteris, aut etiam per omnem uitam uti potes. exstat sanctissimorum uirorum multis libris expressa doctrina, qua instruimur, & erudimur ad aeternae uitae salutem. habes praeterea domesticum exemplum affinis tui, summi uiri: cuius in uitam si inspexeris; excitaberis ad omnem laudem; coles autem praecipue ueritatem; quam ille tuetur acerrime, habuitq. semper antiquissimam. neque uero impedio, quo minus, ut coepisti, Marco Antonio Genuae, & si cui praeterea uelis, operam des: eloquentiam quoque si adiunxeris, ut res graues & obscuras ornate ac splendide tractare possis, minime improbabo: sed illa praestantiora sunt, quo te hortor, ut aliquam omnino transferas industriae tuae partem. De libris ad te missis, habeo gratiam humanissimo, & in primis erudito iuueni, Sebastiano Leoni, utriusque nostrum aequae familiari: qui mihi hanc instituendae tecum amicitiae occasionem obtulit: quam

auide

auide arripri . iam enim incenderat me studio tui, cum de ingenio, de studijs, denique de tua ad optimas res propensa uoluntate multa praedicasset . quod si quid acciderit, in quo tibi opera mea usui possit esse : id si ipse intelligere potuero, mea sponte suscipiam : sin si quis, a te admonitus, efficiam, ut esse tuam apud me plurimi uoluntatem intelligas . Vale . Venetus.

VIDO . LOLGIO

Placentiam .

28

PAVLLO ante dederam ad te litteras; quas, coniectura dierum, putabam tibi iam esse redituras : hae nunc alterae consequentur . Scripsi, te absente me cessare in litteris, & omnino tuam operam, tuamque illam in meis rebus officiosissimam sedulitatem uehementer requirere; sed meum consilium esse, te istinc ne prius commoueres, quam ego alicubi consedissem . id ego uolebam scilicet inuitus, qui te socium & administrum meorum studiorum summe desidero : sed uolebam tamen tui commodi causa : primum, quod hanc equitandi iactationem, quae me quidem delectat, tibi, otij cupido, suspicabar non placere : deinde, quod, si accidisset, ut istas regiones peteremus, quod post balnea facturi uidebamur; intelligebam fore, ut adire commodius ad me posses interuallo minore . nunc audi, cur sententiam mutauerim . Cardinali nostro, cui nimium saepe calculus molestus est, multis iam remedijs frustra tentatis, accedere nunc ad aquas Lucenses uoletudinis causa deliberatum est; nosque, ut sis, idem

idem cogitamus. ijs aquis qui uti uolunt, id maxime spectant, ut sicco tempore utantur. haec est quasi methodus quaedam, quam seruantibus salubres dicuntur esse: permistae cum in bribus putrescunt, graui periculo bibentium. nos porro, o Lolgi, qui didicimus a philosophis, bonam ualitudinem expetere, sapientis esse; ualde in hac quidem parte sapimus, & ut optime ualeamus, accurate, quaecumque uires tuentur, aut augent, persequimur; quae posse uidentur infirmare, ac minuire, declinamus. itaque ad balneorum medicinam prius non accedemus, quam id & tuto, & salutariter fieri posse intelligamus. nunc quidem alienum tempus est. uides, quae pluuiae, quam paene hiemales dies. haec dum ita se habent, nos opportunitatem exspectantes, in his opidis, & uillulis iucunde satis oberrabimus. quod quoniam quam diuturnum si futurum, diuinare difficile est; & ego, dum te careo, multis commoditatibus una careo; tuque, ut ternis iam litteris significare uideris, non abes a me sine molestia: mea causa rogo, tua hortor, ut, quamquam nondum consedimus, mature tamen, nisi quid grauius impedit, reuertas. & ut scias, quo me loco conuenire possis, Pisis ad idus Iunias, & ultra, ut opinor, aliquanto, sed ad idus Iunias certe commorabimur. Vale. Pisis.

HANNIBALI. CARO

Rauennam.

29

FOROLIVIENSIBVS male sit, qui te longius a me abstrahunt. sed istorum motus praefecti prudentia

dentia sedabit, tuque, ut scribis Rauennam breuiter recurre. ibi uelim ne quid caussae sit, quo minus ad me quamprimum. ego uolebam ad te; sed impediunt multa, maxime Ciceronis editio; cuius tempus adueniat, uel potius iam adest. itaque occupationum onere ualde premor. sed mihi nulla res esse potest tanti, ut ab hoc scribendi officio diuellar. Nunc est, quod a te uelim. Qui tibi has litteras attulit, est et mihi, et fratribus meis ualde familiaris. eius opera multis in rebus usi sumus egregie fidei. cum Rauennam uenturus esset, quiddam ut exigeret, quod ibi habet in nominibus; petijt a me, ut se tibi commendarem. dixi, cum causam optimam haberet, commendatione eum non egere; tamen me esse facturum. Si quid me amas, Care, uel potius, quantum me amas, tantum hunc hominem adiua. his temporibus, cum fides ubique sit angustior; uereor, qui debent, ne non facile dissoluant. si res in iudicium uenerit, noli pati, uirum bonum, amicum meum, exhaustiri longi temporis impensa: beneficium non conferes in ingratum. memorem enim cognoui. sed tu eum ne spectes: me uide, qui a te peto. mihi enim gratius facere nihil potes. nam, etsi, quod ad nos attinet, ipsi quidem inter nos magis, quam amamus, amare non possumus: tamen ualde laboro, in quo me ambitio quaedam mouet, ut homines nostram coniunctionem, tuamque in me beneuolentiam perspiciant: quarum alteram uitae aequalem fore, alteram eiusmodi iam esse confido, ut nihil addi posse uideatur. Vale. Venetys.

EIDEM,

E I D E M, Rauennam.

30

VIRVM te duco, qui compedes illos frangere, & aliquando te in libertatem vindicare potueris. id quod ego, qui nervos ingenij tui bene cognitos haberem, prorsus ita fore sperabam. ut autem etiam cum Guidiccione, idest cum homine doctissimo, & ad tuam naturam aptissimo, tibi uiuere liceret; hoc uera ne optare quidem umquam sum ausus. quod quando accidit; beneuolentiae in te meae est, gratulari, quod euenerit; prudentiae autem tuae, non committere, ut frustra euenisse uideatur. Herum habes, Care: herum autem, dico? cuius ea suauitas est, is in te amor, ut potius aequalis, potius germani fratris loco tibi sit: sed, quoquo nomine appelletur, eum certe habes, qualem uis. Quare, quod mihi, aliorum arbitratu cum uiuebas, promittere solitus eras; id ego nunc, quando tui iuris es, non a te petam, sed exigam, ut operas Musis, iamdiu a te, non sane tua culpa, tamen praetermissas, eo, quicum es, permittente, atque etiam cohortante, reddas. sed ita procul dubio te esse facturum, uel potius iam facere existimo. itaque hoc ne monendus quidem es; illud autem etiam rogandus, ut ad nos quamprimum uenias; ut possim urbanitatis tuae sales ex interuallo regustare. pedibus, puto fore commodius: nam mari prae frigore obtorpueris. o dulcem congressum; in quem ego, uix credas, quam multa reseruem, quae, litteris commissa, eandem suauitatem non habent. Vale.

EIDEM,

FESTIVVM Molsae nostri poema libenter legi, explanationem uero tuam libentissime: & sum admiratus acumen ingenij tui summo iudicio coniunctum: quorum alterutrum non ita multis contingit, utrumque uero paucissimis. Quod scire uis, quid alij sentiant: idem, quod ego, nihil esse in illo genere perfectius. quo magis te hortor, ut hanc facultatem ad grauiora studia transferas, & aliquando te, ab istis occupationibus uindicatum, in litteras totum abdas. quod si mature feceris; cerno iam animo, quanta tibi hoc consilium laudi, quanta nobis, qui te amamus, laetitiae sit futurum. memini, quid tu mihi te facturum esse dixeris: neque te arbitror oblitum, quid ego tibi in eam sententiam responderim. Mi Care, induc animum, nullos praestantiores esse fructus, quam qui e uirtute colliguntur. & cum hoc feceris, quod & facis, & fecisti semper, tum illud tecum existimato, ac pro certo habeto, incredibilem esse expectationem, quam de te apud homines concitasti: quam si sustinere, actueri uis; contende, dum integrum est, omni studio, ut ex hoc uitae genere, in quod olim te non tuum iudicium, sed uis quaedam temporum, tamquam in aliquod pistrinum, detrusit, quamprimum te eripias. quod quia tibi deliberatum esse, mihi saepe ostendisti; non ero longior in te cohortando: tantum haec attigi amore impulsus; ut intelligeres, in summis meis occupationibus me tamen de tua laude cogitare. De Ardingh bello nescio quid atrocius est allatum: quod ego sane-

sanequam pro eo ac debui moleste tuli. hominem enim eruditum, & cum tibi amicissimum, tum a nobis, ut uisus est, non alienum cognoui. uelim, tu id ad me planius, quid fuerit, & unde fuerit, perscribas. Vale.

EIDEM, Rauennam. 32

LITTERIS tuis, quas tu idibus Quint. dederas, ego nonis accepi, rescripseram, quo modo mihi tunc occupatissimo licuit: postea, cum eas per otium in manus simpsissem, accuratiusq. perlegerem; sensi me quasdam partes, quibus nunc ex interuallo respondeo, imprudentem omisisse. quod etiam si ita non fuisset; ego tamen aliquam scribendi sententiam alicunde arripuissem: non solum, ut quasi tecum loquerer; quo nihil facio libentius; sed etiam, ut tuas elicerem, quarum sermo & purus in primis est, atque ornatus, et humanitatis, ac beneuolentiae notis maxime insignis, uel quas mense proximo dedisti, quam amabiles, quanti consilij, quam multi officij? quod munus, quae partes in ijs a te sunt hominis amantissimi, prudentissimi, diligentissimi praetermissae? quam accurate, quam distincte, quam perite tuam de meis typis sententiam explicasti? quibus quidem typis, spero fore, ut emendatissimis utar, quando ad te & ad Thomam nostrum missi sunt: quorum alterum in labore patientissimum, alterum in iudicio elegantissimum cognoui. Quod autem ita scribis, homines hoc animo esse, ut nihil a me nisi perfectum, absolutumq. expectent: facis tu quidem officiose, & peramanter, qui ad me excitandum aliorum quoque opiniones, & iudicia colligas: sed hoc ipsum

ipsum genus, quod perpoliri a me uis, ut perficiatur, in te est. Quare, quoniam ita casus tulit, ut unus fere hoc tempore tantum mea causa posses, quantum ego tua semper uolui: etsi mei commodi, atque etiam honoris ratio postulare uidetur, ut in te rogando pluribus uerbis utar; tamen id non faciam, ne maiorem de fiderij mei, quam humanitatis tuae, rationem uidear habuisse. De artifice autem confirmando, quoniam in hoc uides esse omnia, & me longinquum nihil posse intelligis, omnem curam tu suscipias oportet: qui ut idem nobis sit, qui antea fuit, facile cum prudentia, tum commoditas illa tua praeſtabit. quamquam non dubito, quin ipse per se, uel sine ullo artificio tuo, ad id, quod reliquum est, persequendum ita, ut uolumus, animatus sit. profecto enim constantiae rationem sibi habendum ducet. sed tamen, quoniam gloriae magis studio, quam emolumentum cupiditate, incensus, ad opus est aggressus; subijcies tu quoque identidem in sermone quasi igniculos, ut uehementius inflammetur. Ficus tuas quod ais te in apertum referre uelle, ut aliquando uenales circumferantur, quae quotidie ab omnibus, te insciente, degustantur: ego uero, ut id facias, magnopere suadeo. Quod autem meorum typorum expectationem nimis longam esse dicis; mihi quoque ita uidetur; idq. cum mea causa, tum tua non me diocriter doleo. Figurarum opus, quod te hortantem exorsus, textitur illud quidem diligenter: sed uereor ne plus oneris susceperimus, quam quantum nostra imbecillitas sustinere possit. quod si ita erit; accurres, ut, parue aliqua nobis detracta, & in te translata, releuemur.

releuemur. Sed, amabo, quid sibi uult, quod in tua
rum litterarum clausula posuisti? te, si quae essent in
ternos ad significandum notae, quiddam occultius
fuisse scripturum. equidem, etsi, quale sit, uideor mihi
iam intelligere; tu tamen ut apertius declares, ualde
uelim. De mandatis meis, ea, quod tuo commodo fieri
possit, si exhauries; per mihi gratum, perq. incundum
fuerit; sed illud primo quoque tempore, de quo se
Martellus tuus curaturum recepit: qui si stetit promif
sis, reliqua ego a te exigo: sin autem, quod pollicitus
fuerat, nondum exsoluit; eum tu litteris appella. nam
de ceteris non ita ualde urgeo: ages cum licebit, uel
dicam etiam, cum libebit. in hoc autem nisi mihi quam
primum satisfacis; praedico tibi, flagitatorem habebis
acrem, & molestum. Vale, & amicis communibus
salutem a me plurimam. Venetijs.

OCTAVIANO. MAGIO

Romam.

33

PROFECTO nihil tam accidit contra uolunta
tem, quod aliqua demum incunditas non temperet.
sic sunt humana. angebar animi, (quid enim dissimu
lem?) tuis factum occupationibus, ne te complecterer
discedentem: nunc idem gaudeo, euenisse quod nole
bam: quando tu, arrepta inde tui purgandi occasione,
litteras ad me misisti, officio primum refertas, & hu
manitate singulari, deinde Latine loquentes egregie,
sic, ut eius urbis, in quam te cum Aloysio Mocenico,

H

prae-

praeſtanti uiro, Venetae Reip. legato, contuliſti, ueterem eloquentiã redolere uideantur. Quare cum animo ſum laetatus erga me tuo; fuitq. uoluntatis ad me amandum propenſae gratiſſimae ſignificatio: tum uero ex iſta, quam adoleſcens admodum conſecutus es, Latinae linguae facultate, iſtoque, quo te uideo florere, ingenio, tantum acceſſit ad lætitiã, quantum ne conabor quidem uerbis explicare, ſenſu ipſo nix, atque mente comprehendo. Atque equidem tibi eo etiam gratulabor magis, ſi tua bona noueris, ideſt, ſi & quae habes iam, ſtudio tueberis, et quae oſtenduntur, ac deferuntur a fortuna, magni facies; quantumq. in te erit, numquam dimittes: non enim, mihi credas, tanti eſſe tibi Roma debet, quia Roma eſt, quae praeſtantes olim uiros tulit, imperij terminos cum Oceano coniunxit; quanti ob unius hominis conſuetudinem, cuius eſt humanitas doctrinae par, doctrina uero, quae poteſt eſſe maxima. is eſt Octavius meus; qui urbem, a qua ceteri honeſtantur, ſua ipſe uirtute nobilitat. Hunc tu uirum naſtus, cole, ſi ſapis; & pete tuam gloriam ex illius conſilijs; utere, quantum licet; & ut liceat plurimum, exopta. ipſe te, ſi uacabit, numquam a ſuo congreſſu, numquam a ſermone excludet. commendaticijs ad eum litteris minime opus eſt; nec fert hominis humanitas: & tu illi, quod epistoſa tua ſignificat, ſatis iam notus, fortaſſe etiam familiaris. Quod reliquum eſt, non te fugit illud, Magiſtratus uirum indicat. itidem haec legatio, qui ſis, qui futurus aliquando, patefaciet. quamobrem incumbere ad laudem: amplectere uirtutem:

EP. L. II. PAUL. MAN. 115

virtutem: illi reiſce, quae bonis artibus, ac mori-
bus aduerſantur: quae te ſaepe in illa aetate, tuorum
commodorum, tuaeq. tamquam hoſtes gloriae, cir-
cumuenient, nec facile, niſi prudentiam ſummam
adhibueris, depellentur. Vale, & ſalutem dic me-
nomiae exquisitae eloquentiae uirae, Iulio Poſtiano,
cuius tibi amicitiam, & conſuetudinem ualde gra-
tutor. Venetijs.

EPISTOLARVM
PAVLLI. MANVTII

LIBER. TERTIVS

HIPPOLYTO. ESTENSI
CARDINALI

Ferrariam.

I

V ALDE me leuauit, in hac mea satis
grauiter affecta ualeitudine, oratoris
uestri, Hieronymi Faleti, uiri prae-
stantis, oratio: qui cum sermonem
mihi, Ferrariae tecum habitum, exposuisset, mul-
taque, ut solet, de ingenio tuo singulari, de summa
grauitate, ac sapientia, nonnulla etiam de tua nequa-
quam a me, ut audieram, aliena uoluntate narrasset;
cepi laetitiam, quantam aliquis ex insperata, exopta-
taq. re capere maximam possit; measq. statim esse par-
tes duxi, ut ad te scriberem, ageremq. gratias, quod in
eo loco, unde me depellere fortuna conaretur, tua me
retineret humanitas. quo sane mihi nihil optatius, ni-
hil hoc tempore, cum infirmus langueo, ad animum
meum sustentandum opportunius potuit accidere. at-
que equidem ita statuo, aeternum esse mecum misere pror-
sus, atque infelicitur, quod meam ad te ueniendi cupi-
ditatem incredibilem pestilentia primum, deinde mor-
bus impedierit; & in eo magnum studia mea, measq.
res adysse damnum: quibus a te, pro tuo instituto,
ueteriq. consuetudine, consultum iri optime, pro cer-
to

to existimabam . quod quando ita accidit ; & quando
 me a tuo conuictu non mea uoluntas , non iudicium ,
 aut ulla mentis inconstantia , sed corporis imbecilli-
 tas , atque haec anniuersarij , ac paene iam perpetui
 morbi uis importuna seiungit ; peto a te , Princeps hu-
 manissime , id saltem , quod in tua , non in fortunae ma-
 nu situm est , tribuas , & largiare , ut beneuolentia mi-
 hi tua , & quae fuit antea , & quae , si ad te inissem ,
 futura erat , eadem conseruetur . hoc si assequor ; bea-
 tus hac una re sum ; cetera paruipendo . ea porro mihi
 ut conseruetur , ita postulo , si me , qualis in aula tua
 fuisset , talem esse absentem intellexeris , id est obser-
 uantem tui , tuaq. in laude omni studio & cogitatione
 defixum . Quod si quibusdam litteris animus a me
 tuus est offensus ; quod in ijs dicar minus fortasse , quam
 decuit , de te , aut de tuis modeste locutus ; quod cer-
 te secus est : sed si me tunc a mea consuetudine impe-
 tus quidam abduxisset iracundiae : nosti pro tua sa-
 pientia ingenium humanum : magna uis doloris est :
 impellimur saepe longius , quam ratio concedat ; & ,
 facta quae sunt , paullo post infecta frustra cupimus .
 te tamen ita decet ignoscere dolori meo , si ex insula , ut
 ego arbitror , caussa susceptus est : sin aliter tibi uide-
 tur , ignoscere tamen debes , ut cluceat magis in culpa
 humanitas ; quae si omni digna Principe uirtus est , te
 uidetur Principe dignissima ; quem ad omnem laudem
 natura genuit , disciplina erudiuit , multorum anno-
 rum consuetudo assuefecit . Vale . Venetijs .

FRANCISCO . MOLINO

Patauium.

2

QVOD meas epistolas descripseris, ualde te amo: et custodiri a te malo, quam ad me mitti. Quod autem, non esse tibi scriptionem illam infusaosam, significas, prorsus non abnuo: uerumtamen, quod tibi hoc in genere multo et plura, et meliora domi quotidie nascentur, hoc equidem nomine haud paulo magis tibi gratulor. quam tu, si sapis, agnosce, et opta diuiniorem occasionem. uiuis cum eccellente uiro, adolescentis, praesiantis ingenio, optima ualetudine: uiuis Patauim, idest in urbe scientiarum laude celeberrima: quo, tamquam ad mercatum, uirtutis cupiditate ita omnes conflunt, ut inanes redire turpissimum ducant. Plura non debeo. non enim, ad quem: et haec ipsa non inime necessaria uidebam: sed obsequendum amori fuit in te meo; qui me tacitus, ut tecum de tua laude loquerer, hortabatur. Patri uero tuo, et optime de me merito, et ijs uirtutibus, quae nobilem uirum decent, in primis orinato, quid est, quod a me deberi non intelligam? Exsultat igitur in te, si quare potero, studium meum: illam autem colam sensibus intimis in omni uita studiosissimè. Vale; et, ut Mureti contubernio, ac disciplina dignum te praestes, quanti tuam laudem facis, quae mihi maximae curae est, tantum enitere. Venetijs.

MAR-

MARCO. ANTONIO

M V R E T O

Patauium.

3

BEASTI me tuo iudicio: si modo plus est a te ueritati, quam amicitiae, tributum. quod ego, qui faueo meae laudi, facile mihi patiar persuaderi. sed, amabo te, uis ne mihi legem illam diutius deberi? ne scis, quam sim studiosus huius generis monumentorum? describe aliquando: aut, si, stantem in media uia describere, minus honestum uidetur, nec pudor tuus fortasse fert; da negotium homini diligenti; quando Achilles noster uel negat, uel certe prorsus agit eo modo, ut negare uideatur. salutabis tamen eum meis uerbis: cui certe fortunam opto, qualem si magister eius haberet, omnia bona, merenti pessime, contingerent. Si quid peperit ingenium tuum, dignum paene dixi utroque nostrum, sed si quid te ipso dignum; mitte: ut constes humanitati tuae, atque etiam constantiae. es enim pollicitus. Quid Molinus meus, flos omnium leporum, omniumque uirtutum? ut ualeat? iube eum siluere quam potes humanissime. Charta me describit, ut uides, tecum suauissime loquentem. Vale.

E I D E M, Patauium.

4

VNAM tragoediam duobus ipsis diebus, cum assidue scripserim, absolueri non potui. meorum oculorum, ut uideo, res non est, ac ne digitorum quidem. quid? ego habeo tuos articulos? huius, quantum interest. reliqua igitur ad te reicio. uinces me facile ce-

H + uitate

ritate; aequabis in diligentia, si uolueris. finge, operam te dare, cum describes, homini litterarum & prorsus ignaro, & prorsus cupido. finge, amico singulari: quem explere officijs, si liceat, optabile sit. quamquam hoc non finges. nam, cum a domesticis discessi, nihil habeo te carius. uerumtamen, haec si tibi proposueris; de quo rogandus non es; monere tantum uolui; nihil quidquam omittes in describendo. habes, quam ego in me desidero, mentis constantiam, pectoris firmitatem. haec mihi morbi diuturnitas eripuit: quae uideo esse in te, ut in aequa. diu uideam, *ἐν τῇ ἀκμῇ*. habes oculos in legendo, manum in scribendo exercitatum: uacui uero temporis quantum uis: & uis in rebus meis plurimum; qui te saepe dixeris, professusque sis ad meum arbitrium tua studia conferre. nam, quod ad gymnasij curam attinet; nec dies instat publici muneris, & si instaret, opera haec bidui tota est, bidui inquam, tibi, nihilo longior: mea uero & diuturni temporis, & laboris esset non ferendi. ad haec si accesserit uoluntas, quae mihi non uenit in dubium, & inductio illa animi, quae magnas res facile conficit: negotium habeo absolutum. serua, mi Murete, quod in te est, amicum tuum integellum: parce ualitudini: nostram imbecillitatem, tuorum officiorum ope, sustenta. scis, *ἐμὲ βλέποντος*, quo amore, quo consilio, quo etiam praesidio fortunae tuae nitantur. *ἔτις ἐμὲ ζῶντος*: nosse reliqua. Haec aliena manu scripsi, cum paullulum languerem. tota enim fere nocte, nescio quo casu, somnum oculis non uidi meis, aut uidi tristium imaginum turba permistum. Tuum Euripidem

pidem remitto, unaq. meum; quem cupio similem esse tui. Ex aedibus nostris.

E I D E M, Patauium. 5

MONSTRI simile, Muretus non respondet: immemor ne nostri? nefas credere: & hanc suspicionem longe animus respuit. at occupatus? hoc fortasse: uerum ulla ne cursum amoris interrumpit occupatio? omitto iocum. Mi Murete, garrit saepe amor: at tu similes: cum tamen, ut opinor, ita me ames, ut fortasse nemo magis: quod certe facis mutuo. quod si, quia legem illam describere per tua negotia non licet, ideo non scribis: rogo te, abijce istam curam. abrogentur potius omnes leges, quam tuarum litterarum fructu diutius caream. nec tamen, detrabi multum de otio tuo mea causa, uolo. scio, tempus quam utiliter ponas. illa satis erunt: Mi Manuti, ualeamus: & ualere te, ualde cupimus. τὰ ὑδραῖα sunt in manibus. cum Molino tuo, cum Sofiano saepe sum: plane uiuo. Hac sententia, sed alijs uerbis, id est elegantissimis, quibus ipse abundas, si scripseris; satis plane cupiditati meae, (quid enim dicam uoluntati?) satis etiam officio tuo feceris. Video te expectare aliquid de meo discessu. dies appropinquat, uel potius iam adest. iam, ut ille ait, sarcinulae collectae sunt omnes; nec fere, quod agam, superest. itaque nonis Sept. cogitamus. Cum illo, qui mihi numquam placuit, impuro homine, si quid aduersus me, suscipe, ut ego in tuis iniurijs soleo; & susline proelia. nervos enim habes. ille, nostram uicem, ulciscetur sua malefacta. nam inuidia rumpitur: & ha-

& habet, quod intimis eum sensibus dies noctesq. excruciet. nos laudabilia cogitemus, & ad praeclara illa studia incumbamus: de isto ne meminerimus quidem; qui bonos omnes, hoc est sui dissimiles, odit iniquissimè. Vale, & amicis nostris (sunt enim fere communes) plurimam salutem. Venetijs.

SCRIPTIS litteris, & iam obsignatis, hesternae tuae sunt allatae, Graece loquentes non minus argute, quam eleganter. qui possum paria paribus? si pergis, clamabo me circumueniri. mehercule non tam aquis ulli fontes, quam ingenium tuum sciet Graecis & sententijs, & dictis. macte: extra iocum, amo te quotidie maxis; quia tu scilicet ad perfectam uirtutem quotidie accedis propius. Sed pauca de re. Vides ne, quam facile tum ferantur, tum abrogentur leges? Vbi sunt, qui tribuniciam potestatem accusant? illa quidem, cum bona mente coniuncta, salutaris. Sed haec ne nimium curemus. utere fortuna tua. ego alias regiones specto, inuitus nostri discidiij causa: sed coniungemur animis, corporibus disiuncti. idest maximum, in maximo dolore, solatium. De Philopono, quia comes futurus est itineris mei, uelim in eas rationem, si eum hic reliquisti, ut ad me quamprimum. colligo omnia; ne quid me moretur in discessu. non enim id agitur unum, ut uoluntati meae, sed illud simul, ut fidei satisfiat.

E I D E M, Patauium. 6

Tu uide, cui committas. ego enim binas tantum accepi. prioribus respondi nudius tertius, meamq. tibi
de

de Bononiensi re non modo sententiam, uerum etiam
 uoluntatem ostendi. his alteris, quae mihi redditae
 sunt heri uesteri, si rem specto, rescribere nihil est ne-
 cesse; sunt enim eiusdem argumenti: sin tuam uolun-
 tatem; quae quanta sit, ex tuis litteris apparet;
 sunt eadem iteranda. sic igitur faciam. Affirmo tibi,
 Sigonium nostrum, si Bononiam uerit, praesensq. con-
 tenderit, certum futurum. habet auctoritatem, ex
 huius loci dignitate partam, mire suis amplificatam
 scriptis, praesertim his postremis, insigni doctrina,
 iudicio, ingenio, diligentia refertis. studia Bononien-
 sium ciuium facile colliget. ciuitas enim est ad huma-
 nitatem nulla propensior. Accedit, quod aut petet
 solus, aut cum ijs, quos neque nominis fama, neque
 uero, ut a non nullis accepi, litterarum scientia ma-
 gnopere commendat. Bargaenus enim, ὃς ὁ τυχὼν
 ἀνὴρ, condicionem illam certe non spectat. qui enim
 Pisis dominetur, & sua uirtute, quam nouimus excel-
 lentem, & Principis gratia, cuius in ditione natus
 est; quo consilio ad res nouas animum adiiciat? Ergo,
 si Bononiae Sigonius; uides, quid sequatur. dijs homi-
 nibusq. approbantibus in eius locum adscendes. quo
 mihi nihil esset optatius. nā speciem habet Bononiensis
 condicio maiorem, ut in gymnasio Italiae celeberrimo:
 emolumentum certe haud paullo plus hic uideo futurum.
 atque etiam de dignitate uidero. tractantur omnino
 litterae splendidius in publicis gymnasijs; & docetur
 de loco superiore uirtus maiore cum gloria: sed clarissi-
 mum Venetiarum nomen quasi luminibus obstruit Ita-
 licarum omnium ciuitatum: & hic ortum de cus faci-
 le

le manat, ac diffunditur per omnes gentes, propter
huius urbis communionem & quasi societatem cum
orbe terrarum uniuerso. Hic uenit in mentem: Cur tu
igitur migras? alia ratio est. ego urbem linquo, non
cum urbe emolumentum. quin hoc augeo uehementer;
illam prorsus amittere non uideor, quia Romam spe-
cto. Habes meam sententiam; quod quidem ad te at-
tinet. De Sigonio autem, quia nihil est tam amplum,
quod eius uirtus non aequet, meam, ut opinor, diui-
nationem exitus non fallit. nisi si quid attulerit casus;
qualia fert hominum uita. De Molini nostri ualeitudi-
ne, cum rescribes, adde uerbum, si me amas. Vale.
Venetijs, nonis Sept. quo me die discedere cogitantem
noua res detinuit.

E I D E M, Patauium.

7

Q V I D homini non timendum? cum te, tam ua-
lidum, istis lateribus, ista aetate, nihil tale metuen-
tem animus reliquerit. ualde me percussisti tam graui
nuncio, eoq. magis, quod ignorare te caussam scribis.
nam, tuendi tui quam rationem inibis, si te morbus
inuasit imprudentem? tuam continentiam narras. e-
quidem ita credo. unde igitur fluxit uitium? parce ti-
bi in studijs, mi Murete, pro eo quanti ipse tibi es;
aut, si te ipse non diligis, quem omnes paene diligunt,
pro eo quanti ipse apud te sum: quem tu nisi magni fa-
cis, egregium simulandi tenes artificium. nescis mo-
dum esse retinendum in omni re; nescis, uirtutem nimis
appetere, uirtutem non esse? age igitur, iam te respice,
si minus antea: tibi consule, & eam quaere gloriam,
quae

quae te uiuentem oblectet, non quae discedentem e ui-
ta prosequatur. ita diu iucunde uiuam, ut acerbe
nunc uiuo, quia sollicitus de te sum. medicos habes
doctrina singulari, quorum consilio uti possis: caelo
uteris clementissimo: in rebus tuis nihil, opinor, est
incommodum. genus enim uitae non honestum minus,
quam utile delegisti. etsi te scia de re & lucro mini-
mum laborasse, illa uero habuisse prima, quae nec mi-
hi postrema umquam fuerunt, decus, & amicitias
nobilium uirorum. Haec cum ita sint; modo paullo
minus mentem, & paullo magis corpus exerceas,
rectissime tibi erit: nosque, tui peramantes, afficies
maxima laetitia. quod auguror futurum: & ut me-
am spem, quantum in te est, exitu confirmes, te ipsum
tua, nec minus mea, causa rogo. Kalendis Apr. o-
mnino te, sin id minus, Catullum tuum exspecto. diem
unum prorogari, ere mea non est. Vale.

EIDEM, Patauium. 8

PLANE non assequeris, ut uideo, quorsum illa
de Momo scripta sint a me. non enim id spectavi, tu-
am ut remorarer industriam, sed ut acuerem potius,
atque incitarem. tu autem ita commotus es, ita me-
cum uehementer, ac paene iracunde agis in epistola
tua, ut uix tibi temperes, ac ne satis quidem, cum uel-
les, temperare potueris, quin aculeos etiam in me
nonnullos emitteres. deinde quasi blandiris in extre-
mo, uerbis utens amantissimis, atque honorificentis-
simis: cum ea mihi tribuis, quae si respuerem, ipse
me non amarem. tanti enim mihi sum, quanti ab ijs,
quibus

quibus ego plurimum tribuo, fieri me sentio. *Ac putabam, mi Murete, meos tibi sensus bene cognitos omnes esse: quod si paullulum a mente quandoque aberraret oratio, non esse facturum, ut eo mea uerba detorqueres, quo neque meum iudicium, neque nosira iam paene fraterna necessitudo ferret. quod quando secus uideo contingere; aberit posthac a meis litteris omnis ironia, aberit iocatio, quidquid denique eius esse generis intelligam, ut in utramque partem flecti possit. de illo ne meminero quidem, si potero: hominem enim contemno: silentium quidem, quod potero, ipse mihi imponam. De Plauto, uideor tibi scilicet, quo la aiunt, in alienam messem. sic enim illud interpretor, A me, ut scis efflagitabatur. Tu uero, me perturbante, rem suscipies: si modo, quod contra mihi uidet a e, animum induxisti, ut efflagitantibus breui satisfacias. uerum, si praeclaros de Finibus commentarios, ad exitum iam perducos, paucorum dierum studio perpolire non uis, & magno litterarum damno pueris iacere: qui sperem te aut uelle hoc tempore noui aliquid ordiri, aut, si ordiaris, posse pertexere? magni negotij est, quantum otij res exigit, tuis occupationibus eripere; non minoris, a te ipso, ut uelis, impetrare. facio tamen aequissimo animo, ut in te reiiciam, ac transferam hoc, quidquid oneris, aut laudis est. consulatur modo publicae utilitati. id, non modo a te, quem sero in oculis, sed si uel ab ijs, quos & de facie, & de nomine prorsus ignoro, perhibetur, aequae laetabor. Quare non solum per me licet, uerum etiam, si paueris, precibus tecum ago, ut ad emendandas, illustrandasq.*

dasq. Plautinas comoedias tuam excellentem indu-
striam conferas. uereor tamen, ne, quod summe cu-
pio, id frustra rogem, atq. expectem. Vale. Venetijs.

E I D E M, Patauium. 9

REM tenes: optime tres poetae coniungentur, il-
le, M. ANTONII. MVRETI. COMMENTA-
RIO. ILLUSTRATVS; reliqui duo, si rem susci-
pis; quod ita liberaliter, ac benigne polliceris, ut a me
non minorem uerbis, quam re gratiam ineas; A B
EODEM. EMENDATI. quod si, ut significas, ad
emendationes aliqua praeterea fiet accessio: nae ego
tunc, uere mutuan inter nos esse beneuolentiam, in-
telligam, ac uelle te mecum officijs certare: in quo
antea (dicendum est enim) potuit esse illustrior a-
mortuus. Confugies uidelicet ad occupationes: ego
ad illud: Nulla potest esse occupatio tanta, quae amo-
ris, et officij cursum debeat interrompere. me ipso quem
quam ne tu magis impeditum a negotijs, districtum a
curis umquam nosti? quis tamen amicorum (amico-
rum autem? immo uero etiam alienorum) negotia cu-
rat libentius? tua sane caussa noctis etiam partem co-
gitando saepe consumpsi, cum tamen corpusculi tenui-
tas maxime quietem postularet. Sarcies igitur, si quid
omissum: uel, si nihil, auge superiora: quod certe
potes, & si meum in te animum spectas, etiam de-
bes. Vale.

E I D E M, Patauium. 10

REMITTO scholia, ut habeas corrigendi facul-
tatem.

tatem . quamquam eſt , cur addas potius , quam multes . quidenim ? totus ne quartus liber ita mendosus aut obſcurus eſt , nihil ut aſſequare , nihil ſcriptione dignum excogites ? mihi non probabis , nec omnino cuiquam , tuum in Catullum praeſtantiſſimum commentarium qui legerit . confice igitur , quantum quidem per te licet , licet autem tibi , quod , ut ego ſentio , quam pauciſſimis . nos opus noſtrum intermiſimus tua cauſſa , tuum ipſe opus noſtra cauſſa ut urgeas , atque abſoluas . nec dubito , quin , ſi adniti uolueris , & quaſi cum ipſa re contendere , quod ego interdum ſoleo ; magna ex parte praeſtes id , quod praeter opinionem meam , ut aliquid ἐκ τῶν ἀδυνάτων , abieciſti . De rebus tuis , quae mihi mehercule magnae curae ſunt , conſilium dies aſſeret : animus certe meus fluctuat : ita multa in utramque partem occurrunt . placet conſtantia , ita , ſed ſi cum utilitate coniungatur . utilitatem porro non lucro magis , quam dignitate , metiamur . quod tu quoque uideris ſignificare in illo loco , Vellem hic paullo ἐν τριμῶντι εἶναι uiuere liceret . Verumtamen , mi Murete , ſi quid agimus minus interdum ſplendide , contra quam nos praeclara liberalium diſciplinarum ſtudia docent , excuſamur temporum iniquitate , & multorum exemplo ; qui , cum aſſuant iſis rebus , quae ſaepe a nobis , fortunae potius culpa , quam noſtra , deſiderantur , quotidie tamen aliquid ultra appetunt : quam meus magiſter Egnatius , ſi audires uerba , ſummam ſtultitiam ; ſi uitae rationem ſpectares , plane ſingularem ſapientiam indicabat . Vale . Venetijs .

EIDEM,

EIDEM, Patauium. II

QVINCTILIS Kalendae, quem tibi ego diem
 definieram, praeteriere iam, ut uides. itaque, si quam
 ex meis litteris de perpoliendo Catullo tuo curam sus-
 ceperas, ea te libero. temporis enim coactus angu-
 stijs, mandavi meis, ut alia quaedam praelo subij-
 cerent. mensum, quod ad me attinet, uel integrum,
 eoq. amplius, licet interponas. interim ad Terentium
 omnem tuam industriam, suadeo, conferas. noui o-
 mnino te laudis in studio numquam languentem: sed
 in hoc libro, qui maxime omnium uersatur inter ma-
 nus, ipse te debes incitare, & eo magis, quod erit, qui
 editum statim arripiat, syllabatimq. omnia dimitta-
 tur. admodum enim seuerus, ac studiose iudicat alieni:
 sua uero premit, exire non patitur, diu licet erigila-
 ta, acerbis etiam in se ipsum, minimeq. indulgeas.
 Ego accingor ad Plautum. nec desperarem aliquid a
 me, si minus ingenio, saltem diligentia, posse perueni-
 ri: sed interpellant salutatores a mane ad uesperam,
 honesti illi quidem, cupidi uirtutis, officio, & amore
 erga me, ut uidentur, incensi; tamen interpellant.
 scis illa Cieronis nostri, ad Sebosum, Arrii q. aduentum
 ingemiscantis. Hui, unum ne ego Sebosum, unum ha-
 beo Arrium? uidelicet: sexcentos: quibus, uelim no-
 lim, horae dandae sunt omnes. ex quo quantum mole-
 stiae, quantum hauriam acerbitalis, ipse, qui me-
 am consuetudinem, ac meos plane sensus tenes, faci-
 le potes conijcere. nam rem familiarem, etsi minime
 abundo, iacere tamen aequo animo patior: studia uero

I mea

mea negligere nullo modo possum. De tuo aduentu
 spem nonnullam inieceras: eam rursus extenuant po-
 stremae tuae litterae. ego illud scilicet primum, ut ha-
 beas rationem ualitudinis; secundo loco, quod tuo
 commodo fieri possit, ut te nobis restituas, exopto.
 Quid Molinus noster, quid agit? quid autem ego hoc
 quaero? nimirum ille totos dies tecum, idest in uirtute
 totus est; nec tuam complexus doctrinam dimittit,
 iudicio adductus suo, meo consilio confirmatus. Vale.
 Haec ante lucem, cubans in lectulo, amanuensi meo,
 & iam meorum studiorum socio, dictaui, nobili adole-
 scienti Cyprio, Herculi Podocatharo, qui cras Pata-
 uium cogitat, teq. meo nomine salutabit. illa supe-
 riora familiari meo, Sebastiano Leoni, qui se forte ob-
 tulerat, dictaueram inambulans, quod eram paullo
 crudior: nec fere mea manu libenter uti soleo.

E I D E M, Patauium. 12

QVI mihi tuas attulit litteras, ei ego meam o-
 mnem operā, si qua in re uellet uti, atq. omnino quid-
 quid ualeo, tua causa detuli. uisus est meam amici-
 tiam plurimi facere, & a me, praeter eam, nihil ex-
 petere. quod illi facillimum fuit impetrare. nam cum
 omnibus natura pateo: tum uero, qui a te diliguntur,
 amore meo numquam excludentur. Catulli quod a-
 pud te reliquum est, bido si miseris, satis opportune
 facies. deinde mihi orna duos comites eius, utrumque
 dignum, ubi neruulos ingenij tui contendas, etiam
 illud. mihi tribuis petenti: quod ante omnia, & unum
 fortasse, spectare te puto, cras, ad summum perendie
 tria

tria Catulli folia mittam. Filiolum meum Hieronymum, nondum quinquennem, Aldo parem ingenio, ualitudine firmiorem, mandare Epidaurum ad hominem eruditum, meiq. peramantem, Paullum Bosium, cogitabam. ibi moribus, & primis litteris imbuetur. nam ego me ad haec humilia demittere nullo modo possim. Quid praeterea? nihil scilicet: immo aliquid. Scribe, amabo te, mi Murete, ut institueris, quam sapientissime. mehercule, e summis, atque assiduis non modo negotijs, uerum etiam animi curis, tantum in tuarum epistolarum elegantia, & suauitate conquiesco. atq. etiā, dum ipse ad te scribo, quia te mihi praesentem statuo, mutuumq. inter nos sermonem fingo, incredibili uoluptate perfundor. Vale. Venetijs. Hercules meus, quia festus hodiernus dies est, abest. ideo haec mea manu, decies interpellatus, exaravi.

E I D E M, Patauium. 13

AIS ne? Iannottus ita suaserit? uix adducor, ut credam. tibi tamen cur non credam? ego mehercule, quod Iannottus probare uidetur, id non solum probo, uerum etiam mirifice cupio. quid enim mihi suauius tua consuetudine? qua nihil iucundius. tuo uero sermone quid utilius? qui solet esse tum eruditus, ingenijq. notis adspersus, tum etiam beneuolentia repletus in me singulari. At, Ferrariensem condicionem ut acciperes, auctor fui. Id quidem (tu scis: facile enim potuisti conijcere) ualde contra meam uoluntatem: cui nihil potest esse molestius, quam a te dinelli. Sed quid? an ego paterer tuam fidem in dubium uocari?

I 2 ri?

ri? qua maxime probitatis nititur opinio. Dixeras de Turulone, praestanti uiro, non solum animi, uerum etiam fortunae bonis ornato: cuius mihi fuit, item ut esse debet, auctoritas grauissima: nec ausus sum repugnare: dedi manus. ἱτέον, conclusi. quod si lan-
nottus, quem noui rerum agendarum usu peritissi-
mum, antiqui hominem officij, pollicetur sese impe-
traturum: suscipio, quod abieceram, consilium; nec
iam amplius ἱτέον, sed hic, hic nimirum φιλοσοφι-
τέον, idq. nobiscum, summa cum animi uoluptate cla-
mo. Ergo, quod iam institueram, obseruabo omnia,
omni enitar studio, omnibus inseruiam. uolo te bene
sperare, me agente, bonis fauentibus, inuidis & ob-
trektoribus imbecillis, Molino, parum abest, quin
uehementer inuideam. quid ni? artem memoriae te-
nenti. uerumtamen impedit amor, a quo abesse solet
inuidia: etiam ea spes, quod ille, quo eum bono alie-
nus homo impertinit, cui suo, homini amantissimo,
fortasse etiam bene merito, certe numquam denegabit,
esset enim sui dissimillimus, idest humanitatis expers.
sin recusat: allegabo ad illum, quem? quem putas? te
scilicet, cui debet omnia: si modo in uirtute omnia po-
sita sunt: quam ille discit te magistro. καὶ σύντε δὲ
ἐξχομένω, quid non imperremus? Vale.

E I D E M, Patauium.

14

PROFECTO nihil est uberius amore in me tuo:
nec amor cedit ingenium: itaque mea caussa & uis o-
mnia, & idem facile praestas. quod cum ita sit; nimis
tamen facerem impudenter, atque adeo neque ipse te
am irem,

amarem, nec amore tuo dignus essem, si plus tibi oneris imponerem, quam occupationes patiantur tuae. Scholijs, quae polliceris, contentus ero; quandoquidem uideo te commentariolo non uacare. tu modo, qui Catullum expolieris, da operam, ut in Tibullo, & Propertio, qui locum illi proximum in elegantia uerborum, atque in sententiarum concinnitate obtinent, quam simillimum tui te praebeas: ita tres pulcherrimi poetae, & sine dubio inter Latinos in illo festiua genere principes, ueterem suum splendorem, ereptum uetustate, atque hominum inscitia, tuo maxime studio recuperabunt. ego autem ipse mihi gratulabor, & quodam modo gratias habebō, quia te ad hanc industriam excitauerim. nec desinam eadem ratione de literis, quando per humanitatem tuam licet, bene mereri, cum eo tamen, ut tibi, homini occupatissimo, studiorum utilitatem, id est tuam laudem, uerecunde commendem. Molino meo salutem, & simul age gratias de scriptis meis. Vale.

E I D E M, Patauium. 15

BINIS iam litteris de Martello: nec tamen a te uerbum ualde te dislentum esse oportet, qui tam longis diebus, tam pone tuas aedes habitantem alloqui non possis. at qua de re? primum mea, deinde ea, in qua non ultra sex aut septem uerba sermonem continuare sit necesse. quare, si te nimis urfi, uelim ignoscas; tum, si per tuas occupationes licet, frustra ne arserim, efficias. quid? Molino nostro negotium dedecris? non recusabit, nostra utriusque causa. in quo dant

da opera est, ut omnino responsum ab illo aliquod exprimat. nam ex hominis diuturno silentio adductus sum in suspicionem, ne parum sincere mecum agat, & exactum neget, quod iam in usum suum erogauerit. quod equidem cupio esse falsum, & me de amico pernetere scelestae suspicari. Nunc audi, quod tua magis interest. quamquam nihil ad te pertinet, quod me quoque ipsum non attingat. nec te puto aliter esse animatum erga me. uerum tamen audi, quod certe non expectas. Quatenam ei deberi a te putes euangelia, qui librum inuenerit antiquum, & illam aperuerit latebram, ubi, Caluier, illud sit aliquando deprehensum? equidem inaccessi omnibus laetatus, ut ait ille. sed abuntur enim illae turbae, & comprimetur quidquid erat sermonis aduersus te dissipatum. quod ego & tua, & eorum, quos dilexi semper, causa uehementer cupio. uerum primum quidque explicemus. nunc Tibullus instat, denuo praelo subiectus. is, & qui sequitur, Propertius, absoluendi tibi sunt. deinde ad Terentium accingere. interim da operam, ut Bembi libro uti possis: cuius ope quin maculas eluas bene multas, & suos uersibus numeros, aliena culpa perturbatos, restituas, etsi non dubito, tamen hortor ut adhibeas diligentiam. cupio enim de te omnes bene sentire: cupio comprimere paullo liberius loquentium; qui non modo te, uerum me quoque uidentur ignorare, non sine causa ea, quae soleo, de tuo ingenio, ac iudicio praedicantem. Vale. Venerijs.

EIDEM,

E I D E M, Patauium. 16

PAVLLVLVM nunc quidem ego exorior: postea quam mihi amanuensis meus, quem abduxerant aliena consilia, optans optanti restitutus est: cuius opera, & officio meis oculis, uel plane totius corporis ualitudini consulitur egregie. iam me labefactabat, iam nutare cogebat labor; stomachumq. deicere quotidiani uel operis, uel officij scriptio necessaria coeperat. et is, quem Bomania expectabam, differebat aduentum, usque eo, ut, uenturus esset, necne, ualde iam suspicarer, atque subdissiderem. qui si uenerit, erit omnino aliquid, sed, ut arbitror, nihil ad Herculem: quem scis meam non modo orthographiam, totamq. interpungendi, & distinguendi rationem tenere, uerum ita manum quoque, cum uelit, imitari, ut te ipsum, peritissimam litterarum mearum cognitorem, aliquando fefellerit. Scribe, inquis, ubi tantum necesse est: ita scribes raro. Non ita est. possem studia mea, quaeq. habeo instituta, quae multa sunt, abijcere: litteris uero salutantium amicorum, aut aliquid a me posulantium, quaternis in die minimum, saepe octonis, & denis, non respondere qui possum? ut omnino aut amittenda ualredo, aut humanitas deferenda uideatur. Quare locum habes gratulandi. debes enim meis perinde comodis gaudere, ac tuis, magis etiam fortasse; quod ego minus, quam tu, possum incommoda sustinere. De Tibullo, cessator esse noli, etiam si tibi ego cessandi facultatē prolixē detulerim. est enim, ut scripsi antea, unius praeli opera, ne tibi

I + crebra

crebra appellatione molesti essemus, intermissa. Verum istos ego quotidie poetas, quos in manibus habes, amo uehementius. carissam quæris? quia tuas, amantissime ac disertissime loquentes, eliciunt epistolas: quarum non modo suauitate, uerum etiam fructu aliquo, occasione sublata, carerem. quod cum ita sit; cupio tamen, atque etiam, si pateris, rogo, rationem habeas rerum mearum: quibus quo longior, eo grauius procrastinatio damnum inferet. Vale. Ante solis ortum, albescente die. Venetijs.

E I D E M, Patauium.

17

Tu uide, cui credideris. nam ad me nulladum perlata sunt Catulli folia. quæ si periere; damni factum est eo plus, quod nec ad illa, quæ sunt apud te, licet transilire. quandoquidem ordo foliorum non seruatur; nec pagina paginae, nec uersus uersui respondet. itaque magnam utriusque nostrum carissa sustineo molestiam; uereorque, ne, quod aliena culpa contractum est, nimis ego id grauius luam. tota enim typographia ratio muietur necesse est, nisi hæc, quæ ne sumditus interierint, magnopere timeo, hodie folia recuperantur. quod utinam ex hac difficultate, in quam aliena uel socordia, uel perfidia coniectus sum, tuæ me litterae eripiant: quas ad meas hesternas cras expecto, & ad has omnino perendie. Vale. Venetijs.

E I D E M, Patauium.

18

SEDATA iam tempestas omnis est, & nauigamus in portu. reddita mihi sunt hac ipsa hora, quæ tu tribus ante diebus miseris, quinque Catulli folia, delata

delata prius ad eum, qui libros in Asilana tractat officina; hodie tantum, ut ipse assuevit, an, ut ex literis tuis oportuit, nudius tertius, diuinare non possum. hoc certe uideo; per communes tabellarios non esse missa: quorum fides in reddendo desiderari non solet. sed profecto fortuita multa; quibus perturbari, & fluctuare uitam hominum, necesse est: quae cauere consilio, aut ratione siliceat; bene cum multis ageretur. penderet enim a prudentia felicitas, nunc aequae omnibus occurrunt incommoda: usquequaque casus, & fortuna dominatur. De filiolo meo, amabo te, quemadmodum animo, sic lingua saueas, primum amoris nostri, deinde omnis etiam causa. auferet ille quidem omnem incunditatem; & plane diuellat a me ipso; sed hoc tamen antepono, nisi fallor, salutare consilium; & ut ei consulatur, animum uinco. Quod iterum iam ad me Molini manu, gratulor, paene etiam subinideo. meus enim a me, nec, ut puto, rediturus, Tiro discessit: quo consilio, de ipso cognosces. cum ad me retulisset; neque suasi, neque dissuasi; ne dissentirem in hoc ab ipsius patruo, in illo autem a me ipso. suasi etiam potius. contra uoluntatem, inquires, & iudicium? sic sum. auertere a me uolui, quae poterat exoriri, suspensionem utilitatis, & commodi mei. Clausula sit, quod initium epistolae fuit. Restitutus mihi uideor, inuentis Catulli folijs. tu quoque redi ad tuam tranquillitatem, nec institutum omitte. Vale.

E I D E M, Patauium. 19

QV I D? tu me putas hoc in genere acutissimum?
fuit,

fuit, cum ipse quoque mihi plane ita persuaderem:
 nunc nihil minus. nam hoc toto biennio prorsus nihil
 vidi: & , ut omittam cetera, meum illud tantarum
 vigiliarum munus, non tibi venit in mentem, quam
 misere perierit? itaque, qui mihi ipse tam male consu-
 luerim, inuitus adducor ut alteri consilium dem. uides
 iacere bonas artes; illa sordere, quae praeclara duce-
 bantur. cuius maxime uitij culpam sustinet eorum in-
 scitia, qui putant scilicet in opibus esse omnia, & for-
 tunae pedisequam esse uirtutem: stulte: nam illi & ui-
 uentes audiunt pessime, uerissimisq. maledictis proscin-
 duntur; & , ubi uita discesserint, aeterno silentio da-
 mnati, apud omnem posteritatem ignorabuntur. nos
 autem nunc quidem fruimur suauissima omnium, &
 incundissima uoluptate, quae manat ex honestis cogi-
 tationibus, ac studijs: nec erit, opinor, ulla, quae no-
 strae uitae cursum definiat, dies. non in omni aetate
 decus, ac dignitatem pariet ea, quae nunc, auri, ar-
 gentiq. uis. suus cuique aliquando, pro animi inge-
 nijq. praestantia, persoluetur honos. interim uiua-
 mus nobis, ac litteris, seiuncti ab ijs, quos nutu ap-
 pello, idest ab ipsa plane barbarie; ne quam ex eorum
 conuictu labem contrahamus. Munusculum tuum
 non uideo cui deferas. inania tibi nostra, mihi nec pe-
 regrina solida uidentur: siquidem ipse, quod iam signi-
 ficauit, diu peregrinatus, oleum, & operam. Nobili-
 tatem, & uirtutem si quaeris, est Bononiae Camillus
 Palaeottus, Mediolani Bartholomaeus Capra, duo
 quauis laude, ut ego sentio, excellentes uiri. Capram
 numquam uidi, sed, hominum sermone, tanti facio,
 quanti

quanti si ille sciat, studio me, non dubito, quā medio-
cri complectatur, & in amicitiam plane intimam re-
cipiat. Talaeotto, quae est hominis humanitas, usus
sum, quam diu Bononiae fui, familiarissime. omnes
in eo disciplinae sunt nobili viro dignae: morum au-
tem elegantia, comitate, officio summus est. hi sunt
nobis ornandi, & diligendi: Crassos quosdam, ac Mi-
das numquam omnino nostra meliores laudatione fa-
ciemus. quin ita desipiunt, ita ipsi se ignorant, &
ignorari ab omnibus putant, ut in sinu sibi gratulen-
tur; quasi sint, quos esse fingimus; cum nos ea ipsa,
quae desideramus in illis, ad cohortandum, non ad
laudandum, colligamus. Habes meam sententiam,
quos uites, quos deligas. nominare praeterea multos
possem: sed incerta ratio est: & illi duo excellent. Oc-
currit illud. ad ignotos, non facillima ὑπόθεσις. alijs,
fateor: te quidem ab hac difficultate uindicat uertas
ingenij tui. Alterum est: ambitionis, aut etiam leui-
tatis cauenda suspicio. Locus omnino aliquis calu-
mniae dabitur: sed omnia ne curanda? nimis misera
condicio. ualeant iniqui: recte sentientes probabunt:
nec nos ij sumus, qui a multitudinis deprauato iudicio
pendere debeamus. Vale.

E I D E M, Patauium. 20

M I H I uero, ita uinam, etiam atque etiam pro-
batur. & cum in quouis genere magnus omnino sis, in
hoc maxime uideris excellere. plane (ut omittam reli-
qua) ingenij tui quasi quandam δεξιότητα sum admi-
ratus. ita concinne, ita apte, facili quodam sententia
rum

rum; paucis, rem ducis, donec ad ipsum peruenias: in quo te, ubi scis haerere multos, citra omnem adulandi suspensionem, summa explicas cum dignitate. Gratulor tibi de ista facultate, & eo magis, quod, si locis impertitur gloria, nouum decus accedet ad Italiam nostram: in qua sedem, auctore atque auspice me uno, ita locasti, ut cogitare nihil prorsus de migratione uidearis. nec uero secus debes. ualde enim ad litterarum elegantiam, planeque ad omnem humanitatem tibi profuit hoc caelum, e quo iam per quadriennium spiritum hauris. itaque nosler eris perpetuo, mi Murete, si gratus esse uis: quod profecto uis: soles enim hanc uirtutem praeter ceteros efferre. Tibulli principium mitte; ut cum epistola coniungatur. Scholia, non dubito te operam daturum, ut tua uideantur, id est lita luminibus ingenij, &, quantum res patitur, erudita. Vale. Venetijs.

E I D E M, Patauium.

21

GRAECOS typos, meumque de Syriano edendo consilium probari tibi non mediocriter, significas. sic putaram: & in utroque nunc mea tum opinio, tum uoluntas, te approbante, qui mihi multorum instares, magis, magisque confirmatur. De Catulli clausula, parum commode: sed nihil, Mureto petente, recusandum. Video te Propertium negligere: cum ego me illis uerbis, quae sunt in prima Catulli pagina, quasi praedibus obstrinxerim, AB. EODEM. CORRECTI. SCHOLIISQUE ILLUSTRATI. itaque nec integrum iam est: &, si sit, cur tu postea elegantem,

tem, maximeq. omnium Latinorum fabellarum uarietate, hoc est uere poetica eruditione florentem, abijcias? Etiam illud: oblitus ne es, ei te commentarium publice esse pollicitum? scholia saltem, si commentario non uacas: & utrumque Torquato: aut, si uni utrumque non uis, Propertium cui uidebitur: inops enim ab amicis non es; sed malim utrumque Torquato; qui nobilitatem a patre, uirtutem habet a se ipso. Dices, tibi otium deesse. si hoc impedit; faciam, ut abundes. inibo enim rationem eiusmodi, ut operae meae, quarum tibi molesta nunc celeritas est, gradu testudineo pergere uideantur. Germano tuo cupio mehercule satis fecere: sed aduersantur multa, maxime peregrinitas, haud satis apta nostris moribus, & ignoratio sermonis Italici. meum tamen illi studium nullo loco deerit, si monuerit: sin ipse aliquid uidero, in quo liceat eius rationibus consulere, aggrediar, & quantum in me erit, perficiam. Vale. Venetijs.

EIDEM, Patauium. 22

VEHEMENTER mihi arrisere tua scholia, sic inquam, ut fere se commentario aequare uideantur. perges igitur, dijs bene iuuantibus. Cupio tuum Plinium: quem dare poteris amanuensi meo: cui reditum patruus, nuper e Cypro aduectus, multis a me uerbis impetrauit. Exspecto reliqua; quod tuo tamen commo fieri possit. nam, ut tuis consuleretur studijs, & commodis; cessare de duobus praelis unum maluimus, quam te nimis urgeri. attamen rogo, des operam, ne longius ducatur. Vale.

EIDEM,

E I D E M, Patauium .

23

OMI Murete, quot me premunt onera, quibus angor curis . accedit imbecillitas uoletudinis , quam , do equidem operam , ut omnino tuear , ac sustentem : sed uacillare interdum neceſſe eſt : ita multa incurrunt in nos ; quae nec uitare licet ; nec ſumus ad ſuſtinendum pares . tu me , tuus amor , tua uirtus multum leuat . quod ſpero perpetuum , nec , ut ait noſter , conſtantiae cauſſa , ſed uoluntatis , ac iudicij . In erratis cur numeras Maeror, & Flamma? quorum alterum uetuſtas uniuerſa, alterum conſuetudo probat . etiam , Saecula , tum ſcribebant . nam Varro in Etymologijs Varro non uidetur : itaque et a Quintiliano merito ridetur . Exſpecto Tibulli folia , quae ſuperſunt , & ſcholia . Vale .

E I D E M, Patauium .

24

MOLINO dixeram, quae tibi ſi narrauit , iteranda non ſunt ; ſin omiſit , committenda litteris non uidentur . nec tamen te diutius celabo : interim hoc unum ; quo fortasſe contentus eris : ad alios potius , quam ad te , pertinere , nec ullam omnino tuae dignitatis , & exiſtimationis partem attingere . Hic ſermo increbuit , ex quadam tua , ut audio , ad Lambinum epiſtola , captum tibi iam eſſe de Ferrarienſi condicione conſilium . quod ſi ita eſt ; magnopere gaudeo , ac tibi Deum ea , quae cogitas , uehementer cupio fortunare . ſin autem haec inania ſunt , ac temere iactata : aequalektor ; teq. hortor , pro mea in te beneuolentia ſingulari , ut habeas rationem in primis non modo tranquillitatis,

tatis, uerum etiam constantiae tuae, uelisq. Patavinam commorationem esse quam longissimam. ego tamen, quidquid egeris, meam non modo uoluntatem, uerum etiam sententiam cum tua coniungam: sed uereor, quod minime uelim, ne quis, in te non recte animatus, sermonis materiam nactus, leuiatē obijciat iam enim quiddam inaudiui. In Tibulli quartum, aueo scire, cur nihil uolueris. nam, posse te, certum est. nos opus intermisimus, donec a te plurima colligantur. scis consuetudinem praeli, urgebit te quo tempore minus expectabis, & opprimet nec opinantem. quare cum otio nostro tuum negotium metiri non debes, sed, cum iacere nos uidemur, ipse nihilo minus ad industriam excitari. Amicus ille tuus, cuius ingenium, ut in adolescente, laudabamus, detulit quaedam ad ❖: quae si ille uera putasset, incenderetur aduersus me, & institutam amicitiam, quam spero fore diuturnam, abrumperet. te unum testor, quid ego de illius doctrina, atque ingenio & sentiam, & saepe praedicarim. ille tamen simiolus longe aliter; uel quod est, ut multi, infensus Italico nomini; uel quod natura improbus, qui fingat ea de me, quae repugnant penitus iudicio meo, atque etiam naturae; cumq. ornatus a me sit, detrudere tamen de mea laude conetur. nec tamen est nihil, quod ad te ipsum pertineat. quae, quia sunt iniusta, contemnes; ut ego, quae sunt falsa. Vale. Venetijs.

E I D E M, Patauium. 25

CUM antea, multis mihi declarata argumentis,
tuam

tuam prudentiam ualde probavi: tum uero, lectis tuis litteris, laudaui te, ut hominem consilio praeditum excellenti, atque etiam, ut uirum bonum, qui nihil antefert honesto, suaeq. maximae fidei, uel cum rei familiaris ingenti iactura, sibi esse habendam rationem existimat. Opima tibi deferebatur, admodumq. honorifica condicio, auide a multis, & ambiciose petita, nihil occurrebat contra, quin accipienda uideretur. tu tamen reijcis: & facis, meo iudicio, sapienter: primum, quia tueris officium, qui Cardinali Estensi iam promiseris: deinde, quia ne sic quidem tuam utilitatem deseris. quis enim illo ad liberalitatem propensior? quis paratior fortunae bonis? habes igitur in eodem cum uoluntate rem. nec tu is es, in quem aliquid indigne conferatur. atque etiam, quo maior, ac praestantior adesse, ac se tibi offerre uidetur occasio, cum summo Principi, singulari uiro, tuam operam dices; eo tuam acnes, atque excitabis industriam diligentius; ut ipse te uincas, & beneuolentiam Cardinalis eximij omni tibi ratione concilies. in qua una si tuae uitae quasi tabernaculum constitues, & ita perpetuo senties; o te felicem, Murete, nec iam amplius a Fortuna pendentem, quae tui similes saepe iactat arbitrio suo. Nunc ego quidem a te fructus tuorum studiorum uberrimos, de quibus me saepe praedicantem audire multi, non solum expectabo, uerum etiam exigam. quamquam tu mea certe monita non expectabis. noui enim tuos sensus hac in re cum meis optime congruentes, ut eam denique esse uitam ducas, quae uiuitur in studijs, cetera inania, speciosi multa, plerumque tamen

men falsa. Interim frui te tecum ipse, & quod aiunt, in sinu gaude tantae felicitatis expectatione: quam aequalem uideo fore uitae tuae, ipso uiuente, qui te expectat: quem debes, uel si tibi Croesi opes ostendantur, unum sequi, & unum ornare tuis studiis, uel potius ex ipso tui ornandi, atque illustrandi capere argumentum. Vale. Venetijs.

EIDEM, Patauium. 26

LABORABAM uehementer de amico nostro: nunc animum meum constituit, aliquo interdum, ut uere dicam, metu fluctuantem, epistola tua. atque ad metum accedebat indignatio. quid? uirtuti ne deerit ornamentum? aut etiam locus, ubi consistat? tanta ne est temporum iniquitas, & hominum in suis bonis ignoratio? haec ego quandoque mecum: nunc uacuis cura iam sum, & ex eo, quod significas, ut in exoptata fortuna triumpho. uelim igitur ei meo nomine gratuleris. Tuos uersus, tua fretus humanitate, iam promiseram. eos expectabo, minima, si fieri, potest, interposita mora. nec tu uelim me diuturna expectatione ducas. Illa ad illos, qui te numquam amarunt, quos male scis audire suo merito, cur non transferas ad alios? equidem suadeo. quod si tenerem ὑπόθεσιν: facile dicerem, ad quem. me a lusibus, καὶ ἀπὸ πάντων τῶν ἐρωτικῶν, plane renocat non solum natura mea, sed aetas etiam, senectuti propior, quam adolescentiae. itaque, si quid ad me scribes, remoue, amabo te, omnia, quae dilexisset Plato uidetur, ἀφροdisια. intelligis, opinor, quid significem: & quod significo,

K petere

petere me, uel cupere etiam, si me putas ingenium tuū nosse, existimabis. De beneuolentia tua, etsi nunquam dubitavi, ex te tamen ipso ea, quae opto, libentissime audio. quamquam ad studium in te meum nihil addit studij tui commemoratio. non enim te amare coepi, ut ipse me amares, sed quod amabilem ipsum esse duxi multis nominibus; quae tibi ipse ne exponam, non modo meus, uerum etiam tuus pudor impedit. Iactura te mouet rei familiaris in discessu repentino. noli laborare: lucrum erit in damno; si spectas eum, qui te excipiet, praestantem uirum, erga tuisimiles optime animatum, cuius egregiam uoluntatem non dissimilis fortuna comitatur. sarciet igitur ille, si quid ob subitam migrationem damni facies: & ut spero, tuum te consilium quotidie magis oblectabit. Polam uideo te abiēcisse, & laetor mehercule tua caussa. uerumtamen, si quando opus erit, secessum illum non contemnes: ut habeas tu quoque, exemplo Africani, & Laelij, tuum Lucrinum, cuius in litore, neglectis Regum thesauris, omni prorsus ambitione solutus, aut conchas legere, aut fluctus numerare possis; eoq. laetius, si me tibi tantae comitem uoluptatis Deus obtulerit. Verum haec, ut quidem nostrae nunc utriusque res habent, inania: quae tamen, si perfecte saperemus, omnium fortasse prima. Sed uides me tecum garrire? capium uoluptate sermonis, dum te quasi praesentem alloquor, & utor manu eius adolescentis, quem iure Latij donatum, Cretensibus ademptum, affirmo tibi dignum aliquando fore nostro contubernio. quod quidem studiose agit, tuo maxime exemplo incitatus. etsi

non

non te nostra domus, sed tua te industria, tuum nobilitavit ingenium. Libri aliquando exierunt, quos ad te mitto, iuuenis optimi, & insigniter eruditi, Onuphrij Panuinij. non dubito, cum legeris, quin meum de illius praestanti uirtute testimonium confirmes. habet alia in manibus, unde fructum studiosi capere uel maximum possint. quae ut edat maturius, otium illi exoptare, qui rerum nobilium scientiam appetunt, omnes debent. Vale. Venetijs.

EIDEM, Patauium. 27

Vix credas, quam non facile mea manu litteras conficiam, & quam facile, cum utor amanuensi, fluat oratio. itaque scripsi ad Seuerum laboriose, quod inambulans, ut antea solebam, minimo negotio dictissem. discessus ille meus, magnorum index malorum, ut ab amicis tunc, falsa coniectura ductis, putabatur, familiares meos, quorum uti opera consueueram, Podocatharum, Fasnardum, postremo etiam Nicolaum Cretensem mihi ademit. filium habeo, sed puerum adhuc, & imbecillo corpore, & occupatum satis domestica cura. itaque posthac, nisi quid occurrat grauius, perquam raro, & quam breuissime scribam. uenio ad litteras tuas. Reuersus e Foro Iulij, quo exieram non tam negotij, quam ualetudinis causa, reperi librum tuum, Variarum lectionum, quem apud Sixtum Medicem, communem amicum, excellentem uirum, reliqueras. noli exspectare iudicium meum. malo enim te ab alijs, quid de tuis studijs, quid de ingenio existimem, quam a me ipso, cognoscere. unum tamen il-

K 2 lud

lud non minus uere, quam libenter dicam, nihil me
adhuc in hoc genere legisse ornatius, nihil eruditius.
Quod autem quibusdam in locis & a me dissentis, &
egregijs idem laudibus me ad caelum tollis: parcius
utrumque uellem: sic enim utrumque fortasse uerius:
ago tamen gratias, quod publicam utilitatem rebus o-
mnibus anteponas. quam ego antea consuetudinem,
acceptam a patre, seruauim mea sponte, & seruabo post-
hac, tuo inuitatus exemplo, diligentius. De num-
mis, cum libebit, atque adeo ut libebit. urgeri enim
eum, qui cum tibi usus intercedat, ne si quidem ipse
uelis, facile permetterem. Dionysius paullo serius,
quam putaueram, absoluetur. moram iniecit com-
missa inter operas rixa, absente me. neque tamen hac
satis leui, sed alijs adductus causis, quae ponderis lon-
ge plus habebant, paene totum consilium abieceram.
nunc, te hortante, ac monente etiam ut celeriter,
quid agam? quid autem, nisi quod ipse cupis? quod
certe mea causa cupis. urgebo igitur pro uirili, nec
impensae parcetur, aut labori. De Gallorum Rege,
dolui sane grauiter dolorem uestrum: sed, humana
quae sunt, humaniter ferenda. nec uobis doctrinae
remedia, nec ea, quae sumuntur a rerum usu, deesse
possum: & tu mihi miranda narrasti de Cardinalis
pietate in Deum: quo ille se, uosque omnes praesidio
aduersus iniquitatem fortunae praeclare tuebitur.
Vale. Venetijs.

IOAN-

IOANNI. BAPTISTAE

RHAMNVSIO

XVIRVM. CONSILII. A. SECRETIS

Vinctias.

28

CUM a nobilibus uiris, in haec loca uel animi, uel negotij caussa confluentibus, dignitatem illam, quae maxima est in nostra ciuitate, ut arcanis praefses praestantissimi Xuirum Consilij, summo omnium consensu tibi esse delatam accepissem; magnopere sum laetatus, tum pro ea, quae olim inter te ac parentem meum mutua semper fuit beneuolentia, tum pro mea in te uetere obseruantia, orta primum a meo de tuis uirtutibus iudicio, deinde a te multis, ac uarijs, ut tempora tulerunt, erga me, meosq. officijs uehementer aucta. atq. ego meam tibi paene incredibilem laetiam, ex honore tuo susceptam, statim litteris declarassem, nisi, autumnio iam exeunte, breui futurum sperassem, ut, in urbem reuersus, praesens praesenti gratularer, neq. solum ex oratione, sed ex uultu, & oculis, qui sunt indices animi, de meo in te studio, intimoq. sensu iudicares. hac ego me non multorum dierum expectatione cum sustinerem, ecce tibi amicorum litterae, ecce nuncij, proximis comitibus tulisse te fructum anteaetae uitae omnis, tot peregrinationum, quas in Galliam, ad Heluetios, Romam, etiam ad hostes armis infefios reip. caussa suscepisti, tot consiliorum quae a te fluxerunt ad augenda, quantum in te fuit, patriae dignitatem. cum enim longo post interuallo in eum locum redisses, unde magistratuum designatorum nomina

K 3

reci-

recitantur ; consurrexit senatus uniuersus , ex tuo conspectu mirifica uoluptate perfusus . quæ tum animorum omnium perspicua significatio ita te commouit , ut illico magna uis lacrumarum exciderit , intuenti beneuolentiam tuorum ciuium , quos in omni aetate dilexeras , quibus iam inde a prima adolescentia , parentis tui , summi uiri , exemplo , omnibus officijs inseruieras , nulla tibi , præterquam amoris , præmiorum spe proposita . Fuit igitur eo die mutuum , & æquale gaudium , senatus primum , ubi tuam sibi uocem claram pariter , & suauem , in pronuntiandis magistratibus uidit esse restitutam , quam post obitum magni Cancellarij Francisci nimium sæpe desiderauerat ; deinde tuum , cum illa tibi cum incredibili gaudio , ac paene cum clamoribus uniuersa consurrectio , quid de te tui ciues existimarent , quo te studio , qua caritate complecterentur , ostendit . Enimuero laetari te puto , quod quidem iure facis , summo dignitatis gradu , quo te tua uirtus extulit , ut arcana illa tractares , quæ ad reip. salutem , & huius magnitudinem imperij pertinent . uerum hoc sæpe uidimus alijs quoque contingere , optime scilicet de patria meritis : nec enim honor in quemquam , qui sese magnis in rebus non sæpe probauerit , confertur : studia uero tanta , testimonium tam illustre , consensum eiusmodi quando ulla omnino in re , uel in quemquam omnino hominem uidimus , aut audiuius ? itaque cum ad meam priorem laetitiam nihil addi posse existimasset , nunc tamen accessionem haud mediocrem noui gaudij scilicet esse confiteor : ut eam testari litteris , ac tibi ,
quoquo

quoquo modo licet, indicare sim coactus. uideo enim te uno die, atque una plane hora mercedem cepisse non modo meritorum tuorum, quorum habes testem uniuersam paene ciuitatem, uerum etiam perpetuae tuae modestiae, cum, amore, ac iudicio patriae contentus, nulla umquam commoda, nullum honorem tibi esse petendum statueris; ut admiratio simul & dolor propinquos, ac familiares tuos fere omnes afficeret, quod ista dignitate, quae tibi nunc incredibili omnium studio delata est, ornari antea noluisses. quorum te denique, ac simul omnium ciuium, uoluntas, atque cohortatio uicit, & ad honorem exoptatus, atque accersitus accessisti, nulla usus prensatione, nullis precibus, tua uirtute commendatus, quae tibi omnia omnium suffragia facile impetrauit. quando igitur, honore accipiendo, patriae satisfacisti; dabis eidem optanti, atque petenti, ut ad tuendam ac sustentandam senectutem tuam quidquid curae, quidquid potes industriae conferas: ut & tu mirifico illius in te studio, & illa tuo excellenti consilio, tua rerum omnium publicarum scientia frui quam diutissime possit. idem te priuatim rogant necessarii tui, proprie uero filius adolescens, in quo uidetur tua uirtus efflorescere, tua iam probitas, tuae ad optimas res propensio uoluntatis agnoscitur. Ego autem, cum nemini in te amando, colendoque concedam, iisdem utor precibus, ne tuam aetatem, confectam iam annis, & laboribus pro rebus susceptis, rebus agendis nimium uexes. uereor enim, (ut omittam publici muneris curam) ne plus officij amicorum causa, quam sustinere fortasse possis, tua

K 4 tibi

tibi imponat humanitas. quod si desidiā odiſti; & quae alijs quies uidetur, laborumque, ac moleſtiarum quaſi portus expetitur, eam tu ignaniam appellas nec homini quidquam uitandum magis exiſtimas: habes in quo te exerceas: duo ſuperſunt, aliquot iam ar-
nis inſtituta, de itinerum & nauigationum diuturno ac perdifficili curſu praeclara uolumina: quae ſi ad pri-
mum, quod omnes libenter, nec ſine tua ſumma laude, legunt, aliquando adiunxeris; egregiam, & maiori-
bus noſtris, multisq. ante ſaeculis reconditam doctri-
nam. praeclaris imaginibus expreſſam, orbi terrarum parefacies, tuoq. nomini gloriam paries haud paullo
maiores, quam quae tibi a cunctis honoribus & ma-
giſtratibus, uel magnificentiffime geſtis, manare um-
quam poſſit, eoq. magis in hoc ſtudium debes incum-
bere, quod omnem amoenitatem, quae ſolet ad ſcriben-
dum inuitare, tua tibi Rhamnusia uilla abunde ſup-
peditat. itaque ſrueris eodem tempore Marſangi Mu-
ſis, delicijs, ac amoribus tuis: & nobis, poſterisque,
maxime uero Paulo conſules filio tuo; cuius omnes
egregiam indolem amamus, & exorientem uirtutem
admiramur: quem a te, niſi graue ſit, etiam atque et-
iam meo nomine cupio ſalutari. Vale. Ex Plebe
Sacci, pridie idus OCT.

M. ANTONIO. NATTA E

Mantuum.

29

GRAVI ac diuturna oculorum uale tudine impe-
ditus, feci tamen, ut litteris tuis, humaniſſime atque
elegantiſſime ſcriptis, quamprimum reſponderem. Ego

12,

te, Natta, ex illo tuo praeclaro libro, quem de Pulchro inscripsisti, iam pridem cupi colere. mea tibi voluntas non paruit: ceteris, quid de te sentirem, saepe in sermonibus declaravi. Nec uero mirari satis possum, qui potueris tantos processus in philosophia facere, homo uersatus, assidueq. occupatus in tractando iure civili: in quo ipso te excellere, & audio de multis, & res indicat: quandoquidem certatim uiri Principes te accersunt, summisq. muneribus praeficiunt. Equidem, ut beneuolentiam tibi meam praesens praesenti patefaciam, cupio Mantuam excurrere: sed me deterret ualitudinis infirmitas. tametsi affirmabat is, qui mihi tuam epistolam reddidit, posse me a meis laboribus Mantuam usque non incommode nauigare. itaque audebo fortasse. igniculum enim desiderij uix iam fero: & si quid est in itinere difficultatis, homini praesertim imbecillo, uincet amor in te meus. De tuo libro, quid iam exspectas ut rescribam? uides ne me in aere tuo totum esse? impera mihi quod uis; & utere me, quantum uis: subibo omnia, & perferam tua causa. Meum librum de legibus ad te mitto. iisdem typis, si tibi placuerit, utemur in tuo libro. sumptus omnino maior erit, quam si littera minor esset: uerum hoc tui consilij, ac uoluntatis est. statue arbitratu tuo: perpende magnitudinem libri: deinde significa, quid uelis. mitto etiam aliud characteris genus, ut alterutrum deligas. utrumque enim in folij, quod aiunt, formam apte conuenit. tametsi dignitas maior est in maiore. De ratione sumptus, si numerum paginarum tui libri significaueris, et simul uersum in una-

quaque

quaque pagina, & litterarum in quolibet uersu; facile summa fiet, & ad te scribetur. Num quid praeterea? hoc. de meo libro quid sentias, cupio significes. uix enim credas, quam a iudicio tuo pendeam. Vale.

E I D E M, Mantuam. 30

PRAECLARE Heſtor ille apud Naenium: Lau dari abs te pater cupio, laudato uiro. possum ego nunc idem usurpare. Video me laudari, a quo uiro? a M. Antonio Natta, in quo sunt ingenij, sunt animi, ac uirtutis ornamenta plurima. ego porro aliquid fortasse, si cum alijs conferar, uideri possum: cum uero ad te unum cogitationem conuerto, uix credas, quam mihi ipse displiceam. Quare permitte mihi, ut eas laudes, quas in me contulisti, reijciam; aut ipse maiores in te transferam. nam mihi, utrumque nostrum aequa lance pendere, magni negotij non est. ut ut est, amo uoluntatem tuam. ea mihi est, eritq. semper, ut debet, antiquissima. De aduentu meo, muto consilium in horas singulas. tu me allicis, uel attrahis potius: reuocat, & retinet ualetudo. cum ad te spectro; nauium conscendo, uehor, appello Mantuam, tecum sum. sic est amor, & illae, quae fluunt ex amore, uoluntates. rursus, cum ad me conuerto, & meam imbecillitatem intueor; qua macie sim, qua tenui cute, quam natura mollis, & procliuius ad morbos: relanguesco paullulum, & quasi nauium incitatam leuiter inhibeo. uides adhuc, & sentis fortasse, tentari corpora frigore, leui quidem, sed tentari tamen: uides perflari caelum uentis; rationem esse temporis prorsus incertam,

& in-

& inconstantem. quae firmiores non timent; ego uale-
tudinarius nisi timeam, parum uidear me nosse, pa-
rum uitae consulere, quod nec humanitatis est, nec
satis pium: cum nos iusserit ille summus imperator
quasi suos milites in hac statione, donec ipse renocau-
erit, permanere. Calores, ut spero, quae mea solet esse
anniuersaria medicina, me mihi restituent. itaque Iu-
nio ineunte, aut eo certe mense, te, ut spero, comple-
ctar. sin uidebo sine meo periculo fieri non posse, ut in-
uiam me dem: docebo te litteris, quid consilij ceperim.
Tuum librum tractabo qua licebit diligentia, animo
certe erga te singulari. Vale. Venetijs.

E I D E M, Mantuam. 31

ADEO ne erravi, & lapsus sum in subducenda
ratione, ut de folijs quinquaginta coniecerim, quae
nunc octuaginta fore uideo? pudet indiligentiae meae.
uerum, ut ut est, commodum meo rem suscipere non pos-
sum, nec audeo recusare; ne mea fides in dubium apud
te ueniat. itaque peto a te, ut cum tua ratione meam
quoque ducas, nec exigas a me plus, quam res & for-
tunae meae patiantur. Nam, quod ais, redituram
ad me pecuniam cum fenore, libro uendito: uidelicet
communi quadam, non propria me regula metiris.
non enim ego, ut alij, qui libros imprimunt, habeo
statim certos homines, qui eos diuendant, & longin-
quas in urbes, regionesq. diffeminent. uenduntur hic
statim a meis omnes ita paruo pretio, ut lucri quidem
minimum, sed minimo simul labore, minima molestia
fiat. Merum ergo librum itidem, inquis, uendes. De de-
clin.

*E*trina libri tui, de elegantia possum ego facile iudicare: de uenditione quis praesiat? an nescis, libros Latinos, optimos ueteres, ita nunc iacere, ut paene sordium in genere putentur; uix iam Ciceronem ipsum, Caesarem, Sallustium legi, a multis etiam ne legi quidem, planeque contemni? quare noli mirari me tam esse diligentem in ijs rebus, quas me docuit usus paene quotidianus, et in quibus non licet esse sine magna mercede negligenti. De tempore, quod urges: facultatem imprimendi non concedunt, libro non inspecto. atque utinam, inspecto, concedant. quod si dixi eos me faciles habere: non significauī, posse me, libris non lectis, intrare ius imprimendi, sed consequi, statim ut legantur: quod ita multis non contigit. saepe enim uidi nonnullorum scripta, apud eos, quorum potestatis haec tota ratio est, per multos menses custodita, neque legi, neque reddi. Mittas igitur librum oportet uniuersum: mecum autem amice ages, pro ea, quam tu doces quotidie praeclaris exemplis, aequitate. ita, si erravi, non luam grauius, quam debeo: sin error a me non est, a te uero aucti libri magnitudo tota pendet; ius tuebere pro tuo instituto, & amico simul consules. Vale.

E I D E M, Mantuam. 32

*V*t concludam paucis; quando nec mihi ad scribendum, nec tibi ad legendum otij satis est; si librum miseris, imprimetur. nolo enim meam apud te fidem in dubium uocari: nihil est tanti. de tempore, incertum est. pendet, ut saepe iam scripsi, haec tota res ab aliena uoluntate. crediderim tamen, intra mensem

confici

confici & expediri rem posse, tum studio nostro, tum
intercedentibus amicis, nobilibus uiris, & gratia flo-
rentibus. libro non inspecto, facultas imprimendi
numquam dabitur. scio nullam in eo labem esse, quae
legentium animos possit inficere. noui tuos sensus,
mores, probitatem. quae ego pluris etiam in te aesti-
mo, quam eam doctrinam, qua parem fortasse ali-
quem, superiorem certe habes neminem. uerum mos
est gerendus consuetudini. communis haec est. non tua
praecipua condicio. Ad me autem quod attinet, uo-
luntati tuae, in qua nim esse cupiditatis intelligo, nulla
interiecta mora satisfiet. Vale. Venetijs.

E I D E M, Mantuam. 33

HODIE, tribus medicis adhibitis, accurate di-
sputatatum est de meo exeundi consilio. rem probant,
sed illud addunt, totam aestatem dandam esse otio, in-
cunditati, exercitationibus modicis; nec redeundum
in urbem ante mensem Octobrem. itaque uehementer
animi pendeo: nec, quid consilij capiam, satis habeo
exploratum. in hac dubitatione uenit in mentem de
tuo libro: quem, si exeo, uideo fore, ut serius fortasse,
quam tua uoluntas ferret, imprimatur. quare monen-
dum te litteris existimaui, ut aut statim eum mitteres,
aut imprimendi consilium differres. Ego hic uel tua
unius caussa commorabor, dum liber absoluator. quod
si statuis de subita impressione; qua uelis forma, quo
charactere, quo numero; significa. Suaderem omni-
no, ut aliorum opera, me absente, uteris: sed timeo
mendas, & sordes; quibus inquinari, & corrumpi
tua

tua scripta per operarum incuriam, nolim: quod tu iam sensisti in libro de Pulchro; qui tractari non potuit indecentius. His litteris cupio a te primo quoque tempore responderi: ut, quod ad me ipsum attinet, certi aliquid possim statuere. meam enim uoluntatem ad tuam accommodabo. Vale.

E I D E M, Mantuam. 34

LITTERIS tuis perlectis, aggressus sum legere tuum libellum. legeram iam antea Venetijs, allatum ad me a Carreto tuo. mirifice semper placuit. genus enim scribendi non minus elegans, quam eruditum, complexus es. Quod ad typos attinet, uideo paullulum detritos esse uetustate: itaque specie illa, quam recentes habere solent, prorsus carent. & compactum nimis atramentum uidetur: ex quo fit obscurum quiddam, quod legentium oculos offendat. Menda quaedam deprehendi nimis foeda, nec eiusmodi, ut dissimulari possint. cuius incommodi caussam puto tibi non latere. saepe enim hic, dum imprimitur, uel emendationi nemo praeest, uel praeesse solet homo mercenarius, & parum litteris instructus, & is, cui pecunia, quam fama, sit antiquior. nos tamen, & quia de existimatione laboramus, & quod te nimium diligimus ob tuam probitatem, nimiumq. colimus ob eruditionem, enitemur, & contendemus, quantum feret acies oculorum nostrorum, ut satis in hoc genere fiat tuae uoluntati. ad quam tu me diligentiam tacite uocas in tuis litteris. laudas enim, & Aldi filium agnoscere te dicis. quam sunt haec acuta, quam me pungunt,

gunt, atque excitant ad omnem laudem, non modo hanc propriam typographiae, quae iam in nostra familia inueterauit, & quasi debita, postulatur. Sed heus: adhuc ne tibi meus liber est in manibus? atqui abiectum iam a te, & latere in angulis, obductum pulvere, existimabam. nec tu is es, cui bonas horas male liceat perdere, homo assiduus curis, maximisq. negotijs districtus. itaque peto a te, hoc mihi des, ne tuum orium a summis rebus ad meas ineptias conferas. satis iam obseruantiae in te meae, satis humanitati tuae dedisti. hoc si plus cupiam; non agam satis modeste; nec te nosse, nec me ipse uidear. Verbum optabam in epistola tua de Carreti ualetudine, optimi uiri, ut uisus sum conijcere, tui certe studiosissimi. nam affectum pessime, ac paene desperatum dixeras, cum essem Mantuae. Mecum actum est in hac peregritatione prorsus infeliciter. incidit in morbos tota paene domus: sed uxor cum periculo uitae integrum iam mensem miserrime iacuit: nec dum uideo quid sperem: cum iactetur acerbissima febre, nec habeat spatium ullum sese colligendi. ego, cum non optime ualuerim corpore, neque nunc ualeam, quo fuerim animo, quo nunc sim, uel me tacente potes existimare. fortitudinem laudo: sed eam in me ipso nunc requiro. uincor enim aduersis, nec possum plane, quod tu potes, a philosophia illa uera, quam Aristoteles ignorauit, praesidium petere. Sed longius progredior. tuas litteras exspecto. solatium fortasse aliquod in malis afferent. Vale. Asulae.

EIDEM,

E I D E M, Mantuam.

35

MEVM inreditu consilium hoc fuit, ut Mantuae conscenderem, idq. maxime tui salutandi causa; tum, ut, quod antea de tuo libro imprimendo inter nos conuenerat, id comprobaremus. non licuit ob uiarum difficultatem, & frigora. scis enim, quam tenui cute sim, quam imbecillo corpore. Caneti igitur, & meo, & meorum consilio, tranquilla tempestate, conscendi: Mantuamq. praeteruectus, uiginti, opinor milliariorum interuallo, Clodiam triduo incolumis appuli. hic me amici, & propinqui laetitia incredibili exceperunt, qui de reditu meo, saeuiente iam hieme, paene desperassent. negotia nunc repetimus: quae cum neque pauca sint, neque ponderis exigui; nullum tamen habeo prius, nullum antiquius eo, quod ad te pertinet. uide igitur ipse quid statuas. nam, si perstas in sententia; mittendus liber est ante medium Ianuarium: quo spatium habeamus eos alloquendi, ac rogandi. quorum iniussu nemo imprimit impune. urget etiam Philippi Regis orator de libro edendo, quem ei misit, homo, ut aiunt, Graece Latineq. bene sciens, arcanorum ipsius Regis particeps, Gonzalus Perez: cui roganti per litteras, ut omnino suus liber meis typis exeat impressus, & in eo sita ac locata suae laudis aliquam partem existimanti, deesse non possum, pollicitusq. sum: et persolui fidem. sed cupio tuum librum anteire, si tu uis: sin commodius uidetur, in aliud tempus differri; quamprimum litteris significa. ego id unum specto, tibi ut satisfaciam. Vale.

E I D E M,

E I D E M, Mantuam. 36

NONDUM redditus liber est: nec mea tamen in
 eare diligentia defuit. denotandum est hoc utrique no-
 strum, quidquid est molestiae. nam me quoque mora
 longior incipit ita graviter afficere, nix ut feram: foro
 tamen, quia Nattae negotium est. alioqui hastas me
 hercule, ut ille inquit, abjicerem. sed obduremus pau-
 cos praeterea dies. si res ducetur, librum repetam,
 & cum pecunia tibi remittam. Ama me; & tibi per-
 suade, te mihi esse in animo assiduum, in oculis, in
 ore. Vale.

E I D E M, Mantuam. 37

NEQUE nihil respondebo, neque tamen id, quod
 tu exoptas vehementer, ego autem sic, ut tecum in
 cupiditate contendam. Librum habet in manibus ho-
 mo eruditus egregie sacris litteris, & philosophiae
 scientia excellens, Sixtus Medices: cuius omnia iudicio
 propter doctrinam, fidei uero ob integritatem recte
 committantur. is legit accurate; perscrutatur omnia:
 examinat, & pendit acerrime. nihil adhuc, ut saepe
 iam mihi significavit, alienum a recta sententia depre-
 hendit; tuamque mire laudat perpetuam tam longo in
 opere eloquentiam, singulari doctrina coniunctam. is,
 quid tuo de libro sentiat, suo testimonio, ac iureiuran-
 do cum ostenderit, aggrediemur: quod abesse iam longe
 uix potest. Te interim rogo, optime Natta, ne quid
 alienae culpa in me transferas; nec me curare parum
 graviter existimes ea, quae ad te pertinent; quibus

L afficior

afficior in utramque partem, non equidem aequè ac tu, sed, uno te excepto, grauius certe, quam ceteri. Vale. Venetijs.

E I D E M, Mantuam. 38

ALIQUANDO is, qui tuum librum accurate legit, absoluit epistolam eam, qua tuis litteris respondet. de re tu iudicabis: de homine, sic habeto, uirum esse bonum, praestanti humanitate, singulari doctrina, praeconem uero laudum tuarum. quare est sane, cur ei gratias agas, quod te ornet efferratq. laudibus: quod a me iam, qui te unice diligo, tuo nomine factum est. quamprimum autem cupio a te responderi; ut, si quis remanet scrupulus, auferatur, & exeat tuus liber bono publico, tua non mediocri gloria: quod utrumque fore confido. Bonaminus neque dum uenit; nec, uenturus ne sit, aut quando sit, ex eius ad me scriptis proxime litteris licet conijcere. tu cognosces: eiq. ad me fasciculum dabis epistolarum mearum: quas tamen, tu quoque, opinor, mecum sentis, comprimendas potius, quam diuulgandas: sed efflagitantibus, praesertim amicis, negari iam diutius non possunt. Vale.

E I D E M, Mantuam. 39

PLVRIBVS tecum uerbis agere non licet: ita multis distrabor curis. unum hoc eis, qui tuum librum legit, idem tuis litteris, disertissime scriptis, respondebit. quod ut celerrime faciat, operam do, quantum in me est. tuam causam certe, ut mihi uidetur, praeclare tueris:

tueris: & , quantum tibi ex optima mente tantum ex ingenio, & doctrina laudis accedit. Vale. Venetijs.

EIDEM, Mantuam. 40

PLACERE tibi argumentum de Republica, & eius libri partem, epistolis meis insertam, abs te, tali uiro, tantopere laudari, uehementer gaudeo. tua uero cohortatio, ut absoluam institutum, animos illa quidem addit: sed, o mi Natta, si uides quibus premimur & curis, & laboribus, fortasse, si modo uis me uiuere, aliter sentis. incitamur uoluntate, consilijs, & hortatibus amicorum, gloriae nonnulla cupiditate: nec omnino diffidimus ingenio; uerum illa, qua tu excellis, quae in tuis & dictis & factis elucet, prudentia dissuadet. me natura pertenui finxit corpore: studiorum accessit non mediocris labor; ex quo imbecillitas, & morbi. quid res domestica? quae, quo est angustior, eo tuenda diligentius est. quid typographia? quam ita mihi tractandam intelligo, non ut omnia ad utilitatem, sicut multi, sed pleraque ad meam existimationem referam, ac dignitatem. quo proposito, nihil est operae, nihil studij recusandum: ac saepe, ut ait poeta ille tuus, sudamus, & algemus. Amicis etiam uel salutantibus horae dandae sunt, uel aliquid petentibus officia tribuenda. qui si excludantur, aut reijciuntur; sane consuletur otio meo, rebus meis, ualitudini meae; sed ubi humanitas? quae quam sit hominis propria, nomen ipsum indicat. Iacent igitur inchoata, plane rudia, temere uel dissipata, uel confusa, mea scripta; quae nonnumquam, sicuti mater languentem

L 2 filium,

filium , eum dolore tacitus adspicio ; opem ferre , quam uidentur postulare , non queo . Quare , si quid apud te hominis tui amantissimi salus est , nō debes me ad scrip- tionem uocare , tot assidue , tam uarijs , tanti momenti occupationibus distentum . adiuua me potius consilio , si potes : aut minue molestiam consolando : opta sal- tem , (& hoc ipsum significa) ut haec , quae nunc sustineo , perferam , & is , quem uolumus , principijs exitus respondeat . id quod , nisi fauente , qui fons est omnium bonorum , Deo , sperare non licet . Consulta- tiones tuas , si quae nondum editae sunt , mire aueo legere . nam , cum in ijs , quae iam sunt editae , praestare te omnibus , qui memoria nostra ius ciuile litteris man- darunt , cum scientia rei , tum sermonis elegantia , mi- hi persuadeam : intelligo posthac tua scripta longe fore meliora . non ago tecum blande : metior ueritatem ipsa- re , & , ut sentio , plane loquor . ualde , mi Natta , hoc biennio in Latina lingua profecisti : quotidieque , ut ex epistolis tuis facile coniicio , ad ueterem illam eloquentiam propius accedis . itaque uidere mihi ui- deor , ac prorsus uideo , quantus in iure ciuili explican- do , si studium adhibueris , esse possis . quod ut facias , auctor tibi magnopere sum ; si modo tu in tua laude quemquam , praeter te ipsum , auctorem , hortatorem ue exspectas . Vale .

E I D E M , Mantuam .

41

LITTERAE tuae , quas idem binas tabellarius attulit , facile tuam edendi libri , quem efflagitari iam a multis audio , non mediocrem cupiditatem decla- rant .

rant . nec me tamen studio tibi concedere uelim existi-
 mes . nam & οὐρανὸν quendam commonuit iam
 in sensibus meis uirtus tua : & res ipsa , de qua tanto-
 pere laboras , commendationem habet a se ipsa , nec
 tuum officium apud me , aut omnino apud quemquam
 bona mente praeditum , desiderat . Vnde igitur , in-
 quies , tot dierum prolatio ? Equidem culpa uaco : nec
 in officio praestando Sixti nobis humanitas defuit : sed
 ab eius uoluntate pendemus , cui tota demandata fa-
 cultas est . is cum Sixti primum , deinde etiam nostro
 se acquiescere testimonio confirmasset ; Sixtum etiam ,
 ut optime de Christiana doctrina sentientem , sacra-
 rumq. litterarum disciplina perfectum , laudibus ex-
 tulisset ; illud adiunxit ; sibi tamen esse concedendum ,
 cui ratio temporum paullo seueriorem , quam ipsius
 uoluntas ferret , personam imponeret , ut librum le-
 uiter attingeret : quod esse perpaucorum dierum nego-
 tium pollicebatur . negandum non fuit . egimus etiam
 gratias , quod ita blande peteret , ut suam obliuisci po-
 testatem , humanitatis causa , uideretur . Nunc tibi ,
 mi Natta , deuoranda est haec non multorum , ut spe-
 ro , dierum mora . uides , hominum recentiorum libri ,
 quicumque de sacris rebus loquantur , quam diligenti
 hodie truiua perpendantur : uides quam multi , nullo
 personarum discrimine , in iudicium uocentur , quam
 pauci mox elabantur . tolle , obsecro te , festinationem
 in re tanta : & habe rationem temporis : & utriusq.
 nostrum otio , (nam mea quoque res agitur) breui in-
 terposita mora , consule . Nam , quod iniecisti de tua
 laude , opinor ut quasi dormientem excitares , id mihi

nouam diligentiam non attulit, potius admirationem quandam, cur ea, quae ad tuum decus pertinent, curari a me frigide suscipieris. Etiam appellas me ob testimonium epistolarum mearum. quasi uero ego te diligam constantiae causa, non iudicii. quod si te non esse dissimilem tui putaueris; cuius etiam probitatem, doctrinam, eloquentiam assidua studia uehementer augent: me quoque, qui aliquando in te fui, eundem fore semper, hoc est, amore incensum, atque cupidissimum gloriae, debebis existimare. Commentarios meos quod enoluis libenter, amice facis. si uero etiam, ut scribis, aliquid ad tuam utilitatem excerpis; magni facio industriam meam: quam tu, uir ingenio, & eruditione summus, modo non improbares, satis habebam: fructum ut ex ea caperes, uix umquam speraui. itaque scribam posthac paullo fidentius, iudicio tuo confirmatus: & auctoritatem tuam, si quis contra senserit, pro sexcentis rationibus opponam. Litteris tuis, caue putes, non esse a me responsum, quia neglexerim. obstitit occupatio: quae diem quandoque totum eripit a mane ad uesperam. quod etiam si non scriberem, tamen opinari, tuae prudentiae, & humanitatis esset. Vale.

E I D E M, Mantuam.

42

AD. OCULORVM dolores, quos diuturna consuetudine satis iam modice fero, accessit molesta febricula, periculi tamen expers, ut medicus affirmat. itaque conor breui respondere litteris tuis, elegantissime, & humanissime scriptis. Liber statim traditus est uiro

uiro optimo, atque eruditissimo, communi amico, Sixto Medici. is, licet occupationibus districtus, tamen & mea, & tua causa pollicitus est, operam se daturum diligenter, ut eam partem, quam tu addidisti, ac mutasti, quam citissime legat. quod cum fecerit; rursus ex eis testimonio ius erit impetrandum libri diuulgandi. scis enim, quam seuera hodie sit librorum omnium examinatio, quam sint, ubi quid scribimus, ambigua cauenda: ne quæ omnino secus interpretandi, trahendiq. in deteriore partem, occasio praebeatur. Sixtus me diligit, meaq. causa ualde cupit, de te autem honorifice & sentit, & loquitur. itaque quod ad ipsum attinet, nauigamus in portu. Academia tuum officium amplectitur, ac laudat; sua uero a te, singulari uiro, probari & magni fieri instituta, mirabiliter gaudet. Plura uolebam, ductus suauitate sermonis, cuius imaginem habet epistola: sed interdictum est, non modo ne quid scribam mea manu, uerum etiam ne multa, nisi necessario, dicam. Vale.

E I D E M, Mantuam. 43

HABEO, quod petieram. sedasti animum meum consolatione, consilio iuuisi. nihil sapientius, nihil humanius epistola tua. & cum multa sunt a te grauissime, atque ingeniosissime commemorata: tum uero mirifice sum exemplo tuo commotus, quem statuo imitari, quantum in me est, licet meae probe quidem conscius infirmitatis: cui si Deus aderit, quod equidem spero; uincemus humana omnia, & triumphabimus in aduersis. Afferet ad te tabellarius cum his lit-

L 4 scri

teris indicem, quem petis, n.issum ab Academia, tui studiosissima. tradidi enim legendam epistolam tuam: nec improbanit quisquam. quid? nemo non extulit amplissimis laudibus. ego autem & quasi ex eorum iudicio affectus laetitia, & quid ipse de tuis existimam scripseris; quia te puto illud, uel me tacente, pro amore nostro suspicari, hoc autem ex meis superioribus literis cognovisse; non exponam hic pluribus uerbis. tantum agam gratias de ista tam in me propensa uoluntate, excellentiq. industria: quarum alteram longitudo litterarum tuarum, alteram elegantia declarat. Vale.

E I D E M, Mantuam. 44

B I D V V M hic futurus sum: nec enim diutius licet per ualitudinem: nec uenissem lenibus causis. Liber tuus propediem praelo committetur, & diligenter emendabitur. angor equidem, quod abesse cogar, quod accidit profecto non minus contra uoluntatem, quam praeter opinionem: sed haec in manu nostra non sunt. ducimur enim, uel trahimur potius factorum uirum, itaque humana omnia ferenda. quamquam non haec tibi, quem religio probum, doctrina prudentem facit, sed mihi ipsi, ab ijs praesidijs, quae te muniunt, parum instructo, itaque inuis cano. De rebus meis, de ualitudine, de studijs, exigit omnino amicitia nostra, ut aliquid significem: sed neque nunc satis otij superest: neque, ut uere dicam, libenter scribo, quae tu non libenter legas. meliora tamen omnia paucis diebus fore uidebantur: itaque uberiores a me literas exspectato.

Haec

Haec dictavi propere, multis districtus negotijs, animo curis impedito. Vale.

E I D E M, Mantuam. 45

LEGI, quas remisisti, epistolas meas, & correxileuiter, ut homini licet occupato. de editione, quod hortaris, ut omnes potius, quam, ut ego statueram, unam, aut alteram: ita faciam, non spe laudis, (scriptae sunt enim, quod res ipsa indicat, indiligenter, ac raptim) sed quia notam esse aequis & iniquis nostram amicitiam uolo: quae me ornat iudicij tui testimonio: cum tamen ad iudicium singularis accedat humanitas. Vale. Veneris.

EPISTO-

EPISTOLARVM
PAVLLI. MANVTII

LIBER. QVARTVS

ILLVSTRI. COMITI

MICHAELI. TVRRIANO

CENETENSI. EPISCOPO

Cenetam.

I

ANGEBAR animi, nec fieri quidquam
posse me uno miseri^{us} opinabar: ita
multa hoc anno praeter expectatio-
nem, prorsus aduersa meis rationibus,
obtigerant: fratris primum amantissimi, deinde filioli
suauissimi interitus, uxoris morbus, inualetudo mea,
rei familiaris incommoda. quam facile, nullo paene
strepitu, rerum mearum conuersus orbis est. de fra-
tre, & filio iam fero moderatius; uel quod, ut solet,
medetur dies; uel quia, quod aeterna lege Deus consti-
tuit, id abrogare uelle non solum iniustitiae, uerum
etiam imprudentiae uidetur esse. uxor conualuit: ego
satis firmus. domestica uero damna, quae sarciri uix
umquam arbitrabar posse, facile compensat amor in
me tuus; cuius mihi recordatio molestias omnes di-
luit; quandoquidem uis me ad omnes casus (recordor
enim tua uerba) subsidium in tua benignitate maxi-
mum constituere. itaque leuatus a te grauissimis cu-
ris, premi iam onere officij me sentio: in quo suslinen-
do uiribus enitar cunctis & animi, & ingenij: tantum
ne?

ne? immo etiam ijs, quas beneuolentia erga te nostra, & singularis addet obseruantia. quid porro tam difficile, aut tam amplum est, quod incitata studio uoluntas non assequatur? uerumtamen in hac re sentio esse haud paullo difficilius mihi satisfacere, quam tibi. te enim nihil in conferendo beneficio spectare praeter ipsam uirtutem, quae suis gaudet ac fruitur bonis, nihil extrinsecus assumit, satis mihi multo antea persuasum est; praeterea nulla re indigere, non gloria, quae iam pridem abundas, non diuitijs, quas & possides iam, & contemnis. ego uero, qui & ante annos sex, quo te primum die sum allocutus, eo ipso die benignitatis tuae praestantiam non uulgari munere sum expertus; & nunc ab eadem benignitate multo etiam maiora, te iubente, cogor expectare; prorsus ancipiti cura distrahor, qui neque gratiam tibi umquam referre, neque nuda uoluntate contentus esse possim. Succurunt enim multa, quae libenter cogitem: primum, humanitas tua, qua me semper complexus es; deinde liberalitas, qua subleuasti; postremo consolatio illa, Christianae pietatis, & sapientia plenissima, qua me quidem proximo Quintili mense, cum ad te honoris causa Cenetam accessissem, afflictum erexisti. atque haec quibus meis erga te officijs? nullis omnino, salutatione excepta, quae ipsa mihi tum utilis ex prudentia, atque eruditione tua, tum etiam ex dignitate perhonorifica fuit. Quae cum omnia colligo; eximiam istam, planeq. diuinam beneficentiam, insitam tibi, uel potius ingeneratam a natura, auctam doctrina, usu confirmatam, atque perfectam, satis admirari non possum.

possum. Et simul ad quosdam, opibus affluentes, multis imperantes nationibus, cogitationem conuertens, doleo uicem bonarum artium, quae deserantur ab ijs, quorum patrocinio si uterentur, fructum retribuerent enim, qui est omnibus imperijs anteposendus. quid enim est immortalitate praestantius? quis autem eam, nisi beneficio litterarum, consequitur? laterent in tenebris, obruti uetustate, Caesares, Alexandri, plane omnis antiquitas, nisi rerum praeclarissime gestarum, quas cum audimus, imitandi cupiditate accendimur, testem haberemus historiam. Quo magis tibi gratulor, Antisles, & idem Princeps egregie, qui hanc uerae laudis paene uacuam hodie possessionem tam libenter occupas, ueteremq. maiorum tuorum de omnibus bene merendi consuetudinem, nulla prorsus tuarum fortunarum ratione habita, constantissime retineas. Quod uero istam uirtutem multis praeterea uirtutibus, usu rerum maximarum, prudentia, doctrina, eloquentia, maxime uero humanitate cumulas, atq. exornas: iccirco & antea Romae, atque in tuis legationibus, Ecclesiae caussa susceptis, magnificentissime gestis, & nunc in urbe tua, quam diuino simul, & humano iure temperas, concursus ad te quotidie fiunt optimorum uirorum, & eorum maxime, qui aut ipsi ingenio, litterisq. praestant, aut saltem de ingeniorum, litterarumq. praestantia indicare possum. in quo saepe fortunam accuso, quae mihi facultatem ueniendi ad te, quod eram hac aetate pollicitus, & cupio uehementer, adhuc quidem eripiat. quod cum licebit, accurram. quid enim ista amoenitate iucundius, isto caelo salub-

b. ius?

brus? quid porro ad beate uiuendum deesse potest ei, qui tecum uiuat? cuius in aedibus primum oritur ex tua disciplina uirtus, deinde excipit uirtutem liberalitas. Hoc igitur, cum per negotia licebit: & utinam mature liceat. interim memoria tui fruor; teque, licet hoc terrarum spatio disiunctum, colam ut praesentem, nec ullum erga te, quod ab homine tui studiosissimo possit expectari, aut officij genus, aut studij praetermittam. Vale. Venetijs.

ANTONIO. VERANTIO

EPISCOPO. AGRIENSI 2

CUM ✱, tui studiosissimus, praeclarae non solum indolis, sed iam etiam uirtutis adolescens, proxime reuersus e Pannonia, tuo me nomine salutasset; atque hoc officium ijs uerbis, quae facile tuum de me iudicium declarabant, subsecutus esset: cepi sane uoluptatem incredibilem, nec mediocres habui gratias Deo optimo Max. cui soleo, si quid optabile contigit, acceptum referre, & a quo, si quid contra, sperare meliora. nec uero tua mihi quidquam amicitia uel ad meam laudem illustrius, uel omnino amplius possum existimare; cuius audio fortunam a multis ita laudari, atque extolli, ut nemo tamen sit, quin fortunae uirtutem anteponat. atque ego te cum ante aliquot annos, commotus fama laudum tuarum, diligere, & obseruare coepissem; animumq. meum probare tibi litteris uehementer uellem: pudor uetuit, non omnino fortasse improbandus; meq. ab hoc deterrire consilio, & quasi reprehendere natura mea maxime semper est uisa. quid?

quid? tu ne talem uirum, grauissimarum rerum onera
sustinentem, deditum studijs praestantissimarum ar-
tium, inani scriptorum genere appelles? reuocabat
ratio, & habendam mihi tum dignitatis tuae, tum
modestiae meae rationem intelligebam. Sed profecto a
rectis mentibus non ambitione, sed officio incensis, di-
uina numquam benignitas abest. qualem enim ego cer-
te uix umquam sperare ausus essem, ea mihi nunc a te
ipso oblata facultas est. cui de mittendo ad me emble-
mate, elegantissime, & in quo summam laudem sta-
tuo, admodum pie conscripto, uenerit in mentem. quo
sum dupliciter affectus officio, laetitia primum ex ipsa
re: debet enim iucunda uehementer esse amoris, ac iu-
dicii, a tali praesertim uiro profecta, significatio: dein
de molestia quadam, quod, qui humanitate uinci non
facile patiar, nunc quidem a te captus, atque oppres-
sus, tantum in hac uirtute, qua nulla magis hominem
debet, tibi concedam necesse est, quantum in alijs,
quibus te Deus ornauit, & industria tua, minime
paucis: quarum fama non Germaniae, aut Pannoniae,
continentium regionum, ambitu terminatur, sed
Europam, quanta quanta est, ac paene terrarum or-
bem iam peruolitat uniuersum. uerum tamen, si tibi,
magis locorum spatijs disiuncto singularem animi mei
ad te amandum, colendumq. propensionem ostendere
minus possum; apud eos saltem, qui meam uocem au-
diunt, meisq. saepe sermonibus intersunt, tuam do-
ctrinam, eloquentiam, in primis uero puram ab omni
labe religionem assidue praedicando, profecto ipse mihi
aliqua ex parte satisfaciam. nec tamen ita sterilem
cogno-

cognouimus industriam nostram, licet mihi laudem ingenij nullam adscisco, quin ea fructum aliquem, qui ad tuum decus pertinet, nec sine tua gloria peruulgetur, aliquando ferre possit. quod aggrediar ita libenter, et ita studiose curabo, ut euentus futuri laetitiam anide praeripiam, deq. eo, quod nondum praestiti, iam nunc, perinde ac si praestiterim, ipse mihi gratuler. et huius quidem ueluti praedem promissi, meae testem uoluntatis, hanc ad te mittendam epistolam putauit. Vale. Venetijs.

ANDRAE. ZEBRIDOVIO
EPISCOPO. CRACOVIENSI 3

VIDE, quae sit uis etiam apud alienos ignotosq. homines uerae solidaeq. uirtutis. Aliquot ab hinc annis, cum egregios uiros, qui te non de facie solum, uerum etiam e sermone assiduaq. consuetudine optime nouerant, omnia de te summa praedicantes audirem, studio tui sum incensus incredibili. nec meam deinde obseruantiam dies exstinxit, aut imminuit, sed auxit potius, ad summumq. perduxit. atque equidem nihil habui antiquius, nihil exspectaui magis, aut obseruari diligentius, quam ut haec ad te amandum, colendumq. animi mei propensio aliquo tibi non uulgari pateret officio: sed meam expectationem sefellit euentus, nec ulla umquam satis opportuna uoluntati respondit occasio. nunc igitur, quod mihi a fortuna denegatur, statui a me ipso impetrare. Praeclarum aliquid praestare, dignum uidelicet ea, quam tu sustines, persona, dignum tua uirtute, cupiebam: non licuit: at, quod licet,

licet, demus operam, ut id consequamur. licet enim certe studij erga te mei significationem quandam, non expressam omnino, sed quasi leuiter adumbratam, ostendere. & e quercu etiam quandoque exculptum placet, non modo ex ebore, simulacrum. Effigiem domi habeo parentis mei; quem tibi unum, cum familia ri olim tuo, & in ore, & in amore esse, homo insigni eruditione, moribusq. sanctissimis, Andreas Patricius non semel affirmavit. eius exemplar uenienti ad te Patricio dedi. Putabis igitur, cum patrem meum quasi praesentem adspicies, agere tecum, ut aditus mihi, & quasi fores aperiantur ad amicitiam tuam. quod si assequor; additum ad fortunas meas ornamentum, com modiq. plurimum existimabo. quid enim speciosius, quid ad laudem praestantius, omnino ue utilius, quam Principum, hoc est, tui similium uirorum, frui beneuolentia? atque hoc uideo totum esse positum in humanitate tua, quam Patricius ferebat in caelum. nam ego quidem, nullis plane meritis, animo tamen adhuc te colui. sed, ut spero, merita quoque accedent. conferam enim ingenium ad tuam laudem: & apparebit in tuo nomine, approbante Deo, quo nihil abnuente perficitur, opus aliquod industriae nostrae, eiusmodi fortasse, (certe hoc enitemur) quod posteritas haud omnino contemnat. Vale. Venetijs.

PETRO . MISCOVIO

SARMATARVM . REGI

CONSILIARIO

4

AMO ualde probitatem, &, secundum eam,
eloquentiam,

eloquentiam, non quae uerba tantum colligit, & inani uocum sonitu auribus obstrépít, sed quae maxime rem continet, seq. ipsa non minus gravitate sententiarum, quam elegantiâ uerborum & splendore commendat. haec te audio simul expetere. Petre Misconi, expetere autem? immo iam esse consecutum. quibus ornamentis magnum te esse, atque illustrem apud homines uere sapientes existima, sic inquam, ut illi, quae plerique, quasi sola bona, specie decepti admirantur, quae ipsa quoque in te non mediocria sunt, opes, auctoritas, amicitiae clarorum uirorum, addo etiam gratiam apud Regem omnium potentissimum, nullo pacto conferenda uideantur. nam haec licet aliquam lo uirtutem consequantur, ut in te ipso contigit, minime tamen ipsa uirtutem indicant, neque semper ad laudabilia studia, tamquam ad carissas euentas, referuntur. qui uero pietatem, qui iustitiam colit, qui & ingenio ualet, & qua ualet, ad res egregias, maximeq. ad instructam praeclaris doctrinis eloquentiam totus incumbit: hunc uere se ipsum, quod esse difficillimum constat, ac sua bona nosse, hunc optime exercere instrumenta illa, quibus homines brutis animantibus praestant, mentem, atque rationem, hunc denique gloria dignum immortalis, dignum qui feratur in oculis, ornatur laudibus, nemo omnium hominum, nisi qui hominis nomine indignus haberi uelit, umquam negabit. quod ego cum a prima pueritia, domestico patris instituto, natura etiam quasi suadente, sensissem, confirmatus postea magnopere sum clarorum uirorum exemplo: nec uenit umquam in mentem, quod ita senserim,

81 paenitere:

paenitere: laetatus etiam ualde sum, ac laetor equidem
 nunc eo magis, quod accedit ad meam sententiam iu-
 dicium tuum. in ijsdem enim studijs elaboras: eadem
 tibi artes curae sunt: quaeq. hinc emanant laudes, eas
 esse ueras laudes, & earum ita semper florere gloriam
 existimas, ut numquam exarescat. idem putamus, &
 idem uterque sequimur, optime Misconi: sed tua cla-
 rior industria hominis in excelsa dignitatis gradu con-
 stituti; fortasse etiam felicior, quia secunda ingenium
 fortuna excitat, aduersa debilitat. quam multa enim
 nobis obstant: quam saepe recta mens, optimorum
 consiliorum in cursu impedita, cogitur consistere. tibi
 uero, qui propensam uehementer ad laudabilia quae-
 que uoluntatem in te laudant, ijsdem fluere ex uolan-
 tate omnia confirmant, nullam aduersari, nullam pu-
 gnare tecum ex ijs rebus, quae sunt inimicae uirtuti:
 uersari te assiduum in aula Regis, ipsi Regi carum,
 summis & infimis incundum, apud exteris etiam gen-
 tes illustrem, ac perhonoratum. quae tibi esse perpe-
 tua, maximeq. propria, non solum cupio, communi
 studiorum causa, quorum decus tua dignitas auget;
 sed facile etiam adducor, ut sperem. quidquid enim
 es, a te ipso es, & ideo tantus, quia talis: nec tu
 desines umquam esse, qui fuisti: nec ea, quae uirtus
 constituit, casus euertet. tantum igitur, quod & facis,
 & facere minimo negotio potes, retine consuetudinem
 tuam: intueri te ipsum: uitam ante actam imitare.
 sic augebis quotidie tua merita; & idem quotidie me-
 ritorum praemia tuorum sumes a te ipso; eritq. uirtuti
 meae uirtutis usus; quo nihil esse incundius, profe-
 cto

Et iam sensibili: nihil autem ad memoriae perpetua-
 tem utilius, docemur exemplis eorum, de quibus post
 tot saecula litterae loquuntur. Et, quoniam sequitur,
 atque comitatur, ut umbra corpus, gloria uirtutem,
 nec te latet, praeceptis imbutum antiquae doctrinae,
 improbari eos ad excellentibus in philosophia uiris,
 qui, praeter sua commoda, nihil spectent, seq. sibi tan-
 tum ipsis esse natos arbitrentur: non dubito, quin sta-
 tuas, quantumcumque uel habes iam facultatis ad
 bene merendum, uel in omni tua uita praeclara tibi
 animi tui bona pepererint, non ad rei domesticae fru-
 ctum, aut ad angustae benignitatis usum illud esse re-
 uocandum, sed esse totum ad alienas utilitates, maxi-
 meq. ad artium liberalium ornamenta quam latissime
 porrigendum, atque explicandum. quod si fiat, simul
 illud fieri necesse est, ut, quamplurimis in tua laude
 consentientibus, par beneficentiae celebritas nominis,
 & fama consequatur. Atque ego te ita sentire, proq.
 tuis opibus iam praestare, non inani aliqua coniectura
 ductus existimo, aut ideo ad te scribo, ut in tuam gra-
 tiam blandae orationis artificio mihi liceat irrepere:
 sed credidi hominum honestissimorum ac prudentissi-
 morum, istinc ad nos uel studiorum causa, uel cogno-
 scendae Italiae studio commeantium, testimonijs; ma-
 xime uero familiari meo, nihil temere affirmanti, An-
 draeae Patricio: cuius eo pluris iudicium facio, quod
 egregiam eius doctrinam, id quod perquam raro con-
 tigit, adaequat integritas. addebat etiam, quo sum-
 unice delectatus, quodq. mihi, ut uere dicam, huius
 epistolae causam attulit, studiosum te esse scriptorum

meorum, & mihi aliquid, atque adeo tantum tribue-
re in Latina lingua, quantum optavi equidem sem-
per, affectum me esse numquam duxi. nunc, si tu,
ista uir auaritate, isto pondere, ita de me sentis; in
dubium paene reuoco iudicium meum; nec me prorsus
audeo contemnere, ne a te dissentiam; enitarq. multo
etiam, quam antea, diligentius, ut accedam proxi-
me, si ulla ratione potero, quoru me peruenisse iam
existimas; ut aliquando ueritati iure des, quod for-
tas nunc humanitati magna ex parte largiris. fa-
teor enim, iudicij de me cuiusdam mihi esse periuncun-
dam: quid oneris tamen eadem imponat, quoq. re-
digar necessitatis, intelligo. laedere nullo modo potest,
quem clari uiri testimonium indicat: nec me iam ad
uigilantiam, omnium scientiarum parentem, laudis
cupiditas magis, quam infamiae metus impellit. quae
licet perdifficilis, admodumq. dura uideatur esse con-
dicio, tamen, quia gratus, hoc est uir bonus esse uolo,
amplector libenter officium tuum, ab excelso quodam
animo, liberaliq. profectum: quod si compensare meis
officijs non potero, memoria tuebor, & prosequar et-
iam laudibus, quam diu uita sua: ut ex optima sal-
tem uoluntate, quae boni, & sapientes uiri metiri be-
neficia consueuerunt, aliquam tibi relatum esse gra-
tiam existimes. Vale.

IO. VINCENTIO. PINELLO

Parauium .

5

MAGNA fuit, atque etiam nunc inter homines
est de genere uitae controuersia: cum alios ita doctrina
runt

rum cognitio deleſcet, ut ab agendis rebus abhorreant;
 alij, non ſibi tantum, verum & amicis, & patriae,
 planeq. omnibus hominibus, homines eſſe natos, exi-
 ſtiment: ex quo ſequitur, ut ſcientiarum ſtudijs uſum
 rerum anteponant. hoc diſcrimen, in quo ualde pro
 ſenſu partium dubia ueritas fluctuat, tu quidem, quod
 ad te attinet, optime Pinelle, optimisq. & eruditis
 uiris merito cariffime, egregia quadam, uulgo non
 ſatis cognita ratione ſuſtuliffi. ſimul enim utrumque
 ſtudium complexus es, tum earum diſciplinarum, qui-
 bus exulta mens uberrimos in omni for: una ferre fru-
 ctus ſolet, tum iuris ciuiliſ, quod alienos ad uſus ma-
 xime porrigitur. ardua res. & operoſa: quod exemplo-
 rum declarat inopia: ſed ingenio tuo nihil difficile: &
 ut ſe praebent initia, futurum nemo dubitat, ut in-
 ſtituta perficias, conſilijsq. tuis breui reſpondeat euen-
 tus. in philoſophia quidem proceſſus tuos admiramur:
 qui tanti ſunt, ut euolare potius, quam excurrere ui-
 dearis. quamquam cur tuum uſq. ingenio ſi quis ualeat,
 in ſtudio ſere languet. qui utrumque coniunxit, opti-
 mam quandoque diſciplinam, & rectam ſtudiorum
 uiam ignorat. ſic in una tamē haec in eſſe omnia; quid
 aſſequetur aduerſante fortuna, ſubſidijs deſtitutus
 uſq. quae cum adſunt, fertur animus procliu curſu ad
 egregias res; ſin abſint, haeret in ſalebra, nec facile
 progreditur. Quae igitur ſingula tanti ſunt, quemuis
 ut poſſint aſſerata litterarum gloria penitus auerte-
 re; haec tibi cum ſuppetant uniuerſa, iure iſtam, quam
 alij uix tuentur, Spartam quotidie magis illuſtras; ne-
 que tam nobis hoc, aequalibus tuis quod ſis uirtute

maior, quam illud, si te ipso minor esses, admirandum videretur. In philosophia quidem cum operam studiose des M. Antonio Genuae, cui veterum doctrinarum arcana patet, quo nemo peritior Aristotelis interpret, nemo vir melior usquam uixit; nihil mediocre neque nos a te expectamus, neque tu praestas. quo nomine tibi gratulor plurimum, & eo magis, quod illius uiri uoce publice cum multis, consuetudine, ac sermonibus, quae humanitas eius atque amor in te est, priuatim & proprie frueris. hauries enim ex eodem fonte non ea solum, quae uel olim in Lyceo, uel etiam in Academia discussabantur, sed id, quod longe praestantius est, Christianam pietatem, a qua manat una, & in qua uera una philosophia perficitur. Habes igitur, diuinitus oblatam, uirtutis adipiscendae facultatem: quam te uideo arte esse complexum, nec uereor ut dimittas, qui te ita flagrare cupiditate cognouerim, ut reuocandum potius a nimia contentione, ualeitudini uix ferenda, quam acuendum, & inuitandum intelligam. Nam, quod ad ius civile pertinet, ubi tu philosophiam, id est totum, scientia comprehendens, quid in parte cognoscenda superesse negotij putas? minimum, si sapientes uiros, & in ijs eum, quem ego omnibus iudicij laude antepono, doctorem tuum Genuam audies. quamquam sermo tuus, habitus interdum, praesente me cum eruditis hominibus, tractasse te iam satis diligenter ea, quae excellunt in uniuerso iure civili, id est ueterum iurisconsultorum praecepta, declarabat: ut uel eadem facile possis, quando cumque libuerit, recognoscere, uel, si qua restant, quasi racemos aliquos confecta uinde-

—
—

mia colligere. non enim te arbitror studiorum tuo-
 rum elegantiam ineptissimis planeq. barbaris quorun-
 dam scriptis inquinare uelle: quae cum immensa sint,
 pleraque tamen inania, laboris & molestiae pluri-
 mum, utilitatis, & oblectamenti minimum habent.
 Interim, ut facis, Graeca cum Latinis, & eloquenti-
 am cum philosophia coniunge: ut, politioris doctrinae
 copiis instructus, remissiona etiam studia colentibus
 aliquando satisfacias. non enim uiuimus omnes in
 Atticis gymnasiis: nec ubique de rerum causis quae-
 stio est: & quibus contemplatio naturae uehementer
 plauet, iisdem tamen animi causa tamquam in hortos
 Musarum diuertere non iniucundum est. qua de re
 quia nonnumquam inter nos locuti sumus, & ut
 spero, breui colloquemur, nihil addam, te praeser-
 tim, quod facile intellexerim, meam sententiam com-
 probante. cuius consilij, non dubito, quin maiorem
 quotidie uoluptatem capias. Ego hic, genere uitae mo-
 lestissimo, quas Patani utiliter sentis, iucunde quidem
 certe, in libris, & in tuis tuorumq. familiarium sermo-
 nibus traducibam, horas perdo. itaque, cum primum
 domesticas tricas, quibus teneor inuitus, expediero,
 adrolabo istuc, sitiens uestrae consuetudinis; quasi
 fui perpetuo liceat, beatissime uiuerem. Interim amo-
 rem mihi tuum. cuius equidem memoria ualde recreor,
 cupio conserues, & si tua patitur humanitas, etiam
 rogo. Vale, & ❀ familiarem tuum, cuius doctrinam,
 & ingenium in Lucretiana interpretatione mirum in
 modum probo, saluta meis uerbis. Venerijs.

V I D O . P A N C I R O L O

Patauium .

6

CvM alia me in ista urbe, quam tu praeter ceteros tua uirtute nobilitas, & ornatissimorum iuuenum coetu frequentas, oblectare subemerter soleant: tum nihil est, aut esse omnino potest. ✱ quotidiana consuetudine, incundius: non solum, quia probitate, modestia, morum elegantia, omnibus denique animi bonis excellit: sed etiam, quia paucorum annorum studio, praestantia uidelicet ingenij, quam ego semper amari, consecutus est, ut exquisitam, ac uariam sermo illius eruditionem praeferat, scripta uero ad Ciceronianam eloquentiam sic accedant, ut cum ijs, qui suum nomen hac laude celebrarunt, qui pauci admodum sunt, conferri iure possit, aequalibus uero cunctis facile anteceliat. Hunc ego tibi iuuenem, quem olim mihi adolescentulum uir omni laude summus, Reginaldus Polus Cardinalis magnarum uirtutum in dote commotus, accuratissime commendauit, etsi necesse non arbitror, commendo tamen eo studio, quod quia uerbis exprimere mihi non licet, tu quoque, tantum esse, uelim existimes, ut exprimi nullo modo possit. is cum antea philosophiam, praesertim quae de Graecis fontibus hauritur, & humanioris doctrinae studia diligenter, eximiaq. cum laude coluit; tum hoc tempore in cognoscendo iure civili totus est. quae illum cupiditate quotidie magis incendit admiratio tuae uirtutis, quam in omni se re formae ad caelum fert, exterisq. etiam gentibus, licet illustrem satis, elegantissimis

tissimis declarat epistolis. pertinet igitur ad humanita-
tem tuam, qui te tam valde amet, tantiq. faciat,
eum redamare, eiq. reconditos illos, omnium puris-
simos, tuae scientiae fontes aperire: pertinet etiam ad
fidem, qui se totum in tuam disciplinam tradiderit,
opibus eum impertire ingenij tui, quas ille Regum opi-
bus & sua sponte, & meo iudicio, cui tribuere aliquid
videtur, praestantiores existimat. Haec ad impetran-
dum magna sunt, praesertim apud optimum uirum,
quam in tuis laudibus praecipuam agnoscimus. uerum
accedit amor in te meus, qui fraternam necessitudinem
aequat. is te rogat, is prestat, quam studiose, quam
blande potest, pro * meo: ut eum, quem ego merito
tuis in oculis fero, tu, quem amicitiae nostrae denega-
re nihil decet, quando nec studio tuo quidquam abinue-
ret. uoluntas mea, omni benignitate complectaris. pla-
neq. in clientelam tuam, atq. ad te in sinum atq. ac si-
lium meum, aeq. ac me ipsum recipias. quod si feceris;
obstringes tibi non uulgari beneficio iuuerem summo
loco natum, dignum maioribus suis, qui Pannoniam,
ut ego auguror, sua uirtute aliquando Italiam faciet;
a me uero gratiam inibis eam, quae, si quid accedere ad
meam in te beneuolentiam potest, quod equidem uix
arbitror, id ipsum una possit adiungere. Vale. V. cretys.

*, Patauium.

7

O. DULCEM reditum, o amandas litteras, quae
mibi id significant, quod, non modo esse, sed nec suspi-
cione attigeram. sed, quando te ipsum, mi *, uidere,
quando licebit amplecti? oculos mehercule tuos, dum
haec

haec ad te scribo, intueor, indices probi animi tui, indices humanitatis. hoc mihi spectrum fingit amor: (quid enim aliud?) & haec me cogitatio incunditate perfundit incredibili: quid putas, cum erimus una, dabiturque, ut ille inquit, Veras audire. ac reddere voces? nemo umquam perinde laetatus est inuenio thesauro, ut ego, te reuerso. uideor enim amissum recuperasse: & plane amiseram. nam. et si reliqueras hic memoriam tuae suauitatis, tuique ingenij: tamen, quod attinet ad adspectum, ad consuetudinem, ac sermonem, quibus nobis, tui amantissimis, nihil potest esse optatius, totus abieras. ac uerebar, ne, uel precibus tuorum victus, uel honorum cupiditate illectus, totum te dederes aulicis muneribus, multa nobis, fortasse etiam literis, salute dicta. nunc te tuus bonus, tuus, inquam, mihi crede, bonus genius reduxit, sicuti malus abduxerat. quid enim sumus, nisi adsit humanitas, & litterae? quae petuntur in otio, tranquilla mente. otij autem ubi plus, quam in isto secessu Patauino? nemo quemquam interpellat nolentem: inuitant ad uirtutem, si minus uoce, exemplo certe quamplurimi: patet aditus ad doctores in omni liberalium disciplinarum genere praestantes: quid praeterea? caeli mira clementia: rerum, quibus alimur, suauitas incredibilis, & copia. Haec tibi, optime ✱, iure prima sunt: iure tot montes superasti, tot flumina transiecisti, ut haec dimissa statim repeteres. uives tibi, solutus ab omni cura: uives Deo, contemptis diuitis, abiecta illa gloria, quam falsa prorsus, & inanis honorum species ostentat. quod nisi Deo uiueres, nec tibi certe possis

ses uiuere. in illo enim uero uera, ac solida uirtus, haec, quam quacrimus in libris, aut discimus ab hominibus, umbra est. quocirca horror equidem te, ut libros euoluas accurate, ut magistris assidue operam des: sed minimum in utrisque pone, nisi tua studia diuino cum amore coniungas. Atque haec me scribentem magnopere delectant; tibi non puto fore legenti necessaria; scribo tamen, & quia te mirifice diligo, cupioque esse, qualem pater filium; & quia commemoratione ipsa rei omnium optimae, ac praeclarissimae officior sic, ut nullam ex ullo sermone, aut ex ulla cogitatione maiorem hauriam voluptatem. nec tu debes officium meum aspernari, aut in deteriore partem trahere, si tibi, etiam rectissime uiuenti, (sic enim existimo, planeque mihi persuasi) constantiam laudo. lubrica est enim adolescentiae uia: labuntur multi, cum aliquantum iam processerint: cursum uero conficit is, qui nititur optimis cogitationibus, ducemque sequitur eum, qui numquam errat, communem humani generis parentem; qui tibi omnia bona pollicetur, & dabit, quae nec ab imperatore tuo sperare, nec ab ullo Rege licet. De Episcopo Agriensi, agnosco tuam in me beneuolentiam. cui de emblemate gratias agam. Mariani Lezeny, iuuenis ornatissimi, & Andreae Patrii, conubernalis tui, talem in me animum amplector: quos cupio a te meo nomine saluari, itemque Tolonos ceteros familiares tuos. quorum nobilitas & ut audio, uirtus Patavinum gymnasium illustrat. Vale; & quando nos ad speculum tuo priuas, minue saltem litteris, non hac recentiore Italica, sed illa uetere, omnium elegantissima,

188 PAVLLI . MANVTII
ma, Romana lingua scriptis, desiderium nostrum.

E I D E M, Patauium. 8

OPTIME *, quid tibi, obsecro, in mentem uenit? nostra ne imagine tuum putas cubiculum ornari posse? pudet me studij tui: & erubui, mihi crede, cum hanc partem legerem litterarum tuarum. nec tamen, quia tuam facile cupiditatem intelligo, deesse tibi possum: & coepares esi, & agitur, ut uideo, satis diligenter: quae cum erit absoluta, mittetur ilico ad te. ac uellem, posset artifex eodem penicillo animum in te meum una cum cultu exprimere: non dubitarem, quin hanc tu multo magis imaginem diligeres. non necesse est, inquires. libenter credo: & quod ita sit, acceptum refero tuae humanitati; quae mihi a te impetrat id, quod meritis, aut officijs consequi nondum potui. His diebus facultatem ad te scribendi permolestiae occupationes eripuerunt. ignosce: & puta, numquam abduci meam ab officio uoluntatem, licet opera non exstet. Hic adijt ad me contubernalis tuus Stanislaus Fogel-
trius Craconiensis. probum adolescentem, praeditum litteris, & ita plane consuetudine dignum e sermone iudicavi. amanter illum excepi, ut natura mea fert; incunde non potui, quia ualetudo non concedit. cuius beneuolentiam si, te, ut arbitror, conciliante, sum adeptus: peto a te, mihi ut eam conserues. & omnino, quicunq. a te diliguntur, eosdem mihi cupio mutua beneuolentia coniungi. Epistolam ad Episcopum Agriensem, quando interdum otij nihil supererit, dictavi ante lucem amanuensi meo. eam ad te mitto. Signum
tuum,

tuum, cum legeris, imprime. De gentilibus tuis, negotium dedi, & curabitur diligenter. Vale.

E I D E M, Patauium. 9

V I D E O te in iungendis amicitijs praeclarum artificem esse: uerum caue, ne quid alterutra de parte promittas, quod praestari uix possit. aut, si promittes, ipse ne spondeas, ne quando praeter opinionem cogaris dependere. de me ipso loquor: quem tu si putas esse, qui non sum; quod ad me attinet, facile patior: fruatur hoc amicitia nostra priuilegio, ut inter nos omnia liceant: sed uereor, ne tua apud alios praedicatio plus nobis imponat oneris, quam sustinere possimus. Patricio tuo scripsi, multis districtus negotijs: & eram animo conturbatior, accepto nuncio de fratris mei summa corporis, aliqua etiam mentis inualetudine. Gentiles tui latent adhuc: eruentur aliquando, si qui sunt: curat enim homo tum mei cupidus, tum ad hoc diligentiae genus uehementer aptus. De libris, putabam e silentio meo te conijcere, nihil esse: sed, quando appellas crebro, scies nondum neque ad lunctas, neque ad alium quemquam peruenisse. tu uide, cui rem commiseris; & urge litteris, ut sine mora mittantur. Imago coloratur, designatione iam perfecta. ueritatem, nisi fallor, egregie simulatam dices. Vale.

E I D E M, Patauium. 10

A M O te, quod uerecunde petis: sed istam posthac uerecundiam abijce, obsecro, si quid aliquando mecum ages. nescis, apud me quo loco sis, aut quo ego apud te
esse

esse cupiam : quod si nescis, aut etiam, si dubitas ; iniuriam facis utrique nostrum . Scripsi ad Sophianum, libenter equidem tua causa, sed inuitus ea gratia, quod laborantem, ut audio, gravi morbo, uexari tuo studio nollem . Equidem discrucior, cum ita affectum audio probum iuuenem, mihi amicissimum, Graecarum litterarum scientia sine dubio singularem . sed, quia te fero in oculis, idq. sane tuo merito, litteras ad eum conscripsi ; quas in hunc fasciculum coniectas cum legeris, si reddendas non putabis, conscindes . Ego nunc, si quid de me scire uis, iaceo, corpore satis afflictus ob capitis grauedinem, sed erectus animo propter spem, atque adeo expectationem uitae laetioris . iam enim didici contemnere, quae amabam antea : quae te quoque in sententia cupio esse . Saluta meo nomine contubernales, & amicos tuos . Vale .

E I D E M, Patauium .

II

RESPONDEO serius litteris tuis, impeditus febricula, robustioribus haud ualde metuenda ; sed in hac nostra corporis imbecillitate etiam ea, quae mediocria sunt, non mediocriter timenda . Locum uidebis in epistola ad Patricium, ubi ea, quae mones, interposui : de quo quid sentias, a teo scire . Gratias tibi agerem de ista uoluntate ; sed hoc plane respuit amicitia nostra ; nec tuum erga me officium assequi umquam possit oratio mea . meriti enim loco semper apud me fuit bene merendi cupiditas, etiam si res, quod saepe solet accidere, nulla consequatur . Vale .

E I D E M,

E I D E M, Patauium.

12

QVID tibi ego praestare possum de ijs, qui fortasse nulli sunt? quaesitum est perdiligenter: nec tamen ullum omnino diligentia fructum tulit. fingere tibi eos ex argilla possumus, animare non possumus. quod si liceret, fieret, atque adeo factum iam esset. nec enim mediocrem tuum esse studium intelligo: & ego, ut fatear quod res est, diligo istam in te bonitatem. qui de gentilibus tuis, nulla tuorum commodorum spe proposita, humanitatem modo quandam secutus, tantopere labores. certe, qui honoribus, aut diuitijs, aut opinione uirtutis emineant, nulli reperiuntur. quod si quos obscura cōdicio, aut fortunae tegit humilitas: de ijs quaerendum ne sit, uideris: me si consulis, omittes. De pictura, lentum negotium: sed illud te non praeterit, Pictoribus, atque poetis Quidlibet audendi semper fuit aequa potestas. ita facile mentiuntur uerbis, ut coloribus fallere consueuerunt. hic, qui rem suscepit, diu me promissis duxit, uarias necessendo causas, ut ei culpam largirer ignauiae. nunc imbres accusat, quod recentes colores minime patiantur exsiccari. hoc puto uerum, illa non puto, concedo tamen, ut eo utar facili, & impetrem, quae duo simul a nobis exoptantur, festinationem cum diligentia. Vale. Venetijs.

E I D E M, Patauium.

13

ITA mihi optata contingant, ut commentariolo tuo nihil umquam legi eruditius, nihil sanctius, aut ad retinendum Catholicae religionis cultum accommodatius.

modatius . itaque , cum in ortu Solis legere coepissem ,
absolui facile ante horam prandij , opera numquam in-
termissa . ualde enim delectabar ordine , ualde etiam
genere orationis tuæ . res uero ipsa ita me affecit , ut
quasi semina quaedam ueræ pietatis , quæ fructum
profecto non mediocrem aliquando ferent , in animo
meo reliquisse uideatur . quod quanti esse apud me pu-
tas ? quanti mehercule immensam auri uim non aesti-
timo . quid enim cum æterna salute conferatur ? quod
si meis apud te precibus locum aliquem reliquit huma-
nitas tua : rogo te etiam atque etiam , ut hoc genere
scriptorum , quo quidem ad studium summi boni , per-
petuaeque felicitatis mirifice excitor , impertiri me quā-
saepissime uelis . quod si feceris ; additum me tibi mul-
tis nominibus obstringes eo beneficio , cuius delere
memoriam obliuio nulla possit . Quod me reuocas ad
consuetudinem tuam : stimulum scilicet currenti . sed ,
mihi crede , non plane totus abs te discessi ; neque te mi-
hi prorsus eripiunt , aut eripient umquam locorum
interualla . absens tecum sum , tacitus loquor , & lo-
quentem audio . sic lenitur imagine periucunda deside-
rium nostrum . quod cum ita sit ; opera tamen studiose
dabitur , inane ut excurram quo ire necesse est , si me-
am fidem tueri nolo , & quo tamen , quia disiungor a
te , minime libenter eo . Vale . Venetijs .

E I D E M , Patauium .

14

Cum de tua ualitudine sollicitus essem , curam
auxit filioli morbus , quo etiam nunc laborat , nec sa-
tis explorata salute . me quoque leniter febricula tenta-
uit ,

uit, qua triduo sum, sine medicorum interuentu, temperata dumtaxat uictus ratione, liberatus. Nunc expediendis negotijs operam do, ut, si amicus noster, bonarum artium patronus, summum illum dignitatis apicem attigerit, quamprimum possimus accurrere. saepe enim & litteris, & praesenti sermone capere se consultum rationibus meis, amantissime declarauit. mihi autem omnia sunt in eo, ut otio litterato fini liceat, nulla rerum domesticarum cura interpellante. quod si asequimur; ualeat ambitio; uinemus nobis, & Musis, et eo quidem animo, ut omnia referamus ad Deum, a quo una felicitas uera pendet: quod idem tibi uideri, ex tuis litteris facile conijcio. Miro teneor desiderio ueniendi ad te: sed hanc facultatem multa eripiunt, praesertim aeger filius, quem tibi, & pro nostra amicitia, & pro noua coniunctione, esse carissimum, plane mihi persuadeo. te quidem a morbo confirmatum si audiero. aequiore animo domestica patiar incommoda. itaque dabis hoc amori nostro, quem tua uirtus peperit, alit humanitas, atque auget, ut nostra etiam caussa tuam ualitudinem studiosissime cures. Vale. Venerijs.

E I D E M, Patauium. 15

SILENTII mei causam ex ijs litteris, quas heri ad te scripsi, quas hodie mane puto tibi esse reditas, iam cognouisti. quod nisi ita declarassem; tamen mihi dubium non est, quin tu pro singulari tua sapientia & humanitate de mea meorumque ualitudine conijceres. quid enim aliud mea scribendo abdicere?

N.

quo equidem nihil facio libentius : idq. tibi , si praesenti fortasse non potui , absenti certe probabo . Tuum aduentum auide exspecto : cuius mihi significatio tum eo nomine gratissima , quia te uidebo , tum eo gratior fuit , quod optime te ualere , etsi tu de eo nihil significes , facile tamen possum intelligere . quod si ita est , opto perpetuum esse : & , quod opto , id etiam ut sperem , facit continentia tua , quam ego in uictu (plane loquor , ut sentio) ualde sum admiratus , & conor etiam imitari . Rerum Romanarum , Pontifice mortuo , conuersus orbis est . itaque , qui decesserant , omnes ad urbem redeunt . pecuniae pro Maecenate illo , ut asseritur ad nos , libentius , quam pro ceteris , deponuntur : & ad eum denique , fore suspicor , ut omnium Cardinalium uoluntates inclinent . uir optimus est , egregie literis excultus , ingenio miti , & , quod caput est , cum factiones duae dicantur esse , aequus in utramque . primum contendetur acerrime . quid mirum ? Neque enim , ut ait poeta ille summus inter nostros , leuia , aut ludicra petuntur Praemia . & scis , omnes homines , quod maxime cupiunt , itidem facile adduci ut maxime sperent . ergo multis quasi aleam iacere , & fortunam placebit experiri . quid euenturum sit , & quid magis expediat , uni Deo patet . certe , nisi firmiter , quam antea , praesidijs muniamur ; prauarum opinionum in cursu uinea Domini dissipabitur . quod te quoque & suspicari , quia prudentia excellis , & metuere uehementer , quia pietatem diligis , aliquando in nostris sermonibus cognoui . Vale . Venetijs .

EIDEM,

CUM de tuo reditu ex tuis, amicorumq. litteris cognovissem; perfusus voluptate sum prorsus incredibili. subuehere enim, ne te patria tua, experta iam in magnis rebus & animi, & ingenij tui praestantiam, abesse diutius minime pateretur. etiam illud occurrebat, ne te iam satietas Italiae cepisset. multa cogitabam, ut amor est, quae cupiebam esse falsa, & fuisse valde nunc laetor. capio tamen hanc in incunditate molestiam, quod ad te quamprimum accurrere non licet. nam, ut omittam de uxore, cui deesse non possum aegrotanti; confirmare studeo res domesticas, quae uacillant satis absente me. cum enim, referre me totum ad litteras, quarum est mihi consuetudo incundissima, plane deliberatum sit: prius haec, quae ad alendam familiam pertinent, ita constituam necesse est, ne quando me, quod antea saepe contigit, de medio studiorum cursu reuocare possint. iam ego in meis consilijs, optime ✱, ambitionem coepi excludere. uideo res humanas sursum deorsum ferri, numquam consistere: celeriter omnia fluere, & exstingui, praeter bonam famam, ad quam omnes peruenire cupiunt, sed ignoracione uiarum plerique aberrant. non enim in opibus, aut magistratibus, Regum ue aulis uerum decus habitat. petendum aliunde est, a rectis cogitationibus, honestis laboribus, studio, & exercitatione uirtutis. haec mihi in animo sunt: quae si colam arbitratu meo, multa consequar. primum, ab ijs negotijs, quae mihi negotium facessunt, uacabo prorsus: deinde,

N 2 de,

de, (ne me putes desidiaē causa otium cogitare) scribam aliquid quotidie; quo nihil soleo, ubi curarum expers animus est, facere libentius: denique, etiam postuleris fructum fortasse aliquem pariet industria nostra. Quid relinques, dicet aliquis, liberis tuis? Non exiguum patrimonium, imitationem mei, & aliquam, ut spero, uirtutis hereditatem, eadem scilicet, quae reliquit mihi pater meus. Non abundabunt. Nec id postulo; nec illi, si sapient, postulabunt. modica poscit, ut honeste, id est feliciter uiuatur, hominis natura: reliqua sunt instrumenta nequitiae. Cupio tibi, mi ✱, qui aetatem tuam prudentia anteis, probari meum sensum: cupio meum iudicium tua sententia confirmari. quamquam quid exspecto index animi sermo est. porro in sermonibus quotidianis quid tu habes in ore, quid extollis, praeter studia doctrinae? quae te uideo, cum tecum loquor, uel cum tua scripta lego, tractasse diligenter. uerum tamen hoc ipsum, quod habeo satis exploratum, mecum te sentire, si significabis, pergratum erit. Ego, nisi occupationibus premerer assiduus, quas animo potius, quam corporis uiribus sustineo, explerem te crebritate litterarum. uerum ne sic quidem, pro tuis in me officiis patiar in hoc genere prorsus abs te requiri studium meum. Vale. Venetijs.

E I D E M, Patauium.

17

VOBIS CUM ut agatur, scire cupio, Patauī commorantibus. nos hic languemus, afflictī caloribus perpetuis, quibus equidem grauiore non memini. uxor mea nondum ex puerperio conualuit: infans bellissime habet,

habet, & incipit iam blandientibus arridere. quid quaeris? admodum scitus est: quodq. amare solemus in pueris, hilaritatis habet multum. De tuo aduentu, suadeo consilium mutes, neque te istinc, furente Canicula, aestu non serendo commoveas. faceres enim valetudinis incommodo: ac, si valetudo, studia tamen tua non ferrent. verum hoc prudentiae tuae totum sit, in qua tibi neminem antepono. ego, pro mea in te singulari benevolentia, non modo quid uellem, verum etiam quid sentirem, testatum esse uolui. Aristotelem cum Cicerone mitto, utrumque satis apie compactos ab artifice perito. uideo, quid agas. inanem eloquentiam contemnis; & indisertam philosophiam non amas: utramq. uis coniungere, ut misceas. quod ait poeta Venusinus, utile dulci. quo minus me, eadem cogitantem, & recessam otij causa quaerentem, reprehendere debebis. Vale. Venetys.

E I D E M, Patauium. 18

VALDE probo industriam tuam, quam ad ornandum commentario aureolum Demetrii libellum περὶ τῆς ἐμπειρίας contulisti: sed, antequam institutum absoluas, fore arbitror ut exeat is, quem Petrus Bargaes, qui Pisanum gymnasium politioris doctrinae professione illustrat, ante aliquot menses, ut audio, confecit. itaque malim ad Diodorum Latinitate donandum operam, studiumq. tuum conuertas: ne, quod aiunt, actum agas. nam Bargaes, quem tu fortasse non nosti, nec ingenio, nec doctrina, nec eloquentia quisquam praestat: quodq. paucis admodum contigit, tum

3 oratoris,

oratoria, tum poetica laude pariter excellit. absit igitur omnis aemulatio ab ijs, quos ego unice diligo, & a quibus item diligi me sentio. Calores hic nihil remittunt: feruent omnia. quod nisi terrae, iam perustae, uberrimis imbribus cito madefiant; caritas multarum rerum, & morborum uis ineunte autumno uidetur impendere. Ego, ut anni tempus est, non incommode ualeo: negotia curo: otium, & studia cogito. Kalendarium Romanum uetus, cum opinione mea de ratione ueterum dierum, & necessaria litterarum interpretatione, saepe iam a te rogatum, quia nec ipse habebam, nec reperire facillimum fuit, mitto serius, acceptum a familiari meo, uiro probo, & erudito, Raphaele Cyl- lenio¹. describes, & remittes: quoniam, quae sunt olim impressa cum Sigonij fastis, nullum ex ijs iam pridem uenale superest. in hoc autem, ut aliquid a me praecipuum haberes, itidem ut ego te praecipue diligo, quaedam uidebis immutata, nec, opinor, improbabis. Vale. Venetijs.

Kalendarium, de quo in superiore epistola mentionem fecimus, cum in Orthographiae libro Alui filij impressum legatur, uisum fuit hoc in loco omittere: eosque, qui id legere uolent, ad Orthographiam reijcere.

ANDREAE . PATRICIO

Patauium.

19

NAE tu rationem tui indicandi percommodam inijsi. ego enim, non cuiates homines sint, quibus ue-
terris ac regionibus profecti, sed quibus moribus, quo
ingenio, qua doctrina praediti, soleo quaerere: & ut
olim

olim Hannibal, qui hostem feriret, Carthaginensem sibi fore dicebat, sic ego totum in una uirtute constituo. Epistola tua ita loquitur, ut nullam in te patiatur aut humanitatis, aut doctriinae partem desiderari. itaque ne te post hac Sarmatam potius, quam Romanum, dixeris. tamen si Sarmatia iam ita feritatem, si qua olim fuit, & quaecumque fuit, abiecit, ut ex transalpinis nationibus nulla nunc neque ad litteras, neque ad benignitatem, mutuaque officia dicatur esse propensior. Italia uero nostra, in qua uigebant olim artes bonae, in qua summis ornata praemijs eloquentia primas aliquando partes obtinuit, ita ueterem illam quasi formam uidetur amisisse, uix iam ut agnoscatur. simulacrum dumtaxat aliquod in libris reliatum est; cuius excellentem pulchritudinem animo inuentus admiramur, & studemus imitari: praesentem effigiem oculis si usque quaerimus. Tu autem, doctissime Patrici, si qui nunc antiqua Italia digni reperiuntur, qui quam pauci sint, quaque id accidat culpa, non dubito quin intelligas, his te ut adiungeres, praestantissimamque uirorum numerum augeres, plane mihi, cum tua scripta lego, & cum eos, qui tecum uiuunt, de te loquentes audio, uideris esse consecutus. quo nomine tibi gratulor plurimum, & patriae tuae, in quam referes gloriam, omnibus thesauris, omnibusque omnium Regum triumphis praeferendam. Ego autem, cuius amicitiam in tuis litteris blanda quadam mearum laudem commemoratione uideris aucupari, cum tua merita, quae ego sentio esse maxima, modeste nimis dissimulas, & extenuas, mea uero nimis liberaliter ampli-

℞ 4 ficas,

fitas, atque extolhis, nisi etiam nostri amantem redamem, nisi multis ornatum uiribus cuncti studio colam, quis me sit inhumanior? quis iudicij magis, aut etiam rationis expers? equidem, quid de te sentiam, quantiq. apud me sis, officijs conabor ostendere: sin, ut mea tenuitas est, hoc praestare non potero; tu tamen, ut spero, de mea voluntate tibi persuadebis id, quod cupere uideris, se mihi esse, ac semper fore carissimum. In quo profecto, nisi ego meam in amicitijs diligentissime tuendis consuetudinem dedissem, tua te nunquam falleret opinio. Vale.

E I D E M, Patavium. 20

O. PRAECLARAM ὑπόθεσιν, nec uero tuam humilem, aut obscuram orationem, sed erectam pijs affectibus, mirificeq. sententijs, ac uerbis illustratam. nunc demum te, Patrici, uere eum, qui uocaris, agnosco, hoc est a plebe seiunctum, quae libenter oculos ad terrena demittit, nihil aliud, nihil homine dignum suspicit. nam certe reliqua studia opinione potius, quam re, nituntur, si eciem quandam inanem, solidi nihil habent: haec uero, quae te uideo arde esse complexum, nec, puto, umquam dimittes, acternam non modo famam, sed salutem quoque pariam. Agnosco in tuis institutis praecellaram consuetudinem, egregiaq. studia, numquam satis laudati, Ciacconiensis & piscopi, Andreae Zebridonij; cuius ex perpetuo multorum amorum conuictu, quotidianis sermonibus, consilijs, probitate, doctrina, quasi diuinis legibus, formasti animum tuum, atque excitaſti ad excellentem rerum aeternarum

aeternam cupiditatem; ut facile conslet, cum tua te
ad uerum decus natura duceret, doctissimi tamen ac
sanctissimi uiri exemplo uehementer esse incitatum.
Equidem, ut tibi uehementer gratulor, cuius omnis in
amore Dei defixa cogitatio sit: ita, cum in eos intueor,
qui falsa rerum imagine decepti, toto pectore conten-
dunt ad ea comparanda, quae saepe molesta possidenti-
bus, interdum etiam perniciofa sunt; misereor, &
ingemisco. quod nunc in doctissimam aliquando meam,
& si quod in me est, ingenium simili in argumento
liceat exercere. nam nunc quidem uoluntas, optima
suscipiens, & in quam debet partem propensa, multis
tamen impedita rebus languet. sed speremus. sic enim
nihil difficile, si consenserit Deus; ut nihil facile, si ab-
nuerit. is porro, cum abesse putatur longius, & desi-
tuisse nos in medijs calamitatibus, tum adest proxi-
mus inscientibus, & ereptos ex miserrimo statu col-
locat in folio regum. Haec ego saepe mecum solati
caussa, quo saepe indigeo: & capio uoluptatem, quod
epistolae quasi allocutio tulit, ut eadem tecum. Re-
mitto orationem. lege amicis tuis, & quam potes mul-
tis communica; ut recte sentientes confirmantur; si qui
autem ab optima causa descinerunt, ad sanitatem
tradantur. Vale, & ❖ contubernalem tuum, sum-
mi adolescentem ingenij, meo nomine saluere iubeas.

❖, Patavium.

21

Amo ueritatem, deinde me ipsum. illam spectare
ante omnia soleo, nihil autem libenter quidem, qua-
terus tamen liceat, indulgere, itaque nec accipere de-
beo.

beo, quas in me laudes contulisti, nec, ut ingenue confitear, reijcere plane possum. nam bonis uiris, artiumq. liberalium scientia claris, equidem placere uelim, cum eo tamen, ut nolim quemquam nimis esse in mea laude liberalem. tu autem in tuis litteris ea mihi tribuis, quae non modo si agnoscam, sed propemodum si optem, me d. ste parum agere mihi uidear. At Muretus ita sentit. Vtinam quidem: sed officium potius, quam sententiam, esse puto. quis enim me minus ignorat? qui, quam diu Venetijs fuit, uel mecum habitauerit, uel mea consuetudine frequenter admodum sit usus. nec is est, quem iudicium fallat, praesertim in litteris, quas tractat assidue, nouit egregie: uerum ei facile persuadet humanitas, ut iudicium amicitiae largiatur. sed, siue te Mureti oratio, tam honorificam de me opinionem ut susciperes, adduxit; siue mihi hoc abs te, ut tu scribis, mea studia, ut ego sentio, tua bonitas impetrat: persuade tibi, non exiguum me statuere ornamentum in amicitia tua: cum & ipse possideas illas uirtutes, quarum fama beneuolentiam conciliat, nomenq. nostrum, ab interitu uindicatum, cum aeternitate coniungit; & principum uirorum, doctrinaq. praestantium, floreas amicitia; quodq. me non leuiter mouet, in Gulielmi Budaci, eruditissimi hominis, ac de litteris optime meriti, contubernio per aliquot annos uixeris. ac uellem mihi parem uoluntati suppetere facultatem. fructum ferres haud mediocrem studij erga me tui: obseruantiae uero in te meae, quam tua uirtus peperit, satis esset illustris, ac minime dubia significatio. quod ipsum tamen, ut ut est, fortasse consequar. nā
& stu-

& studio nitar: & ad perficiendi spem plurimum. quidem, uelle optima, solet asferre. Vale.

DIONYSIO. LAMBINO

Patauium.

22

NEQVE negare audeo tibi, homini eruditissimo, cuius ego plurimi semper amicitiam feci; neque, si pollicear, praestare possim id, quod a me petis. premor enim domesticis oneribus, & typographiae cura, sic mehercule, uix ut suslineam. uacuae tantum ab opere mihi relinquuntur horae uespertinae: sed eo tempore, tum defatigatus laboribus, ac fractus, quietem quaero necessariam; tum uero succedit oculorum dolor, isq. ita gravis, non modo ut legere, aut commentari, sed nec domesticos audire sine magna molestia possim. ita nobis traducitur dies, atque adeo noctis maior paene pars. non enim prius hac leuamur capitis grauedine, quam Sol, medio iam Antipodum orbe decurso, incipit ad nos recurrere: & in ortu suo demum ualitudinē mihi, alacritatemq. restituit. quod si respirare aliquando licebit; aures tibi meae patebunt, non in horas modo, sed integros etiam dies. quid enim mihi incundius, quid etiam utilius, quam tecum de litteris agere, tuaq. maxime tractare scripta; de quibus quid existimem, Muretus noster testis est? nam, cum ad me, octauo, opinor, abhinc anno, in Iudecae suburbano habitantem, ignotum antea de facie, uoluntario adductus officio, aduisses; humanitatem simul & doctrinam tuam eadem hora perspexi. tunc ego te coepi & diligere, & praedicare: nec desinam utrumque facere, quam

dant urna

dinturna mihi dabitur usura uitae: quandoquidem nec tu desines esse tui similis, idest, cum optimus uir, officioq. excellens, tum uero tantus in uirtute, quantum cum egregia natura singularis industria potuit efficere. Interim peto a te, meis ut occupationibus ignoscas, & uoluntatem in te propensam, licet absit res, tamen ames. Vale.

✱, Patauium.

23

NIHIL mihi pro mea in te beneuolentia, meoq. de te iudicio potuit accidere, quod minus uellem, aut quod minus opinarer, quam id, quod proximis diebus audiui, cū diceret nescio quis, nō te perinde, ut solebas, in optimarum artium cupiditate uersari, sed languere quotidie magis; adeoq. praeclara illa principia, quae, me quidē saepe, et multū cohortante, ac monente, posueras, esse labefacta, nihil ut a te eximium, nihil, quod uulgare non sit, exspectari posse uideatur. equidem neque plane credidi, quod a tua consuetudine iam ualde dissentiret: neque tamen plane non esse credendum id existimaui, quod ut accidere possit, cum in aetatem tuā intueor, uerisimile mihi sit. quod si, cōtra quam ego cupio, factum est, ut paullulum te a uirtute disiunxeris, et in dubia, ac perdifficili inuenturis uia quiddam offenderis; agnosce tuam culpam, & corrige, dum licet. non enim, quae dies confirmauit, facile mutantur. En habes, qui te suo excitet ad uirtutem exemplo, aequalem tuum, exquisiti adolescentem ingenij, Antonium Lauretanum, quem debes, cum nobilitate pares, nec naturae, fortunaeq. bonis dissimiles admodum

dum sis, aequare etiam, aut imitari saltem in studijs artium optimarum. Sin autem est, ut uolumus; & ista, quae de te rumor dissipauit, inania sunt: noli laborare, quid alij loquantur; cogita, quod ipse facias; & a te ipso pende. magna solet esse incurdita, quae manat ex optima conscientia. hac tu frue, & perge, ut coepisti, in studijs liberalium disciplinarum: quarum est cum possessio uitae aequalis, tum fructus eiusmodi, ut etiam ad posteros pertineat. Vale.

ROMULO. CERVINO

Patauium.

24

ITAN ego tibi ex animo effluxi, ut unam tribus mensibus epistolam ad me dederis? occupatus, inquis, sum. quo in genere? nempe in litteris. num igitur tibi a litteris animum uideris abducere, cum epistolam texis? mihi quidem numquam minus. quin hoc ipsum, quod ego nunc in te desidero, si contemnis; idest si ita legis, ut numquam scribere animum inducas: litterae iacebunt. quod si me a principio rectissime monentem audire uoluisses; teq. si non quotidie, saltem alteris diebus scriptioni dedisses: Dij immortales, quos tu nunc fructus ederes, quam praestantes, quam uberes, quam & te ipso dignos, & fratre tuo, in omni genere laudis excellentissimo? nunc, quos progressus hac in re fecisti, non ego quidem illos, quasi tardioris ingenij, reprehendo, neque reprehendere quisquam potest: sed tamen illud, quod ego a te olim expectaui, maius aliquanto fuit, quam hoc, quod tu nunc praestas. Neque uero id, quo te iam pridem sumus hortati, & quo bre-

uicisse

ni esse peruenturum credidimus, eiusinodi est, ut facile
quiuis posse consequi uideatur: sed cogita, praeclarum
ferenihil esse, quod idem difficile non sit: & tamen
difficultates omnes ea, quae in praestantibus ingenijs
facile exsistit, gloriae cupiditas uincit. cuius rei noli
exempla petere ab antiquitate: adspice fratrem tuum;
qui, ut Antimacho poetae Plato, sic tibi omnium in-
star esse potest. numquid igitur illum existimas tantos
labores aut suscepturum fuisse, aut, cum suscepisset,
ferre potuisse, nisi uerae laudis eum spes aliqua identi-
dem quasi allenasset? quam quidem spem dum sequi-
tur, uides quo peruenerit. gradum tenet dignitatis,
qui est a summo proximus: & de summo quid homines
augurentur, intelligis. Perge, mi Romule, ijsdem
itineribus ad decus. magna sunt bene agentibus prae-
mia constituta. quam tu facultatē quando habes ma-
ximam, noli contemnere; ne paullo post, amissam, fru-
stra queraris. haec enim, quae nunc habemus, quis scit,
quam diu simus habituri? uides, ut auolent horae,
quaeq. nobis commoda praeterlabentes auferant. Ita-
que opportunitates, dum adsunt, ita debemus ample-
cti, quasi non eadem semper affuturæ sint. qua in sen-
tentia te quoque existimo esse, cupio quidem certe; ut
cum expectationi de te concitatae, tum fratris tui,
summi uiri, laudibus aliquando respondeas. quod fa-
cile consequeris, si te ipse colliges, &, quo consilio
Patauium accesseris, quam urbem scis habitam semper
esse doctrinae domicilium, assidue cogitabis. &, quam-
quam non dubito, quin memoria bona sis: tamen,
quoniam haec posterior epistola tua, quam ad me x v.

Kal.

Kal. misisti, cui ego XIV. respondi, non tam est luculenter scripta, quam uellem, potius multo minus, quam uellem; uereor, ne tibi illa, quae ego tecum olim de Latinae linguae obseruatione sum locutus, quaeque ipse mihi te esse facturum pollicitus es, penitus exciderint: quae, si putas e. re tua esse, ut a me iterentur; excurre ad nos, & hoc quidem animo, ut, quam diu Venetijs futurus es, (cupio autem, ut diutissime uelis) apud me diuerferis. Ac noli uereri, ne ego te Patavinum crudiores remittam. non ita de nostris hospitibus male meremur. Cenae erunt, quae te laetitia delectare, non quae copia possint offendere: quae quidem in primis sermone bono, & perfamiliari condientur. quod tu quanti facias, ignoro: ego quidem huic iucunditati nullam antepono. Vale.

VICENTIO. GILIANO

Venetias.

25

QVAM multa non modo contra uoluntatem, uerum etiam praeter opinionem homini contingunt. numquam putavi fore, ut humanitatem tuam requirerem. adeo mihi & multa, & perillustria studij erga me tui dederas argumenta: nunc, alijs me quotidie salutantibus, aut certe consolatorias in meo casu, optemque pollicentes, litteras mittentibus, ipse tamen neque scribis quidquam, neque mecum habendi sermonis facultatem quaeris. quod uiris nobilissimis concessi, tibi, pro multis ingenij tui suauitatibus, proque nostra non nuper instituta, sed iam inueterata necessitudine, numquam denegassem. Optavi, inquires; sed opranti pudor obstitit.

oblitit. Agnosco modestiam tuam, nec mediocriter
 probō: uerumtamen decet aliqua ortam a uirtute ami-
 citiam confidentia. Erant autem, cur me conuentum
 cuperes, caussae minime uulgares; primum Iasonis mei
 de Nores, uiri omnium, quos ego in uita nouerim,
 optimi, atque humanissimi, reditus in hanc urbem,
 deinde Danilae nostri, quem ego quanti faciam, & tu,
 & omnes paene iam norunt, aegrotatio: quae cum
 hesterno die cognouerim; cupio tamen certius abs te ali-
 quid significari. uarie enim afficior, & amicissimi ho-
 minis aduentu; cuius in consuetudine plurimam mihi
 statuo iucunditatem; & eius uiri morbo, cui debere
 omnia uideor, qui, quod in ipso fuit, operam dedit,
 ut me sibi non exiguo propinquitatis uinculo in per-
 petuum obstringeret. neq. enim, licet mutuam utrius-
 que uoluntatem frustrata fortuna sit, iccirco tantam
 in me beneuolentiae significationem parui pendendam
 existimo. animus mihi pro re erit: meq. ille sui memo-
 rem beneficij (sic enim appellare debet) aliquando sen-
 tiet. Haec sunt, mi Giliane, cur te uelim. accedit illud.
 Affines suos Cardinalis Carpensis, qui de studijs meis
 non pessime existimat, cupit elegantibus litteris expo-
 liri. optima condicio, nec minus honorifica. itaque
 statim de te cogitauit; quem excultum liberali doctrina,
 moribus emendatis, comem, & facilem in conuiuiu
 cognoui. nec tamen audeo sperare. urbis enim Vene-
 tae tranquillitatem nimis amas, & otio libenter fruc-
 ris erudito. sed, si a te non impetro; odorare saltem,
 & indaga, si quem eo loco dignum alicunde licet erue-
 re. inibitur a Cardinali gratia nō uulgaris. de quo tibi
 hoc

EPI
 mo. patre
 poribus pr
 mi, ad illa
 aurea tem
 ma perso

FRANC

ita ualeam,
 exopto, ut
 aus, uerious
 in egipcius,
 uiam, ut del
 imperio anifi
 ne tecum eram
 como-ni-ant: bi
 modum me
 na, sed ab ami
 aduxit in do-fer
 una quot idie fue
 nem equidem
 ma, ingenio
 ex excelsat, pe
 no-orefi: uerū
 maremuneram
 numquam int
 neque fuerunt
 oia aliquando
 x fere consue
 am, perpetuo

hoc affirmo, patronum esse bonarum artium his perditis temporibus prope singularem: qui si, ut augurantur plurimi, ad illa summa pervenerit; redibunt, mihi crede, aurea tempora, & debita litteris aliquando praemia persoluentur. Vale.

FRANCISCO MORANDO

Veronam. 26

ITA ualeam, itaq. tecum uiuam, quod utrumque pariter exopto, ut cydonite tua nihil adhuc gustavi suauius, uersibus autem, quos una misisti, nihil umquam legi purius, nihil ornatius. quare gratiam habeo tibi quidem, ut debeo, maximam, aliquam tamen etiam imperito artifice superioris anni, cuius culpam, de qua tecum eram questus, lucro meo non mediocri tua compensauit humanitas. quod si artifex idem est, quemadmodum uerba tua significant: non ab eius ingenio, sed ab amore in me tuo nouum genus artificij, noua fluxit industria. itaque magnam ad officia erga me tua quotidie fieri accessionem intelligo. ex quo uoluptatem equidem capio tantam, quantam eius, qui doctrina, ingenio, omni denique laude libero homine digna exceliat, perspecta beneuolentia afferre maximam potest: uerum tamen, quia me prorsus omnis in summa remunerandi uoluntate facultas deficit, angor nonnumquam intimis sensibus, & iniucunde uiuo. sed neque futurum despero, ut, quo in te sum animo, re ipsa aliquando perspicias: & si parum optatis meis, ut fere consuevit, fortuna responderit, memoria saltem, perpetuoq. erga te studio, non officij modo er-

O ga

ga me tuis, sed uirtutibus etiam eximijs debito, cumu-
 lare mihi satisfaciam. De tua ualetudine, quae mihi
 perinde ac mea curae est, a patre tuo, prudenti uiro,
 quae cupiebam, fere cognoui: de studijs ex te ipso, id-
 est ex litteris tuis, quarum elegantia mirifice delector,
 aliquid cupio scire. Orationem in funere habitam do-
 ctissimi, ac nobilissimi hominis Ludouici Nogarolae,
 cuius obitu non mediocriter dolui audio laudari. sunt
 etiam, qui tuam existiment. quod libenter credo: sic
 enim faneo tuae gloriae, ut fratribus fortasse tuis,
 praeterea quidem concedam nemini. Vale.

 LAEVINO. TORRENTIO

Leodium.

27

PVTO tibi molestum iam esse silentium meum:
 at mihi silentij carssa longe molestior. nam toto fere
 biennio neque corpori uale tudo, nec animo quies con-
 tigit. ita, qui absentes amicos litteris saltem colere con-
 suui, incundissimam mihi consuetudinem intermitte-
 re, & in officij cursu languere sum coactus. quod si se-
 cus existimas; nec tibi mea fides facit affirmatio: te-
 se habeo studij erga te mei non equidem ualde locu-
 pletes, sed eos tamen, quibus tu libenter credas, pro-
 bos uiros, communes amicos: a quibus & quaesitum
 est aliquando, me mandante, de tuo statu; & cum id,
 quod auebam maxime, cognouissem, esse te in oculis
 Leodiensi Episcopo optimo, eidemq. Principi eximio,
 auctum esse commodis, ornatum dignitate; factum est,
 quod ignorare te arbitror, ut leuationem malorum
 meorum in tuis bonis aliquam inuenerim. Atq. equi-
 dem

dem reuocare me ad institutum meum, & aliquid ad te scribere cogitabam, cum tuae me litterae oppresserunt, quibus commendas mihi modestissimos, & summae spei adolescentes, Ioannis Cauchi filios, doctissimi & ingeniosissimi hominis, ut equidem sentio, tuo primum testimonio, deinde scriptis illius; quae qui legerit, nullius praeterea testimonium requirat. quo libentius operam meam filijs eius & pollicitus sum, & detuli. qui cum ad me adeunt, te simul intueor, & impellor magis ad omnem humanitatem memoria tui: nec potest esse quidquam iucundius, quam ut eorum studijs, commodisq. seruiam: & si praestabo aliquid, ita laetabor, quasi beneficium acceperim in officio meo. Erat in ijsdem litteris tacita quaedam admonitio promissorum meorum: quae si non persoluo; mihi crede, tanti uiri uirtute, tanti Principis dignitate deterreor. nam, ut egregium aliquid moliamur, consequi tamen neque per ingenij nostri tenuitatem, neque per fortunam licet. hanc excusationem probari a te cupio, nec omnino despero: sin urgere pergis, auctore te aggrediar, utcumque cadat. potest enim fieri, ut, quemadmodum multa, contra quam speramus, item hoc fortasse, contra quam timemus, eueniat. quod si quid offenderimus; primum, illud fore non dubito, tua nos ut subleuet auctoritas; deinde, te ipso culpae socio, feram leuius, haec mihi cautio placet, utinam tibi; sed, si mihi in amore respondes, tibi quoque: de quo tuas litteras exspecto. Vale. Venerijs.

LAVRENTIO . GAMBARAE

Patauium .

28

BASILII Zanchi, poetae summi, hominisq. non uulgariter eruditi, miserabilis & indignissimus interitus hilaritatem mihi prorsus omnem eripuit. quem enim donare summis praemijs ob excellentem uirtutem, decorare honoribus ob singularem integritatem, atque innocentiam aequum fuit; eum tam ignominiose uexatum, tam acerbe, tam crudeliter extinctum, quis non serat iniquissime? equidem, ut audiui, etiam dolore tuo uehementer dolui. nam & uixistis una semper coniunctissime, alter alteri egregie carus: & fuit uterque uestrum ad poeticam facultatem natura propensus, ac mire factus, ingenio uero ita pares, ut, cum nemo tam bonus poeta sit, quin uobis primas in componendis uersibus partes tribuat, quam confessionem etiam ab inuitis exprimit poematum comparatio, uter tamen utri praestet, nondum satis iudicare quisquam possit. magnam igitur, planeq. fraternam inter uos tum ingeniorum similitudo, tum studiorum communitio beneuolentiam excitarat: nec dubito, quin te, licet humanae condicionis minime rudem, obitus eius ualde perturbarit, animumq. tuum ita deiecerit, ut extolli fortasse ad aequitatem neque celeriter, neque facile possit. quo gravior morte illius afficior: & ut omnia mente peruestigem, nullam tamen inire doloris alleuandi rationem queo. unica, opinor, illa consolatio superest, quam tibi quoque fore gratissimam scio, ut, si conuictu perpetuo priuamur, tamen inter nos ita crebro

bro colloquamur, ut hanc maeroris acerbitem, qua
pariter affligimur, quotidianae consuetudinis mu-
tuaeque benevolentiae suauitate leniamus. quod ut
quam maturrime consequamur, tu pro tua, ego pro
mea parte diligenter operam dabo. Vale. Venerijs.

NICOLAO. NATHANAELIO

Venetias.

29

PERCVLERAT me grauiter acerbis ille nun-
cius de nauia piratis abducta, qua uehebatur in Cre-
tam exquisita, multorumque nummorum bibliotheca
parentis tui: cum ex eo casu iacturae plurimum tulis-
ses & fortunas uestras intelligerem. nunc me pror-
sus ab eo maerore, quem mihi uestra calamitas attule-
rat, ad laetitiam incredibilē renocarunt litterae tuae.
scribis enim erudiendi curam adolescentis nobilissimi,
Aloysij Mocenici, tibi esse demandatam. in quo sane,
pro ea qua te sum complexus benevolentia, multis no-
minibus tibi gratulor: primum, quod eum, qui facile
possit illustrare disciplinam tuam, excellentis ingenij
adolescentem, mirifica, ut audio, uirtutis indole prae-
ditum, sapientiore etiam, quam aetas ferat, nactus
sis: deinde, quod ab eius patre, Leonardo Mocenico,
Equite clarissimo, quo nullum in hac urbe uel pruden-
tiae, uel liberalitatis, uel omnium denique uirtutum,
quae nobilem uirum deceant, exemplum habemus illu-
strius, fructum diligentiae tuae minime uulgarem po-
tes expectare: postremo, quod in ea domo uiues, in
qua omnia, uetere maiorum norma, ad honestum, &
ad dignitatem referuntur, quo praestantes & usu ma-
gnarum

O 3

gnarum

gnarum rerum, & doctrina uiri quotidie confluunt, unde prudentiam, unde optime uiuendi rationem petes. Persequi omnia, quae tibi diuina benignitas obtulit, difficile est: sed mihi crede, quem tua causa uelle, tuisq. saluere commodis non ignoras, nihil isto munere ne fingi quidem a te potuit aut fortunis tuis uilius, aut studijs accommodatius. itaque, si me audies, omnia, quae frustra saepe expetuntur, bona in una Leonardi Mocenici beneuolentia constitues: cuius tibi comparandae caue tempus amittas: confer huc omnem industriam, ut eius filium, tuae diligentiae commissum, in quo pater tali filio iure fixit omnes curas, ita instituas, atque excolas, ut eam laudem, ad quam natus praecipue uidetur, adiuvante illius ingenium studio tuo, breui consequatur. habet autem hoc uirtus, ut, a quibus illam accepimus, eos in omni uita diligere cogamur: & est optandum, ut ab ijs maxime diligamur, qui non opibus modo ualeant, sed ad benignitatem etiam natura propendeant. quae si in ulla ciuitate, profecto in hac nostra, & si in ulla familia, in ea potissimum, & in eo uiro, cui tuam in re praeclara operam addixisti, summa cognoscitur. Vide igitur, quid susceperis, cuius familiae gloriae seruias, quid fides, quid existimatio tua, quid honor etiam meus quodam modo postulet: qui tibi saepe, nec tamen gratiae causa, sed adductus iudicio, testimonium impertini probitatis, & scientiae non modo Graecae, uerum etiam Latinae linguae: quarum alteram magistro patre tuo, Joanne Nathanaelo, sacrarum litterarum peritia, uitaeq. innocentia cum antiqua illa Graecia, quam numquam

quam fama deferet, conferendo, alteram non nihil e sermonibus fortasse nostris, & studio quidem tuo, tuisq. uigilijs maxime cognouisti. Haec si tibi omnia, ut spero, ante oculos pones; uinces te ipsum in diligentia; operamq. dabis, ut in familia nobilissima, cuius patrocinio nullum certius ad eas temporum procellas, quae humanae uitae impendent, periculum reperiēs, egregium uirtutis & industriae tuae monumentum relinquas. Vale.

✱, Patauium.

30

FALSUS hic etiam de Rainutij Farnesij Cardinalis obitu dissipatus rumor erat: quo sum grauissime commotus. nam in illo uiro, qui se iam inde a puero ad exemplum aui sui, Pauli III. Pontificis omnium sapientissimi, totum finxit, non adumbrata, ut in multis, sed expressa signa uirtutis elucet: & nunc, ut audio, suas omnes in Christianae pietatis cultu cogitationes, curasq. defixit. quo mihi erat, bonisq. omnibus acerbior illa fama, quae, multorum sermone, de immaturo, & inopinato illius interitu percrebuerat. angebar etiam fratris eius, eximij uiri, Alexandri Cardinalis nomine: cui multis iam annis eam uiam ingressō, quae ducit ad uerum decus, artiumq. optimarum studia suis opibus hac aetate praeter ceteros fouenti, tantum eripi praesidium, tantum auferri domesticae l. u. lis, magnopere dolendum uidebatur. Gratulor igitur, illo inuolūmi, liberalibus disciplinis; gratulor omnibus, qui uirtutem, & probitatem prima ducunt; praecipue uero tibi; quem & Alexandri Farnesij Cardinalis, ual-

O 4 de

de studiosum, & erga sui similes, hoc est erga eos, quibus illa, unde manat honestum, sola placent, praeclare animatum cognoui. refixit iam, uel plane exstinctus euauit peruulgatus illē rumor; uiuit, & ualet, cui lacrimas tamquam mortuo dedimus; quem, si fieri posset, immortalem esse omnes cuperent. Te quoque bene firmum esse, & ex illo ualetudinis incommodo emerfisse, represso iam sanguine, qui tibi ex oculo dextro multus effluxerat, mirabiliter gaudeo. de quo mihi cum narraret familiaris tuus, prima statim auditione sum percussus: postea, cum idem reliqua persequeretur, animum recepi, & ab omni metu, curaque respiravi. huius morbi causam non dubito quin mediis, quos habes istic scientia instructissimos, usu peritissimos, in studia conferant. quod si ita est; remoue, obsecro te, libros omnes ab oculis tuis. nam, donec eos uideris, certo scio, quod mihi saepe contigit aegrotanti, temperare tibi non poteris. Vale.

E I D E M, Patauium.

31

NARRO tibi: iam non amo uere cundiam. cum enim mihi potius nihil esset, quam ut filium meum (libet enim de mare ominari) ad sacram baptismatis aquam susciperes: tamen, dum obsequor pudori meo, nec te talem uirum, maximarum rerum occupatione distentum, appellare audeo, commisi imprudens, ut officij laudem ipse praeiperes. in quo sane & peccasse me, & luere merito peccati poenam confiteor. quicquid enim mihi non permisit, quid iam elargita non est humanitas tua? quam a me alijs praedicatam ignorare ipse

ipse fortasse tibi sum uisus. ualde tamen recreor significatione amoris tui: & nostram amicitiam, quam studiorum similitudo peperit, hoc etiam affinitatis quasi uinculo adstringi, uehementer laetor. nam & res ipsa eiusmodi est, ut beneuolentiam utrimque augeat: & mihi, ad hominum opiniones, accidere speciosius, aut honorificentius nihil potest. totus igitur in aere tuo sum. ita de me meritus es, ita quotidie mereris. quod si tibi pateret animus meus: profecto non locari pessime tuam gratiam intelligeres: quam si non possumus remunerando, (nec enim aut fortuna tua patitur, aut uoluntas exspectat) praedicando saltem illustrabimus. mihi certe ipsa memoria, perpetuoq. erga te studio satisfaciam. De reditu meo uerbum scilicet exspectas: iam discedo: itaque per aliquot dies litterae cessabunt. Amanuensem tuum amo plurimum. uideor enim mihi agnouisse manum optimi, atque honestissimi adolescentis, Francisci Secundi: cui de tua consuetudine etiam atque etiam gratulor. nam inuidiae locum amor non reliquit. Vale. Venetijs.

*

Ferrariam.

32

ET ME laudas in epistola tua, nec mediocriter quidem; & meam amicitiam, quae tua humanitas est, ualde uideris expetere. Ego autem, et si me delectat, ut ait ille, laudari a laudato uiro, tamen ea, quae mihi tribuis, cum esse uerissima cupiam, non agnosco. dilexi quidem adolescens ueterem eloquentiam: nec uoluntatem aetas, studium occupatio, saepe etiam uale
undo

tudo minuit : sed, excellere in re omnium, ut ego sentio, praestantissima cuius negotij sit, cuius ingenij, non modo experiens ipse intelligo, uerum etiam ex inani multorum industria conijcio. non enim, qui seuerior in me ipso sim, nec mihi amicio, quam ueritati, alijs blandiri gratiae causa debeo. unum hoc in nobis fortasse iure laudes: si modo laude dignum est: equidem, quasi aliquid sit, interdum mihi gratulor; quod, & quales olim fuerint ij, quos in oratione Latina cupimus imitari, quibus ingenijs, qua doctrina, qua etiam exercitatione praediti, & quis ego sim, uel potius, qui hodie simus omnes, facile possum existimare. Quocirca, si uetera spectas, mutes licet sententiã de me tuam. floruit antiquitas eloquentiae gloria: nos iacemus. sin haec recentia tibi proponis: non omnino me, quantum in hoc studio profecerim, paenitebit. nec tamen tibi assentiar, ut me omnibus Latine scribendi facultate confitear antecellere. possum aliquid, uel etiam multa in alijs desiderare, neminem in hoc genere laudis eximium ducere: (est enim haec fortasse non ingeniorum culpa, sed temporum) non ideo tamen sequitur, ut insolenter arripiam, & induam ipse, quae alijs tamquam spolia detraxerim. ut in musicis, artem ipsam exercere, non facillimum est: artificem autem peritum ab inscio distinguere, tacito aurium sensu plerique omnes solent: item ego, quam legendis assidue, ac perattente hominum eloquentissimorum libris conceptam in animo recte scribendi formam intueor, eam exprimere, & assequi scribendo nunc quidem nullo modo possum, ac uereor etiam, ut umquam possim. ue-

rum-

rum enim uero, quod a sapientibus uiris proditum legimus, numquam male ponitur industria praestantibus in rebus. laudatur enim uel sine re uoluntas. qua ego interdum spe incitor ad studia. Et, si nihil aliud, tu me certe, ✱ optime, atque eruditissime, hoc ipso, quod tanto opere laudas, ad laudem uehementer impelleres. magni enim facere uideris Romani sermonis elegantiam: Et, quod tibi leue non est, eximiarum artium scientia instructissimo, id a me nequaquam esse contemnendum intelligo. Accidit illud, quod epistola tua ita loquitur ornate, ut a rhetore, non a medico, quem te esse profiteris, Et quem praestas egregie, scripta uideatur. quod indicat ingenij tui praestantiam. cum enim, ut audio, philosophiam sis uniuersam animo complexus; praecipue uero medicinam tractes, Et ita tractes, ut cum paucissimis excellas; ualde sum miratus, unde istam Latinae orationis tam concinnam, tam uberem, tam illustrem facultatem sis consecutus. Quare, quo tu nomine subiereri uisus es, ne ego tuam ad me amandum ualde propensam uoluntatem parum libenter exciperem; cum eloquentiam tuam uerbis dissimules, re ipsa ostendas: eo ipso nomine sic incensus tui studio sum, ut ad meam instituendae tecum amicitiae cupiditatem accedere nihil possit. Quod autem negas esse quidquam ad amorem conciliandum amore ipso efficacius: ita tecum sentio, si uirtus cum amore coniungatur: sin enim, qui diligit, nihil, praeter nudam uoluntatem, commendat, non probitas morum, non doctrina, non ars aliqua liberalior: ualde uidero. sed istuc quidem tua minime refert. quis enim te uel nō
amantem

amantem amare nolit, quem esse tam amabilem, literis, humanitate, integritate, sentiat? sed uidelicet Socratice mecum agis: ironia te delectat: cum in eo ipso, quod tibi detrabis, tua te refellat oratio. Ego tuum erga me animum pari animo complector, & fouebo officijs, quantum in me erit: neque me patiar, cum reliqua apud te omnia superiora esse concedam, etiam humanitate uinci. Vale, & Ioanni Baptistae Pignae, homini in primis erudito, & ingenioso, cuius de Imitatione poetica egregios libros anide exspecto, salutem meis uerbis. Venetijs.

MARIO . CORRADO

Brundisium.

33

MVLTI iam mensibus nihil ad te litterarum dedi: nec mihi tamen uenit in mentem subuereri, ne quam tibi nostra indignam amicitia suspicionem silentij mei diuturnitas attulerit. mihi quidem nihil scito esse iucundius epistolis tuis: quas cum lego, delector mirifice amore in me tuo, delector etiam ingenio, & scribendi elegantia, in qua tibi (non loquor ἀγῶνέμενος) paucissimos comparo, antepono neminem. atque equidem, si per utriusque fortunam liceret, nihil malim, quam assidue tecum esse, totosq. dies in tuo sermone consumere. quod tamen quin aliquando sit futurum, cum in tuas litteras intueor, imaginem animi tui nonnullam ostendentes, prorsus non despero. Ego satis diu scriatus a studijs sum, inuitus, sed quis necessitati non pareat? nam, quae me causae non modo libros, sed patriam quoque relinquere coegerint; aut
habet

habes fortasse iam cognitum, litteris edoctus familiarium tuorum, qui adire interdum ad me officij causa solent; aut, si ignoras, quid ego tibi exponam; cui si quid a me accadat iniucundum, dupliciter angar, incommodo meo, molestia tua? Nunc id commentor, ut certam aliquando rationem ineam otij constituendi, & uiuam humaniter: quod te quoque uideo cogitare, & si uolueris, assequere. Bouios fratres, tua praedicatione commotus, amo uehementer, & obseruo. qui si mihi, ut significas, aliquid tribuunt: est, quod gaudeam, placere me praestantibus uiris, quorum in iudicio, & beneuolentia ornamenti, & commodi mihi statuo plurimum. tu uelim, quod ad amorem, studiumq. attinet, de me illis omnia promittas: ego, quae promiseris, praestabo. fructum etiam fortasse aliquem degustabunt studiorum nostrorum. liceat modo esse otiosis; id quod agimus, & futurum speramus. Vale.

PETRO. CELSO

Vicetiam.

34

VNA, eademq. manus uulnus, opemq. tulit. plane enim mihi uideor, quod de Achillis hasta in Telephi uulnere traditum est a poetis, idem ad tuas epistolas posse conuertere. affeceris me grauiter, nunc idem recreas, & abstergis omnem molestiam iucundissimis litteris, in quibus elucet humanitas tua, quam obscurauerat paullulum animi tui subita commotio, indigna certe meis in te neque paucis, neque uulgaribus officijs, quorum testes apud me custodiuntur litterae tuae. itaque, redijisse te ad eam comitatem, quae cum
tua

tua natura, & cum ijs studijs, in quibus totos dies eximia cum laude uersaris, magnopere congruit, i a laetor, ut nihil umquam senserim hac uoluptate incun dius. quod si tibi meum ingenium aliquot mensium consuetudine satis exploratum non est; non dubito, quin absens intelligas, & eo cernas illustrius, quo lon giora nos terrarum interualla disiungent. non enim in te fortunam diligo, quam soleo contemnere, sed quia fortunam tua uirtute superas: contra quam multi; quorum oculos auri, argentiq. splendor ita praestin- guit, ut pulchritudinem uirtutis intueri nullo pacto possint. quo equidem sensu, ac iudicio meo delector mul to magis, quam Ciceroniana illa eloquentia, quam tu mihi, ioco fortasse, obiecisti: cum tamen, tibi quoque eam minime displicere, tuorum scriptorum elegantia significet. De discessu tuo, quamquam ad tuam uolunta tem accommodare consilia mea minime liceat, cupio tamen mihi tempus definiri. Vale.

IOANNI. SAMBUCO

Patauium.

35

NON mediocre amoris argumentum, quod de filiolo gratularis, & sperare te significas, ut patri etiā orationis Latinae facultate antecellat. quid? ergo ille tibi magnum uidebitur praestare, si opinione, & fama nos anteierit eloquentiae? ego illi, qua primum hora editum in lucem uidi, bonam mentem precatus a Deo sum. hoc nobis debet esse antiquissimum; & hoc ei si contigerit, reliqua iure contemnet, aut, si uoluerit, facile consequetur. mea uero studia si imitabitur, quae certe,

certe, quod sateri sine arrogantia possum. ad honestum referuntur: aditus ad laudem difficiles non habebit; quo mihi studiose contendenti fortuna semper nescio quo meo fato uiam interclusit. uerumtamen, mi Sambuce, cum tua, tuique similitum fruar beneuolentia; quid desiderem? quid potest esse amicitia iucundius? quid etiam fructuosius? cum & amant inter se boni uiri; & est inter eos quasi certamen amoris, & officij. equidem, de te quid sentiam, si ad te ipsum scriberem, certe scio, qui tuus pudor est, legeres inuitus. testem tibi do iudicij mei grauem adolescentem, (& adde si quid uis: nihil enim tribues immerenti) ✱: quem cognoui tuis laudibus, me narrante, etiam atque etiam laetari. quod si tenerem artem eloquentiae, sicuti ut in epistola tua, amore potius in me, quam iudicio, effusus, existimas: sane coloribus egregijs imaginem tuarum uirtutum exprimerem: uoluntatem uero illam, & praeclaros conatus ad augendas fortunas nostras, de quibus postridie, quam a nobis discessi, quiddam in sermone ✱ significauit, mehercule sic ornarem, ut nihil esse posset illustrius. de quo quia tam amanter cogitasti, gratias agerem; & ut perpetuo cogitares, atque ageres, cohortarer; si hoc humanitas tua, illud amicitia nostra pateretur. ut ut autem res ceciderit; (a te enim principia sunt; exitum praestare non potes) partes meae non requirentur: prosequar enim uel beneficium laude, uel animum certe tuum memoria sempiterna. Vale. Venetijs.

EIDEM,

E G O uero, accepto nūcio de obitu filioli mei, ita sum perturbatus, ut me tamen hominem esse meminerim, & illum in hanc uitam, tamquam in hospitium, ita esse ingressum, ut, accitu summi Dei, aeternum illud caeleste domicilium petiturus, aliquando discederet. quod si me casus iste nec opinatus ita perculisset, ut omnino iacerem: excitarer tamen prudentia litterarum tuarum, in quibus de luctu minuendo disputas egregie, tuamq. declaras tum homine Christiano dignam bonitatem, tum erga me beneuolentiam singularem. uerum ego, optime Sambuce, multis iam infortunijis hoc sum assecutus, ut fortunam ipsam didicerim contemnerē. quae mihi, ut eripiat reliqua, numquam adimet ea, quae nec ipsa dedit, nec dare cuiquam potest, relictam mentem, optima studia, pietatem in Deum. Praeclare actum opinor cum filio meo. fruitur conspectu, & consuetudine caelestium animorum: non angitur curis: non spe ducitur: nihil timet aduersum. at nos, qui dicimur uiuere, quibus hac falsae lucis usura nihil est carius, quam multa exercent? quid laboramus, quid cupimus, quod etiam si contingat, animus acquiescat? itaque uere sapientes homines, non ut diu, sed ut recte, & cum uirtute uiuerent, optare soliti sunt. quod equidem conor, &, ut spero, consequar. nihil enim magis cogito, nihil speo, quam ut seruiam studiis meis, & ita uiuam, ut uitae rationem Deo simul & hominibus aliquando possim reddere. Quare, cum me uocas ad scribendum, confirmantur consilia mea iudicio

iudicio tuo .ac tu quidem in hoc officio cohortandi facis idem, quod multi: quibus facile possem satis facere, si per domestica negotia liceret . sed, obsecro, nolite ex otio uestro meum spectare. uobis enim certa, & expedita sunt omnia: mihi unicum est uectigal industria mea: qua liberos alere, tueri familiam cogor. &, si negligam, deferetur humanitas: sin, ut debeo, diligenter curem, iacere studia necesse est; quae solutum curis omnibus animum postulant. At inquires: ipsa tibi studia fructum ferent. Cane alijs cantilenam istam, mores, ac tempora ignorantibus: mihi non persuadebis experto. uetus illa Principum uirorum benignitas exaruit inania pleriq. sequuntur, nihil solidum amant, nihil magnificum, nihil illudire. Vides alios, quasi perdendis tantum frugibus nati sint, immanibus epularum sumptibus opes exhaurire: alios, quasi etiam homines ipsos, non modo fruges, perdere pulchrum sit, thesauros effundere, collectos acerbissime, in ea bella, quae uastitatem agris, urbibus incendia, humano generi, aliena stultitia miserrimo, cladem, & exitium importent. Musae interim ubique locorum algent, neglectae ab ijs, qui fouere eas ut maxime poterant, ita maxime debebant. Etiam illud indignum, quod exsistunt, qui specie liberalitatis gloriolam aucupentur; & eam uirtutem, a qua longissime absunt, quasi familiarem suam, sic in ore habeant, ut amare uideantur. Verum, haec satis, aut etiam nimium fortasse multa. Vale Venetijs.

GASPARI. CONTARENO

CARDINALI

Romam.

37

CVM neque haberem, quod tua magnopere interesset a me scribi; & te scirem summis occupationibus assidue esse districtum: tamen faciendum mihi putavi, ut aliquid omnino ad te litterarum darem. ad meum enim officium ualde pertinet, te, de nobis optime meritum, intelligere, & quo te studio colam, & qua tuorum in me meritorum memoriam religione conseruem. quod, ut spero, consequar litterarum bono. nam, ut remunerare umquam possim, sperare uix audeo: ita multa sunt, quae ad me iuuandum officia sunt a te profecta. ut enim omittam, quam honorifice de parente meo & loqui, & sentire solitus sis, cum ita dicas, tibi nullius olim iucundio rem consuetudinem fuisse, nullius cario rem nunc esse memoriam: ut igitur hoc omittam, quod in summi beneficii loco soleo ponere: quanti illud apud me debet esse ponderis, quod olim me adolescentem uir clarissimus, non tu quidem sopitum, sed tardio rem fortasse, quam oporteret, ad studium summae laudis excitasti. cuius temporis recordatio mirifice me delectat. sic enim argumentor: te, cuius iudicium est acerrimum, numquam me ad uirtutem fuisse cohortaturum, si te frustra id facere existimasses. tantum autem uirum, quantus ipse omnium consensu gentium & es, & haberis, de nobis non pessime sperare, mihi perincundum est cogitanti, apud alics, si qui audient, etiam honorificum. Quare nunc quidem

quidem id, quod mihi pro tua summa humanitate facillimum est, ago, ut, quem pro tot ac tantis officijs animum debeo, eum me praestare tibi persuadeam. quod si per eam viam, qua ad praestantissimarum artium cognitionem iter est, tantum procedam, quantum profecto, nisi me aliqua res impedierit, procedam: nam illud etiam aliquando efficiam, ut, te de nobis esse bene meritum, magnopere laeteris. Te interim si rogem, ut, quemadmodum instituisti, me diligas, faciam imprudenter. neque enim dubitandum est, quin tu uelis in eadem erga me uoluntate, cum humanitatis, tum constantiae causa, permanere. magis illud mihi est elaborandum, ut omnes res, quae ad te colendum pertinent, studiose faciam: quarum si ullam sciens praetermisero, nefarie me peccasse confitebor. Vale. Venetijs.

BENEDICTO. ACCOLTO

CARDINALI

Ferrariam.

38

Cum primum Venetias reueri, etsi eram confectus aliquantum de uia, et eo morbo, qui me Ferrariae satis grauiter afflixit, nondum plane leuatus: tamen magnitudo meae in te obseruantiae, tuaeq. in me beneuolentiae recordatio me adduxere, ut ad te scriberem. quo genere officij quam mihi saepe apud te sit utendum, intelligo. nam cum eo ipso die, quo mihi aditus ad amicitiam tuam patuit, de meis commodis et ornamentis non cogitare solum, sed agere etiam coeperis: omnino, si uelim id, quod maxime uelle debeo, quibus me studijs a pueritia dedidi, ijs haberi non in-

P 2 dignus,

dignus, diligenter ineunda mihi ratio est, ut istam tuam ad me augendum tam propensam uoluntatem plurimi apud me & esse, & semper fore significem. id hoc tempore nisi litteris mittendis, qua re alia consequar, non uideo. facultatem maiorem si umquam nactus ero, arctissime complectar, neque dimittam prius, quam id tibi saltem aliqua ex parte persoluam, quod interea a me deberi non solum non dissimulo, sed etiam apud omnes libentissime praedico. Quid enim mihi esse potest, non dicam honestius, sed gloriosius, quam te, uirum omni genere uirtutis excellentem, summa dignitate praeditum, acerrimi in cognoscendis hominibus iudicii, nullum officij genus, aut studij, quod quidem ad meam siue utilitatem, siue laudem pertineat, praetermittere? mehercule nulla res fuit, quae nos ad probitatis, & doctrinae opinionem commendare magis posset. itaque, quod antea faciebam domestico tantum exemplo commotus, ut per eam uiam, quam mihi pater meus tritam reliquisset, expedito cursu ad summam laudem, gloriamque contenderem; id multo acrius facio nunc, iudicio de me incitatus tuo, cui uereor equidem ut respondere possim: & est sane difficillimum: sed tamen, quoniam ita tempus omne meum traduco, ut, quantum ualeitudinis ratio patitur, in litteris uerser, &, quasi diuturnam sitim explere cupiens, iisdem e fontibus, unde illa fluxerunt, quae sunt laudum tuarum maxima, diligenter hauriam: non despero fore, ut & homines officia tua bene posita existiment, & tu, qui tibi a me finctus debentur, eos non contemnendos aliquando percipias. cuius rei maturitas dum ueniat, est

est interea mei officij, tui memoriam summa cum bene-
uolentia sanctissime, ac religiosissime colere; tuae uero
humanitatis, eam uoluntatem, quam ad me iuan-
dum tua sponte contulisti, perpetuo retinere. quorum
alterum ego quam potero diligentissime faciam; alte-
rum tu ut facias, propter incredibilem naturae tuae
benignitatem, ne admonendus quidem es. Vale.
penerijs.

E I D E M, Ferrariam. 39

Symmo studio maturabam Ciceronis editionem.
omnino id erat causae, cur ego rarius, quam debeo, ad
te scriberem. sed mehercule nec res erat, de qua possem
scribere. de publicis enim non licebat: de priuatis au-
tem quid est, quod delectare te possit? grauibus morbis,
annona, & bello, uniuersa fere ciuitas affecta contabe-
scit. in his malis pacem omnes, tamquam unicum re-
medium, expetebant: quae si daretur, amissas uires re-
cuperare difficile non erat. Arbitrabar, cum Ciceronis
epistolas emissem, fore, ut Ferrariam possem ex curre-
re. id ego, primum, honoris causa ut te uiserem, opta-
bam; deinde, ut tuis doctissimis sermonibus fruierer,
quantum per humanitatem tuam liceret, per quam
certe licuisset plurimum. noui enim, quae tua sit cum
facilitas, tum in me beneuolentia. sed nostrae uolun-
tates, ut nauigandi cursus, quandoque commutentur,
necesse est, nisi fortunarum nostrarum fieri naufra-
gium uelimus. itaque, ut exirem, meas res cum uidi
non ferre, mutavi rationem; & quamquam eram oc-
cupatus, tamen feci, ut hanc epistolam mitterem;

P 3 quae

quae te, meam uicem, quasi saluaret. ea ne hoc officium loco non praestaret, ad Octavianum nostrum, ijs litteris, quas ad ipsum dedi, alligatam misi, qui tibi redderet, cum uacuus esses. quod ille, qui & commodissimus, & prudentissimus est, non uereor quin effecerit. De meis rebus si quid audire uis: ut in aduersis, pessime non habent: haberent optime, si pietas esset in ijs, in quibus maxima, si quid merita ualent, esse debebat. Vale. Venetijs.

E I D E M, Ferrariam. 40

SUMMA tua facit humanitas, ut, etsi me argumentum deficiat, litteras tamen ad te mittere ne dubitem. non enim uereor, eae ne tibi molestae sint. quin ita te interpretaturum confido, ut hoc meum studium existimes esse non obscurum signum pietatis in te meae. cui quidem pietati, quod uix fieri posse credebam, magna sane accessio facta est lectione tuarum litterarum. nam, cum antea pro tuis maximis & singularibus erga me studijs effecisses, ut plus, quam tibi, deberem nemini: nunc propemodum es consecutus, ut ipsi tibi plus, quam debeo, debere non possim. quanti enim illud, quo epistolam clausisti, apud me esse putas? te non dubitare, quin ego, omnesq. mei, quanti amorem in te meum, atque doctrinam facias, aliquando simus intellecturi. ego uero iam intelligo; neque quisquam est meorum, qui aliter sentiat. sed de amore quod scribis, uere tu quidem facis; est enim is certe summa cum obseruantia singularis. de doctrina uero, neque prorsus assentior, ne me ipse, qua in re minime debeo, nimium
uidear

uidear amare; neque ualde repugno, ne, quod est in me honorificum, stultie reiiciam. ut ut tamen est; siue tu amoris, & humanitatis abundantia, quod interdum adducor ut credam; siue iudicio, quod mihi persuaderi libenter patior; siue utraque re permotus tantum mihi tribuisti, quantum ego postulare sine rubore non auisim: maximas tibi gratias habeam, necesse est: quod ad eius ipsius, quam in me esse dicis, doctrinae studium, quo antea naturae inclinatione propendebam, uehementer me impulisti. ita enim usu fere uenire solet, ut, quae laudes a tui similibus, idest ab ijs, qui ipsi in laude uiuunt, proficiscuntur, eae nos, uel si simus hebetiores, in primis acuant, & quasi necessitatem quandam imponant, ut, quales esse dicimur, tales aliquando studeamus esse. quod ego quantum possum, de operam ut consequar. a quo studio cur me ulla res debeat abducere, non uideo; cum tu, istis opibus, ista amplitudine uir, litterato otio nihil anteponas. temporibus enim turbulentissimis, dum plerique fere, ambitionum fluctibus iactati, optare magis, quam sperare, tranquillitatem animi possunt; securus in portu te oblectas, uiuisq. iucundissime in tuis perennibus optimarum artium studijs: in quibus totos dies ita ponis, quasi tibi eae res, quibus abundas, & quarum spe tu alios excitare ad laudem potes, praemio sint futurae. Quod cum ita sit; & cum ego hoc animo sim, ut antiquius tuo commodo nihil habeam: noli credere, me, cum ad te scribo, tuarum litterarum expectatione id facere: quae etsi me incredibiliter delectant, textae uerbis elegantissimis, plenissimaeq. amoris, & suauitatis: ta-

men ego te mea caussa a grauissimis studijs ad nugas auocari nolo . satis me habere abs te putabo, si et meas tibi esse redditas, & tibi, ut cupimus, esse intellexero . utrumq. Octavius noster, quod & tui studiosissimus est, & nostri amantissimus, cum libenter, tum diligenter efficiet . Vale . Venetijs.

IACOBO . GRIFOLO

Romam .

41

QVOD tu, homo occupatus, prior ad me litteras misisti; hoc sane es affecutus, ut officij plus apud te residere confitear; illud assequi nequaquam potuisti, ut amoris plus, quam in me est, in te esse concedam . atque ego ne in officio quidem passus essem ut anteuerters, nisi me scribere cupientem non occupatio mea, quae tamen summa est, sed cura tuorum mandatorum impedisset . Scis, ante quam discederes, qua de re sermonem inter nos habuimus; cum tu, ut eam susciperem, a me petens, ostendisti, quantum & fidei, & diligentiae tribueres meae . in quo ego, opinionem tuam ne fallerem, operam dabam . itaque, te profecto, cum intelligerem quantum damni fecissem, adempta mihi tuae consuetudinis usura; cumq. id omnino litteris mittendis resarcire uellem; tamen, diem e die expectans, ut aliquid ad te de tuo negotio, cuiusmodi tu uelles, possem scribere, in maximo desiderio me sustinebam . nunc, quoniam eius rei ne uestigium quidem apparet in epistola tua; siue quod, a quo tempore discessisti, ut illud consilium abijceres, rationes tuae tulerunt; siue quod, eodem animo cum esses, committere tamen litteris nihil uoluisti,

luidi, quod elatum nocere tibi posset: puto me non incommode esse fecerum, si, quam tu rem in tuis litteris intactam omisisti, ego ut in meis silentio praetermittam. Quod scire uis, rerum mearum status hoc tempore qui sit: ne te multis morer, is est, quem reliquisti, paullo etiam melior, quam reliquisti. nam & domestica quaedam sanauimus; & eum, de cuius acerbitate queri solebam, ita facilitate quadam nostra, atque obsequio mitigauimus, ut paene dulcis esse uideatur. De Ciceronis editione, hoc de me spondeas, atque etiam in te recipias licet, ut, diligentia, confirmes, me non esse usurum multo minore, quam qui in hoc genere laudantur. haecenus confido fore ut praestem, & praestabo certe, nihil uera. mihi enim tantum non arrogo, neque arrogare deo, ut, quemadmodum scribis, eas sordes, quibus uerum scripta sunt foedata, putem omnes eluere possim. magni id esset ingenij, magni indicij: quibus ego rebus & indigeo, & si abundem, sine libris tamen antiquis nihil audeam. qui mihi sunt omnino multi, sed neque quot uellem, neque cuiusmodi. coniecturae autem, intellexi, & didici, quam saepe sint fallaces. neque bonos libros ulla magis labe inquinauit. quibus nunc in ueterem splendorem, atque integritatem restituendis, plurimum mihi est negotij, & erit, ut puto, possum me multis: ut inde laudis materies deesse numquam possit. Te rogo, ut, antiquiorem librum scribi istuc esse rescineris, si prece ipse, aut pretio non petes, aliorum auferas gratia. Litteras autem, quam ualde de me amas, tam saepe mittes. nam & otij puto te habere, quantum uelis; & argumentum Romae nunti

uenti deesse non potest . mihi utrumque minus est . magnis enim districtus occupationibus , temporis ad scribendum non habeo satis , argumentum autem unde sumam , cum omnium , qui hic sumus , ea ratio sit , ut , rerum nouarum si quid alicunde ad nos affluxit , de eo nec scribere , nec loqui sine graui periculo possimus ? Relinquitur , ut priuatis de rebus possim scribere . sed hoc quoque genus uereor ne me deficiat . raro enim solet accidere , quod descriptione dignum sit . Quapropter , quoties ita eueniet , ut a negotijs liceat discedere ; properabo statim ad epistolas . quod eo libentius faciam , si tu mihi sententiam scribendi aliquam dabis : sin minus , inanes tamen potius , quam nullas , mitam . Vale . Venetijs .

HANNIBALI . CRUCEIO

Mediolanum .

42

AMORIS in Octavianum Ferrarium mei causae sunt ueteres sane multae , eaeq. non leues , sed recens haec est grauissima , quod eius opera uideo factum esse , ut tu me amares . quod ego , non possum satis explicare , quanti faciam . certe optatius nihil , ac ne utilius quidem potuit accidere . nam me molestae quaedam cogitationes exercebant . eae fecerant , ut subtristis essem . hoc malum Ferrarij litterae sanarunt . eas enim legens , cum uenissem ad eum locum , ubi ille , quam tu me diligas , quamq. diligere a me cupias , diligenter & officiose narrat ; sensi mihi quiddam instillari , quo plane sum exhilaratus . adeo tui similitum amicitijs augeri gratum est . in qua commoditate incommodum tamen illud

illud inest, quod mihi ualde sentio esse laborandum, ut
 beneuolentia, & opinione de me tua non indignum me
 praestem. quod utinam possim efficere: conabor. certe:
 ac ne despero quidem fore, ut efficiam, modo, quod
 tu iudicium de me habes, id eiusmodi ne sit, ut ego ei
 respondere nullo pacto possim. nam mihi interdum ue-
 nit in mentem uereri, ne tu me, Ferrarij praedicatione
 commotus, eum existimes esse, qui non sum. mendax,
 mi Crucei, amor est; nosq. saepissime ita solet afficere,
 ut in sermone, prout amicorum e re est, & affingere
 falsa, & detrahare uera, religio non sit. quare Ferra-
 rium, cum de me loquitur, non est quod audias. amore
 uictus, cui repugnare iudicio non uult, ea dicit, quae
 fortasse non sentit. At idem de tua uirtute multa in
 suis litteris. habes igitur, dices, ei fidem, cui haberi a
 me non uis? habeo, & quidem maximam. mittit
 enim ingenij tui monumenta, quae mihi de tuis laudi-
 bus, ut ille scribit, ita esse probant. Memorem igitur
 interea me uelim existimes humanitatis tuae. gratum
 cognosces, cum facultas erit. ac uideo me tua causa
 non eas res praestare posse, quas uellem; sed, quas
 possum, ita uolo, ut omnes, sine ulla exceptione, li-
 benter ad te deferam. licet ijs arbitrato utaris, atque
 etiam abutaris tuo. Vale. Venetijs.

ANTONIO. MERLO

Vicetiam.

43

Ego quoque quiddam inaudieram superioribus
 diebus, sed contempsit. nunc me mouet, quod audies.
 Artibus effectum nescio quorum, (de Petro nostro
 certe

certe uix opinor : uix , autem ? prorsus non opinor)
 ut hic rumor serpat longius . primum haec uulgo iacta
 ta : ferebam : post etiam ad Cardinalis aures peruene-
 runt : quod mihi accidit molestissimum : nec dubito ,
 quin is iam non idem sit . quod si ille eadem cum Epif-
 copo , cuius ingenium praeclare noui , communicauerit :
 actum est . Me quidem & illa angit cura , quod uereor
 ne fama diffluat , & Perusina condicio , satis opima ,
 satis honorifica , fortasse in dubium uocetur . Cornelius
 rem curat diligenter , ut uideo , fide certe , & amore
 singulari . In hac sum sententia : si spes non dubia , ut
 urgeamus ; sin , desistamus ab incepto : ne cupiditatem
 nostram sine fructu , fortasse etiam cum aliqua merce
 de , prodamus . Mitto ad te Gratij poema de Venatio-
 ne , paullo durius , nec omnino cum Petri Bargaei car-
 mine conferendum , qui hoc argumentum sex libris non
 minus eleganter , quam copiose , persecutus est . Vale .
 Venetijs .

MICHAELI . SOPHIANO

Patauium .

44

SI nostrae necessitudinis initia repetas ; nemo , opi-
 nor , istic est , qui mihi uetustate praestet . sin apud te
 uetustas pondus non habet ; ipsam per se beneuolen-
 tiam pendis : ne sic quidem iure mihi quemquam ante-
 pones . Ego te primum , cum abesses , memoria colui
 diligentissime , tuumq . nomen crebris usurpatum ser-
 monibus ornari laudibus , quantum in me fuit : deinde ,
 cum de auunculo tuo , uiro optimo , tuiq . amanti-
 simo , miserrimam in seruitutem a barbaris gentibus
 abieci

abrepto, cognouissem, ingemui saepe tua caussa,
 quem, orbatum domestico praesidio, maximas in dif-
 ficultates immerentem fortuna conijceret. posiremo,
 cum Patauium te aliquando retulisses, ualerudine ita
 perdita, ut humana uix ope restitui posse uideretur;
 quam id moleste, quam acerbe tulerim, testes sunt com-
 munes amici, quibus & periculum tuum, & eodem
 tempore dolorem meum dolori fuisse certo scio. Veni
 Patauium aliquanto post: uidi te, quem optabam po-
 tius quam sperabam, habitu corporis non illo quidem
 optimo, eo tamen, qui uitae spem minime dubiam af-
 ferret. deinde quotidie meliora, accedente ad remedia
 medicorum temperantia tua: quam ita laudant o-
 mnes, ut in studijs tamen paullulum eam desiderent.
 quo de genere praecipere quidquam difficile est, prae-
 sertim mihi, qui cum ab eadem culpa longe non absim,
 tum etiam, nisi priores tibi partes in prudentia conce-
 dam, ignorare scilicet uidear utrumque nostrum. ue-
 rum tamen, cum te penitus philosophiae dedideris, ut
 eius praesidio fortunae tela depelleres; debes eam sequi
 ducem in actionibus tuis. quod si feceris; extrema ui-
 tabis, & omnem in medio laudem constitues. At me-
 diocritatem mens in suo munere non amat: progreditur
 enim meditando, & quo longius, eo iucundius. Vere:
 sed immoderatis rebus natura frangitur: & quamquã
 corpore mens dignitate praestet, utriusque tamen in-
 columitas ab utriusque pendet officio. ut herus impe-
 rat seruis, nec tamen eos negligit, sed consulit quatenus
 liceat, commodis eorum: idq. facit etiam sua caussa:
 tam diu enim herus est, quam diu habet quibus impe-
 ret:

ret: sic mens rationem corporis habeat aliquam, oportet. nam, si negligat eam sedem, in qua summus opifex illam constituit; primum faciet iniuste; deinde, corporis compagine, qua ipsa includitur, breui dissoluta, usum tractandae quaerendaeque uirtutis amittet, quod cum accurate uitandum omnibus est, ijs maxime, quorum & infirma ualetudo requietem quaerit, & ita uiget industria, ut mediocri etiam labore non mediocrem ipsis gloriam, ceteris utilitatem asferre possit. Cui porro ignota est uel ingenij tui, uel memoriae praestantia? quibus, non modo ut emineres in Graeca lingua, id quod omnes fatentur, sed ut, quacumque re proposita, peritissime disputes, facile consecutus es. itaque iure expetitur a nobilissimis uiris amicitia, & consuetudo tua: iure te diligunt ac laudant quicumque in Patauino gymnasio doctrinis liberalibus excellunt. quorum tu uirtute frueris, & illi uicissim tua, si ualebis: & ut ualeas, in te ipso magna ex parte situm iudicamus. obsequere igitur in tua salute multorum studijs: parce ualeitudini satis imbecillae, & quod libenter facis, da operam simul ut diutissime facias. ita gloriam tuam, laetitiam nostram, dignitatem etiam litterarum augebis; quibus ornamentum plurimum e tuis aliquando scriptis, si ualueris, accedet. Vale. Venetijs.

IO. BAPTISTAE. PIGNAE

Ferrariam.

45

ALFONSO Duce creato, gratulatus Ferrariae sum: quae tū ex noui Principis eximia uirtute fructus capiet

capiet egregios; tum ipsa quoque ad omnem uirtutem, eius, a quo regitur, exemplum secuta, diligentius incumbet. mores enim ciuitatis ex Principis moribus effinguntur, & ut ait Plato: QVAE apud eos, qui dominantur, studia uigent, eadem reliqui ciues amplectuntur, & colunt. Ergo florebunt in uestra ciuitate liberales disciplinae, ac debita iampridem ingenuis artibus praemia persoluentur. quod equidem tua potissimum causa, doctissime Pigna, magnopere gaudeo. nec enim dubitat quisquam, aut dubitari omnino potest, quin, quantum ingenio eruditione, iudicio, quantum etiam consilio uales, tantundem apud sapientissimum, optimumque Principem & auctoritate ualeas, & gratia. quod si, quam adhuc in cognoscenda, eandem posthac in ornanda uirtute industriam locabis: quis te uno felicior, quis omni laude praestantior? quod ut facias, ne monendus quidem es. nec enim te dissimilem esse tui uel natura tua, uel consuetudo, uel studia patiuntur. hoc igitur tecum agendum non est. illa me potius, ut uere dicam, & simul omnes, qui te diligunt, cura sollicitat, ne te nobis eripiant prorsus aulica negotia, sic, ut, ijs disciplinis, quarum usus aeternum decus parit, salute dicta, iacere patiaris. ea, quae multis ante mensibus instituta si quando perficias, maiorem in modum & posteris, & gloriae tuae seruias. quam multos enim egisse mecum diligenter existimas, ut hortarer te ad absoluendam poeticæ imitationis artem, aut, si absolutam habes, continuo diuulgandam? quibus ut aliquando satis facias, etsi languere te in tua laude nix opinor, tamen peto abs te, quantum

quantum humanitas tua permittit . nec tamen , etiam si tua res non ageretur , amicitiam nostram , quam ego sanctissime semper colui , nihil a te impetraturam considerem . equidem nihil ei denegarem : idq. te , quod tamen secundissimis rebus , ac sine molestia tua fiat , cupio experiri . Ego me ad litteras , a quibus inuitus discesseram , reuocare coepi , adeptus usum oculorum , quem antea desperabam , diuina primum ope , in qua statuere omnia cōsueui , deinde Gabrielis Falloppij scientia singulari : cui viro , quanti hanc lucis usuram , id est quanti uitam facio , quanti etiam praeclara litterarum studia mihi sunt , quibus uix ipsa uita pluris est , uni plane totum acceptum retero . siquidem eius doctrina , humanitas , exquisita cura pristinam mihi ualitudinem , omnino profligatam , ac perditam , conspectum liberorum meorum , amicorum colloquia , librorum suauitatem restituit : ut , si quam optimis artibus industria nostra fructum feret , ei gratiae debeantur , cuius ope , ac studio factum est , ut intermissam diuturno , ac perdifficili morbo posteritatis adiuuandae consuetudinem aliquando repeterem . Tu mihi de tuo statu , maximeq. de Alfonso Ducis conatibus egregijs ad honestandam uirtutem , de quibus fama iam percrebuit , si quid significaueris ; argumentum erit amoris in me tui , quo laetari uehementer soleo . Vale . Venetijs .

IOANNI . SAMBVCO

Patauium.

46

QVO D fratrem tuum Georgium Bona , florenti adhuc aetate exstinctum , immoderate luges ; ignosco
maerori

maerori tuo, nec tamen laudem tribuo. dolere enim
fratris interitum, & eius fratris, quo nemo amabilior,
nemo fuerit uirtute praestantior, hominis est: modum
autem dolori nullum constituere, numquam lacrimis
abstinere, numquam ex animo maestitiam pellere,
Sambuci non est. Perijt frater: iure commoueris:
aegre enim diuellimur a natura coniunctis: quod ego
quoque sum expertus. Perijt is, qui familiam uestram,
qui patriam, qui provinciam uniuersam ornare uehe-
menter suis laudibus, & illustrare poterat. hoc qui-
dem expectandum ab eius uirtute fuit: sed magnam
habet Fortuna uim: ea saepe, nobis ad eximiam lau-
dem contendentibus, transuersa incurrit, saepe nostra
studia debilitat, saepe moratur industriam. quo de
genere quid ego te doceam, doctissimum uirum, cui
prope infinitam exemplorum uim uel Graeca monu-
menta, uel etiam Latina suppeditant? florem igitur uir-
tutis amemus: erepto ante maturitatem fructu, quan-
do hoc singulare non est, sed commune cum multis,
modice feramus. Quid, si ne dolendum quidem est?
omitto enim historias, ad philosophiam te uoco. Quid
igitur illa praecipit? si quid casus afferat, leniter acci-
piendum: nec enim, ut aliter accidat, in nobis est: si
quid culpa contractum, angustae aequum esse: certe enim,
qui ad praeclare agendum nati simus, ideoque mente,
& ratione, praeter ceteros animantes, instructi, tan-
tis bonis abuti, & quasi a natura desciscere turpissi-
mum est. An tu igitur, mori, quasi aliquid turpe,
reprehendes? quod si non turpe, nec dolendum. nisi
si quis ita uixerit, ut nihil umquam homine dignum

Q pra-

praestiterit . quod abest longissime a fratre tuo : qui probitate , ingenio , studijs artium optimarum , prudentia etiam adolescens ita excelluit , ut eum Pannonia paene cuncta uiuentem unice dilexerit , mortuum laudibus , & memoria prosequatur . Quae cum tibi ueniunt in mentem ; iniquus profecto nimis in te ipsum es , nisi luctum minuis , & ex animo dolorem penitus euellis . Quin te decuit maxime , qui totos dies ponas in ijs libris , unde uitae moderatio unde animi tranquillitas petitur , ad propinquos , ad amicos in Pannoniam eiusmodi litteras mittere , in quibus illi sitam esse non minimam sui doloris medicinam intelligerent . nam uir eximius , Nicolaus Olabus , Archiepiscopus Strigoniensis , qui Georgium , & quia sorore sua natus erat , & quod in eo summa uirtus enituit , in oculis gestabat , non dubito quin tanti uulneris remedia sumat a se ipso : quem non modo aetas , & usus maximarum rerum erudierit , uerum etiam prudentia quaedam naturalis , quae plane uincit omnem artem , numquam a constantia discedere patiatur . Nec tamen uereor , ut , qui mihi paucis ante mensibus in filioli mei obitu consolationem adhibueris ; idem tibi in tuo casu mederi aliquādo non facile possis . quod si facies ; fructus apparebit studiorum tuorum ; & Georgij fratrem agnoscemus ; cuius ingenium , ac mirificam prudentiam oratio illa , luculenter in primis a te scripta , declarat . Vale . Venetijs .

✱ , Patauium .

47

PERCVSSISTI me de Mariano Lezentio :
quid

quid ais? optimus adolescens, maiorum nobilitate,
sua uirtute clarus, omnibus animi, corporis, fortunae
bonis ornatus, ereptus repente nobis est? o miseram
humanae uitae condicionem. quid ames, cum omnia
fluere, ac labi, nihil intra orbem Lunae firmum esse,
nihil idem a mane ad uesperam, quotidie cernas? quae
te arbitrabar antea cognouisse in sermonibus Reginal-
di Poli Cardinalis, & Aloysii Prioli, quibus probio-
res, aut sapientiores uiros non modo nostra, sed nec
superior aetas tulit: nunc, quando te biduum scribis
lacrumando consumpsisse, profecto tibi exciderunt illa
praeclara de contemptu mortis, quibus in illo diuino
contubernio, in illo plane caelestium animorum coetu
aures tuae saepissime personabant. Quod si, quid do-
leas, cogitabis, aut quid dolendo proficias: non du-
bito quin istum luctum abstergas, & Lezentio nostro
etiam gratuleris, quod, inspecto Hierosolymae summi
Dei monumento, quo illum, dissuadentibus amicis,
pietas, & religio duxerat, statim ad eiusdem Dei con-
spectum, praeditus optima mēte, purus ab omni labe,
in caelum euolarit. quod qui optant, sapientes; qui
adipiscuntur, felices iure ducuntur. Haec tibi a me
pauca pro nostra necessitudine consolationis loco dicta
si attendes, uim habere maximam senties, & eam
dolori tuo medicinam, quam dies aliquando afferet,
ratione repraesentabis. quod cum omnes deceat, tum
uero ab excultis doctrina uiris, quem te ad numerum
aggregamus, praecipue postulatur. Vale. Venetijs.

LAVRENTIO . GAMBARAE

Ciliuerge.

48

CILIVERGE numquam uideram , amabam
 tamen , amoenitate sua iucundissimum , domino hone-
 stissimum , I. anterio Appiano , praestanti uiro non hu-
 manitate minus , quam eloquētia : nunc et elegantiam
 uillae , ut in tabula pictam , in tuis uersibus uidi ; &
 melberecule non mediocri eius uisendae , atq. etiam tecū
 fruendae studio sum incensus . quod si quādo contigerit ,
 digito caelum attingam . quid enim isto otio beatius ?
 quae species urbis , quae dignitas cum ista rusticatione ,
 cum ista surgentium uirgultorum siluula conferri pos-
 sit ? equidem , cum te mihi ante oculos pono , modo
 inter angustis distincta semitis fructeta declini colle spa-
 tiantem , modo arborum proceritatem , atque ordinem
 in uiridario mirantem , eadem p. aene uoluptate absens
 tecum fruor , coniungit enim animos nostros mutua be-
 neuolentia ; nec est aut tibi quidquam sine me , aut mi-
 hi sine te iucundum . gratulor tamen tibi potius , quam
 mihi , & istos Ciliuergenses dies ita multorum anno-
 rum instar esse puto , si modo nec otiosus in otio , nec
 in solitudine solus es . id autē qua ratione consequi pos-
 sis , opinor me tacente intelligis . Patauij dum eras ,
 habebas in manibus egregium illud poema de nouis in-
 sulis a Columbo inuentis : cuius ego cum exordium ,
 multis praesentibus , legissem , admiratus grauitatem ,
 & elegantiam carminis , exclamaui , Cedite Romani .
 in quo , adhuc , qui a me dissentiret , inueni neminem ,
 quo magis te hortor , quam : quam , ut spero , currentem ,

ut

ut appropere, habeasq. rationem non exspectationis modo nostrae, uerum etiam gloriae tuae, cuius habes a natura praeclarum seminarium, quod etiam studio excolis, ingenium tuum. Urge igitur, nec institutum dimitte: quodq. adhuc humanissime fecisti, in eo perge, ut nostrum tui absentis desiderium litteris aliquando lenias. Vale. Patauij.

LAZARO. BONAMICO

Patauium.

49

Ego uero & audiui de tuo casu, & tuam uicem mirifice, neque minus publicam dolui: ueritus enim sum, ne tecum simul litterae concidissent. nunc, quando te iam ambulare scribis, ita tamen, ut scipione utaris; gaudeo, eoq. magis, quod in ista aetate morbi diuturnitatem pertimueram. sed, quia non plane animum meum liberas a cura, cum pristinas uires nondum recuperaueris, rogo te, Bonamice, quanti optima studia facis, quae tibi facienda sunt plurimi; quandoquidem ab ys tuae laudes emanarunt; tantum adhibe in te curando diligentiam. uides enim, neminem fere esse, qui, si quid tibi acciderit humanitus, rudem barbariē a Latinae linguae finibus arcere possit. Plautum a me emendatum, quem a me petis, dabo operam ut cum his ad te litteris mittam: sed, ut eum in multiplici meorum librorum congerie statim reperiam, sperare nix audio. Ego, ut scis, hanc satis grauem prouinciā suscepī. tenui condicione, inquires. fateor; sed ne tua quidem, si tuarum uirtutum merita spectentur, satis opima. quid agas? his temporibus anguste uirtus habitat.

L 3

bitat.

bitat. bene tamen de suis ciuibus mereri, praectarum est. Vale. Venerijs.

GVLIELMO. PACCIO

Patauium.

50

SILENTII mei, quo tecum diu satis usus sum, non exponam hic tibi caussam pluribus uerbis: ne si id faciam, uidear & tibi ipsi, qui nihil adhuc ad me scripsisti eandem quasi legem imponere. itaque hanc partem praetermittam: in qua si peccatum est, utriusque certe est. ego autem spero me posthac & beneuolentiam tibi meam, & diligentiam hoc genere officij probaturum: modo ne litteras elegantes, quales uidelicet Tatanij, a summis ingenijs elaboratae, tibi ostenduntur, a me exspectes. ita scribam, non modo ut quod in mentem, sed plane quidquid in buccam uenerit, in epistolam conijciam. non enim is sum, qui unumquodque uerbum ad trutinam, ut dicitur, reuocare uel soleam, uel possim. aliorum ista superstitio sit, mea quidem non erit, praesertim in epistolis: quae si, ut ait ille, nihil habent simile neque iudicio, neque concioni; quid refert, utrum dichoraeo conclusus, an aliter, uerborum ambitus insistant? Splendidior, inquiunt, nec paullo aptior ad mouendum, si numerosius desinat, oratio uidetur. Recte: nec ego secus existimo: uerum, quem tu tanti facis, eum ego magistrum sequor. quid igitur ille? EPISTOLAE. NOSTRAE DEBENT. INTERDVM. ALVCINARI. nempe, quod ijs negligentia quaedam, cum ad familiares scribitur, etiam ornamento sit. Ita igitur tecum
agam,

agam, ut si essemus una: & quemadmodum praesentes quacumque de re sermones familiariter serere solemus; sic in scribendo, nulla certa proposita sententia, libertatem illam, & quasi negligentiam imitabor. quod si reprehenderis, tacitum non feres. praestat enim male scribere, quam omnino, quod a te fieri uideo, nihil scribere: cum hoc uoluntatis fortasse uitium sit, illud ingenij, quod ipsi nobis fingere non possumus. Vale. Venetijs, *MDXXIII*, pridie id. Iun. qui mihi primus dies est anni *XXI*.

PAVLO. MAGNULO

Patauium.

51

Cum me uides praeter institutum meum litteras ad te non tam saepe, quam solebam, mittere; nimirum, etiam me tacente, quam sim occupatus, intelligis. Ternas te dedisse scribis. omnes accepi: nihil amabilius: his autem recentioribus etiam nihil elegantius. sic enim censeo, recte eum, & Latine scribere, non qui pauca multis, sed qui multa paucis. quo ego in genere aliquando posse cupio, tu, ut uideo, iam potes. tribus enim uersiculis quid non complecteris? tuam narras in scribendo diligentiam, meam obiurgas negligentiam: de meorum librorum instauratione recte me admones, de tuorum uenditione aperte. denique otiosi nihil est: sententiae numero prope, quot uerba: ut mihi, quemadmodum promiseras, argumentum satis superq. dederis. Sed meae cessationis causam, ut dixi, conijcis ipse per te. libros autem meos, prope adest, cum editurus sum. de tuis egi diligenter, & ago. si

R 4

quaeris,

quaeris, quid profecerim: nihil adhuc: sed spem non abieci. quamquam incredibile est, quam difficile sit ab istis pecuniam exprimere. quem euentum res habitura sit, ignoro: a me nihil omittitur, quo minus & ex sententia conficiatur, & quamcitissime. Vale. Venerijs.

E I D E M, Patauium. 52

PVTASTI fore, ut ego te abeuntem litteris prosequerer? non tu id quidem umquam. conuenerat enim, ut argumentum a te exspectarem. argumentum igitur potest exspectare meus in te amor? quo nihil uberius nec est, nec umquam fuit. itaque statim, ubi tu profectus es, cum me repentina quaedam uoluntas excitasset, arripui calamum, neque sum ueritus, ut me scribentem sententia deficeret. hui, quam multa iam nunc mihi ueniunt in mentem. sunt, quae possim scribere, leuitates amatoriae. quorsum, inquis? mecum habeo: neque tibi, neque cuiquam edam. uolo enim parcere amicitiae, qua mihi sunt coniuncti, qui tam suauiter, ut ipsi putant, uiuunt; ut ego sentio, delirant. sunt item *οἰκονομικὰ* quaedam, & militaria munera populo data, taurorum uenationes, saltatorum lusus, personatorum ineptiae. quid quaeris? sexcenta: quae mihi, & beneuolentia nostra suppeditat, & familiaritas permittit ut scribam. quia tamen leuiores sent, omitto, ne grauem philosophum offendam. Porro, de meis rebus quod exspectes, nihil est. mutationem nullam fecerunt a discessu tuo. De te, quae scire uelim; haec sunt, quo modo te redeuntem amici illi tui, libri scilicet, acceperint, num eo ipso die ad eorum consuetudinem

suetudinem te dederis; an potius, dum haec bacchatio-
nes deferuescant, in hortis cum Epicuro, quam in gy-
mnasio cum Aristotele, uelis uiuere. Et, cum haec
scripseris, adde uerbum, si me amas, de pugiunculo illo
tuo: quo ego te impeditum, & alligatum ense cum ui-
di discedere, non tenui risum. ac uolui pungere te di-
cto; sed ueritus sum, ne tu ruslice me gladio. Epistolam
habes iocationis plenam: qua te esse delectatum cogno-
uero, si miseris ipse plenior. Vale.

E I D E M, Patauium. 53

NON facile dixerim, plus ne uoluptatis, an dolo-
ris ex epistola tua suscepim. est enim mihi gratissi-
mum, cum & me a te amari, & te amore in te meo de-
lectari perspicio. ex quo fit, ut litteras tuas, beneuo-
lentiae plenissimas, & officij, incundissime legam. Cum
uero te uel angere uideo, uel aliquid triste cogitare; sic af-
ficior, ut acerbissime me uiuam. sed utinam, quanti ego
consilium tuum semper feci, tanti item ipse meum fe-
cisses. profecto in has molestias, in quibus hodie uersa-
ris, non incidisses. At, inquires, illa perpeti malum erat.
Malum, nisi, istos ferre, longe peius sit: quorum qui-
dem iniurias tum ex eorum, qui istinc ueniunt, sermo-
nibus; tum ex litteris tuis facile cognoui. Quae quo
magis intolerabilia sunt, eo clarius tuae prudentiae lu-
men ostendas oportet: neque committas, ut inuido-
rum, maleuolorumq. peruersitas plus apud te quam
existimationis tuae ratio, ualuisse videatur. Quam-
quam ego, cum haec scribebam, satis intelligebam, quis
ad quem: sed amorem meum, qui tibi praesenti per-

ff. 2. 13

speciosissimus fuisset; etiā apud absentem, quoquo modo
 licuit, testatum esse cupiebam. Atq. hoc loco mihi ue-
 niunt in mentem, quae tibi proficiscenti futura prae-
 dixerim. quae ego, non aliquam somniorum imaginem,
 aut alitis cantum secutus, augurabar: sed, quod istius-
 modi hominum naturae plus etiam, quam uellem, ex-
 ploratae mihi erant, iccirco, ne illa acciderent, quae
 nunc euenisse audio, timebam. Sed uteris, ut spero,
 fortitudine animi tui: Et, quae iniqui ad ignominiam
 tuam comminiscuntur, ita feres, ut non solum in uete-
 re optimorum studiorum cursu, fractus animo, ne con-
 sistas, sed uehementius etiam uerae gloriae cupiditate
 incitatus, propositum tibi decus assequare. Me in o-
 mni fortuna tui amantissimum, tuaeq. laudis fauto-
 rem, atque adeo, quantum in me erit, amplificatorem,
 habebis. Kale. Venetijs.

SEBASTIANO. LEONI
 CORDVBENSI

Romam.

54

ROMAE te nunc esse, in ea urbe, ubi multorum
 amorem, ac studium tua tibi iam antea uirtus peperit,
 tantum abest, ut doleam, ut etiam summe gratuler.
 nec enim dubito, quin sedem studijs tuis non modo com-
 modam, uerum etiam honorificam, adnitentibus ami-
 cis tuis, facillime consequaris. Me quoque, ut ille in-
 quit, mirum desiderium tenet urbis: uerum aduersan-
 tur multa: quae si Deus aliquando sustulerit, accur-
 ram statim ad uos, ea spe, ut in uestra beneuolentia, in
 consuetudine, ac sermone conquiescam. Saluta inter i n
 amicos,

amicos, Octavianum nostrum, Sirletum, Gyllium, Phaer-
num. nam Episcopum Allifanum abesse audio. Ni-
colaus Nathanaelus, egregie moratus adolescens, ma-
gnos in Latinis litteris processus a discessu tuo fecit. is
cum mihi per se carus est, tum eo magis, quod de te sae-
pe loquitur amantissime, tuamque erga se, patremque
suum, insigni probitate, atque doctrina uirum, perpe-
tuam benignitatem sic in ore habet, ut in eius memo-
riam numquam sinat intermitteri. Vale. Venetijs.

SILVESTRO ALDO-
BRANDINO

55

IN IIS litteris, quas ad Angulum nostrum
xvi. Kal. Sext. dedisti, ualde mihi scripta urbane ui-
sa est illa pars, in qua nescio quid de me per iocum, sed
cum quadam tamen amoris nota significasti. gaudeo,
me tibi usque eo esse familiarem, ut etiam facetijs la-
cessas: quo in genere si perges, gratiam referemus: ne
tu homo ingeniosus nos tardiores impune commoueris.
mihi cum amico tuo recte conuenit. doctum hominem
cognoui, bonum uirum esse audio. haec cum sunt in
hominibus transalpinis, amorem conciliant: quanto
magis in nostris? At in litteris aliquando dissensimus.
ego uero non nihil etiam a parente meo: neque tamen
parentis manibus eam, quam debeo, pietatem minus
praesto. opinionum enim dissimilitudo tantum abest
a similitudine, ut saepissime, non modo qui sententia dif-
crepant, in amore consentiant; sed etiam, qui simulta-
tem exercent, iudicio congruant. Quare amoue istam
ex animo tuo suspicionem, neque cum illo ita crede esse
recon-

reconciliatum, ut posthac ab eo, etiam si dissentendi causa sit, dissentire tamen nolim. Hic, ut in tantis caloribus, non iniucunde vivimus: urbis mirifica elegantia: caeli summa salubritas: si quando aestus maior est, quam ut ferre possimus, confugimus ad aquas: innixi utribus inflatis, remoto loco, nos inter nos ludibundi flumina perambulamus. quid quaeris? si te haberemus, ad summam voluptatem nihil deerat. sed animus tamen meus, quem tu, credo, cantionibus quibusdam tibi addixisti, pervolat magna spatia terrarum, & te insciente, saepe tecum est. itaque non ego prorsus te careo: nam, si minus sermone, ad speculum certe tuo fruor, dum de te cogito. quod si aliquando contigerit, ut etiam sermone possim; nae ego colloquutionum nostrarum fructum, intervallo temporis amissum, ita repetam, ut ne studiis quidem parcam tuis. in quibus audio te post nostrum discessum magna quaedam effecisse. Caput etiam illud litterarum tuarum Cardinalis Accoltus mihi ostendit: in quo ita scriptum est, paginas te circiter octingentas iam implevisse commentationibus ijs, quas in Pandectarum libros texis. puto magni laboris esse, magna eq. difficultatis: sed, si considerabis, quae tibi praemia proposita sint; vinces omnia. petis immortalitatem; quam multi sequuntur, tu iam paene manibus apprehensam tenes. Vale.

EPISTO-

EPISTOLARVM
PAVLLI. MANVTII
LIBER. QVINCTVS

Scripsit hanc, liberalium disci-
plinarum nomine,

PIO. IV. PONTIFICE
CREATO.

CVM tibi, Pontifex optime, ad istam
dignitatem nuper diuinitus elato, qua
sublimius aut praestantius inter homi-
nes nihil est, mortales quamplurimi,
alii absentes litteris & nunciis, alii coram uultu &
uerbis gratulentur: non dubitamus, quin nos quoque,
altrices tuas, in maximo gratulantium numero ad
tuos sanctissimos pedes officiose proiectas, excipias, &
eo benignius, quod alii, quia peruenisti ad eum finem,
infra quem ceteri fines sunt, gratulantur; nos autem,
quia scilicet, ut peruenire posses, ipsae perfecimus.
Non est ad gloriam lata quaedam, & communis uia.
perangusta fuit semita, paucorumq. notata uestigijs,
qua ierunt & herores illi ueteres, in Christiana militia
fortissimi uiri; & maxime quidem omnium, patrum
nostrorum memoria, Pius ille Pontifex, cuius tu no-
men, in eadem sede merito collocatus, & cum nomi-
ne uirtutem refers. in istam olim semitam, ferentem
ad aeternum decus, nos te puerum adhuc, sed puerum
praeclara

praeclara cupientem , manu prehensum duximus : ne
 ue quis te error auertere , ne qua morari posset offensio ,
 cupide procedenti quasi lumen praetulimus . confe-
 ctum iam iter est : ultra , quo progrediaris , non habes .
 inter te , & opificem aeternum , cuius ministrae nos
 sumus , nulla iam interiacent humana . quare , quo-
 niam eo te perduximus , quo sine nobis peruenire feli-
 citatis non est ; & quando de longa uia ita fessis esse
 intelligis , ut consistere uix possimus ; redde praemium
 bene merentibus ; & permitte nobis , ut in tua bene-
 ficentia nixae conquiescamus . nam , si tibi Deus Opt.
 Max. hoc elargitus est , ut in omni tua uita , praeter
 rectum & honestum , nihil spectares : quis te laudabi-
 liter antea cogitasse probauerit , nisi nunc , cum est ad
 uoluntatem adiuncta facultas , id ipsum , quod cogita-
 sti , re perficias ? si te ambitio delectaret , proponere-
 mus illa inania , quibus ij , qui ex hominum sermoni-
 bus pendent , excitari solent : fore , si nos iacentes ere-
 xeris , ut orbem terrarum tui nominis fama peruage-
 tur : ut oratorum & poetarum de te praedicantium
 uocibus aures tuae personent : denique , ut imaginem
 tuarum uirtutum , aeternis excellentium uirorum scri-
 ptis expressam , ipsa posteritas intuens , cupiat imita-
 ri . speciosa ista uidentur : & sunt omnino : sed a splen-
 dore tamen uerae laudis absunt . nam , recte facere ,
 non ex ijs , quae consequuntur , sed ipsum per se sapienti-
 bus uiris amabile uidetur . qui cum innocenter san-
 cteq. uiuunt ; minime illi quidem de praemijs cogitant ;
 ne probitas mercenaria uideatur ; aut , si cogitant , non
 ad haec humana , quae sunt locorum & temporum
 angustis

angustis sane terminis circumscripta, oculos demittunt; sed ad illa diuina suspicientes, beatam immortalēq. uitam & expetunt unam, & unam expetendam esse persuasum habent. hoc tu semper institutum probasti: probauit Paulus ille I I I, omnium saeculorum memoria celebrandus: qui de humano genere uel hoc potissimum nomine optime meritus existimatur, quia in suo Pontificatu effecit, ut tu Pontifex esse posses: probarunt, hodieq. probant sodales olim aliquot tui: quorum alij, non, ut uulgo uocantur, mortui, sed, ut sapientes proprie loquuntur, mortali uita liberati, nunc incolae caeli, Deoq. fruētes, non tam quia te Pontificem intuentur, gaudent, quam quia facturum ea prospiciunt, quae sunt optimo Pontifice dignissima: alij uero, nondum sane ab hac terrestri materia discreti, aut simplicem naturam assecuti, sed ita tamen in terris commorantes, ut bonitate simplices animos referant, non dubitamus, quin tibi nostram caussam unanimes commendent; & eo studiosius, quod, & ipsi alumni nostri cum sint, officio non solum laudabili, uerum etiam debito fungentur. satis iam exagitatae, satis inopiam & solitudinem passae, ab omnibus fere Principibus neglectae, supplices ad te confugimus: quid petentes? honestum otium: a quo petentes? a Pio Pontifice. Pius ne ille noster, cuius animum ac mentem saluberrimis praeceptis ad omnem laudem conformauimus, atque effinximus; cui comites in omni aetate, atque in omni fortuna non solum iucundae, sed etiam perhonorificae fuimus; qui ut hoc tempore plus, quam omnes homines, prodesse nobis

nobis unus possit, id ipsam a nobis habet; is ne nos, aliquam tanti beneficij gratiam reposcentes, ab sese reijciet? non hoc illius natura, non doctrina, non consuetudo feret. Sint sane mutabiles eorum animi, neque satis in colenda uirtute sibi constent: sit enim saepe, ut uoluntates simul cum fortuna commutentur: in te, Pontifex optime, non cadit huius inconstantiae suspicio: tua est bene agendi perpetuitas: nihil in uita tua uarium, nihil flexibile, nihil mistum cognouimus: semper idem tibi, semper directum quiddam placuit, & simplex. non te rerum humanarum ficta & fucata forma, non illae, quibus plerique falluntur, insidiosae uoluptatum illecebrae ceperunt. non tu in tabula picta, inani colorum specie captus, oculis immobilibus haesisti. non sericam uestem, non argenteum uas, non aurata teeta paulo cupidius adspexisti. denique; ne singula persequamur; cum plerique hominum siue gratia, siue metu ab officio deducantur: numquam te uel ita gratia deleniuit, uel ita metus deterruit, ut pietatem religionemq. defereres. quid mirum? uirtutum radices non ita leuiter bonorum in animis inhaerent, ut eas euellere aut commodi spes, aut periculi dubitatio possit. quare tuae consuetudinis & constantiae memores non petimus a te, ut aliquid agas nostra caussa, quod cum egeris, non consentire cum tuis superioribus factis uideatur; sed id petimus; quod a te non modo ipsa res, sed etiam consuetudo tuo postulat; ut in uetere illo tuarum actionum laudabili cursu pergas. quod cum facies, (facturum enim, quia te nouimus, non dubitamus) complecteris nos eodem studio, quo ipsae

esse alii
suerant
perpetui

CAM

EPIS
nis, eademq.
nostre con
tis, uehem
nere mihi, e
monam et
alim existim
necognitus et
aligentius, q
neciorum, si
e, habenda
cognoceres, q
minus, delect
luntate mihi
am, cum illa
tum scripsi
ipse uero ut e
quam, fore
bonas uide
eristolae mi
sus etiam
nae culpa,
parer hoc m
si, non qua

ipsae te aluimus; & in eam locum restitues, unde nos
aduersariae nostrae, inscitia simul & auaritia, comi-
tes perpetuae, detruferunt. Vale.

CAMILLO. PALAEOTTO

Bononiam.

2

EPISTOLA tua, suauiter, & amanter in pri-
mis, eademq. elegantissime conscripta, memoriam mi-
hi nostrae consuetudinis, tuaeq. uirtutis, & humani-
tatis, uehementer auxit. non enim dicam, renouauit:
qui te mihi, & ea, quibus omnibus carus es, ex animo
numquam excidisse, uere possim affirmare. sic enim
uelim existimes, nihil umquam, a quo primum die mi-
hi cognitus es, aut cogitasse me iucundius, aut curasse
diligentius, quam ut me tui cupidissimum, tuorumq.
officiorum, si non referenda, quod opinor fieri uix pos-
se, habenda tamen gratia memorem, atque gratum
agnosceres, quod si sum assecutus, mirifice laetor: sin-
minus, delector tamen studio meo, & ipsa etiam uo-
luntate mihi, utinam tibi quoque, satisfacio. Equi-
dem, cum illa, quae te uideo animaduertisse, ad Mure-
tum scripsi, notum ei esse uolui iudicium de te meum:
ipse uero ut ea aliquando legeres, uel ut omnino quis-
quam, fore non putauit. Postea, cum a nonnullis,
bonas uidelicet horas male collocantibus, describi
epistolas meas audirem; ueritus, ne quando mendo-
sius etiam impressae, quam a me scriptae, uel negligen-
tiae culpa, uel fortasse etiam improbitatis, (late enim
patet hoc uitium) ederentur; collegi quas potui; emi-
si, non quas probauit maxime, (nam huius generis

R

inopia

inopia certe me ab omni prorsus edendi consilio reuocasset,) sed quas improbaui minime . ex eo numero fuit ea , quae de te loquitur, uel potius balbutit epistola . nam ea, quae tibi uel natura tribuit, uel adsciuuit industria, uix aut mihi liceat, aut ijs etiam, qui plurimum eloquentia ualent, non modo litteris familiari ter scriptis, sed nec elaborata oratio complecti . Quare non ego, mihi ut agas gratias, exspecto, quod te tamquam pictor bonus illustrauerim; sed potius, quod quasi decolorauerim, ut ignoscas, rogo . quod quidem, si te probe noui, impetrabo facile uel a sapientia tua, uel ab humanitate: quarum altera facit, ut ab una totus uirtute pendeas, de sermonibus hominum non labores; altera, ut nihil umquam a te non modo amici, & familiares, sed nec alieni frustra petant . Amoris in me tui, licet minime necessaria, periucunda tamen commemoratio fuit . cui quidem amori, uel si absint officia, deberem plurimum: quid putas, cum & accesserint iam merita non uulgaria, quae nulla mihi ex animo dies euellet, & ea tamen alijs cumulare ita studeas, ut in beneficio dando beneficium uidearis accipere? Vel hoc ipsum, quod me tam crebro, tam diligenter, tam amanter Bononiam inuitas, quantam habet significationem beneuolentiae tuae? quae si mihi omnia commoda omniaq. ornamenta, nihil tamen afferret, mihi crede, se ipsa carius, nihil, quo gaudeam, ac triumphem magis . Ad te uero, quem uidere ita cupio, ut cupiditate etiam tua uehementius incendar, noli dubitare, quin aduolem, cum primū per anni tempus, & , ut spero, per ualeitudinem licebit . nam frigore uires

inimicit
res reficue
eis, co loc
ut, abesse p
mus amicis
ego existim
e. sculis, q
me, nibu
congressum
Francisco
moris.

OCTA

AMOR in
immo acit, m
ad stans con
nem, ex int
sa, & comm
men credas,
pote non and
enquam, ca
affloritas &
tima adole
udio facile
imus, una
adine melio
fuisse aliq
diuino, qui
pues. quod

res imminutas tepor uernus, & caeli purioris adspic-
tus restituet. Interim, siquid scire uis de rationibus
meis, eo loco sunt, ut mihi, in summa animi aequi-
tate, abesse potius multa, quam deesse uideantur. Vi-
gemus amicis: quo nihil optabilius, excepta sapientia,
& ego existimo, & tu quoque, ut uideo, mecum sen-
tis. Oculis, quibus aegre diu fuit, nunc quidem utor
optime, uiribus autem corporis non pessime. reliqua
in congressum nostrum reseruabo. Vale, & propinquo
tuo Francisco Bononietto salutem a me plurimam.
Venetijs.

OCTAVIANO. FERRARIO

Mediolanum.

3

AMOR inter non mutuus, meaq. de tua uirtute
opinio facit, ut mihi nihil esse committendum putem,
quod a tuis consilijs abhorreat. itaque, licet dolorem
meum, ex interitu filij susceptum, ualde iam & ratio
ipsa, & communis condicionis recordatio leuaret; uix
tamen credas, quantum profecerint litterae tuae. An
ego te non audiam, cum ad animi uocor aequitatem?
te inquam, cuius mihi grata semper uoluntas, gravis
auctoritas & fuit, & esse debet: quem dilexi unice a
prima adolescentia, quem respondere in amore, ac
studio facile perspexi. quod utinam, quam diu seiuncti
fuimus, una uiuere licuisset: essem omnino tua consue-
tutine melior, & doctior; tu autem ex officijs meis
fortasse aliquam, ex beneuolentia certe in te mea non
dubito, quin maximam uoluptatem, laetitiamq. ce-
pisses. quod quando non contigit; usus essem, pro mea

R 2

quidem

quidem parte, litterarum bono; nisi me non tam occupatio mea, quam tuae uoletudinis infirmitas, cui laborem imponi mea causa nolui, a scribendo retardasset. nunc, si est, ut optime ualeas; quod ut credam, adducor non solum crebritate, uerum etiam subtilitate, atque elegantia epistolarum tuarum; gaudeo; quodq. habes ex animi tui sententia, id ut perenne, propriumq. sit, uehementer cupio. litteris, ut amissi temporis usura sarciantur, colloquemur interdum. nec deerit argumentum, si tibi placuerit idem, quod mihi, συμφορολογεῖν de studijs nostris, quibus uberius nihil est. Atque equidem, (ut a priuatis ad publica diuertam) quando χαρκτηρῆς tuus eiusmodi est, ut ab recentiorum philosophorum inquinato sermone longissime distet, auctor tibi sum, ut in scribendo totus haereas. nimium diu comprimis ea, quae selecta habes, quae scio quam sint praeclara, in omni genere doctrinae. ede, & auge utilitatem nostram cum gloria tua. nam hic liber, qui propediem exhibet, de disciplina encyclo, studia multorum accendet, quibus a te satisfieri aequum est. quam uero in eius libri editione diligentiam exiges, ea praestabitur, quatenus licebit. totum enim in uno me positum non esse, aut iam scis, aut mihi uelim credas affirmanti. Vale. Venetijs.

LAEVINO. TORRENTIO

Leodium.

4

SANE permolestum mihi, pro mea summa erga te beneuolentia, contigit, quod tuorum comitum, ut ais, importunitate factum sit, ut ueniendi ad nos susceptum

reptum antea consilium deposueris. nihil enim potest
 esse iucundius, quam tui suauitatem sermonis, tuamq.
 mirificam tum humanitatem, tum etiam doctrinam
 ex intervallo regustare. sed huius incommodi mole-
 stiam fere absterfit omnem scripta peramanter, atque
 adeo pereleganter epistola tua, quam mihi heri reddi-
 dit familiaris meus, idemq. tui studiosissimus, plane iu-
 uenis eruditus, Andreas Siluius. Oda uero in Piu Pon-
 tificem, quam epistolae adiunxeras, ita mihi placuit,
 nihil ut umquam legerim libentius, aequae libenter
 pauca. omnino, mi Laetine, cum ad omnem excellen-
 tiam, tum uero ad hoc scriptorum genus ingenio te
 natura finxit aptissimo. itaque nosce tua bona, poeti-
 camq. facultatem, si tuae gloriae consultum uis, ne
 dimitte. Carissimum quo die primum uidi, ut ederetur,
 optaui. idq. plane Cauchis adolescentibus, consilio tuo
 commotis, & communium studiorum, & sane ipso-
 rum etiam causa gaudeo. aliquid enim ad eos ex pa-
 terna laude redundabit, & aperietur fortasse aditus
 ad gratiam principis uiri, misso, ut mos est, libro cum
 eorum epistola. putabam fore, ut Romae liber edere-
 tur. si Venetijs malunt; nostra, quaecumque est, in-
 dustria non deerit: qua condicione, & quo tempore,
 scripsi ad optimum uirum, Octavianum Pantagathum.
 De Censorino, & Prudentio mox uidebimus. non
 enim tam facile, quod praestare non possum, soleo pro-
 mittere, quam, cum promisi, diligenter praestare.
 premor autem oneribus multis, quae sustinere cogor in
 aliquot menses: abijcere si uelim, nec honor meus,
 nec res domestica patietur. Quod reliquum est, amicus

in me tuum cupio conserues: quod erit humanitatis. ego, quod erit officij, te colam diligentissime, deq. ingenio tuo, de doctrina, de probitate quid sentiam, ut ipse aliquando intelligas, quod hic, mihi crede iam intelligunt multi, operam dabo. Vale, & Cauchos fratres, moribus, ac litteris ornatos, meo nomine saluere plurimum iube. Venetijs.

PETRO. MISCOVIO 5

QVOD a me postulari uidebatur, ut tibi, de studijs meis non pessime existimari, (sic enim audiebam) per litteras gratias agerem; in eo dedi operam, ne desiderari posset officium meum, atque equidem restitui nonnihil a principio cupiditati meae, ueritus, ne prudentis hominis non esset, ista dignitate, ista uirtute uirum, cui nullum a publico munere tempus uacet, appellare litteris: sed meam cunctationem uiri optimi, atque eruditissimi, Andreae Patricij, omnia de humanitate tua pollicentis, discussit oratio. Scripsi igitur ad te, non, ut tibi rescribendi onus imponerem, sed, ut, quoad possem, testificarer obseruantiam meam. quod si sum affecutus, & si tu, quantifaciam iudicium de me tuum, intelligis: ita laetor, quasi bona omnia contigerint, & cum hac mea uoluptate uix puto uoluptatem ullam posse conferri. Quod autem silentium etiam tuum excusas, & ea commemoras, quae te a scribendo antea retardauerunt: hoc equidem a te numquam exspectaui; a quo libenter legi meas litteras, de quo dubitare mihi non licuit, satis superq. habui: sed quo
exspe-

expectaui minus, eo scilicet magis agnosco, quae constanti omnium sermone praedicatur, benignitatem tuam. Gratulor autem, ut debeo, uehementer, & te a febre conualuisse, qua laborantem in reditu suo Patricius offendit, & exitiali illa lue prouinciam esse liberatam. Occupationes tuas puto, & audio grauissimas esse; sed leniores fiunt gloriae fructu, quem tu quotidie percipis, tuis debitum uirtutibus, amplissimum. Porro, quam sit homine dignum, de multis, ac, si fieri possit, de toto hominum genere bene mereri, quid ego te doceam, nihil, quod ad honestum pertineat, ignorantem, quem ita semper ad decus natura impellit, ut omnia tamen consilia, omnes actiones ratio, & sapientia moderetur? Quare, istis curis, istis laboribus, quos esse tuae laudis segetem, ac materiam uideo, ignosce, obsecro, Misconi humanissime, si te sero admodum cupio liberari. nam, quod ad studia litterarum attinet, id est, ad eum animi cultum, unde oritur artium ingenuarum praeclara cognitio; primum, cum tu habeas iam, quae petuntur a litteris, & cum eloquentia, doctrinaq. ex superiorum temporum uigilijs excellas; non intelligo ualde esse, cur labores: deinde, tanti ne putas librorum consuetudinem, aut ullum cum ulla doctrina commercium, quanti difficillimis temporibus, in summa bonorum, & sapientium ciuium inopia, requirenti consilium, operamq. tuam, patriae subuenire? quo in munere uersanti, non committam, ut longiore molestus epistola sim: & haec ipsa, fortasse nimis multa, amori largieris in te meo: cui dum obsequor, teq. alioqui praesentem uideor, obli. us occupa-

R 4 tionis

264 PAVLLI . MANVTII
tionis tuae, memor humanitatis, prouectus impruden-
ter sum . Vale . Venetijs .

ANDREAE . PATRICIO 6

MI . PATRICI, non te fugit, morosos esse, qui
amant. quo me uitio laborare non infitior. adspectu, &
consuetudine praesentium amicorum carere non pos-
sum . si absunt, igniculum desiderij ita non fero, ut
litteras ab ijs exigam potius, quam expectem . hinc
illae interdum, uacuae prorsus iracundia, quae abest
a natura mea, amoris plenissimae querellae . de qui-
bus audisse te aliquid gaudeo ; ut ego quoque in querel-
la tua mutuam erga me beneuolentiā, qua nihil habeo
carius, agnoscerem . quod equidem laetari te quoque
arbitror . quae enim humanitas tua est, certe totus
abesse non uis : nec eiusmodi tuum in discessu consi-
lium uidebatur : nec nos, qui te longinquum memoria
colimus, diligimus, laudamus, digni uidemur, qui-
bus nullam suauitatis, ingenijq. tui partem restituas .
Officium autem in rescribendo meum, non committam,
ut desideres ; nec desiderari antea passus essem, si litte-
ras tuas, a me uehementer expetitas, quas misisse te
significas, accepissem . Prouocassem etiam, mihi crede,
pro meo in te singulari studio, si uacassem, & si uaca-
re te ab ijs negotijs existimassem, quorum onera grauif-
sima, uigilantibus, & magna praeditis uirtute uiris,
idest, tui simillimis, imponi aequum est . Quod ais,
omnia te conferre ad dignitatem meam ; dupliciter
gaudeo, & quod me ames, (quamquam hoc antea
perspexeram,) & quod id ex officijs erga me tuis ho-
mines

mines intelligant: idq. non mediocriter ad existimationem meam statuo pertinere. Misconij quidem in beneuolentia, cuius habeo testem, refertam humanitatis, elegantissimam epistolam, scito me omnia ponere: eamque, ut uideor summo hominis beneficio consecutus, ita triumpho, quasi nihil iam aduersi a uirtutis aduersaria fortuna possit euenire. tibi autem, qui mihi ad amicitiam niri aditum patefecisti, gratias tuo fortasse merito pares habere possum, & habeo sane quammaximas, referre certo nullo modo possum, ac ne agere quidem: quod tamen humanitas tua non ferret; & si ferret, quae mihi unquam uerba, ab intimo licet artificio deprompta, satisfacerent? Vale. Venetijs.

STANISLAO.FOGELVETRIO

Patauium.

7

ME quoque torquet expectatio ✱ litterarum; de quo mihi, me quidem inuito, tamen aduersa quaedam amor fingit. nec enim adluci possum, ut oblitum nostri, aut parum in colendo officio diligentem existimem; qui & humanitate omnes uincat, & quatternas iam a me litteras acciperit. utinam ualeat, atque in illis negotiorum fluctibus utatur secundis uentis: reliqua feremus facile, eademq. absenti beneuolentia perpetuo praeſtabitur. Cum litteras Italicas meas ad te misi, nihil scripsi, ne tibi rescribendi, praesertim de re minima, onus imponerem. ac tu, gratiarum actione non contentus, etiam me laudandum putasti, & ijs quidem uerbis, nihil ut esse possit illustrius. in quo probaui uehementer elegantiam ingenij tui: in indicio,

cio, nisi me ipse diligam, desiderare aliquid cogor. aliquid autem? plane hoc totum, mi Fogeluetri, humanitati tuae tribuo: de qua tamen ipsa ualde te amo: ac uelim existimes, te mihi haerere in animo tum tua sane caussa, cui neminem probitate, ingenio, studio bonarum artium antepono, tum quod in uno te nonnullam Patricij, ac etiam imaginem uideor agnoscere. idq. tibi aliquando fortasse, Minerua, ut spero, non inuita probabo. Vale. Venetijs.

DIONYSIO . LAMBINO 8

NOLI existimare, mi Lambine, cum fructu consuetudinis tuae caream, quidquam mihi tuis epistolis esse iucundius. facit hoc sane qui mutuus inter nos amor est, ortus a meo de tuis uirtutibus iudicio, tua uero de meis ad eandem laudem conatibus opinione fortasse nonnulla: sed scriptorum etiam tuorum subtilitate, & elegantia mirifice delector. uel haec, quam accepi idibus Iunij, raptim a te, ut uideo, exarata epistola, quam loquitur pure, quam nullis illustrata pigmentis, nullo, ut tu scribis, fucio, tamen nitet. itaque nihil umquam legi libentius. Quaesieram autem per litteras a sororis meae filio, Iulio Catone, ecquid parturiret ingenium tuum, non tam, ut meae, quae summa est, quam ut eorum, qui ad me adeunt quotidie, cupiditati satisfacerem. scito enim, admirabilem hic esse quandam de studijs tuis opinionem, cum e sermonibus meis, eximia saepe tua cum laude habitis, tum uero ex illa praestanti industria, quam in conuertendis Aristotelis de morali philosophia libris ita collocasti,

locasti, non modo ut eorum, de quibus diu bona hominum existimatio fuit, errata patefaceres, sed ut ipse maximam & iudicij, & mihi quidem ut uidetur, quae ea cum Graecis diligentissime contuli, eloquentiae laudem ferres. quod a te institutum retineri, & eandem operam ad reliqua conferri, si quis est, qui ualde cupiat, ac te etiam tacita saepe cogitatione hortetur, is ego sum. Publica, fateor, memouet utilitas, cui te uideo Graecae, ac Latinae linguae peritissimum, praeterea instructum ijs artibus, a quibus perfecta intelligendi, ac indicandi ratio manat, unum in primis posse consulere: sed mehercule etiam gloriae tuae pro amicitia nostra uehementer faueo. uides enim profecto, (quid enim, quod ego uideam, tu non perspicis?) paucos omnino ex ijs, qui populari fama celebrantur, sine exceptione posse laudari, & hac tanta quotidie exentium librorum copia impediri potius, quam adiuuari studia nostra. quare suscipe onus pro tua parte. neros nouimus industriae tuae: quos si contendere uolueris, nihil est, quod sustinere, ac perferre non possis. Nam de Lucretio suadeo equidem, ut absolvas: poeta est egregius, uel Ciceronis nostri testimonio: & in eo maximam a multis, nec a me ipso minimam gratiam inibis: sed uoco te libentius ad illa praestantiora: nec tu meum consilium, atque etiam studium, si modo tibi aut sapere aliquid, aut uelle tua causa uideor, debes in tua laude contemnere. Si nauigatis in Galliam, quod a te scriptum confirmant multi, opto uobis facilem cursum, & secunda omnia: teq. rogo, nisi me ineptum esse censes, & nimis impudenter petere, ut
Cardinali

Cardinali Turnonio, principi sapientissimo, optimarum artium patrono, me in gratiam ponas; quem hic honoris gratia salutare, cum maxime uellem, per inuauetudinem numquam licuit. Sigonius, plane, ut ais, uir doctissimus, addas licet humanissimus, cui tu in transuerso litterarum tuarum uersiculo salutem adscripsisti, ualde gaudet, amari se, ac laudari a te, de quo ipse honorifice in primis loquitur, & sentit. is te resalutat amantissime, euntiq. in Galliam, incolumitatem, & reditum precatur. Vale. Venetijs.

I V L I O . P O G I A N O

Romam.

9

QVAM libenter, & quam saepe de te cogitem, Pogiane doctissime, conscius ipse mihi sum: mea uero quae sit, ac fuerit semper, ubi temporis ratio tulit, de tuis uirtutibus oratio, cum honestos, & graues uiros, ijs, quibus ipse excellis, doctrinis excultos, habeam testes, non conabor tibi litteris exponere. nec tamen amor erga te meo, quem fateor impetrare a me posse omnia, tribuere quidquam in te laudando uelim existimes. tua me scripta, in quibus excellentem quandam eloquentiae praestantiam elucere uidi, maxime uero praeclara illa pro illustri Rhodiorum Equitum societate ad Pontificem habita oratio, quam efferre laudibus numquam desino, in hanc sententiam facile perduxit. Accedit humanitas, probitas, opinio de me tua, nec ea significata obscure, sed aeternis ingenij tui testata, atque expressa monumentis: ut, si nihil ipse, contra quam adhuc laboraui, memoria dignum prae-

stem,

stem, me tamen ex testimonio tuo posteritas ignorare non possit; sin aliquid a me sum, tibi tamen debeam plurimum, cuius ad eam, quaecumque de me est, estimationē accedat auctoritas. quod si te antea, naturali quadam animi mei propensione, & communi erga omnes, qui optimis in artibus cum laude uersantur, officio, non mediocriter diligebam: nunc, propria cum addantur in me merita, nisi totus amore flagrem, ac studio tui, nisi, quam excelso in loco sitam uideo, illustrari etiam magis omnium praeconijs tuam laudem exoptem; malam referre gratiam litteris ijs, quarum consuetudine ad humanitatem excolimur, & omnino hominem ex homine uidear exsuere. quamquam, mi Pogiane, non ita mei dissimilis esse possum, ut agnoscam ea, quae tu in illa omnium elegantissima epistola, ad Iuliam tuam indolis, tum etiam uirtutis adolescentem Octavianum Magium proxime scripta, uerbis amplissimis in me contulisti. scilicet ego in eloquentia magnus, quis, & qua in arte? illa quidem, ut res indicat, omnium difficillima, ipse autem uix mediocri instructus ingenio, otio certe, sine quo ne summis quidem ingenijs ualde proficitur, numquam abundans, aduersa etiam per annos multos modo uoletudine, modo fortuna uexatus. sed abfuerit nihil eorum, quae laudem in aliena lingua cupientibus requiruntur: me tamen uobis, qui Romae in ista luce, summa omnium uirtutum ingeniorumq. praestantia uiuitis, qui pedem quotidie ponitis in uestigia clarissimorum uiro- rum, qui spiritum ducitis e Romano illo caelo, seminibus eloquentiae referto, anteponendum esse numquam duxi;

duxi; fortasse, ut comparari aliquando possem, operam dedi. sed hoc quidem nondum contigit, ac uereor, ut contingat umquam. me enim in hoc studio, quo mirifice delectabar adolescens, rei familiaris occupatio non finit esse diligentem. aetas etiam nescio quo modo gloriae cupiditatem, si qua fuit in nobis, uidetur extinguere: qua sublata, non minimum languescit industria. Contra uobis, ab omni cura expeditis, tibi praesertim, non aetate minus, quam ingenio, florenti, quotidianum esse cum libris usum, & cum omni liberali doctrina, non ignoro. Quanti uero illud est, quo quidem nos caremus, locorum admonitu excitari ad decus? quanti etiam illud, haurire aliquid posse omnibus horis ex mutuo sermone, praecipue uero ex perennibus illis, uberrimisq. optimarum scientiarum fontibus, Octauio Pantagatho, & Gulielmo Sirletto, familiarissimis tuis: a quibus, ut opinor, aequae diligimur; sed aequae tamen eorum doctrina frui per interualla locorum mihi non licet. itaque tot, ac tantis, quae suppetunt uobis, destitutus adiumentis, tantum abest, ut gloriosi palmam certaminis audeam sperare, ut hastas etiam non inuitus abijciam; qui praesertim facile futurum intelligam, ut ad te, quem plane in oculis fero, & a quo mutuam mihi tribui uoluntatem libenter credo, primae partes in cognitione, & usu Romanae linguae omnium iudicio deferantur. Quare primum illud te rogo, ne mihi tua praedicatione, quae tota, ut ego interpretor, ab amore proficiscitur, plus oneris imponas, quam mea sustinere possit infirmitas; existimesq. non minus me moleste ferre, si quando mihi

hi

hi falsa laus affingitur, quam nonnullos, cum uera
 detrahatur: deinde, si ego abs te in mea laude dissentio,
 ne propterea meum in tua iudicium improbes: quod,
 ne si quidem ipse prorsus a me dissentias, immutare,
 cum multis iam patefecerim, aut uelim, aut possim.
 Vale, & Sirletto nostro, ac Pantagatho meo, uel po-
 tius utrique nostro, dic salutem meis uerbis plurimam.
 Venetijs.

H O R A T I O . V R S I N O

Romam.

10

V T uideo, Magius, amores utriusque nostrum,
 opimus adolescens, nec litteris tantum, sed humanita-
 te etiam perpolitus, exquisitum ad conglutinandas
 amicitias tenet artificium. nam ille me primum, iam
 antea commotum ea fama, quae de tuis laudibus per-
 crebuerat, suo testimonio uehementer in tui beneuo-
 lentiam impulit: deinde, ut integrum officij sui fru-
 ctum ferret, te quoque de meo erga te studio litteris
 admonendum putauit. quod etsi praeter opinionem
 meam potius, quam contra uoluntatem, factum esse
 confiteor: tamen eo mihi nomine abs te gratias agi
 moleste ferrem, nisi epistola tua, distincta luminibus
 ingenij, index amoris in me tui, quo equidem anti-
 quius habeo nihil, omnes animi mei partes ea uolupta-
 te perfunderet, ut molestiae locus esse non possit. aderat,
 cum eam attulit Magius, legitq. me concedente, se-
 mel & iterum Carolus Sigonius; qui quantum iudi-
 cio, & eloquentia ualeat, neq. tu, nec, ut opinor, iam
 ignorat quisquam. is ornauit ingenium tuum diuinis
 laudi-

laudibus, me prorsus assentiente: nam quid, Magio, dicam? qui te, qualem ipse antea in omni sermone praedicauerat, talem nobis uideri, mirabiliter ob eximiam in te benivolentiam, fortasse etiam iudicii sui causa, laetabatur. Nimirum habet hoc nobilitas, ut, quamcumque se in partem dederit, insigne quiddam praestet. sed, quo libentius de spatio curriculoque maiorum plerique defleunt, eo praestantiores apud omnes homines & gloriam, & gratiam, si qui cursum tenent, assequuntur. quod tibi gaudeo contigisse: qui cum multis tum naturae, tum fortunae donis abundares, natus in ciuitate, orbis terrarum olim domina, nunc religionis, pietatis, iustitiae domicilio, ortus ex ea familia, cuius nomen praeclaris partum & studiis, & factis multis iam saeculis per omnes gentes fama disseminauit: tamen, quasi haec ad te non pertineant, id agis, ut una te nobilitet uirtus, &, quantum honestatis a maioribus tuis accepisti, tantam ipse posteris relinquant. quod etsi difficillimum est, praesertim his temporibus, cum aduersentur multa, &, ut uides, ad inania quaedam, neglecta solida gloria, mores incubuerint: tamen a te, freti prudentia & ingenio tuo, freti etiam constantia, summa omnia exspectamus. Quae porro laudabilior industria, quae cura praestantior, quam quae in animi cultu consumitur? cum scilicet id quaerimus, ne quando impendentem fortunae uim, optimarum artium praesidio muniti, pertimescamus; ne iactemur hic, & illuc, uel cupiditate, uel metu: sed in tantis uitae quasi tempestatibus, tranquillo, ac incundissimo litterarum portu perfruamur? quae

quae qui non uidet, nec de adipiscenda uirtute, quae rationis absolutio est, assidue cogitat; nae ille eo ipso rationis munere, quo uno ceteris praestamus animantibus, indignus est. quod quidem semper sensi; licet, quo contendendi, non peruenerim. te & sentire idem, & posse consequi quod uis, intelligo. quod si de praemijs cogitas; quae proposita sint, uides, aeternum decus, & bonorum amor; quem debes omnibus rebus antepone-re: equidem in eo summam felicitatem ab adolescentia constitui. ex quo quanti faciam amicitia tuam, quem nemini aut probitate, aut studio liberalium doctrinarum audio concedere, facile potes intelligere: idq. ut re ipsa aliquando experiaris, operam dabo. Vale, & Iulium Poggianum, familiarem tuum, praestantem omni laude uirum, ac Hieronymum Lippomanum, eximia spe summae uirtutis adolescentem, salutes, rogo, meis uerbis diligenter. Venetijs.

OCTAVIANO . FERRARIO

Mediolanum.

II

NOLI putare, me tantum amici tui πρῶτον τῷ μασι tribuisse, ut adhuc rem ducerem. nam, etsi de illius ingenio, doctrinaq. semper optime sensi, idq. primum litterarum tuarum testimonio, post etiam iudicio meo commotus: tamen de tuo libro ita iudico, nihil fieri posse non modo eruditius, in quo meam de studiis tuis opinionem aequauit industria tua, uerum etiam elegantius: quod ab excellentibus in philosophia uiris, qualem te iam omnes praedicant, hodie non admodum expectatur. Quid igitur obstitit, cur non aggrederer?

S causam

causam si quaeris ; de qua te , si res pateretur , celatum uellem : pituita , repente commota , satis per se molesta , mox etiam , cum tussis accessisset periculosa , moram iniecit : biduum iacui , medico non admissio , accurata uictus ratione contentus : in qua tu quantum ponas , ignoro ; ego utilissimam experior . nunc , quae supersunt morbi reliquiae , do operam , ut eas depellam . quod eadem , ut spero , abstinentia consequar . Filio iam , & domesticis omnibus recte est . Liber tuus , quemadmodum ex paginis , & diebus rationem duco , uideo fore ut idibus Sext. aut plane absolutus ab operarijs nostris , aut inibi sit . itaque uelim significes , quot ad te eius exempla , & cui dari uelis , chartam probabis ; habet enim amplitudinem , & elegantiam : spero , item reliqua , mitterem Io. Antonio , bibliopoeae uestro ; sed homo est , quod inter nos dictum sit , paullo ad rem attentior , quam uellem . nisi remittat aliquid de sua consuetudine , uix puto inter nos posse convenire . uerumtamen quid ad nos ? utamur alio , qui se praebat aequiorem in transigendo , deinde bonum uirum in fide praestanda . quod totum prudentiae tuae committo . Vale . Venetijs .

E I D E M , Mediolanum . 12

Ego uero nihil minus uolo , quam , nisi uacas , a te responderi . nam , etsi mirifice delector ingenio tuo , cuius imaginem in ijs , quae a te scribuntur , epistolis magna saepe cum animi mei incunditate contemplan : tamen , ne me putes in ea haerese esse , quae ad se ipsam refert omnia , aliorum causa minimum laborat . cogito .

quam cum aderas, de te soleo cogitare: & mihi scito
amicorum spectra, praesertim quos uirtus, & integri-
tas commendat, esse iucundissima. sin utilitatem ali-
quam, tuis necessariâ rationibus, cogitas, non dubito,
quin istuc, quidquid iacturae factum est, brevi maiori-
bus etiam commodis resarciatur. Nec uero, si me au-
dies, utilitatem ullam cum ea doctrina conferes, quam
tu auges quotidie in isto otio, neminem curans, prae-
ter te ipsum: quod hic certe non contigit. magnum est,
studia posse colere quae uelis, & quantum uelis; tibi
uni sementem iacere, tibi uni fructum colligere. ut quem
fructum? cui nec imber immoderatus, nec aestus, nec
ulla calamitas noceat, nec suauitatem detrahat, sed
augeat, quae cetera omnia corrumpit, dies. Quod si
tibi, multorum philosophorum exemplo, uitam in pa-
tria ducere, ob doctorum hominum paucitatem, non
perplacet: an dubitas, quin te ista cura nos amicitui,
si quid noster in te amor, si quid pietas ualebit, ali-
quando liberemus? quod tamen eiusmodi est, ut non
tam laetandum uideatur, cum euenit, quam non
dolendum, si sero, uel si etiam nunquam eueniat. nos
enim in defectu rerum saepe scilicet: errore mentis
tamquam salutaria, quae noxia sunt, adsciscimus: unus
euentus rerum prospicit, unus igitur nostra consilia
gubernet, ac moderetur Deus. cui si te totum permi-
seris; si minimum in te ipso, in eo posueris omnia: mi-
hi crede, ex istis molestiarum fluctibus emerges; ni-
hilq. posthac aut mali metues, aut boni frustra cupies:
multa etiam, quae non cupies, nullis accersita labori-
bus, aut studiis, ad te sua sponte confluent. Ego tibi

opera, cura, diligentia, quae numquam in me desiderabis, fortasse etiam consilio prodesse aliquid possum: Rasarius, qui publicam personam gerit, etiam auctoritate adiuuabit; quem licet existimem, quantum ualet, tantum tua causa uelle; tamen, suadeo, litteris eum interdum appelles; rogesque, ut respiciat fortunas tuas, et aliquid eis, atq. adeo multum cogitationis imperit. Caluino optimo uiro, mihiq. uetere beneuolentia coniunctissimo, amoris, & studij erga te sum ipse optimus testis: sed aetas iam obstat, quo minus ea, quae res postulat, obire, & exsequi possit omnia. itaque, nisi me fallit opinio, totum in Rasario est. nam ego, ut scis, uel infirmitate ualitudinis, uel diuturna iam consuetudine, & uoluntaria quadam desidia, loca publica non admodum frequento: quo familiaritates intermitti, & ex eo amicitias, si quae penitus uirtute non haerent, paulatim dissui necesse est. testimonium tamen iudicij de te mei nullo loco deerit. & de doctrina quidem, ut spero, fidem faciet oratio nostra; eloquentiam uero, in qua tibi quantum tribuam, cum alij, tum omnium modestissimus, & ingeniosissimus adolescens, Franciscus Vianellus a me saepe audijt, tua scripta facile probabunt. Vale. Venetijs.

FEDERICO . GALLO

Urbium.

14

INTERVM iam te purgas, quod in discessu tuo, menses fere quattuor absfuturus, ad me non adieris, quem, ut opinor, tui cupidum ac peramantem cognoueris.

gito ualitudinem tuam; cogito maximarum doctrina-
rum studia: amicis, & propinquis horae dandae sunt:
inuitat humanitas; pietas cogit: cur ego te ista uelim
deserere tam laudabilia, tamq. necessaria, studium ut
expleas meum crebritate litterarum, quod expleri
tamen nullo modo potest? De libro teneo iam quid ue-
lis. Typis, quos probas, & charta, qua uis, utemur.
initium fieri ante quam redierit is, qui totam offici-
nae curam sustinet, omnino uix potest. erat autem
in Forum Iulij, sui negotij causa, profectus. eius por-
ro diligentiam cum in charta, tum in toto hoc genere
utilem, & necessariam esse, saepe sum expertus. quo
aequius hoc, quidquid spatij interponitur, uterque
nostrum ferre debet. atque etiam, ne quid celerem,
paullo eram conturbatior, aegrotante filio, quem de
tribus unum habeo reliquum. O mi Ferrari, quantam
tu debes philosophiae gratiam, quae te a tot curis ad
iucundissimum uitae genus abduxit. quamquam for-
tasse hoc melius: & in agendo positam esse uirtutem,
ne tui quidem Peripatetici negant. sed haec omitto.
In pecuniae permutatione agnosco tuam in me bene-
uolentiam, paene dixi liberalitatem. quod si arcae
meae consilium aequae omnes uellent; quanto mecum
ageretur commodius. nunc, mihi crede, secus est, nec
me tamen reclamante. Vale. Cruceio, & Caprae sa-
lutem plurimam. Venetijs.

IO. ANTONIO. TVRONEO

Vrbinum.

13

SI quisquam est, qui ex aduersa bonorum uirorum

S 2

for-

fortuna sollicitudinem capiat ; eorumq. mederi studeat incommotis ; eum ego me esse profiteor . sed , cum ad opem ferendam nihil mihi suppetere praeter uoluntatem intelligo ; sic afficior , ut me ipso miseriùs esse nihil putem . quod si antea sensi , certe id in tuo potissimum casu mihi contigisse , nisi uel meam consuetudinem ignoras , uel ignorari a me tuum ingenium , tuam probitatem putas , debes opinari . Quamquam cum recordor , & eadem saepe accidisse optimis uiris , & ubique uirtutem honestissimum habere domicilium ; nec fieri numquam , ut calamitas etiam gloriae sit ; nec ullum in te dedecus , aut facinus turpe conferri ; cum hoc aeterna naturae lege , unde humanae leges , tamquam ex archetypo , describuntur , sancitum esse uideatur , ut uim ui liceat repellere , & sua cuique incolumitas prima sit : haec , inquam , memoria , & cogitatione dum pertracto ; id quod , quasi solatium quaerens , saepe libenterq. facio ; lenitur aliquantum doloris acerbitas , atque etiam tibi , quantum licet , in medio dolore gratulor : cui nisi loci mutatio grauis est ; cetera , quae uideris amisisse , leuiter ferenda esse censeo . In loco autem quid te torqueat ? species urbis ? at ea , quae ad oculos pertinent , nemo umquam sapiens neque in malis , neque in bonis esse duxit : & ego , qui longe a sapientia disto , haec tamen prorsus non amo inania , solitudine fruor , quantum possum : in hac mihi uiuo , & Deo : quod unum est beate uinere . Amicorum consuetudo ? quid ? absentes non diliguntur ? non , si uolumus , & quoties uolumus litterarum sermone coniungimur ? equidem , postea quā discessisti , nescio quo modo crebrius etiam ,
quam

ras. ego autem, etiam si repentinam illam discedendi necessitatem litteris minus excusasses; tamen, uide, quam faueam amicitiae nostrae, & quam non stricto iure tecum agam; numquam mihi persuaderi passus essem, hoc abs te salutationis officium uel nostri obliuione, uel contemptu, uel ulla omnino inhumanitate tua fuisse praetermissum. quare accipio excusationem tuam: speroque, te operam daturum, ne utaris ea posthac: idq. mihi fore iucundissimum. nam, cum semper dilexerim plurimum, a quo primum die mihi cognitus est, parentem tuum; cui te cupio, & spero simillimum fore in ijs artibus, quibus honestius, aut gloriosius esse nihil potest: tum uero studia tua, ingenium, quiq. lumen, & ornamentum ingenij sunt, mores ita me tibi adiunxerunt, ut omnibus te laudibus libenter cumulem, nihil de te, quod indecorum, aut turpe uideatur, ne suspicari quidem uelim. E quidem mirifico tenebar desiderio tui, tum ut mandata dares, de quibus ageres cum parente tuo; tum etiam, ut, quo tibi studiorum genere totam aestatem in patria traducendam statueres, a te ipso cognoscerem: ut uel ex optimarum consiliorum ratione uoluptatem caperem; uel, si quid contra sentirem, indicarem sententiam meam. quamquam, cum domi habeas, unde discas, & unde praeclara quaeque sumas; neque te meis, neque cuiusquam egere praeceptis intelligo. uerum tamen uerus amor latere non potest; ostentat se, ubi etiam minime opus est. Ac tu quidem percommode seceris, si, quod coram non licuit, fortunae potius culpa, quam tua, id tibi agendum per litteras existimabis,

ut aliquid de quotidiana tua tum lectione, tum etiam, sine qua lectio paene inanis est, scriptione significes. non enim te puo uel desidiaē quidquam loci relinquere, uel ijs leuitatibus, in quibus plerique adolescentes insaniunt, operam perdere. scis, quod sapientissimi homines prodiderunt, imitatricem boni uoluptatem falsa specie decipere, illecebram esse turpitudinis, isam malorum omnium, qua capitur aetas improuida, nec se captam sentit, nisi cum imprudentiae poenas luit. atque hoc in genere labi, & errare, cum ceteris turpe sit, ijs uidetur esse turpissimum, quibus ad amplectendam honestatem praecepta non defuerunt. & praecepta si ualent, quae tibi ego, pro meo in te singulari studio, deesse non patiar: quanto plus ualere exempla aequum est, praesertim quae posita ante oculos sunt, quae tibi numquam intueri non licet, quaeque familiae tuae quantam quotidie laudem pariāt, facile potes intelligere? itaque non a te mediocre aliquid, sed summa omnia exspectari, nec exspectari solum, sed exigi etiam quasi debita, debes cogitare. quae si praesias; laetitia quidem parentes tuos, quibus potissimū, & patriae natus es, afficies incredibili, te ipsum autem perpetuis insruēs, maximisq. bonis; nec illa timebis externa, quae casus, & fortuna inuehit; sed, a te ipso pendens, nullis obiectus iniurijs, firmissimum auxilium optimarum praesidio munitus, uitam degesbaturissimam, aeternamq. posteris tui nominis memoriam relinques. Vale. Venetijs.

OCTA-

OCTAVIANO . FERRARIO

Mediolanum .

15

O. PRAECLARAM *παλινωδία* . at ego, tua
rum litterarum memoria, contuleram in eum perpetuo
 quodam studio, quidquid praestare poteram officij,
 operae, diligentiae. nec me tamen paenitet, eo proces-
 sisse, unde nunc tu ipse paene reuocas. mutare autem
 consuetudinem, praesertim in benemerendo, nix licet.
 nam illa superiora, si doctrinae non uis, in quo me fe-
 fellit opinio, humanitati ceruicē dedimus. nunc dandum
 esse aliquid constantiae, ne nostrum damnemus insti-
 tutum, proficito uides. uerum absit iam hoc argumen-
 tum a litteris nostris: ualeant ea, quae iucunditatem
 non habent, quam equidem non modo ex tuis elegantis-
 simis epistolis, uerum etiam cum ipse ad te scribo,
 capere mirificam soleo. nihil est tanti, quod cum ser-
 monibus nostris permutari debeat. Nec, de nobis ip-
 sis quod scribamus, deesse umquam patietur mutui
 amoris abundantia. De libris tuis, dedi negotium
 homini domestico, ut a peritis de ratione ueturae co-
 gnosceret, eosque quam primum istuc mitteret. quod il-
 le, ut est omnibus fere iucunda negligentia, fortasse
 nondum fecit. urgebo litteris, & mandata renouabo.
 Nulla sarcinina curaturū te significas: in quo amo uo-
 luntatem tuam: quod autem addis, non ante, quam
 extremo mense; ne, cum recentia sint, inclusa corrum-
 pantur; consilium probo: & quoniam uestra istius
 generis obsonia, qui palato sapere putantur, sine ex-
 ceptione laudant; nec artes quaesuosas officinae re-
 mere

mere dediscunt ; puto fore suauissima . Sed audi, quod
 esse totum aliud intelliges , idest aliquando magis ad
 me pertinere . *κακός ὁ μαχός* sumus , & cruditate la-
 boramus . id quidem a pueritia : sed auxit uitium
 assiduus litterarum usus : quo adempto , quae nobis,
 qui uulgaria contemnimus , delectatio , uel potius
 quae uita superest ? quare ignosce , si mihi non impe-
 ro : quod ne tu quidem , opinor , facis . quae situm in-
 ter medicos est , ecquid adinmenti aquae sulphureae
 potus afferre posset . uarie sentientibus , recusant ; ne,
 quod aient , de sorte etiam in dubium uenirent . de gut-
 ta capiti instillanda sermo fuit . ne hoc quidem placuit :
 ne memoriam periclitarer . uentum denique ad uictus
 rationem . praebui me facillimum , quidquid uellent .
 in primis radicem probarunt , quae Irios uocatur :
 quam condiri apud uos egregie , ferunt . eam igitur ,
 quod tuo commodo fiat , uelim perquiras , inuen-
 tamque , & mediocri uasculo diligenter inclusam , cu-
 res aliqua ratione perferendam . quidquid erogaueris ,
 bona fide , cui uoles , hic numerabitur . Alexandri
 ὑπόμνημα nondum ab eo , cui frater commodauerat ,
 extorqueri potuit : nec ego urfi uehementer , postlea-
 quam , non ab Aphrodisiensi , cuius in eo libro mentio
 fit , sed a posteriore Alexandro scriptum cognoui :
 quod etiam *καγαχτις* declarat . Vale , & Cruceio ,
 Capraeque , communibus amicis , familiaribus tuis ,
 quos utinam aliquando complectar , salutem pluri-
 mam . Patanij .

habent significationem amoris in me tui: cui quidem, si paribus non licebit officijs, pari saltem ut amore respondeam, operam dabo: nec dubito, quin consequar: atque etiam, quod mihi uel iniurato uelim credas, me iam esse consecutum intelligo. qui enim, tua quae fuerint erga me officia, meae quae sint partes, ignorare possum, aut non assidue cogitare? Ego, Rolande, quo primum die, cum lectissimo adolescente, familiari tuo, itemq. meo, ✱, accessisti ad me, dilexi mores tuos, in quibus ingenui multum pudoris, qui probitatis index est, multamq. prudentiam elucere uidi. paucis diebus, cum de nostris delectationibus, idest de communibus litterarum studijs, colloqueremur, probasti mihi ingenium, doctrinamq. tuam, & ad meam de te opinionem, ✱ testimonio excitatam, plurimum addidisti. postea facile inter nos exorta familiaritas: uel quod moltis in rebus nostri sensus congruere uiderentur, & latentis quaedam naturae uis animos utriusque coniungeret: uel quod assiduitas tua paene quotidiana, usq. domesticus nihil amicitiae nostrae deesse pateretur. Me deinde Venetias rationes meae, te non ita multo post Lutetiam uocarunt studia tua. manet amor tamen, in me quidem is, qui fuerat praesente te, uigetq. memoria tui, nec locorum, aut temporum interuallis umquam euanescet. quod nisi me tuae laudis magna quaedam cupiditas tene- ret; angerer, quod abes, & ut audio, absfuturus es: sed, uersari te in ista eruditorum hominum celebritate, frui consuetudine, doctrinaq. Hadriani Turnebi, quem iam pridem omnes cantant, ego orno, quantum possim,

possum, in sermonibus meis, nisi uehementer gaudeam; te non amem, nec quem ames ipse, quod in primis cupio, dignus sim. Quare nostra etiam causa contende, ut, quo consilio Lutetiam petiueris, id quam maxime, quamque licet celerrime consequaris. refer ad nos illa praeclara, quorum gratia discedendum tibi a tuis, perferenda longi itineris incommoda, asperissimum alpium perpetuis obsessa niuibus ingra non sine magno periculo superanda existimasti. Quo de genere tecum agam breuibus; quia, sensus cum optime tuos habeam cognitos, non dubito, quin saepe tibi ueniat in mentem, ex ista urbe, quo, tamquam ad amplissimum artium ingenuarum mercatum, libenter omnes confluunt, inanem redire, quam non deceat. Quod si te, studio cognitionis incensum, cetera, quae istuc habes plurima, liberalium doctrinarum adiumenta deficerent: unus tamen idem ille, quem paullo ante nominavi, qui praeter ceteros cum litteris humanitatem, Graeca cum Latinis, antiquae philosophiae scientiam, quod e scriptis eius facile cognouerim, cum elegantiore doctrina coniunxit, unus, inquam, tibi instar esse omnium Turnebus, unus & suo te commouere exemplo, & suis adiungere plurimum documentis, consilijsque posset. cuius ut a latere, quoad hominis permittet humanitas, ne umquam discedas, & istam urgeas occasionem, diuinitus datam, adipiscenda uirtutis, si tu is esses, qui naturam humanam sola perfici uirtute nescires, hortarer etiam, atque etiam: idque libenter tribuerem amicitiae nostrae: sed cauendum inteligo, ne γλαῦν καὶ εἰς ἀδελφάς; cum tu ibis, unde ad
alios

IO. BAPTISTAE. RASARIO

Venetias.

16

AM O te uehementer de Ferrarij epistola : quae mihi ita placuit, ut nihil umquam legerim libentius. sane causam suam diligenter agit, & mihi quidem egregie probat. quamquam multis iam annis eam imbibere animo de illius ingenio, doctrinaq. opinionem, ut errare nihil credam, si quis multorum rationibus unam eius auctoritatem anteponat. quam tibi quoq. sententiam probari, cum intellexerim antea; cumque, ut uere dicam, hoc ipso nomine plurimum accesserit ad benevolentiam in te meam: cipro te nunc ne leuissime quidem a te ipso dissidere; idq. mihi tum facile, pro eo iudicio, quod de tua uirtute semper habui, uñ etiam, pro meo erga Ferrarium singulari studio, libenter persuadeo. Sed, ut redeam ad epistolam; uides, quam erudite, quam ingeniose disputet; quam tecum amice, quamq. (ut apertus, nec ulla teclae simulationis labbe suffusus eius animus est,) ingenue, & simpliciter agat. alienatae uero a te uoluntatis, cum causa nulla subsit, ne signa quidem ulla in eius litteris mihi uideor agnoscere. de quo quia te non nihil ex epistola tua sensi laborare; nec iniuria: uetus inter uos amicitia fuit, eritque, ut spero, uitae aequalis, maximis illius in te meritis, ex tui mihi praedicatione cognitis, non uulgaribus tuis in illum officijs culta: purgabo te apud eum primis litteris accuratissime; nec ab illo probata damnasse, aut omnino in dubium reuocasse, sed quaesisse non nullam, quam a magistro tuo, ueremq.

teremq. in eo consuetudinem retinuisse, si uolueris, ostendam. non dubito, quin, si quæ ei de tuo sensu, quod equidem uix opinor, suspicio hæsit, amoueatur, ac se tibi quam primum restituat. noui hominis lenitatem: beneuolentiam in te uidi: isq. meae in te beneuolentiae fons, ea primum origo fuit. nec enim, quæ de te olim ad me scripserit, possum obliuisci, nec, si possum, uelim. Illud a te, mi Rasari, si quid nostra etiam caussa uis, etsi necesse non arbitror, tamen uehementer peto, & si pateris, rogo, non ut optimum uirum, doctissimum hominem, Ferrarium, tuæ laudis auctorem, quod is tibi ad philosophiam aditus aperuit, uiamq. munivit, obserues, ac diligas; quod a te fieri, certo scio; sed ut in omnibus officiis, quæ ad illius non modo dignitatem, sed etiam uoluntatem pertinebunt, certare mecum uelis. in quo te mihi parem esse percipio, uinci numquam patiar. Vale, et Magium nostrum, singulavi adolescentem ingenio, tibi pro sua doctrina, mihi pro meo in eum non mediocri studio deditum, saluta. Patavij.

HÆC dictavi, ut soleo, filio meo: nam, ut scriberem ipse mea manu, neque per medicum licebat, nec sane stomachi ferebat imbecillitas.

ANTONIO. ROLANDO 17

STVDIVM tuum in exhauriendis mandatis meis, celeritas in rescribendo, quorum ego a te alterum pro nostra coniunctione expectabam, alterum autem pro tuis occupationibus postulare uix audebam, magnam habent

alios praeclara instituta, unde laudabilis vitae ratio,
 & sapientia fere manat omnis. Viam, & rationem
 Latine scribendi, obsecro, mi Rolande, cur a me pe-
 tis, cum is, quo ego uno magistro sum usus, & tibi,
 & omnibus Cicero pareat? an tu me uel huius gene-
 ris reconditum aliquod tenere artificium putas, a quo
 longe absum, uel, si tenerem, posse fieri, ut ab ullo,
 praeterquam ab hoc ipso, cognouerim? nec tamen, uti-
 liter quaedam praecipere, & ad artem posse redigi, ne-
 gabo: sed mihi ne tantum oneris imponis, cui nec a
 domesticis curis otij multum est, & id ipsum, quod
 est, uel amicis officij causa, uel ualeitudini necessario
 tribuitur? Scripsi olim de meis exercitationibus ne-
 scio quid, a nobilissimo uiro, bonarum artium patro-
 no, Stephano Saulio rogatus: & fortasse digitum ad
 eum fontem intendi, quo si accesseris, non dicam equi-
 dem istam eloquentiae sitim explebis, sed, ut arbitror,
 nihil inde non purum, nihil inquinatum hauries. ex-
 stat ea, cum alijs edita, epistola. si uidebitur, leges:
 aut, si legisti, & quaeris amplius; a me cur exspe-
 ctes, quem respirare negotia non sinunt, hoc quidem
 tempore non est: pete ab istis, qui uacant, optimis, &
 scribendi, & iudicandi magistris. De Laertio, &
 quid egisti, pergratum est; & quod acturum te osten-
 dis, id si praestabis, maximam inibis a me gratiam.
 Turnebus, ut me plurimum diligat, quod certe mu-
 tuo faciet, exopto: plurimum ut mihi tribuat, quod
 litterae tuae significant, non postulo. quid enim ego
 sum? aut, si esse aliquid uideor, prae illo tamen quid
 sum? non enim *χάλλεα χουσαοις* umquam confe-
 ram,

ram, ne cum Homérico Glauco errem; sed *χρῆσθα
χρλκᾶοις* antepōnam semper. Ille est, cui iure omnia
tribuantur, qui iam peruenit eo, quo nobis adspi-
rare non licet. Saluta eum meis uerbis, cum ueterri-
mo amico meo spectatae uirtutis, & industriae uiro,
Carolo Stephano. Vale. Venetijs.

CAROLO . SIGONIO

Patauium.

18

EGI diligenter, quod mandaueras. praecise ne-
gavit, ac uisus etiam nonnihil moleste ferre. sed, mihi
crede, huius generis paene magistro, uestri sensus non
congruerent. nihil morosius. o multa in omnibus in-
tolerabilia: quae nobis tamen, mi Sigoni, qui a libris
nescio quid plus, quam ceteri, sapere didicimus, fe-
renda sunt. quamquam tibi quidem, pro tua pruden-
tia, atque etiam pro superioris uitae perpetua consue-
tudine, nihil difficile. Sed, Patauij te nunc esse, in ce-
leberrimo Italiae theatro, ubi spectatur, & notatur
acerrime, quidquid agas, quidquid dicas, & saepe mi-
hi, nec umquam sine aliquo metu, in mentem uenit. sic
sunt, qui amant: omnia cupiunt, omnia timent. Vi-
des, quo te in loco tua uirtus, quanta omnium expecta-
tione, constituerit. nihil mediocre praestandum est:
nec, ut cum alijs, quibus te iam doctrina, industriaq.
antecelluisse omnes iudicant, sed ut tecum ipse cerces,
teq. ipsum, si licet, uincas, omniq. laudis genere cu-
mules, elaborandum. quae, cum, ad quem scribam,
considero; & cum mihi singularem tuam rectissimis
in studijs cupiditatem, ac diligentiam propono; miri-
fice

fice laetor ; nec me tamen paenitet hoc nostrae necessitudini tribuisse , ut ea legas a me scripta , quae minime necessaria duxerim . Hæsiernum diem puto te mutuis cum Pace Scala sermonibus iucundissime traduxisse : quem uolo a te amari plurimum : uel quod ab illo te quoque amari plurimum sensi ; uel quod eo nihil humanius , nihil amabilius . præterea , quod te uehementer mouebit , multis nominibus ego illum in oculis fero : nec in eo riuales habeo paucos . Faloppio nostro si discessum meum excusaueris , cum uxoris morbus urgeret ; gratissimum erit . nec tamē diutius hic me commoraturum puto . tanti nihil est , ut uobis carere possim . Interim uale , & , si uacat , scribe , non accurate , sed , ut ego nunc , quidquid in buccam : ne pereat omnino fructus nostrorum sermonum : quem si litterae restituent ; paullo feram leuius absentis tui desiderium : cuius igniculum , e cubiculo meo cum discederes , sentire coepi : nec deinde tuum spectrum discessit ab oculis meis . Venetijs .

MARCO . ANTONIO

M V R E T O

Romam .

19

GAVDEO , mi Murete , quod profecto etiam me tacente existimas , te nauare operam Regibus , ingeniumq. tuum , quod ego semper unice dilexi , extruq. laudibus , a tanto Pontifice , & ab uniuerso Cardinalium Collegio uehementer probari . nam , si qui aliter sentiunt : quamquam quis est , qui aliter sentire possit ? ueruntamen si qui fortasse reperientur , quos liuor

T impe-

impediat, quo minus recte ac sincere iudicare possint; de ijs laborandum non erit: cum te praesertim ille nosceret, quem sequuntur multi, sed ille praeter ceteros, qui nobis quasi *μνηστήρ* *Ζεύς* debet esse, non mediocriter ornet, atque diligat. Haec altera tua oratio priorem illam uel aequat, uel uincit, sententiarum, uerborum, ordinis praestantia. quo in officio, ac munere cupio te pergere. simul enim perges in expedita, maximeque directa gloriae uia, per quam processisti iam longissime, nemine praecurrente, me saeuente plurimum. De tua in me beneuolentia, cum recordor meam, dubitare non possum. meum in te animum expertus iam es eundem si & esse nunc, & perpetuo futurum arbitraris, non fallam opinionem tuam. nam & mea non solum consuetudo, sed etiam natura ita postulat: & tu perficis eas laudes, quarum principia me olim, expectantem id, quod praestare te nunc uideo, in tui amorem impulerunt. Habeo summas gratias, quas agi a te cupio, Archiepiscopo Beccatellio: eumque meo nomine, ut quam licebit officiose, quamque plurimum salutes, ualde rogo. ✱, ut scribit ad amicos, floret honoribus in patria, carus Imperatori, iucundus omnibus. nos si humanitatem, & ingenium: doctrinam auxit a discessu tuo, quantum uix credas: itaque summa omnia de illo adolescente sperare nobis licet. Duareni obitu, de quo heri primum a Germano homine, qui ex Gallia recens uenerat, accepi, damni plurimum in iure civili factum est. equidem dolui uel tua causa, quod eum a te amari senseram. quamquam haec, si ferret humanitas, prorsus dolenda non essent. quid enim proficimus?

cimus ? angi quidem grauius , neque communis conditionis necessitas concedit, & uitae commutatio, breuissimae cum aeterna, miserrimae cum beatissima, ualde uetant. Ego nunc, quod acceptum diuinæ benignitati refero, quodq. tibi puto fore iucundissimum, uale tudine utor satis commoda, oculis quidem optimis, quod aliquot annis non contigit. itaque, cum otium non ferrem, (scis enim me quiescere non posse) commentarios in reliquas Ciceronis epistolas coepi texere : & , ut initia sunt, prorsus industria non oīxεται. absolui, ut mihi quidem uidetur, maiorem partem, idēst tres primos libros, & , extra ordinem, octauum. in quibus, ut dixi iam, nisi me communis φιλαυτία decipit, non uidetur opera male collocata. Habebis in clausula de Petro Fabro, tuo dicā, an meo ? ita me triduo cepit, sibiq. deuinxit ingenio, humanitate, prudentia. plane uixi, quam diu mecum fuit : nec mediocri sum amore discedentem prosecutus : nae tu, si nihil praeterea mea caussa uelles, qui & uis, & egisti iam plurimum, tamen hoc uno munere, quod auctus per te sum tam ornati adolescentis amicitia, meis omnibus in te studijs, quae tu merita uocas, optimam gratiam retulisti. Vale. Venetijs.

HIPPOLYTO . CAPILVPO

EPISCOPO . FANENSI 20

SANE postulabat mea peruetus in te obseruantia, ex ingenij tui praeclaris orta monumentis, ut aliquid ad te litterarum darem: sed me dignitas tua semper, & persona deterruit, uerentem, ne, talem uirum, tan-

T 2 tarum

tarum rerum occupatione distentum, inanibus appellare litteris, prudentis hominis non esset. nunc, ut uere dicam, paene accuso modestiam meam, quod, dum cogito ad te scribere, nec tamen consilium explico, interea tua fecit singularis humanitas, ut anteuerteres. quamquam cur ego apud te, maximarum uirtutum laude praestantem, ad quas mihi adspirare non licet, plus residere officij moleste seram, cum praesertim hoc ipsum amoris in me tui, quo equidem antiquius nihil habeo, non obscurum argumentum esse uideatur. Quocirca, ut interdum me pudet pudoris mei, quod nihil ad te scribere sim ausus, cum tamen maxime cuperem: sic ista tuae uoluntatis erga me declaratione, istis etiam laudibus, quibus me ornat epistola tua, mirifice delector. nobis enim existimare, si quid umquam meis laboribus ac uigijs non contemnendum praestiti, me fructum ullum, aut mercedem praestantiores expectasse, quam quae ex tuo, tuique similibus iudicio, ac testimonio percipitur. quod si assequor, triumpho. sin, quod suspicari facilius possum, ita me laudas, ut quasi deficientem in cursu tua uoce impellas; ne sic quidem uulgari me munere obstringis, cum ad cohortandum, atque incitandum, si ulla res, certe tua plurimum ualeat auctoritas. itaque enitar, ne tu me non bonum tuarum litterarum interpretem fuisse putes. incumbam enim paullo acrius ad ea, quae qui possidet, iure laudem fert. Tibi uero, quod ad me tam humaniter scripseris, quodque ultro ipse mihi diu exoptatum ad tuam amicitiam aditum aperueris, si, quam debeo, gratiam referre non potero, habebo saltem,

tem, ut priores officij partes re potius tibi, quam studio & uoluntate concedam. Vale. Venetijs.

NICASIO. CASLETANO 21

QUANTVM mihi uoluptatis attulerant litterae tuae, summae tum humanitatis, tum etiam doctriinae notis insignes: tantum postea doloris, ac molestiae, erepta ob aduersam ualeitudinem respondendi facultate, suscepi. non enim aut is ego sum, cui quidquam prius officio sit; aut enim te esse ex litteris cognoui, cuius amicitia contemnenda potius, quam appetenda uideatur. sed omitto * uel testimonium, quod apud me ponderis, sicuti aebet, habet plurimum, uel uoluntatem, cui libenter omnia tribuerem: ipsa, quam ad me misisti, epistola, quid est, quod impetrare non possit? scripta primum humaniss. me, cum beneuolentiam in me tuam significes, meam exoptare uidearis; deinde ita eleganter, ac diserte, (ne uiuam, si mentior) ut ego tibi in hac eloquentiae laude comparem sane paucissimos, anteferre debeam neminem. Quare cum istam animi tui singularem in me amando, atque etiam laudando liberalitatem libenter amplector: tum uero, me tibi parem in utroque uoluntatem reddere, idq. non tam officij tui magnitudine prouocatum, quam iudicio facere, uelim existimes. Tu uideris, quid de me sentias, & quo me loco reponendum statuas: non enim ita laudem aspernor, praesertim quae ab ijs, de quibus bene omnes existimant, proficiscitur, ut, quam de studijs meis opinionem suscepisti, eius deponendae, aut imminuendae,

T 3 tibi

tibi auctor esse umquā uelim. Ego, quod ad me attinet si qua tui dabitur facultas ornandi, plena manu tuas uirtutes ad caelum tollam: studio quidem, & amore ne uincar, & enitar, ut soleo, diligenter, & ut spero, consequar. praesentem scilicet mutui sermonis suauitatem longinquitas aufert: litteris tamen, si ualebo, quod adhuc non contigit, ne prorsus abesse uideamur, operam dabo. Vale, & ✱ meo salutem. Venetijs.

IVLIO. BELLOGRADO

Vtinum.

22

AMABAM te antea, mi Iuli, quod esses eo patre natus, cuius excellentem probitatem, atq. doctrinam non praesentes modo, sed longinqui etiam praedicant, ego summam in me humanitatem saepe sum expertus: nunc, ista indole, isto te ingenio praeditum esse cum intelligam, ut paternam uirtutem, tamquam amplissimum patrimonium, non modo conseruare, uerum etiam augere possis; an dubitas, quin omnia in te studia libentissime conferam? quibus addam officia, cum licebit: & ut saepe liceat, exopto. Perge, adolescens egregie, mihi carissime, in isto ad laudem cursu. uiam iniuisti, quae te ad immortalitatem feret, directam, expeditam, a uulgi erroribus longe remotam. quo tibi nomine gratulor, mihi gaudeo plurimum, & ut perpetuo gaudeam, futurum confido. species enim uirtutis eximia, quo propius eam adspexeris, eo te commouebit magis, & amorem sui mirabilem excitabit. interrim contemplare actiones prudentissimi uiri parentis tui: ad eius te imitationem totum finge, atque conforma;

ma; ut haurias ab eo laudem tuam, quam capere uberioriorem ex nulla disciplina potes. Me uelim existimes omnibus de te maxima polliceri, & in te amando, si patrem excipias, nemini concedere. Filius meus te sibi maioris fratris loco ducit; nec ullum tui ornandi, quantum in ipso erit, locum praetermittet. Vale.

HIERONYMO. SERIPANDO

CARDINALI. CREATO

Romam.

23

A quo primum tempore aliquid sapere, idest a uulgi opinionibus dissentire coepi, semper ita iudicaui, multo esse optabilius, multoq. praestantius, consequi uirtutem ipsam, quam ornamenta uirtutis. itaque nunc, allato de tua dignitate nuncio, quem hic ingenti laetitia boni omnes exceperunt, non sane tua causa magis, quam antea, pro communi quidem Ecclesiae bono, cui tantum ex honore tuo praesidij, tantum splendoris accesserit, magnopere sum laetatus. tu enim is es, cuius animus haec humana numquam spectauerit, semper omnem spem, omnemq. gloriam, ac felicitatem in uno Deo, & in illa caelesti uita, recte, ac laudabiliter agentibus proposita, collocarit. Cui sunt occultae mirabiles illae tot annorum cogitationes, actiones, conciones tuae? quae si obscura fuissent, uno illo facto illustrarentur maxime, cum illa Praefecturae generalis insignia, quae libenter omnes assumunt, multo ipse libentius deposuisti. Quocirca non equidem magis, quia Cardinalis nunc es, quam quia semper ita uixisti, ut Cardinalium Collegio dignissimus esses, & mi-

T 4 bi,

hi, & omnibus laetandum intelligo. nec uero singularem, ac diuinam *Pij . I v.* Pontificis Max. sapientiam admirari, & efferre laudibus umquam desinam, qui uexatam assiduo prauarum opinionum impetu, nec mediocri periculo fluctuantem Christianae reip. nauem, auctoritatis, & doctrinae tuae pondere constituendam putauerit. itaq. non iam illas a septemtrione horribiles procellas, a quibus antea naufragium impendere uidebatur, posthac timebimus. *Pio I v.* gubernante, quod utinam diuina benignitas diuturnum esse patiat, tua, Seripande, tuorumq. similium ope, summa tranquillitate perfruemur. id & speratur, iam indicto Concilio, quod unicum tantis malis eximia superiorum Pontificum sapientia remedium inuenit: & mihi quidem si contigerit, ut ad eam diem spiritum ducere liceat, cum sublatas in perpetuum exitiosi dissidij causas, unam in communi salute uoluntatem, unum gregis uniuersi pastorem, ac moderatorem uideam; satis me uixisse arbitror, & plane laetus ex hac uita discedam. Interim fruor expectatione; & tibi, tuisq. uirtutibus, quas omnes laudant, utinam imitari multi uellent, eam, quam deo, obseruantiam, beneuolentiamq. praestabo. Vale. Venetijs.

ALOYSIO . ESTENSI

CARDINALI . CREATO

Ferrariam.

24

MULTA, & magna Principibus uiris, inter quos, Aloysi praestantissime, tua praecipue nobilitas elucet,

elucet, ad studium eximiae laudis adiumenta suppetunt: quae si comitatur uoluntas, excellunt facile, sic, ut ad immortalitatis praemia, cum quibus non opes, non imperia sapientes comparant, expedita quadam, & quasi compendiarie uia perueniant. Hoc tibi contigisse, cum omnes antea faterentur, grauissimum accessit Pij IV. Pontificis Max. testimonium, qui te, diu expetitur, paene recusantem, non rogantem quidem certe, in amplissimum Cardinalium Collegium, ipso maxime comprobante Collegio, summa bonorum laetitia, proxime cooptauit. Resat, quod futurum nemo dubitat, & tua superior uita pollicetur, ut istum honorem pro tua, maiorumq. tuorum dignitate administres. quod facile consequeris, si te, quidquid statues, quidquid ages, Cardinalem esse cogitabis, id est ex eo Ordine, unde maximi, ac praepotentis Dei Vicarij, rectores humani generis, Pontifices deliguntur. Locum tenes, quem summa dignitas illustrat, & in quo nullum neque dictum, neque factum obscurum esse possit. nec tibi aut a natura quidquam, aut a fortuna denegatum est, quo minus amplissimo te dignum sacerdotio praeb eas. operosum alijs, & perdifficile sit, ut est omnino, ac semper fuit, recte, & laudabiliter agere: Aloysio Etsensi, in tanta ingenij, animiq. praestantia, tam propensa ad honestum uoluntate, tantis etiam opibus, quis aditum uerae laudis non parere, quis aeternae uiae gloriae non esse facillimam existimet? Gaude igitur tam excellenti bono; & incumbe totus in eam curam, ut antiquum familiae tuae decus, per tot saecula, tot Ducum, tot Regum, & Impe-

Imperatorum uirtute partum, non tueare solum, uerum etiam uehementer augeas. nam nunc quidem eo tantum nomine tibi gratulamur, quod simul cum isto honore praeclaram saepe exercendae uirtutis occasionem accepisti. cumulabitur laetitia, & erit aptior gratulandi locus, cum haec honorum insignia, quae multis oneri fuisse constat, iustitia, pietate, omniq. beneficentiae genere ita sustinebis, ut & optimi Pontificis iudicio, & honorum expectationi, qua nulla maior umquam fuit, egregie satisfacias. quod euenturum breui, omnes confidunt: ego, pro meo in te singulari studio, quasi iam euenerit, praesenti gaudio cupiditatis meae fructum capio. Vale. Venetijs.

IO . BAPTISTAE . SARACIO

Ferrariam .

25

SEMPER equidem existimaui, quod tu quoque sentis, doctissime Saraci, non minimum fortunae praestare uirtutem; in qua etiam una satis esse ad bene beateq. uiuendum putarunt multi: tamen incidunt quaedam tempora, cum ipsi etiam habenda fortunae gratia uideatur. quod mihi nunc gaudeo contigisse. nam cum, aliquot abhinc annis, consentiens multorum sermo, eximias ingenij tui suauitates assidue praedicantium, in eam me uoluntatem, ac mentem adduxisset, ut diligerem te uehementer, & colerem: casu accidit proximis diebus, ut auctoritas tua, magnis atque perpetuis erga Principes tuos meritis, uirtutibusq. parta, expedire me haerentem, atque impeditum perdifficili negotio, posset. hoc ego fortunae meae

non

non uulgare beneficium esse duco. alterum est tuae uirtutis, quod, cum tibi meam cupiditatem uir egregius, omniumq. humanissimus, Paulus Sacratius ostendisset, contulisti statim ad rationes meas studia tua, spemq. nostram, iam prope languentem, atque abiectam, erexisti, & confirmasti promissis primum, deinde etiam officijs tuis. quo quidem in me singulari merito, quibus tibi uerbis gratias agam, plane non reperio. uincit enim, uincit prorsus, optime Saraci, ingenium meum humanitas tua. sed hoc ipso fit uirtus illustrior, cum in eos beneficia conferuntur, qui satisfacere non modo ipsa re, sed ne uerbis quidem ullo modo possint: quod tibi persuasum esse quis dubitet, qui consuetudinem benemerendi tuam, a praestanti quadam natura ortam, liberalium doctrinarum studio mirabiliter auctam, cognouerit? uerumtamen, quando mihi non simul cum facultate uoluntas quoque eripitur remunerandi, nonnihil in molestia gaudeo, & fruor tacitus officij conscientia, nec tamen futurum despero, ut, quae mihi nunc ad grati animi significationem deesse uerba sentio, eadem aliquando abundant, in tua benignitate apud alios praedicanda. Interim sine me hoc impetrare ab humanitate tua, ut multo maiorem esse putes obseruantiam, ac beneuolentiam in te meam, quam ullo unquam a me exprimi, ac declarari officio possit. quod si, ut spero, facies; mihi crede, praesentem gratiam, quam ex primis Sacra- ti mei litteris absolutam exspecto, haud paullo maiore gratia cumulaueris. Crapio, nisi graue est, a te salu- tari meis uerbis. Io. Baptistam Pignam. Vale. Ven.

PAVLO

PAVLO . SACRATO

Ferrariam .

26

SOLET interdum euētus esse gratior, quam causa, interdum etiam causa, quam eventus. me deletavit utrumque pariter in litteris tuis. nam, & ut Latine ad me scriberes, homo tum domesticis curis, tum etiam sedandis, ut audio, multorum controuersis assidue dislentus, certe amor impulit, atq. humanitas: & epistola tua ita mihi ornate, ita copiose omnes non modo animi, uerum etiam ingenij tui partes expressit, ut nihil umquam legerim libentius. Ego tibi antea, optime Sacrate, tribuebam sane multa, quae pauci consequuntur, prudentiam, integritatem, doctrinam, maxime uero praestantem quandam ad excolendas officijs amicitias & uoluntatis, & naturae propensionem: istam uero orationis exornandae facultatem, quae cum multi temporis, magnaeq. uidetur esse industriae, tum uero, ut ego sentio, atque usu etiam didici, ab intimo quodam, planeq. recondito depromitur artificio, uix putabam tibi inter diuersa plane studia posse contingere. sed uidelicet id me fefellit, quod ingenium tuum communibus metiebar exemplis: nec mihi ueniebat in mentem, auunculi tui Cardinalis, Iacobi Sadoleti, praeceptis, & consuetudine domestica aditum tibi ad omnem gloriam esse patefactum. nam, cum ille cunctis uirtutibus, quas laudabit posteritas omnis, assequetur fortasse nemo, bonorum, ac sapientium iudicio uirorum excelluerit: hac tamen in primis Latine scribendi laude ita floruit, ut ueteres illos

prope-

propemodum aequauerit, nos quidem, per eandem uia
cupientes excurrere, longe reliquerit. sed, ut ex episto-
la tua conijcio, conseruabis hoc quasi patrimonium, fa-
miliae uestrae proprium; & haec tibi communis he-
reditas erit cum patrueli fratre tuo, Paulo Sadoletto,
quem omnes homines ad egregia quaeque natum intelli-
gunt. Equidem in hoc mihi ipse primum gratulor,
qui tibi harum litterarum, quibus nescio an quidquam
non modo humanius, uerum etiam ornatiuss esse possit,
causam dederim. nam Iosephum Fasinardum, quem
ob eius doctrinam, & mores egregios uehementer a-
mo, oblitum arbitror modestiae suae, cum de me loque-
retur, & utrumque uestrum in eo consensisse, ut ille, te
libenter audiente, pro ueris falsa narraret, aut certe ue-
ris plurimum affingeret; tu illi, plena manu, ut saepe
prodigus amor est, ea, quae prorsus non agnosco, in me
conferenti, pro tuo in me studio libenter, & facile cre-
deres. utinam quidem, qui uobis nunc esse uideor, is a-
liquando esse possim: quod quia sperare non licet, ne cur
optem quidem est. Meus in te animus (quid enim prae-
terea pollicear?) officio erit, mihi crede, singulari:
quaeq. a te in meis rebus opera, atque beneuolentia na-
uatur, perpetuo quodam erga te studio ita compensa-
bitur, ut mihi nemo omnium, excepto amore domesti-
co, te uno carior, aut incundior umquam esse possit.
Franciscus Morandus, cuius ego contubernio, & qua-
tidiana consuetudine mirifice delector, uir egregius, nec
iuris tantum civilis peritia, sed poetica etiam laude,
& litterarum elegantia uehementer excellens, mutuo
te diligit, & quae ego tuis uerbis eum salutem imper-
tini,

*tui, eandem tibi ut eius nomine his litteris adscribe-
rem, diligenter mandauit. Tu saluere plurimum a me,
iubeas Io. Baptistam Saracium, deditum semper opti-
mis disciplinis, maximeq. cupidum ornandae uirtutis,
itemq. * quem uidi numquam, amo tamen sic,
ut mihi te riualem esse uix patiar. Vale. Venetijs.*

FRANCISCO. ROORTELLIO

Bononiam.

27

*MAGNAM habeo gratiam Hieronymo Seripando, optimo Cardinali, omniumq. uirtutum gloria praestantissimo, quod ab aliqua nos ob imitationem uirtutis exorta similitate ad summam beneuolentiam, coniunctionemq. traduxerit. te quidem cum eximia doctrinae opinione, quam apud omnes merito consecutus es, humanitatis laudem uelle coniungere, tum mea causa laetor, qui tua consuetudine nimium diu molestissime carui, meaeq. in te perpetuae uoluntatis ipse mihi egregie sum conscius; tum uero, quod inter te, & Sigonium meum, uiros tales, & plane duo nostrae Italiae lumina, non optime conuenire, ferendum uix erat. itaque, cum de nostra auctore Seripando reconciliata gratia ex ipsius Sigonij litteris cognouissem; feci statim, quae meae partes erant, ut animo te complecterer, meq. tibi, leuiter antea, nec sane mediocri cum dolore immutatum, libentissime totum restituerem. A te peto, non ut me mutuo diligas, quod te iam facere, perpetuoq. facturum certo scio: sed ut officijs etiam ita mecum certare uelis, quibus & cupide uincam, & uincar tamen non inuictus, ut
nihil*

nihil omnino neque de mea in te uetere obseruantia,
 neque de tua in me beneuolentia detractum esse uidea-
 tur. quamquam hoc, tua fretus bonitate, & sapien-
 tia, cum sperauerim antea, nunc ut plane confidam,
 litterae tuae fecerunt, ad hominem bene doctum, &
 utriusque nostrum amantissimum, Raphaellem Cylle-
 nium proxime conscriptae: quibus in litteris partim
 de me, quo sum mirifice laetatus, amantissime loque-
 ris, partim etiam typos Graecos fratris mei, nescio
 qua culpa amissos, benignissime mihi polliceris, ac de-
 fers. Ego, mi Robortelle, istam uehementer amo uo-
 luntatem, quam tibi certe emetior: liberalitate uero
 tua etsi delector maxime, tamen, cur utar, non est; cum
 officinam satis ampla & pereleganti huius generis co-
 pia magnis iam sumptibus instruxerim. tibi tamen,
 quia de commodo meo tua sponte cogitaueris, quod
 sine summo erga me amore fieri profecto non potuit,
 aequae debeo, ac si rem omnium maximam meo perne-
 cessario tempore detulisses. quod si a me paria, ac mul-
 to etiam praestantiora in omnibus rebus, quas ad tuae
 laudis, tuique commodi partem aliquam pertinere in-
 telligam, studia, & officia expectabis; numquam te
 fallam. atque huius quidem testem promissi, & quasi
 loco foederis, quod a me uiolari numquam patiar,
 hanc esse apud te epistolam uolo. Camillum Palaeot-
 tum, cuius excellentem humanitatem, coniunctam
 pari uirtute, non dubito quin praeclare cognitam ha-
 beas, & communem amicum, dignum Romulo pa-
 rente filium, Pompilium Amasaeum, rogo te, salu-
 tes meis uerbis diligenter. Vale. Venetijs.

ALE-

ALEXANDRO . CRISPO 28

HABET hoc uirtus , ut amicitias nullo inter-
cessore conciliet . itaque , cum de studijs tuis , & in-
credibili quadam ad liberales artes uoluntatis pro-
pensione , ex Sebastiani Leonis , familiaris mei , litte-
ris cognouissem : dilexi te statim , idq. ut intelligeres ,
uehementer optaui . nunc , quando opinionem meam
de ingenio tuo susceptam epistola tua confirmat ; ego
quoque aliquanto magis ad te amandum impellor .
quod uero etiam in amore mihi respondeas , tuamq.
operam , curam , & auctoritatem nullo umquam lo-
co defuturam promittas : utrumque facio plurimi ,
& esse perpetuum cupio . quod ut confidam , tua pro-
bitas facit , multorum sermonibus , praecipue uero
Leonis nostri testimonio comprobata . Hic egohorta-
rer , pro mea in te summa beneuolentia , ut acrius te
ad omnem laudis cupiditatem incitares . sed neque in-
dustria tua cuiusquam indiget praeceptis : nec te res
ulla magis ad gloriam accendet , quam nobilitas tua ,
quam , non dubito , quin saepe mente & cogitatione
contempleris . tantum igitur te rogabo , ut istum te-
neas , quem coepisti , cursum , nec te umquam aut uo-
luptas , quae adolescentibus maxime suis blanditijs ,
& ficta boni specie perniciosas insidias tendit , aut
fucatus rerum humanarum splendor a studio uirtu-
tis , idest a uera , solidaq. gloria deducat . Vale , &
Leoni nostro , doctissimo atque optimo uiro , dic salu-
tem meo nomine plurimam . Venerijs .

SCRI-

SCRIPSIT. HANC. ROGATVS

A. NOBILISSIMO. VIRO 29

CVM in summis molestijs, quibus me fortasse immerentem fortuna uexat, quae quidem tibi satis notae sunt, unicum mihi solatium fuerit beneuolentia tua, quam opinabar me singulari quadam ac perpetua erga te obseruantia, & studio quodam incredibili consecutum: eo me solatio magna ex parte priuatum esse, ex eo sermone, quem habuit mecum proxime Drusus tuus, uehementer doleo. quod quidem eo patior acerbius, quia, si posset augeri amor in me tuus, augeri potius debere pro mea in te egregia uoluntate, maximisq. studijs, existimabam. quidenim, a quo primum tempore aditus mihi patuit ad amicitiam tuam, de te senserim, ipse mihi optime sum conscius: quid uero praedicauerim, testes habeo, non leuissimos homines, sed praestantes uiros, eosq. minime paucos, quorum auctoritas, & probata uita uel sine iureiurando facile fidem facere possit. quae cum recordor, magnam ex officio meo uoluptatem capio: propterea quod nihil umquam mihi grati animi memoria incundius aut est, aut umquam erit. &, quamquam animum tuum non nihil immutatum Drusi uerba significabant; cum ego perpetuitatem amoris tui expectauerim; eamq. tantifecerim, ut ex omnibus rebus humanis nihil paene pluris aestimauerim: tamen, non ut animatus nunc in me sis, sed ut antea fueris, in omni mea uita incundissime cogitabo; quaeq. in amicitia colenda a

V doctif-

doctissimis uiris constantiae tributa laus est, eam ut
omnio consequar, enitar quantum in me erit; non
quod tua uirtus cuiusquam hominis laudationem, uel
tua fortuna cuiusquam opes, aut merita desideret;
sed profecto apud sapientissimos homines, quem ego te
in numerum refero, significatio bonae uoluntatis, et-
iam si merita non habet, pro meritis tamen est. Te
uero, Principem egregium, omniumq. uirtutum apud
omnes homines, maximeq. apud omnes Principes lau-
de florentem, praeterea ista ornatum dignitate, quae
ad omnem laudem tacita quadam cohortatione uide-
tur impellere, figmentis commoueri hominum impro-
bissimorum, & alienis fortasse bonis inuidentium,
prorsus aequum non est. Quid enim? an ego tam pra-
uus esse possim, ut optimo uiro coner unquam in ser-
mone detrabere? an tam stultus, ut, qui mihi multis
rebus prodesse, multis etiam obesse possit, eum indignis-
simis lacessam iniurijs? an tam ingratus, ut, cuius
erga me summam humanitatem, ac benignitatem sen-
serim, de eo quidquam cogitem, aut etiam loquar ini-
quius? Quid honor meus? an apud me nullius est pon-
deris? ille uero mihi uel ipsa uita carior adhuc fuit,
eritq. in posterum, ita sum a puero educatus, ita natus:
ita etiam didici ab exemplis maiorum meorum. an igitur
honor meus tantam ferre posset inconstantiam? ille certe cum omnes maculas, tum hanc, quae turpif-
sima est, lenitatis, & intemperantiae, respuit, ac re-
formidat. Quare si peccarem in te, magne Princeps,
simul in me ipsum peccarem. quorum alterum ab of-
ficio

ficio meo, alterum a uoluntate nimis abhorreret.
 Quod igitur neque committere debeo, neque possum,
 id mirarer equidem a te credi; si plane, quae ad me
 delata sunt, uera omnia putarem. sed prima mihi haud
 libenter id credo, quod iniuncta. em ac sollicitudi-
 nem affect animo meo: deinde, quod indignum uide-
 tur bonitate tua, quam ego, ut maxime omnium la-
 beo cognitam, ita maxime omnium efferre laudibus
 ubique soleo: postremo, quod cum ipsa ueritate pu-
 gnat. Quod autem, quiddam etiam de liberalitate
 mea gloriose a me iactatum, iidem comminiscuntur:
 impudens mendacium est, ac, ne alijs utar argumen-
 tis, te ipso teste falsum. nam, fuisse me tui perstu-
 diosum, omnia tibi, tuisque, quae potuerim, obse-
 quia, atque officia praestitisse, uere dixeris, & mul-
 ti sciunt: quo tamen ipse nomine gloriari non soleo;
 contentus ipsa re sum: uerum fuisse me, cui multa
 desunt, in te, qui cunctis rebus abundas, liberalem,
 & de meis riuulis praene aridis affluxisse aliquid ad
 tuos uberrimos fontes, certe nemo dixerit; nec, si quis
 diceret, ego agnoscerem. Hoc igitur uno, quod inanissi-
 mum esse constat, reliqua, mihi obiecta, refelluntur.
 patent insidiae maleuolorum; infirmatur, ut saepe
 solet, a se ipsa, & suo quasi gladio ingulatur impro-
 bitas. itaque recreor paullulum in acerbissima molestia:
 ut etiam hoc sperem, si qua uoluntatis tuae facta mu-
 tatio sit, quod quia meritis minime sum, ideo mini-
 me possum credere, me tamen ab humanitate tua facili-
 le impetraturum, ut te mihi totum restituas. nec enim

V 2 decet,

deceat, apud talem uirum, tantumq. Principem, natura bonum, iudicio, & consuetudine optimum, consilijs & artibus locum esse hominum perditorum. quam mihi spem ut confirment litterae tuae, peto a te pro mea peruetere non solum erga te, uerum etiam erga tuos omnes obseruantia: idq. a te summa tua, tuaeq. familiae dignitas postulat. Vale.

EPISTO-

EPISTOLARVM
PAVLLI. MANVTII

LIBER. SEXTVS

FRANCISCO. RICHARDOTO

EPISCOPO. ATREBATEN. I

CVM antea tibi, ex hominis mihi amicis-
simi, tuiq. studiosissimi, singularis uiri,
Octanij Pantagathi, sermone tribuebam
plurimum, ac te, nondum mihi de facie
notum, colere tamen, & diligere non uulgariter coe-
peram: tum uero, ut legi orationem tuam, nuper ha-
bitam in Synhodo Cameracensi, qua nescio an quid-
quam adhuc uiderim praestantius; dici uix potest,
quantum ad meum de te iudicium, quantum etiam
ad amorem accesserit. uidi enim, ut in tabella pictam,
atque expressam, ingenij, doctrinaeq. tuae imaginem
excellentem: quam intuens, amore tui sum incensus
incredibili, sic, ut ardentius esse nihil possit. & quam-
quam assiduis distinebar curis; feci tamen; studio
scilicet impulsus; ut his tibi litteris aliquam uolun-
tatis in te meae significationem darem. nam, etsi tu is
es, cuius uirtutes, quasi pleno theatro spectatae, iam
ita notae sint, ut nec augeri cuiusquam praeconio, nec
minui uituperatione possint: me tamen ita anima-
tum esse uelim existimes, ut, cum multi certatim te
ornent laudibus, ego tamen in eo uel principatum ap-
petam, uel superiorem certe feram neminem. Nam,

V 3 qued

quod te de studijs meis non pessime sentire, & Ioannes Richardotus, praeclara indole iuuenis, natus ad omnem laudem, planeq. te auunculo dignus, affirmat, & litterae tuae, ad illum scriptae, significant: ualde triumpho. atque istam opinionem, mihi crede, beatorum hominum copijs, atque opibus non comparo solum. uerum etiam antepono. quid enim optabilius, quam ijs placere, quorum uirtus, & uita tum principibus uiris, tum etiam populo placet uniuerso? quid autem accidere cuiquam possit illustrius, quam a te laudari, qui ita uiuis, ut nihil agas, nihil expetentium putes, nisi cum eximia laude coniunctum? notum enim genus est institutorum tuorum, nota industria, notae curae pro salute animarum uel tuenda, uel recuperanda. Scimus, quos ex ingenio tuo fructus Atrebates tui partim iam colligant, partim etiam expectent: dicerem, nobis inuidentibus, si aut in Christianum inuidia caderet, aut ex eo genere uirtus esset. quae non longe distribui, non communicari passim facile posset. quod cum ita sit; non committam tamen, ut te horter, ut ad nos quoque tua scripta peruenire uelis. quod enim publice profuturum uideatur, in eo neque cuiusquam hortationi bonitas tua, neque consilio prudentia locum relinquit. laetabor potius, quod ea sis & uoluntate, & uirtute praeditus, ut optime de Christiana rep. mereri, eamq. miseris temporibus labefactam confirmare maxime possis. quo scito, inibis maximam gratiam ab omnibus bonis, tibiq. perennem gloriam, & ea, quae summis meritis proposita sunt, praemia consequeris. *A me uelim,*

uelim, si quid tua, tuorum ue causa praestare possim;
quamquam, & quam tu firmus ab omni re sis, &
quam ego imbecillus, intelligo; uerumtamen, si ac-
ciderit, ut uel amplitudini, gloriaeq. tuae, uel eo-
rum, qui tibi cari sunt, commodis seruire possim; ex-
spectabis eadem a me, quae soles ab ijs, quorum ualde
cognitam habes fidem, beneuolentiam, obseruantiam.
dabo operam, & assequar, ut spero, ut opinioni tuae
officia mea respondeant. studium quidem, si res posceret,
exstabit eiusmodi, ut nec obscurum esse, nec mediocriter
uideri possit. Vale. Romae, pr. id. Sept. MDLXV.

NICOLAO. GOTIO

Epidaurum.

2

MVLT A uirtus praemia, sed nullum habet seipsa
praestantius. itaque, nisi te ipsam prorsus ignores,
ualde te laetari necesse est, mi Nicolae, tum doctrina,
tum etiam eloquētia tua: quarum alteram ex hominis
mihi amicissimi, cuius testimonio plurimum tribuo,
Pauli Bosij litteris iampridem habeo cognitam, altera
se se ostendit in epistola tua, sic, ut speciem egregiam
ueteris Romanae linguae propemodum in te uno mi-
hi uidear agnoscere. Quo circa patriae tuae gratulor,
quam praeclaris institutis, opibusq. florentem prae-
cipua quadam scientiae tuae gloria nobilitas. Gratu-
lor etiam mihi de amicitia tua: cum qua, mihi crede,
neque Regum opes, neque ulla omnino fortunae bona
confero. Nec uero Imperatores illos ueteres, quorum
bellica facta historiae celebrant, tantam e suis trium-
phis, atque ex insigni illa laurea cepisse uoluptatem

F 4

existi.

existimo, quantam habere me sensi, cum eam partem legerem litterarum tuarum, in qua, rationem studiorum meorum probari tibi uehementer, significas. quod si tu aliter sensisses; mutassem institutum; meq. ad consilium tuum, tuaq. praecepta totum contulissem. Et, quoniam, quid praestare possis, uideo; cupio, te aliquid mandare litteris, quod ad posteros perueniat. Plura uellem, sed auocant negotia. unum illud addā, te mihi esse in oculis, idq. tuo merito. ferus enim, ac ferreus nimis est, qui te amore singulari nō amat, tot praeditum suauitatibus ingenij. Ego tibi a me singularem beneuolentiam, & perpetuam tui nominis obseruantiam polliceor. Vale. IV. id. Sext. MDLXI.

IOANNI. SARIO. ZAMOSCIO

Patauium.

3

SAEPE mihi antea litterae Caroli Sigonij, cui quantum tribuam non ignoras, praeclarum & humanitatis, & ingenij, doctrinaeq. tuae testimonium dederant: itaque te eram complexus amore non mediocri, sic ut fauerem tuae laudi mirabiliter, idq. ut ipse illustri aliquo signo intelligeres, uehementer cuperem. ut optabam, ita contigit. nam, cum tu animum induxisses ualere me gratia apud Petrum Miscouium, florentem uirum honoribus, opibus, omniq. uirtute; facile impetrauit a me Sigonius, cum tuo nomine rogaret, ut ei te commendarem litteris quam possem diligentissime. uerum, ut est Miscouius in liberales doctrinas egregie animatus, & ingeniorum estimator intelligens; non dubito, quin tibi plus apud eum

eum uirtus tua, quam mea commendatio profutura sit. ut ut erit, ego mihi interim facultatem esse datam testificādae beneuolentiae in te meae, etiam atque etiam laetor. quod ita uelim interpreteris, ut accepisse me beneficium, non dedisse, existimes: quando hinc uel orta inter nos, uel certe aucta amicitia est, & mutuo iam litterarum quasi pignore confirmata. quod si ad hanc animorum consensionem, qua tamen coniungi absentes uidemur, communicatio sermonis & suauitas consuetudinis posset accedere; id quod forsitan optamus pariter, sperare mihi per meas rationes, tibi per studia tua non licet: praestantes, opinor, fructus caperemus eorum studiorum communione, quae qui uere sapiunt, sola esse instar uitae putant. quamquam hanc mihi aliquanto iniquius, quam tibi, ferendam esse iacturam intelligo. tu enim istuc & abundas otio, cuius mihi fructus, nisi commentarer interdum aliquid antelucanis horis, plane eriperetur omnis: & cum te Sigonio nostro, humanissimo uiro non ijs modo artibus, quae specie quadam alliciunt, & desessum grauibis curis animum recreant, uerum etiam ijs, unde ratio sumitur, & moderatio uitae, instructissimo, totum, ut audio dedideris, mihi crede, non est, quod aliunde quidquam petas, aut cuiusquam praeterea uiam in hoc genere uocem desideres. Quare isto bono frui, dum licet: in quo tamen admonitionem, & consilium meum prudentia tua non expectat; atque hoc equidem nomine tibi plurimum, ut debeo, gratulor: me uero absentem dilige; itaq. statue de mea uoluntate, ut multos credas esse, & familiaritate,

qua-

quotidianisq. officijs coniunctiores tecum esse posse,
quam me; amore autem, & studio, prorsus neminem.
Vale. Romae, Kal. Nou. M D LXI.

PETRO. MISCOVIO

4

A quo die, accitus a summo Pontifice, ad Urbem
ueni; otioso numquam esse mihi licuit: &, quantum
diuino, eadem perpetuo erunt omnia: neque uero sa-
lutarionibus quotidianis, quarum pleraeque mihi qui-
dem uoluntariae sunt, necessarias quasdam alijs am-
bitio facit, ualde me deditum esse uelim existimes.
ualeant haec, & si quid est generis eiusmodi: ego in
ea cura, quam suscepi, ut emendati edantur sacri li-
bri, mihi esse haerendum intelligo, & eo magis, quod
ad res praeclaras, communemq. animorum utilita-
tem, ita Pontificis uoluntas incumbit, ut excitet stu-
dia multorum, eaq. intermitti, aut languescere non
sinat. quae si tibi, ut arbitror, iam nota sunt; non du-
bito, quin me, cessantem in officio litterarum, omni
uel negligentiae, uel obliuionis amicitiae inter nos
institutae culpa liberes. sin ex me primum haec ac-
cipis: aequiorem saltem in posterum te mihi praebere
debebis, & existimare id, quod res est, me tibi ex ijs,
quos in longinquis terris uiuentes. similitudine mihi
studiorum coniunctos, libenter coepi diligere, prae-
cipuam uni praestare memoriam, atque obseruantiam,
nec mei iam in hoc officio dissimilem esse posse, quan-
do tu quoque, ut audio, quotidie tui similior es, idest
earum uirtutum laude praestantior, quarum fama
tibi multos non mediocri uoluntate, me uero aliquot

ab

ab hinc annis plane singulari studio deuinxit. Ac uide, quid uerus amor ualeat. ego, cum tibi me comparare nulla re audeam, ne utrumque nostrum uidear ignorare, tamen, cuius in te animi sum ipse mihi conscius, in eo te respondere, libenter credo. fert hoc humanitas, postulat consuetudo tua, exigit etiam amicitia nostra, cuius equidem recreor memoria, honestor etiam nomine. hac spe fretus, a te peto, ut Ioannem Sarium Zamoscium, qui hanc epistolam cum suis litteris ad te mittet, ita complectaris, ut meam commendationem, quod ille sibi persuasit, ualuisse plurimum intelligat. est in familiarissimis, atque intimis Caroli Sigonij: & excellit, ipso teste Sigonio, moribus, ingenio, omni denique indole uirtutis. iam, quae mihi cum Sigonio intercedat necessitudo, quanta studiorum, animorumq. coniunctio, quam consentiamus in litteris, aut quam suauiter interdum dissentiamus, ut ego mihi illum semper anteposuerim, ille mihi semper tribuerit plurimum, utriusque scripta declarant. suscipe igitur, si quid non modo mea, uerum etiam Sigonij causa uis, & orna, quantum potes, excultum doctrinis iuuenem, praestantis animi, natum ad patriae suae decus, tui uero mirifice studiosum, atque peramantem. nos enim simul in illo ornabis testimonio benevolentiae tuae, quam cognosca quamplurimis, & nos aliquid apud te esse, quia uehementer hoc ad nostram laudem pertinet, propterea uehementer cupimus. Vale, & Patricio meo, nisi graue est, salutem meis uerbis plurimam. Romae. xiv. Kal. Oct. MDLXI.

IOAN.

EST, cur gaudeam, capere te fructum aliquem ex ijs litteris, quas ad ornatissimum uirum, Petrum Misconium, de te scripseram. quamquam hanc ego iam laetitiam animo praeceperam, quippe qui & Misconij praestantem humanitatem cognitam haberem, & in te ipso esse multa; quae amorem concilient, non ignorarem. quod si te nobis, idest alienioribus, tua uirtus ita commendat, ut cupiamus tua causa, quidquid possumus: cur eadem uirtus omnia tibi a tuis, nulla cuiusquam commendatione, non impetret? hoc te quoque existimare, cum intueor studia tua, facile mihi persuadeo: nec dubito, quin, ex quibus artibus manant haec, quae tibi proposita sunt, quaeque adeptus in summo splendore ac dignitate uiues, eae tibi artes cariores quotidie sint, cum praesertim excellere te intelligam industria, doctrina, eloquentia, sic, ut alios tua laude commoueas, exemploque doceas, male suis rationibus consulere, si quem a sempiternis praemijs paucorum annorum labor auertat. Patricius de nouo cupit Venetijs imprimi sua Fragmenta. in ea re meam operam uidetur exposcere, nec mihi uoluntas deest: amo enim hominem amore non uulgari: sed, absens quid possim, non uideo: nec libenter suscipio, quod si parum succedat, amici animus offendatur, & ego illius angar molestia. scribam tamen ad eum, cum uacabo. nam nunc occupationibus ualde urgeor. Vale. Romae.

IOAN.

IOANNI. TURRIANO

Sermonetam.

6

ET SI eram ualde districtus earum rerum cura, quae ad sacrorum librorum editionem pertinent : cui toto muneri, me esse a Pio IV. Pont. Max. non contemnenda condicione praepositum, credo te audisse : tamen, acceptis litteris tuis, humanissime scriptis, & elegantissime, uicit occupationes meas, nec a me responderi nihil est passa recordatio nostrae ueteris amicitiae, quam a uirtute ortam eadem postea uirtus aluit, atque conseruauit. Ego te, mi Turritiane, quo primum die cognoui, dignissimum duxi, quem omnes homines in oculis ferrent : ita sum delectatus ingenio tuo, ita doctrinam, ita mores probaui. Consuetudinem tuam, atque usum inter nos assiduum, cum uehementer expetere, per utriusque rationes consequi non licuit. nunc, siue casus, siue nostra uoluntas ita tulit, ut ego Romae, tu Sermonetae uiueres ; laetor plurimum hac locorum propinquitate, & spero futurum, ut maiores mutuae beneuolentiae fructus, si minus praesentes, litteris saltem consequamur. ego tibi omnia, quae potero, diligenter officia praestabo, memoriam quidem, & beneuolentiam, ut debeo, singularem. De tuo statu audieram antea saepe a Laurentio Gambara, proximis autem diebus a familiari tuo, iuene suauissimis moribus ornato, cognoui ea, quae mihi laetitiam attulerunt incredibilem : ualere te gratia, & auctoritate apud Sermonetanum Cardinalem omni laude cumulatum, eiusque fratrem, Bonifacium, Prin-

Principem, maiorum suorum uirtute simillimum: in Auditoris munere numquam te a iure, & aequitate discedere, consequi tamen humanitate, & ingenij praestantia, ut summis, & infimis carus aequae incundusq. sis: filiolum te habere indole optima, quem patris domestica uirtus ad uerum decus excitabit. Haec de te, ut optabam, quae spero fore perpetua. de me, praeter ea, quae ab alijs accepisti, nihil tere habeo, quod significem. ualeo satis commode: filius discit apud me diligenter: nec paenitet, quantum proficiat. uinimus, mediocri fortuna contenti. Vale, & clarissimo Principi, cuius ego parentem, cum uiueret, auum autem pater meus omni obseruantia coluit, salutem plurimam, officiose manum osculatus, meis uerbis dicet. Romae, VI. Id. Nou. MDLXI.

ANDREAE SILVIO

Venetias.

7

Vix credas, mi Silui, quam saepe in magnis occupationibus tangar desiderio tui. non enim tuae suauitatis, non ingenij, non etiam pudoris ingenui, quo delector in primis, exemplum facile reperio. moueor etiam promisso illo tuo interpretationis Horatianae, de qua te absentem interdum admonere possum, praesentem quotidie appellarem, ac paene conuicio exigere. quis enim, qui de poetis modo iudicare aliquid possit, uni inter Latinos omnes Horatio, uel acumine ingenij, uel sententiarum grauitate, palmam non tribui? quis igitur non magnopere tuarum lucubrationum cupidi aie capiatur? dixerat, uelle te omnia, quae

quae ille a Graecis plurima transtulit, ut suam poe-
sim, tamquam auro purpuram, illustraret, diligenter
colligere, oculisq. omnium, ut imitandi ratio pateat,
subijcere. totum opus erit egregium: sed hanc maxi-
me partem, in qua non admodum aliorum elaboravit
industria, a te homines eruditi uehementer expectant,
& augetur expectatio sermonibus meis. Quare uelim,
si quid ego apud te sum, uel potius, si tibi ipse carus
es, ad urbem te conferas ineunte uere. nusquam cer-
tiora, aut maiora bonis artibus proposita sunt prae-
mia. alijs in locis, tamquam peregrina, procul ad-
spicitur uirtus: hic statim colitur, ut domestica com-
plexu excipitur, fouetur sinu. quis autem ipse sibi tam
iniquus esse uelit, ut, ubi aliquem possit, atque adeo
maximum suorum laborum, & uigiliarum fructum
ferre, ibi non & sedem ponere, & perpetuam uitam
ducere animum inducat? Exempla ne quaeras: un-
dique enim suppetunt. Haec tantum scripsi raptim,
in magnis temporis angustijs, ut intelligeres, me esse
memorem amicitiae nostrae, & cum assidujs disti-
near curis, de tuis tamen commodis, & ornamentis
cogitare. Vale. Romae. Idibus Nou. M D L X I.

IOANNI. BAPTISTAE. TITIO

Florentiam.

8

C V M, quid ageres, ignorarem, nec iam, ut inge-
nue fatear, tui desiderium satis ferrem: quippe tua
mibi suauitas, tuum ingenium, tuae litterae saepe
occurrunt: amore sum impulsus, ut haec in magnis

occu-

occupationibus ad te scriberem. Et, ut ordiar a rebus
 Romanis, id primum cognosce, tranquilla hic esse om-
 nia, nihil turbulenti, nihil aduersi. ciuitas quotidie
 magis hoc Pontifice reuiuiscit. ita non modo ipse excel-
 lit iustitia, pietate, beneficentia, uerum etiam suos om-
 nes, egregiae illos quidem ad uirtutem indolis, uerum-
 tamen suo etiam exemplo, quales esse debent, tales
 praestat. quod in magna potestate, rerumq. copia
 quam non facile contingat, utinam ueteribus tantum,
 non etiam recentibus exemplis cognitum haberemus.
 Multis locis aedificatur strenue. nam Pontifex, ut prae-
 stant animo est, antiquae illius Romae speciem exi-
 miam, & formam cogitatione, ac mente comple-
 xus, excitari praeclara monumenta, uias restitui ue-
 teres, nouas muniri, aquas etiam a longinquis fon-
 tibus impensa maxima in urbem duci iubet, quae cum
 erunt absoluta, nihil ad specum pulchrius, nihil magni-
 ficentius, aut etiam commodius esse poterit. Ego,
 quamquam tum alijs rebus, tum officio salutandi mo-
 testissimo quotidie fere distineor, iucunde tamen satis
 uiuo: si modo homini, scientiae cupido, sine librorum
 usu, quo careo perinuitus, iucundi quidquam esse po-
 test. Prae la nostra, comparatis iam fere omnibus re-
 bus, quae ad imprimendum pertinent, propediem in
 officio erunt, & a Cypriani epistolis, quod felix, fau-
 stumq. sit, initium fiet. De tuo statu expectabam
 omnino aliquid ex litteris tuis: idq. postulare uide-
 batur amicitia nostra: sed, cum ea spes me fefellerit,
 nolui committere, ut uicissim ipse officium meum de-
 siderare posses. Vale, & salue a filio meo, cui raptim
 haec

haec mane dictavi, cum in Vaticanum, negotij causa, properarem. Romae, nonis Dec. MDLXI.

IOANNI. TVRRITIANO

Sermonetam.

9

IN magna iucunditate, quam tua mihi attulit epistola, molestiae nonnihil, ac doloris adspersit illa pars, in qua, Bonifacii Caetani nomine, Principis egregij, cuius causa uelle me omnia, atque etiam debere confiteor, accurate petis, ut ad eius filium liberalibus excolendum disciplinis conferam studium, & industriam meam. quod idem ante ea cum & saepe, & uehementer peterent Cardinales aliquot, optime de me meriti, inuitus equidem, tamen pernegavi: neque uero ob eam causam, quia, priuatim docere, praesertim in urbe Roma, dignitatem non habere, arbitrantur multi: quod mihi quidem uidetur secus: quod enim scire honestum est, id cur docere turpe sit, non intelligo; sed multo magis, quia publici muneris cura, libenter a me pro communi utilitate suscepta, uacui sane temporis minimum relinquit: & id ipsum, quod relinquitur, iure quodam suo sibi postulant, atque exigunt studia mea. quamquam ab his me saepe uel salutandi necessitas, uel amicorum auellit interpellatio. ita traducuntur dies, honeste, inquires. fateor. addo etiam, satis iucunde. non enim me μισάνθρωπον quendam, abhorrentem a consuetudine hominum, & humanitatis expertem, natura finxit. ueruntamen, cum illa, tibi non ignota, studiorum nostrorum suauitate uoluptatem nullam comparo. quod si nobilissimi

X ado-

adolescentis confirmandum optimis artibus ingenium
 susciperem; ualde mihi cogitandum esset, quid patri
 eius, & patruo, quid etiam aui memoriae, quem
 colui studiosissime, quid familiae claritati deberem.
 saepe mihi occurreret mea fides, & suscepti ratio mu-
 neris, & hominum quoque opinio, cui seruiendum
 esse non ignoras. quae profecto uel singula tanti sunt,
 ut maximam a me diligentiam flagitare uideantur:
 cum in hac tot rerum occupatione tanta ne mediocrem
 quidem praestare possim. Filius meus, cui te bene omi-
 nari gaudeo, mea uoce iam, qua quotidie fere aures
 eius antea personabant, in discendo non utitur. sic
 enim in utraque uersatur lingua, ut suo iam studio
 potius, quam nostra proficiat industria. Quare uelim
 eo te esse locoingas, quo ego sum: & si nec officij me
 putas ignarum esse; nec obstare, quo minus officio
 satisfaciam, uoluntatem uides; tribuas hoc amicitiae
 nostrae, & aequitati tuae, ut causam meam apud opti-
 mū Principem diligenter agas; eiq. de meo sensu &
 studio ita fidem facias, nihil ut sibi tam esse deditum
 sentiat, quam operam omnem meam, atque curam,
 nec malle me quidquam, quam eius, cum possim, obse-
 qui uoluntati, & cum non possim, uehementer angi.
 hoc tu cura, & perfice, si me graui sane sollicitudinis
 onere lenatum uis. facile, ut opinor, uel humanitas
 illius, uel ratio ipsa, quod cupimus, impetrabit.
 idq. a te, ne uidear humanitati tuae dissidere, pluribus
 uerbis petere non debeo. Vale. Romae, xvi Kal.
 Ianuar. MDLXI.

COLAE

COLAE. ANTONIO. CARACCIOLO

MARCHIONI. VICI

Neapolim.

10

AVVM tuum, *Marthionem Vici*, uirum omni laude cumulatam, uita excessisse, amicorum litterae significant. quo equidem nuncio, primum uehementer sum commotus, cum mihi ueniret in mentem doloris tui, quem ex illius interitu, conspectu erepto carissimi hominis, & fructu amisso maximarum uirtutum, quibus in uita excelluit, iure suscepisti: deinde, ut me collegi, occurrerant multa, quamobrem animus meus a maerore abductus nō mediocri solatio conquiesceret. Quid enim est in hac uita exoptandum? uita ipsa, dixerit aliquis. num quid praeterea? uirtus, & bona existimatio, sine quibus ipsam, uiuere, sapientibus incundum non est; amplae fortunae, quas Peripatetici non neglexerunt; amicitiae, quarum usus in secundis rebus delectationem, in aduersis utilitatem semper, interdum etiam salutem affert. At haec auo tuo, diuino quodam munere, omnia contigerunt, qui & ad ultimam fere senectutem uitam perduxit, & sempiternam laudem, militari scientia, ac fortitudine partam, posteris reliquit; opibus autem non abundauit solum, uerum etiam optime usus est, amicitias, & clientelas, officijs, & liberalitate quaesitas, coluit diligentissime. Quae cum ita sint; non tibi dolendum est eius interitu, quem sciebas natum esse mortalem; sed laetandum potius, quod ita uixerit, ut minimum ei mors, quae multorum nomina cum corporibus ex-

X 2

stin-

stinguit, adimere posse uideretur. uiuet enim auus tuus, uiuet, inquam, in hominum memoria, quamdiu probitati, consilio, uirtuti locus erit. atque ille quidem laetari uehementer solebat, cum te nepotem suum, omni decore florentem, heredem sibi futurum cerneret non earum modo rerum, quae fortunae bona dicuntur, sed etiam uirtutis, ac sapientiae, quae neque a fortuna dantur, nec eripientur umquam. itaque debes eniti, & curare, quod te iam egregie praestare audio, ut eius in te uirtutes agnoscantur; et, quam uerae gloriae uiam iam ingressus es, per eam celeri cursu eodem pergas. sic enim breui ad ea, quibus iam, bonis omnibus mirifice fauentibus, ac laetantibus, appropinquas, immortalitatis praemia peruenies. me quidem perpetuo praeconē laudum tuarum, si quid mea uox ualeret, fore pollicerer: studio tamen, & conatu, si minus re ipsa licebit, fortasse consequar, ut, quae mea sit erga te obseruantia, quae de tuis uirtutibus opinio, quae tua simul in me merita, homines intelligant. Vale. Romae. pridie Kal. Mart. MDLXII

IO . ANTONIO . SERONI

Neapolim .

II

ET SI non dubito, quin tu, pro tua prudentia, quibus assidue dislinear curis, & quae negotiorum onera sustineam, praeclare intelligas: tamen peccasse mihi uideor, nec a me ipso ueniam facile impetro, qui, acceptis litteris tuis, humanitate simul, & ingenio conditis, respondendi officium ad hanc usque diem protulerim. hac enim me esse mente, uelim existimes, ut
nihil

nihil aut a fortuna consequi, aut ab industria possim,
 quod tuisimilium amicitijs antepōndum putem. ita-
 que, nullius mihi non modo culpa, sed nec erroris con-
 scijs, magno tamen in dolore uersor. appellasti me
 prior suauissimis litteris, ornasti laudibus: amoris
 nulla significatio est, qua uacauerit epistola tua. qui-
 bus in rebus gratiae referendae facultatem non habeo:
 studio tamen, & memoria benignitatis tuae, partes
 meas facile ruebor. quamquam, quod ad laudes atti-
 net, quas in me plena manu congestisti: uix possum
 constituere, laetitiae ne plus, an molestiae mihi at-
 tulerit iudicium de me tuum. nemo fere amat, nisi de
 quo bene existimat: cur igitur, a quo amari uehementer
 cupio, ei me talem uideri, qualis nunc quidem certe
 non sum, atque utinam aliquando esse possim, non ue-
 hementer gaudeam? rursus, cum ad me ipsum cogitatio
 nem conuerto, meiq. uires ingenij cum opinione tua
 confero, statim illustrat ueritatem ratio, erroremq.
 mihi tuum cum pudore meo, atque etiam, ut uere
 dicam, non mediocri cum dolore patefacit. quam-
 quam, cur ego errare te credam, qui studio, & doctri-
 na iampridem es affecutus, ut minime omnium in hoc
 genere falli possis? nec seruire auribus certe uis, homo
 ingenuis disciplinis eruditus. quid ergo est? Socratem
 uidelicet imitaris, & ironia te delectat. nam, quod tua
 bona minuis, nostra uero, si qua sunt, auges; amo
 equidem in altero modestiam tuam, in altero huma-
 nitatem: uerum hoc scito, & patere aequo animo, me
 de te ipso contra te sentire, persuasum iam elegantijs,
 & subtilitate litterarum tuarum: quas qui legerit,

quam longe per eloquētiæ viam processeris, intelliget. De me auicem, utinam sententiam tuam scripta mea non refellant: quibus ut ingenium non defuerit, quod tu existimas, ego aliter flatuo, diligentia certe, quæ subleuare ingenium potuit, in magnis occupationibus, & ualeitudinis infirmitate semper defuit. Quare omite, quaeso, ironiam istam, & aequal lance utrumque nostrum perpende. ita fiet, ut, quæ in me ornamenta contulisti, maximam eorum partem in te transferas. Ego enim, si quis uoluntatem, uel si etiam industriam in me laudet, facile patiar, cetera non agnoscam. te uero, quamquam antea eruditissimi, & in primis acuti inuenis, Io. Vincentij Pinelli testimonio magnopere credebam, tamen, ex uera tua epistola, tamquam ab ungue leonem, plane totum cognoui. itaque, cum tibi de ista praestantis ingenij facultate, de Erinaeq. copia plurimum gratulor: tum uero, ut tua bona noris, idest, ut aliquid litteris mandes, quod omnis posteritas in manibus habeat, pro instituta inter nos amicitia non hortor solum, uerum etiam rogo. Quod reliquum est, licet inter bonos laud ualde necessariam officij promissionem existimem, praesertim in ea necessitudine, quam studiorum similitudo peperit: omnia tamen, quæ praestare possum, quæ summa esse cuperem, sed ea tamen, quaecumque sunt, in omnibus tuis rebus, minimis, maximis, aequè tibi polliceor, ac si iam pridem amare coepissemus inter nos. hoc enim, & alijs fui privilegij decet eas amicitias, quæ a studio uirtutis emanant. Vale. Romae. Kalendis Mart. MDLXII.

NICA-

NICASIO. CASLETANO

Patauium.

12

PATAVIUM te uenisse, quae semper urbs officina quaedam est habita doctrinae, laetor equidem communium studiorum causa plurimum. cerno enim iam animo, ubi tu philosophiam cum eloquentia coniunxeris, quantum ornamenti litteris nostris, quantum splendoris accedet: sed mecum actum est incommodius, qui, quo tempore nobis, unius diei tantum interuallo disiunctis, praesentes amicitiae nostrae fructus nullo negotio capere licuisset, quo mihi optatius, aut iucundius esse nihil potuit, tunc abesse a te cogar, & omnem suauitatis, delectationisq. nostrae spem in mutuo litterarum officio reponere. crede mihi, hac ego cura uehementer angor: quippe, cuius imaginem humanitatis, ingenij, eloquentiae iam pridem uidi in epistolis tuis, ac saepe sum animo contemplatus, ea si propius adspicerem, qua laetitia, qua uoluptate perfunderer? ualeant, si qui aut opes, aut honorum insignia, uel illustrium uirorum ambitiosas salutationes tanti aestimant, ut haec bonis, iucundis, sapientibus, id est tui quamsimillimus amicis anteponant. Accedit ex occupationibus molestia, quibus impedior, quo minus tecum per litteras quam saepissime colloquar. quod ob eam quoque causam ad te scribo, ne mihi uitio uertas, neue obliuione, aut negligentia mea potius, quam negotiorum multitudine, factum iussiceris, quod paullo serius fortasse, quam expectabas, epistolae tuae responderim. nulla enim re magis,

X 4 quam

quam deserti officij memoria, crucior. nec tamen ab amicis plus, quam ceterummodum eorum, aut etiam uoluntas ferat, umquam postulo. itaque, amicum nostrum cur excusares de infrequentia litterarum, causae nihil fuit. quiduis enim mihi potius persuaderi pariar, quam ei me absenti effluxisse ex animo, quem ego praesentem quibus coluerim officijs, quaeq. ad eius laudem studia contulerim, optimus ipse testis est. At scribit perquam raro. Fortasse aulicae uitae consuetudo ita fert. fortasse etiam, cum uelit, per negotia non licet, uel priuata, uel publica: aut, si licet, nostram amicitiam, quae satis per se firma est, non modo litteris, sed nec ullo prorsus officio putat esse sulciendam. qua ego quoque in sententia sum. & tamen ita me comparauimus iampridem; si quid ab amicis praeter meam expectationem omittitur; id ne accipiam durius, & malim omnia mitiorem in partem interpretari, quam committere, ut sanctissima necessitudinum iura suspicio, plerumq. falsa, uiolare possit. Atque haec ipsa, nisi graue est, ad eum perscribas uelim: & hoc addas, me, cum primum Romam ueni, de meo statu litteras ad eum dedisse: quas a communibus amicis fidei, & certo tabellario commissas, perijisse non arbitror: ab eo tempore noui nihil in meis rebus contigisse, nisi hoc nouum uideretur, mihi cum hoc caelo, cuius multi grauitatem non ferunt, adhuc quidem optime conuenire. quod ei fore iucundissimum, certo scio. Tibi ad Carolum Sigonium, & Michaellem Sophianum, praestantes uiros, mihiq. & studijs, & amore coniunctissimos, cur litteris opus esse commendaticijs

daticijs existimem? quasi non eorum uterque, ut doctrina, sic etiam humanitate excellat. & profecto iam tibi ad eorum amicitiam, qua uir bonus & studiosus nemo excluditur, aditum aperuit, nullo intercessore, uirtus tua, illiq. te cognitum diligunt, tuaq. in primis consuetudine delectantur. qua ego interdum cogitatione ita fruor, ut hac etiam specie falli me sinam, quasi ipse uestris deambulationibus, & sermonibus intersim. Ego hic, nisi me noctes aliquando adiunxissent, caruissem prorsus litterulis nostris, quarum suauitate pascor. nunc, aequato iam noctibus dierum spatio, uereor, ne non etij quantum uellem relinqueretur. Tu quam libenter Tatam sis, quamq. diu te futurum putes, quo utaris in philosophia doctore; (nam Genuam, omnium facile principem, rariore iam dentium ordine, minus explanate loqui aiebant) haec si ad me scripseris, & simul, de singulis publice interpretantibus quid sentias; duplicem si uictum capiam, & quod ea, quae scire aueo, cognoscam, & quod ex litteris tuis, in quibus uernaculum illum Romani sermonis leporem, & plane Ciceronianam elegantiam mihi uideor agnoscere. Vale. Romae. IV. Id. Mart. M D L X II.

HORATIO. CARDANETO

Perusiam.

13

DE uirtute recte sentis. ea coniungit absentes, & in eos, quos numquam uidimus, amorem conciliat. quod autem, ut me, quasi aliqua uirtute praeditum, diligeres, addit etiam te significat: amplector uoluntatem

luntatem tuam : de amoris causa non disputo . sit ita ,
ut existimas ; uel potius , existimes , quod lubet . nam
ego me tibi , qui sim , numquam aperiam ; ne de amo-
re in me tuo , quem uideo esse non uulgarem , aliquid
atque adeo multum detrahatur . Ego tibi , primum
quod honorifice de me sentias , deinde quod id ipsum
elegantissima mihi declarandum epistola putaueris ,
tantum debeo , quantum intelligo persolui . a me nix
posse . nam , & si nullum a me officium , aut studium ,
quod ad tuam laudem , aut rem pertineat , desiderari
a me patiar : tamen , quod tu me prior tua sponte ad
iungendam inter nos amicitiam prouocaueris , par pa-
ri referre , uel si omnia tua causa praestem , numquam
uidebor . Quid , quod ista humanitas , qua me tibi
denixisti plurimum , ingenij , eloquentiae , doctrinaeq.
laude circulatur ? quae facile apparent in litteris tuis .
itaque dedi statim eas legendas filio meo : ut exemplo
tuo commoueretur , & quasi tua per uestigia ad ean-
dem gloria contenderet . Tibi autem uehementer gra-
tutor , quod tam praeclaram Latine scribendi facili-
tatem sis adeptus , proprio tu quidem naturae munere ,
uerum , nisi accessisset Crisoli mei , uiri doctissimi , atq.
integerrimi , egregia disciplina , & ad disciplinam stu-
dium , & industria tua , numquam is fuisses , cui pos-
sent inuidere multi , similes esse paucissimi . Roma dis-
cessisse Io . Baptistam Titium , probum iuuenem , &
in primis eruditum , antea magnopere dolebam , nunc
eo minus angor , quod uos una esse , & colloqui de stu-
dijs communibus , ex litteris tuis intellexi : ex quo , non
dubito , quin fructus ad utrumq. ut in litteris uterq.
excellit ,

excellit, maximi perueniant. Salutem ei meo nomine, si modo adhuc istic est, dices; sin discessit, quod tua causa nolim, litteris adscribes. Vale. Romae. x I. Kal. Quint. DLXII.

CHRISTOPHORO. SAXO

Perusiam.

14

HORATIVM Cardanetum, licet ignotum mihi de facie, tamen, ob eius excellentem doctrinam, & eloquentiam, uehementer diligo. is mihi disertissima epistola non uulgarem uirtutis tuae significationem dedit: cuius testimonio commotus, uel si tua scripta numquam legissem, nihilq. ex aliorum sermone de tuis optimis institutis, ac studijs cognouissem, tamen ita statuerem, te mihi non modo amandum, uerumetiam, quantum in me esset, ornandum: si modo ornamenta desiderat uirtus tua, quae te ipsum iam pridem, istamq. ciuitatem illustrat. Sed, mihi crede, uberius nemo de te, aut honorificentius loquitur, nemo mihi pluris est, quam Rhetor tuus: cuius facultate, & copia facile sum adductus, ut comparem te maximis uiris, tuaq. causa, quae possum, quaeq. etiam non possum, cupiam. quod si credideris: iure a te fieri senties, quod nunc si facis, tua sponte, non meo merito, facis, ut me diligas: & exspectabis a me eadem, quae a familiarissimis tuis: quorum, pro tua probitate, & eruditione summa, numerum audio esse quam maximum. Tuis oculis restitui cupio, uel quod assiduis librorum usus, uel aetas iam ipsa, ad omnem corporis infirmitatem proclinior, ademit. tu tamen, quando

do animo, ac mente uides ea, quae simul cum oculis amitti non possunt, fruiere cogitationibus tuis, & forti animo feras hoc quidquid est incommodi. malum enim, aut calamitatem, quo tu uocabulo usus es, numquam uocabo id, quod a culpa seiunctum esse crediderim. Vale. Romae.



CUM tuas litteras legere coepissem, in quibus mihi amantiſſime, quod ad urbem migrauerim, gratulaberis, primum accusaui tabellariorum incuriam, qui eas tam ſero pertuliſſent: deinde, cum ad clauſulam legendo perueniſſem, liberaui culpa tabellarios, de te corpi quaerere, quod etiam nunc quaero, quid conſilij tui fuerit, ut, qui primis diebus, aut etiam primis menſibus aduentus mei nullam omnino laetitiae tuae ſignificationem dediſſes, idem poſt annum denique, & eo amplius, omiſſum antea conſilium gratulandi repetendum putaueris. neque enim hanc aſſerre cauſam potes, quod eo tempore minus commode ſe haberent Romanae res, nunc autem in eo ſtatu ſint, ut gratulatione dignae uideantur. nam contra, quae tunc tranquilla ſatis erant, nunc turbulenta multi putant: ego tamen, ut opto, ſic etiam auguror, & ſpero; ſciſtus infinita ſummi Dei clementia, & conſilijs optimis Pij 1 v. Pontificis, qui, publicae quieti ut conſulat, nullam ipſe quietis partem capit, omnesq. ſuas curas intento ſemper animo tum in Eccleſiae dignitate, tum in communi ſalute deſigit. At metuebas, ne caeli nobis, praefertim grauioris, obſeſet

set insolentia. Esto: tamen hunc dissimulari metum decuit: & ego, amicissimo homine gratulante, bonum omen libenter accepissem. Mores hominum fortasse, & consuetudo aulica, & haec prope quotidiana salutandi necessitas occurrebat: me contra, otij cupidum, huius ignarum ambitiosae observantiae, quam hic ueteres incolae humanitatem, nos inquilini fucum appellamus, uix putabas haec probare posse, nedum imitari uelle. quod si ita est: paullisper, mi ✱, tuam in me beneuolentiam possuin requirere. partes enim uideris eas abiecisse, quas tibi imposuerat amicitia nostra. tuum erat, idq. ego sane expectabam, uel praeceptis erudire me, ad hanc disciplinam aptis; uel, si tibi quoque hoc artificij genus incognitum est, hortari saltem, ut Romana studia ne contemnerem, habendamq. loci, ac temporis, quod etiam sapientes probauerunt, rationem putarem. Haec ego, a te omissa, si essem in exigendis officijs paullo seuerior, & si id pateretur amor in te meus, iure forsitan expostularem. Sed nihil est tanti: & cupio mihi persuaderi quiduis potius, quam, quo ipse animo ergo te sum, eodem te erga me non esse. ac uide, quam non inique tecum agam, atque adeo quanto aequior in te sim, quam in me ipsum. ego, si quid in hac scribendi tarditate peccatum est, saepe id utrique nostrum pariter adscribo, interdum etiam auerto a te culpam, & in me totam transferro. nam, si tu hoc dixeris, non abiecisse te officium scribendi, sed ignoratione rerum mearum distulisse, expectantem quotidie, ut aliquid de meo statu non ex humanissimi, optimiq. uiri, Pauli

Sacra-

Sacrati, sermone, sed ex meis litteris cognosceres: quidquid enim scripsissem, ad id tuas litteras accommodaturum fuisse: hoc, inquam, si dixeris, in tuto tua causa est: neque solum excusationem tuam agnoscere cogar, & probare, uerum etiam, quod contra asseram ad amouendam a me culpam, fortasse non reperi. itaque absit omnis querella: et, si quid offensum in hoc genere a nobis est, uicissim alter alteri largiamur. uerus amor, ac summus, quo tu me, ut opinor, ego certe complexus te sum, numerari inter nos, aut perpendi officia non sinit. quod si fructum requireret amicitia nostra; quis esset uberior conscientia mutuae uoluntatis? sed profecto non requirit, ipsaq. sibi fructus est, seq. ipsam alit, ac sustinet. atque equidem recordatione ipsa amicorum meorum ita pascor, ut in secundis rebus nihil iucundius, in aduersis hoc saepe maximum solatium inuenerim. Honores autem illi, quos tu sperari a me uis, in quo aduersantur multa, modice me capiunt. quid enim habent, quo melior fiam? quod curandum est unum. aut, si hoc non habent, cur expetendi? cur igitur hac specie falli me patiar, aciemq. mentis, homini a Deo datam, ut a malis bona distinguantur, inani splendore praestingui? illud optemus potius, ut honesti pulchritudinem, nulla interiecti rerum humanarum nube, contemplari liceat. quod si assequemur, contemnemus ea, quae ceteri mirantur, & in priuata uita, minimo contenti, regum fortunam adaequabimur. Vale. Romae. VI. Id. Octob. M D L X II.

MARIO

MARIO. NIZOLIO

Parmam.

16

DUM aliquid ad te scribere quotidie cogito, & ta-
men diem e die expecto, spe uacui temporis, non mo-
do ut commodius, sed etiam ut uberius possem scribe-
re: fecit, ut anteuerteres, humanitas illa tua, quam
ego coniunctam pari doctrina, in amore, & in ore
semper habui. ac mihi quidem siue ratio ipsa, siue a-
mor in te meus facile persuadet, ut, praeceptum abs te
officij priorem locum, non solum aequo animo feram,
uerum etiam gaudeam. quid enim mihi aut est, aut
esse debet optabilius, atque iucundius, quam, a quo
maxime omnium diligi cupio, eum dare operam, ut id
me esse conficuum intelligam? Quod autem eorum
librorum, in quibus & figurarum, & argumentan-
di, amplicandi q. uaria genera complecteris, quasi spe-
cimen quoddam ad me mittendum puta si: siue tu id
feceris, ut obsequerere studio meo, cum id me ualde
cupere intelligeres; siue, ut eliceret iudicium meum,
quod me uelle tua causa multum, posse aliquid for-
tasse, hac quidem in re, animum induxisses; utroq. no-
mine est sane, cur te amem, ac tibi debeam plurimum;
nec deesse patiar, qualecumque est, uoluntati tuae iu-
dicium meum. Ego enim, ut uere dicam, istam excel-
lentem ad bene de litteris merendum animi tui propen-
sionem ita probo, ut efferam laudibus: agere autem
haec te simul omnia, & implicari tot rebus eodem
tempore, quas curare singulas, & conficere perma-
gnum est, aequae probare non possum. Nec me fugit,
argu-

argumentandi, amplificandiq. ratio, praesertim a te tradita, quem asferre fructum possit: sed figurarum uia, natura obscurior, praeceptis ad hanc diem minus cognita, usu certe parum trita, poscere primo loco uideatur lumen aliquod doctrinae tuae, ut ad exoptatam omnibus eloquentiae laudem certum iter aliquando unius industria patefaciat. duo reliqua mox: sunt enim praeclara, planeq. studio tuo digna: interim, hoc unum si ages, primum tibi ipsi laborem ualde minues. sine ulla tamen imminutione laudis tuae; deinde communis desiderij expectationem, ex inueterata iam tuae uirtutis opinione ortam, explebis aliquanto maturius. quam multi enim sint, qui haec Latinae orationis lumina nondum uiderint, ac ne esse quidem ulla suspicentur; quam pauci uero, qui, cum ea uideant, imitandi tamen uiam, & rationem ignorent; scis ipse omnium optime, & iudicasti iam ab illo tempore, cum te hac ipsa de re confecturum esse artem quandam, eamq. illustraturum unius Ciceronis exemplis professus es. nimium diu debes, mi Nizoli, quod olim petentibus a te tribus familiarissimis tuis, tuaeq. gloriae cupidissimis, Petro Bunello, Paulo Magnulo, mihi tunc adolescentulo, saepe promissisti. nec tamen urgere te audeo, hominem aetate infirmum, oculis non bene utentem, publico etiam docendi munere distractum: sed meam sententiam de re dicendam putavi: in quo habui rationem in primis ualetudinis tuae, ueritus, ne, cum multa senex admodum susceperis, omnia perferre uix possis: de tempore autem, etsi iam indicauim non tam, quid ego, quam quid omnes cuperent,

rent,

vent, tamen ipse moderaberis ex prudentia tua, & eo quidem animo, ut, in magna expectatione nos quoque de tuo commodo uehementer laborare, tibi persuadeas. Equidem, si me audis, etiam illud suaferim, ne ad figuras oratorum similia aggregares poetarum loca. quorsum enim? cum ab uno Cicerone omnis ubertas, & quasi silua tum rerum, tum uerborum sumi possit. quod si poetis prodesse uis: hoc quoque separatim fiat: bene locabitur industria: nec ego aspernor ea studia, quae colui adolescens, & quorum ope fateor me ad aliquam oratorij numeri scientiam facile peruenisse. nunc elabores uelim & hanc unam, & simplicem, omnium, ut ego sentio, maximam, ac difficillimam eloquentiae partem. quò in genere, siue tu uerborum, siue sententiarum ornamenta quaeras, non uideo, cur uno Cicerone contentus esse non possis. mihi quidem, cum immensas eius opes intentis oculis contemplor, egere interdum ipsa paene Graecia uidetur: certe de nostris, qui ad eandem laudem adspirare potuerit, neque fuisse antea, neque fore quemquam puto. Dixi, quid sentirem, ingenue pro mea consuetudine, libenter pro amore in te ueterrimo, atque uerissimo. tu quid statuas, utrum instituta commutes, an ut coepisti pergas, pro tua singulari sapientia iudicabis. Commentarios meos in epistolas Ciceronis, quae Familiares uocantur, cum a te expectari uideo, augeri mihi animos ad scribendum sentio: & quamquam tu non insles: admoneri tamen uideor, ut absoluam. sed hoc nec sine otio fieri potest; & Romae otium optare, eius est, qui Romam ipsam ignoret, aut, qui, quod

Υ accidat

accidat uniuersis, in eo sibi praecipuam condicionem sperare solus audeat. Sed, quia cessamus inuiti; & quia, quod fuit in opere difficilins, id transactum iam est: enitemur, ut reliqua diu non desiderentur. angustiae temporis obstabunt: at detrabere aliquid somno, & conferre ad elucubrandum licebit. turpe enim nobis est, qui uersamur in artium nobilissimarum studijs, antelucana uinci leuiorum opificum industria; praesertim cum illi nihil, praeter ea, quae corpori seruiunt, & uetustate corrumpuntur, nos animi fructum cum nominis immortalitate quaeramus. Vale. Romae. I V. Kal. Dec. MDLXII.

ANDREAE. GOSTINIO

Cracouiam.

17

RECTE coniecisti, obrui me plane negotiorum fluctibus. nam, qui antea, cum essem Venetijs, uel infimi ordinis hominibus respondere ad me scribentibus consueessem; scilicet Andreae Gostinio, doctissimo, & eloquentissimo uiro, summa apud principes auctoritate, & gratia, humanissime scribenti, nihil rescriberem. tum uero me hominem non esse, minimeq. dignum ijs litteris putarem, quibus ab ineunte aetate ita meum studium dedi, nihil ut antiquius habuerim, nihil omino duxerim praestantius. Feci tamen in summis occupationibus, ut orationem tuam legerem: de qua sic statuo, scriptam esse grauitate, & orate, sic, ut ex ista prouincia, quae nunc egregijs floret ingenijs, tibi comparem paucos, anteponom neminem. quo sane nomine uehementer tibi gratulor, & liberalibus disciplinis,

plinis, quibus ab ista eloquentia quantum ornamenti possit accedere, mente iam prospicio. Perge, mi Gostini, per eam uiam, quae te ad immortalem gloriam ducit. nihil optabilius sapienti, quam ea quaerere, quae uulgus contemnit, eos uitae terminos, quos natura praescripsit, uirtute proferre. quod tu potes, & uelle debes, & ut uelis, ego te, amicitiae caussa, nuper inter nos institutae, non solum moneo, uerum etiam rogo. De migratione nostra uideo te ex aliorum litteris cognouisse. nunc ex meis hoc scito amplius, cum hic honestissimorum hominum & beneuolentia, & consuetudine fruar, nec mihi quidquam in mentem uenerit optare, ac petere, quod a summo Pontifice Pio I V. non facilisim consecutus, angere me tamen, quod studiis nostris, quorum quae sit suauitas, ipse optime nosti, ita diuellar, ut ex ijs, quae pro communi utilitate non pauca eram exorsus, pertexere nihil liceat. quam iacturam, fortasse minimam, tamen, ut ad iuuandas bonas artes animi mei propensio est, fero molestissime. Quocirca tibi iam, tuique similibus, qui mihi uoluntate pares, doctrina, & otio praestant, cogor tradere uigiliam meam: idque facio libentissime, qui publici commodi rationem ipsam per se, non cum mea laude coniungam, plurimi semper fecerim. Ego tibi, si quid operae nauare possim, id totum polliceor, ac deferor. seruiam libentissime, quantum in me erit, uoluntati, commodisque tuis. Vale, & Petrum Misconium, Andream Patricium, singulares uiros, quibus fortasse excidimus, intermisso litterarum officio, rogo te, meis uerbis diligenter saluta. Romae.

Y 2

FRAN-

FRANCISCO . MORANDO

Veronam .

18

Ex omnibus officijs, quae in me plurima contulisti, quae cogitare saepe soleo, nullum mihi scito pluris esse, quam quod operam dederis, ut Iulij Iusti, Comitis omni laude cumulati, amicitiam consequerer. nam, etsi antea, testimonio adductus tuo, praestare eum litteris, ingenio, humanitate existimabam: tamen uicit opinionem meam illius epistola, sane uia luculenter scripta, ut ad antiquorum eloquentiam proxime accedat. non loquor ad gratiam: neque id amicitia nostra, nec natura mea patitur. huic uiro, si cum generis nobilitate spectatur uirtus, quamquam nihil est ipsa uirtute nobilius, qui praeferrri possit, neminem uideo. itaque illum in oculis fero, ornare etiam laudibus cogito, & meam obseruantiam, si fieri poterit, apud posteros testatam relinquere. tu, si sponderis ei de me, quaecumque ab homine coniunctissimo expectari solent, gratissimum feceris. Naugerius, controversia quadam impeditus, tibi, ut arbitror, non ignota, suam profectiorem distulit inuitus. nunc nihil obstat, praeter anni tempus, quo minus in uiam se det. quantum diuino, si Pontifex Bononiam se conferet, de quo rumor paene raucus factus est, itineris comitem se praebebit; sin minus, circiter Kalendas Martias, remissione frigoris, discedet. Orationem tuam licere tibi diutius, quam uolueras, limare, ac perpolire, non moleste fero. at obtreclatio laudem minuet: quasi praestare idem, si temporis ad scribendum tantundem daretur,

retur, quivis posset. tu hoc suspicaris: ego secus. nam boni, & recte intelligentes, ipsam rem aequissimis animis aestimabunt; improbi, & imperiti quid sentiant, laborandum non est. alioqui negotium nobis numquam deerit. De rebus meis, hoc unum, quo laetari possis, accipe: frui me multorum benevolentia: cetera satis frigent. carissam conferamus in tempora: nam ab hominibus libenter culpam auerto. Pontificis quidem praestantem animum ita uariae, itaq. graues distrahunt curae, ut ignorare multa cogatur, multa etiam delegare alijs, qui praeter suum negotium nihil curant. Valet filius, & res Romanas cupide tractat, quibus libellum suum de Orthographia non mediocriter locupletauit. Vale. Romae x i i. Kal. Febr. MDLXIII.

IVLIO. IVSTO

Veronam.

19

FRANCISCUS Morandus, uir sane ita probus, ueriq. cultor, ut neminem umquam fallat; ita ingenio, doctrina, prudentiaq. excellens, ut falli ipse non possit, multa mihi Venetijs, cum una incundissime uiueremus, de tua singulari scientia, integritate, suauitate morum, & eximia quadam ad omnes artes, nobili uiro dignas, propensione saepe praedicare solitus est. credebam facile tali uiro affirmanti, teq. amabam uehementer, eius testimonio permotus: sed quanto eadem uidi illustrius, atque apertius in litteris tuis, quas ad me quo longiores, eo gratiores proxime misisti. itaq. ad priorem illam uoluntatem, quam in te antea

x 3 tantam

tantam contuleram, ut ad eam accedere nihil posse
 uideretur, accessio tamen eiusmodi facta est, ut eorum
 studijs, qui te & summa, & peruenire necessitudine
 attingunt, facile se aequauerit amor meus. nec uero
 me afficiunt illa, quae multis prima sunt, familiae
 dignitas, amplae clientelae, & earum rerum, quas
 fortuna suppeditat, copia. neque omnino hoc de genere
 nunc discuto. optent, si qui haec non habent; &, qui
 habent, honeste fruantur. sed, esse quaedam haud paul-
 lo praestantiora, quae neque extrinsecus affluant, &
 semel adscita nunquam remoueantur, quis, nisi sanae
 mentis expers, dubitauit umquam? quae tu, cum illa
 quoque possideres, a maioribus parata, a praestante
 uiro parente tuo arcta, ita tibi acquirenda existimasti,
 quasi haec sola tui iuris, uereq. tua propria futura
 essent, reliqua ad te parum, aut etiam nihil attinerent.
 maxime ista sapientia, istaq. uirtute. qui enim, subdola
 recte uiuendi ratione, corpori se minimum, animo de-
 bere plurimum sentit: qui ita factus, itaq. institutus
 est, ut imperet ijs rebus, quibus alij seruiunt;
 uoluptatem nullam amet, ab honesto seiunctam; ip-
 samq. honesti speciem in ea contempletur, ut in ea totus
 haereat: is uitae fructum capit; is honorum uocabula
 contemnit; quicq. uerus honor sit, & unde manet,
 quidq. uera nobilitas a se cata disset, solus intelligit.
 Haec te olim uidere, ac sentire adolescentem, cum tibi
 ipse dux esses in rebus egregijs ita sereuius, itaq. cer-
 tus, ut nec aetas illa, quamplurimos in optimo cur-
 su remorari solita, languidirem faceret, nec aequa-
 linum error a proposita gloria desiceret, inre miraban-
 tur

tur

tur multi: nunc, isto ductum sensu, ista incitatum uoluntate, mirabiliter adiuuante natura, fortuna numquam aduersante, cuius etiam commoda, quibus ad nequitiam abutuntur multi, ad uirtutis usum conueristi, peruenisse ad eam laudem, quo adspirare paucissimis licet, cur miremur? incendi potius imitandi cupiditate, & commoueri exemplo debemus. equidem, a qua hora legi epistolam tuam, qua nescio an quidquam grauius, aut elegantius adhuc uiderim, tantum abest, ut assentatus mihi sim ob eas laudes, quas in me pleno modio contulisti, ut etiam, si quam antea de me ipso opinionem susceperam, quae sane perexigua fuit, plane omnem deposuerim. quod si, se ipsum nosse, tanti semper fuit, ut inter saluberrima, humanaeq. uitae necessaria praecepta hoc praecipue ueteres illi Apollinis oraculo tribuerent; quantum a te habeo beneficium, quas tibi debeo gratias, quod, ut ipse me penitus inspicerem, ac mihi posthac essem notior, effecisti? neque hoc simplex lucrum est, quod, renocata ad ueritatem ratione, coepi me minus diligere: sed accedit illud, quod acuisi industriam meam, ut conformarem me, quatenus liceret, ad iudicium tuum, & quibus me laudibus ornandum putasti, ijs aliqua saltem ex parte respondere possem. quamquam, si tu me, quem ames, dignum iam existimas: cuius praemij spe enigilem, aut quid laborem amplius? uberrimum cepi fructum studiorum meorum: nulla mihi merces amicitia tua praestantior, nulla carior esse potest: in ea tantum pono, quanti uirtutem aestimo, quam certe omnibus rebus antepono. Congressum nostrum ita exopto, ut

τ 4 tibi

tibi non concedam : nec tamen sperare audeo futurum, ut una esse possimus : nisi si, qualia saepe multa contingunt, eiusmodi aliquid praeter spem dies afferat, praesertim publicis rebus ita fluctuantibus, ut mutari multa possint : utinam iactura leui : quod equidem spero : verum tamen, si qua res orbem conuerterit rationum mearum, lenietur incommodum spe consuetudinis tuae : Morandi quidem nostri, hominis humanissimi, atque doctissimi, conuietu domestico, quotidianisq. sermonibus non dubito quin perfuar. Vale. Romae, XII. Kal. Febr. MDLXIII.

MARIO . CORRADO

Brundisium.

20

SI mihi omnia plane hic essent secundissima; quod utinam aliquando contingat; adhuc quidem aduersi nihil est, quod ad rem domesticam & meam, meorumq. valetudinem pertinet : aliquis tamen in summo gaudio dolori locus esset, quod nec ipse ad te, ut interdum Venetijs solebam, prae occupatione quid quam possum scribere; & simul fructu careo litterarum tuarum suauissimo: quo nihil ferre molestius possum, captus elegantia sermonis tui, eaq. maximi erga me amoris significatione, quae licet minime necessaria sit, si quando tamen in litteris elucet, amanti nihil gratius, nihil iucundius est. quamquam hoc ipso nomine, quod ad me tam raro scribis, cur ego te, mi Mari, non amem magis etiam, quam soleo; si modo id fieri possit? agnosco enim modestiam tuam: agnosco humanitatem. numquam tu hoc officium, quo absentes

fentes colloquimur, & cogitatione saltem coniungimur; quo quidem utrique nostrum nihil optabilius existimo; intermissum esse patereris, nisi ueritus esses, ne mihi diligentia tua, curis assiduus distento, rescribendi onus imponeret. quod si ita est: cessare tamen te, qui uacas, prorsus nolim. mihi uero hoc iuris non arrogo, ne numquam rescribam: sed hoc, te permittente, sumo, ut id commodum meo fiat. negligentia me peccare in hoc genere non putato. quod si memoriae meae parum confides, & diu responsum tibi a me deberi non patieris; admonebis, cum uidebitur, atque adeo exiges. numquam mihi in appellando, modo, ut soles, Latine appelles, molestus eris: quin etiam gratiam inibis, quod efficies, ut cum aliquo soluam lucro, crebro regustandis epistolis tuis, quas lego libentissime. Vale.

EIDEM, Brundisium. 21

NOLI, obsecro, secus, quam debes, & quam te dignum est, aut de mea in te uoluntate, aut de filij obseruantia suspicari. unice enim te diligimus, sic plane, ut in eis necessarijs, quibus cum quotidie uiuimus, quosq. in oculis pro summis eorum meritis gestamus, Marium Corradum, quem numquam uidimus, numerare soleamus. si dubitas, testes dabo. testes dico? cum unus instar omnium esse possit. nam Petrus Perpinianus, de cuius probitate, & doctrina non tu sentis melius, quam ego, ex multis meis sermonibus, quo tu apud me loco sis, quanti m. q. tibi tribuam, optime coniecit. de filio autem quid putas? an tenero eius
animo

animo persuaderi quidquam posse, quod a meo iudicio, meaq. consuetudine abhorreat? mihi crede: cum illum egregijs imbui studijs exopto, ut imitari cum laude possit domesticam industriam: tum hoc uolo in primis, & hoc illi praecipio semper, ut amet eos tantum, qui uirtute excellent, & quos amari, ac laudari a me senserit. in quo magnam capio uoluptatem, quod eum uideo praeceptis meis locum non relinquere, & in hanc sententiam sua sponte ita propendere, quasi propriam in eo sitam esse laudem existimet. itaque sumus erga te pariter animati, nec amicitia tua quidquam carius, aut antiquius habemus: merito id quidem: quid enim te amabilius? quis te uincit humanitate, litteris, eloquentia? nostri uero, nisi me signa fallunt, quae tamen obscura non sunt, quis cupidior, aut etiam studiosior? At nihil ad te litterarum per tot menses. Vis tu nos alieni peccati culpam sustinere? non arbitror te esse tam iniustum: neque hoc humanitas, & consuetudo tua fert. accusa eos, quibus id negotij dederas, ut litteras ad nos tuas perferrent: quarum in desiderio diu fuimus, & mirabamur, cum sis inscribendo minimè impiger, & cum ad Perpinianum bene longas epistolas mitteres, nos a te, tuos ueteres amicos, ne schedulam quidem, aut litteram accipere; cum praesertim de Inscriptionibus antiquis a filio meo, qui M Brutum in eo imitatur, quia, quod uult, ualde uult, rogatus esses. Quare nostram causam debes aequam indicare, & arbitrari id, quod res est, si tuas litteras, aut etiam sine litteris inscriptiones accepissemus, nunquam nos commissuros fuisse, ut officium

officium nostrum desiderare posses . nam Palia tuus
Aldi mei sitim suis promissis incendit , re nondum se-
dauit . Vale . Marcello , fratri tuo , salutem dices meis
uerbis . Romae , xv . Kal . Febr . M D L X I V .

✱, EPISCOPO . CREATO 22

ET SI , de futuris rebus affirmare , grauitatis ,
& prudentiae non uidetur ; coniecturam enim saepe
fallit euentus , & obscuritatis plena sunt omnia : si quis
tamen eas persequitur diuinandi uias , quae ab excel-
lentibus & ingenijs , & studijs , a cognita industria , a
spectata uirtute ducuntur ; hunc ego opinionis errore
numquam labi , hunc optimum esse uatem existimo .
quae me ratio mouit ante aliquot annos , ut de tua di-
gnitate praedicere ea , quae partim cōsecuta iam sunt ,
partim sic a me expectantur , quasi longe non absint .
quid enim agebant , & quo scēlabant curae illae tuae ,
ab ipsa paene pueritia susceptae ? quae res , quae spes
tibi proposita fuit , cum Reginaldi Poli Cardinalis , in-
nocentia & litteris eximij , contulērium , ac acmesii
cam consuetudinem expecebas ? quid , cum Lucretiae ,
post obitum Poli , Viromercato , Patauij Genuae , prae-
stantibus in philosophia uiris , operam dabas ? quid-
quam ne sequebare praeter ea , quae qui adipiscuntur ,
omni honore digni & habentur , & sunt ? nos quidem
te , amici tui , Patauij praeclara studia ita comple-
xum , ut diuelli uix posses , cum & creberrimae pro-
pinquorum litterae in patriam euocarent , & praesens
frater non modo hortaretur ad rediūm , uerum preci-
bus etiam peteret , atque obsecraret , ui propemodum
extru-

extrusimus, inuiti omnino, quibus carendum te esset, cuius consuetudine nihil suauius; sed ita duximus expedire tuae laudi; cum intelligeremus, quanto futura esset illustrior ingenij tui facultas, ab otio litterarum ad res gerendas traducta, praesertim in ista prouincia, in qua tibi maiorum tuorum uirtus tritum iter ad gloriam reliquisset; isto Imperatore, quo nemo bonas artes excipit liberalius; his etiam temporibus, cum Christiana Resp. domesticis hostibus uexata, ab ijs, qui eam doctrina, probitate, prudentia iuuare plurimum possunt, idest a tui similibus opem poscere uideatur. Quo circa primum tibi gratulor ob actiones illas Tridentinas, in quibus ostendisti sacpe, ut audio, pro communi salute lumen animi, ingenijq. tui, numquam inops a consilio in ambigujs rebus, numquam in maximis ac difficillimis a constantia relictus: deinde uero, quod tantorum meritorum egregie memor optimus & sapientissimus Imperator non solum Quinque ecclesiensi te ornauerit Episcopatu, qui summis uiris deferri solitus honor est, uerum etiam ad arcanas res admissum ijs interesse consilijs uoluerit, unde manat cum Christi gloria prouinciarum salus, unde proficiuntur ea, quae multis re, exemplo omnibus expediunt. omnibus enim utile illud est, quo Principibus Christianis recte imperandi ratio, & emendatae disciplinae formula praescribitur. Atque equidem uidere iam uideor, & plane coniectura prospicio, qualis, et quantus in isto munere, bonorum omnium, beneq. intelligentium sententia, sis futurus, tum eloquentia, qua excellis, tum ratione, prudentia, integritate; quae in
omni-

omnibus natura ipsa inchoat, industria perficit in pau-
 cis. quod nisi ita fore considerem; & nisi tuos ad lau-
 dem impetus iam inde ab eo tempore, cum te mihi
 quasi meis informandum sermonibus tradidisti, pro-
 be cognitos haberem: facerem id, quod tu, ut opinor,
 amor in te meo facile concederes: hortarer te, & pre-
 cibus etiam agerem, iisdem scilicet, quibus agerem cum
 filio meo, si isto loco esset; ut assidue cogitares, quam
 personam gereres, quam grauem, quam illustrem, a
 quo impositam Principe: qui cum suum de te iudicium
 beneficio maximo declarauerit, beneficium tamen ip-
 sum significatione iudicii sui uehementer auxit. quid
 enim putas esse in rebus humanis optabilius, quam ei
 non displicere, qui nisi Deo ualde placeret, ualdeq. ca-
 rus esset, incursione & ui barbararum gentium uasta-
 rentur omnia, legibus, moribus, hominibus, urbibus
 denique ipsis extremum impenderet exitium? Multa
 sunt opinionibus hominum excelsa, atque ampla:
 quae si quis consequi uult, curas suscipiat, labores per-
 ferat, de ipsa interdum uita periclitetur necesse est.
 haec tibi, mi ✱, (meum enim adhuc appello, nec, ut
 spero, ista mihi te dignitas immutauit) haec, inquam,
 tibi cogitanda non sunt. nam quid tu non habes, cum
 hoc habes unum, ut mores, ingenium, studia tua Fer-
 dinandus Imperator probet? hoc eiusmodi est, ut neq.
 diu solum esse possit, & si omnia consequantur, omnia
 tamen unum uincat. Quare isto bono sic frui, quasi
 fonte & capite bonorum omnium, & quasi omnium
 maximo. Tuos uero sensus, tuas actiones in omni ui-
 ta, non dubito, quin ad immortalis Dei gloriam con-
 feras.

feras . sic educatus , sic eruditus es . hanc ego tibi laudem tribuebam adolescenti : nunc , si uerear , ut robustior aliter sentias , ac tui te dissimilem praebeas , faciam imprudenter . Retine igitur institutum , & persuade alijs exemplo tuo , uerum decus in bene agendi perpetuitate positum esse ; nihil opes ad laudem , nihil praefecturas ualere : obsolescere prorsus honorum insignia , nisi splendor uirtutis accedat . quod quia te sentire certo scio ; propterea tibi ex animo , uereq. gratulor accessione dignitatis tuae ; & , quamquam uarijs dislinebar curis , feci tamen libenter , ut hanc ad te , indicem laetitiae meae , testemq. uoluptatis , epistolam mitterem . cui si responderis , iucundum tibi fuisse officium meum intelligam ; sin minus , molestum tamen fuisse numquam putabo ; et occupationibus hoc tuis , illud amori tribuam . Vale . Romae , Kalendis Ian. MDLXIV.

DECIO . BRANCALEONI

Neapolim.

23

NISI tibi nota esset occupatio mea , uererer in primis , ne accusares officium meum , qui litteris tuis , amantissime scriptis , nihil adhuc responderim . Ego , mi Deci , hoc mihi iuris assumo cum amicis , ut , si quid ad eos magnopere non pertinet , a me uero non satis commodum meo fieri potest , omittam interdum , aut in aliud tempus reijciam . te uero cur in meis necessarijs non numerem , uel Cambij mei testimonio , qui tuam in me beneuolentiam praedicare solitus est , uel affirmatione tuarum litterarum , ex quibus duplicem uoluptatem

ptatem cepi, & quod amari me abs te cognouerim; & quod eum te esse, quem qui non amet, hominem non esse contenderim? Nec me putes blandiri uelle. sic equidem loquor, ut sentio. Praeclara uirtutis fundamenta iecisti: signa uideo non obscura, nec dubia tum studij, tum ingenij: nec hortari magis, quam gratulari debeo: cum tu, qua aetate multi ad inanes uoluptates defleunt, in ea solidam laudem quaeras, & propemodum inuenta gaudere possis. Nec dubito, quin istam mentem, & quidquid ex ea tibi manat gloriae, uel commodi, totum, quantumcumque futurum est, acceptum Deo referre uelis. quod si facis; nae tu mihi multo amabilior es; tibiq. ipse optime consulis, cum falsam speciem felicitatis humanae a ueri boni possessione distinguis. Vale, & Cambium nostrum, iuuenem eximiae humanitatis, cupidumq. omnium liberalium doctrinarum, saluta meis uerbis. Romae. IIX Id. Quint. M D LXIV.

EIDEM, Neapolim. 24

MIRAMUR uterque; tu, quod litteris tuis non responderim; ego, quod eo me nomine appelles, atque officium meum requiras. quid? tu solus ignoras, quibus dislinear curis? quantis rerum oneribus premar? quam numquam uacem? nec tamen deferere officium soleo. numquam id mea uel consuetudo, uel natura pateretur. At non rescripsi. Excusat me litterarum tuarum argumentum. petebas a me scripta mea. quae corrigere cum uellem, otium numquam nactus, comprimenda potius, quam emittenda, iudicavi: idq. sum arbi-

arbitratus licere mihi per humanitatem tuam . Hoc ipsum , inquires , scripsisse te uellem . Hoc ipsum te quoque suspicari , deuit : & erat amoris ; & ego , id te cogitare , aut ad aliam saltem causam referre silentium meum , libenter mihi persuasi . in quo si tu me putas indulgere mihi plus , quam oporteat : assentiar , cum ea fortasse condicione , ut te quoque plus a me , quam par sit , exigere fatearis . nam in ijs , quae tua interesse cognouero , nulla , mihi crede , impedit occupatio , quominus amicitiae nostrae debitum officium praestem . inanes autem litteras ut mittam , uix impetrarem a me ipso , si otio abundarem : quid , cum egeam uel maxime ? Equidem , in te amando partes ut meae desiderantur , numquam committam . idemq. a te peterem , nisi uoluntatis in me tuae testes epistolae tuas , Cambium autem nostrum , quem aequae diligimus , quasi sponforem haberem . Aduentum tuum , de quo spem rursus iniecisti , auide exspecto . Vale . Romae . III . Non . Febr . M D L X V .

ANTONIO . FVRNARIO

Neapolim .

25

ET aequa petis : & nihil est , quod ego tibi , pro tua praestanti uirtute , non libenter tribuam . itaque , licet ijs distinerer curis , quibus respirandi locus non esset ; potius tamen habui nihil , quam ut adirem ad eos , qui cum Indicem correxerint , eiusdem interpretandi scientiam maxime omnium tenent . ij sunt quattuor uiri , doctrina , & dignitate non uulgaris , humanitate etiam tanta , quam ego summam cognouerim .
quorum

quorum unus, uetere mihi necessitudine coniunctus, eloquentia princeps, Mucius Calinus, Archiepiscopus Iadrensis, cum litteras tuas legisset; incendi aliqua tui cognoscendi cupiditate uisus est, extulitq. laudibus ingenium tuum, asseniente me. deinde, acturum se cum collegis de tua re diligenter, pollicitur, biduo post ita mihi respondit: si qui sint Astrologiae iudiciariae libri, qui certo aliquid non affirmant, eos legi tuto posse: totamq. hanc esse partem in Indice disertis uerbis ita explicatam, ut nihil addendum uideatur: Episcopis providendi ne peccetur, facultatem esse permissum: ijs se nihil praescribere neque uelle, neque posse: nec dubitandum, quin ij, pro salute animorum, & religionis nostrae commodo, atque ornamento, egregie administrent omnia. Haec de negotio tuo: in quo praestiti, quae sunt in me, diligentiam, & fidem: reliqua, pro tua prudentia, & aequitate, nisi fallor, a me non requiris. Amicitiam tuam, ut debeo, facio plurimi: idq. ut intelligas, elaborabo, & fortasse perficiam. Vale. Romae. IIX. Id. Quinti. M D L X I V.

EIDEM, Neapolim. 26

OFFICIUM meum, quod ab optimo erga te animo profectum est, iucundum tibi fuisse, uehementer gaudeo. equidem uellem, quantum in me uoluntatis, & studij, tantum esset auctoritatis, & gratiae. nae tu intelligeres, quo apud me loco sis, quantumq. ijs, quae ualgo bona appellantur, anteponam ea, quae uere bona sunt. in quo puto non discrepare iudicium tuum a sententia mea. exulto enim uirtute animo.

Z nihil

nihil inane placet ; recta, & honesta, & cum ipsa uirtute coniuncta, prima sunt . Quare uelim ita plane existimes ; patere me totum tui similibus, idest, probis, & eruditis hominibus ; nihil mihi pluris esse, quam ijs operam nauare, eorumq. commodis inseruire : quod ubi contigit, ita laetor, quasi beneficium acceperim, non dederim . Tu autem, quasi magnum aliquid tua causa praestiterim, gratias mihi agis : & suauissimam epistolam condita rosa dulciorem facis : amanter tu quidem, & benigne : sed e studiorum similitudine, praesertim artium liberalium, quibus uterque nostrum deditus est, contractus amor munera nō desiderat, seipso contentus est : nec mihi quidquam est, aut esse potest te ipso praeslantius, & beneuolentia tua : quā si conseruas, omni me afficis beneficiorū genere : & hoc nomine maiores tibi habeo gratias, quam si mihi Adonidis hortos donares . Ego te, ut debeo, in oculis iam fero, licet numquam uiderim . Vale. R. IV. Kal. Sex. MDLXIV.

EIDEM, Neapolim. 27

MAGNI amoris indicium, quod scribere ad me uolueris, cum tamen, quod scriberes, nihil esset. argumento scilicet numquam indiget uerus amor. uere autem quis amat, nisi qui, speciem uirtutis intuens, haeret in ea, unam expetit, cetera floccifacit ? hoc idem qui sentiunt, facile coniunguntur animis, licet longissime distent. quod, opinor, utrique nostrum contigit. nam studiorum similitudo contraxit amicitiam nostram, nec uulgarem, ut uideo, sed qualem saepe multorum annorum obsequia, officiaq. plurima,

&

& familiaris consuetudo non peperit. quod tu si cogi-
 tas, ut ego non mediocri cum uoluptate sepe facio :
 contentum esse me, & laetari uehementer uoluntate,
 ac studio tuo, munera uero prorsus non esse necessaria
 existimabis. quamquam amplector equidem officium
 tuum, & de pastillis aromaticis ago gratias, cum
 praesertim stomacho languenti utiles admodum ex-
 periar. quod uero de muliere dulciaria addidisti; amo
 diligentiam tuam; uel quod eius excellenti opera usus
 es; cum uulgaris tibi confectura, qui tuus est in me
 amor, non satis faceret; uel quod ipsum mihi significan-
 dum putaueris. Cymbae tuae secundos uentos exopto:
 & libenter spero fore, quod uehementer cupio. res
 tamen ipsa quae sit, quidq. sibi uelit Aquilonis illa
 tempestas, plane non assequor. sum enim aliquanto
 hebetior, quam tu suspicaris. De minutis anibus, risi,
 & consilium tuum, licet causam ignorem, tamen
 improbare non audeo. nimirum, cauere, sapientis est :
 & satis cauet, qui non temere credit. quod Epicharmi,
 poetae Siculi, celebrato uersiculo monemur. Vale.
 Romae. XII Kal. Feb. MDLXV.

NATTAE. 28

NOTVM tibi esse arbitror statum rerum mea-
 rum: de quo tamen, & de mea uoletudine, ex fami-
 liari tuo, qui has literas perferet, cognosces. Vo-
 luntatem in te meam, atque obseruantiam, quae an-
 tea fuit, eandem esse, ac semper futuram, tibi per-
 suadeas, utinam re ipsa aliquando experiaris. habet
 hoc uirtus, ut languescere animos in amore non sinat.

Z 2 re

te uero, quis iam ignorat, cum paucissimis in omni genere laudis esse conferendum? Perge in cursu laudabilis industriae tuae: quando nec otium deest, quod mihi occupationibus eripitur, & praeclara habes adiumenta doctrinae, atque ingenij, quae tibi gloriam, nobis fructum afferent. Me uero ut ames amore illo tuo singulari, ita cupio, ut nihil magis. Haec scripsi raptim, in summa uacuam cui temporis inopia. Vale. III. Id. Quintil. MDLXIV.

PETRO. MAFFAEIO

Genuam.

29

ET otium tuum significas; quod equidem uehementer optabam: & Latine scribis: & coralia quoque polliceris. nil profecto tuis litteris iucundius. hoc enim uerbo per uxoris, & filiae ualeitudinem iam uilicet. unum requiro, quod otij rationem prope nullam reddis. atqui me id a te, uel si taceam, expectare tamen, ne dicam exigere, poteras opinari: si modo, te a me diligi, & diligi propter studia tua, putas. Iurisconsultus ille adhuc litigat, cum damno lucrum quaerens. quem diligit, ignoro: utitur quidem per paucis, & amare tenebras uidetur. fortasse illi persuasum est, desiderari se posse ab oculis multorum, si rarus in publico sit. id populus curat scilicet. Haec de illo, quod ad me attinet, non libenter, tua uero causa scripsi non inuitus, ne prorsus amiculi desiderio tabesceres. Venio ad Antonianum, quasi a ruta ad pulgum: nihil enim hoc adolescente amabilius, siue mores, siue doctrinam spectes. Gratulatus ei sum tuo nomine de oratione, qua Caesarem in funere laudauit. is tibi uicissim

uicissim gratulatur de statu rerum tuarum: speratq.
fore, ut aliquando te ad nos referas bene nummatum,
& fruaris nobiscum simul tranquillo animo litterulis
nostris, certo uectigali, tua uirtute parto. quod hic,
ut sunt tempora, pauci consequuntur. nihil autem
miserius, homini praesertim liberaliter educato, quam
sussensas habere uiuendi rationes, & aliunde pendere,
dubia spe, quam saepe fallit euentus. Tu igitur fruiere
isto otio, & colloca in tuto fortunas tuas: quod uides
facere discipulos tuos. πολλοὶ μαθηταὶ καὶ ἀγαθοὶ
διδασκάλων. Camillum Seuerinum, doctum iuuenem,
& probum, rusticari cum nobili iuvene, optimeq. erga
ingenuas artes animato, Io. Baptista Nigro, valde
laetor. non enim dubito, quin multas diei horas incun-
dissime traducant, animum egregijs de uirtute sermo-
nibus oblectantes, corpori tribuentes, quātum satis est.
utrumque cupio, quod tuo commodo fiat, meo nomine
salutari. Aldus te, ut debet, amat, salutemq. tibi mul-
tam impertit. Vale. Romae. Idibus Sept. MDLXIV.

PAVLO. SACRATO

Ferrariam.

30

MALE sentis de utroque nostrum, cum de immu-
tata mea erga te uoluntate subicaris. nam & me leuē,
atque inconstantem, & te fingis dissimilem tui, idest
eum, cuius in amore, cognita iam uirtute tua, lan-
guere quisquam possit. tu de te ipso uide quid statuas,
& quo modo feras iniuriam tuam: ego meam nec dis-
simulare, nec ferre leuiter possum. nam, cū ab ineunte
aetate ingenium, animumq. meum ijs artibus, &

Z 3 studijs

studys excoluerim, unde praeclara omnia nascuntur: scilicet egregium industriae meae fructum ferrem, si, quod in quibusdam soleo reprehendere, quodq. ipse sciens numquam feci, in amicitia peccarem, praesertim tua, quae non, ut multae, casu & fortuito contracta, sed expetita a me semper, et pluris aestimata, quā quae vulgo maxima putantur. Obsecro te, istam ne patere suspicionem in animo tuo residere: cogita, quod res est, te mihi esse in oculis: delectari me uehementer memoria officiorum tuorum, & angere nonnumquam, quod habere magis gratiam, quam refre, possim. In pensione exacta, & pecunia permutata agnoui diligentiam tuam, uel amorem potitus, quo tu adductus, mea negotia uel minima ita curas, quasi maxima sint, maioremq. commodi mei, quam dignitatis & personae tuae rationem habes. De locatione uero renouanda, totum ad te refero. mihi, quidquid egeris, nō modo ratum, sed etiam gratum erit. uenditionem quidem temporibus excludi, & priuatorum fortunas nouis uestigalibus exhauriri, non mea magis, quam uestra, causa doleo, quamquam dolorem nostrum lenare debet illa ratio, quod nihil malum sine culpa, item ut cum culpa nihil bonum. Ego me hoc in aduersis didici sustentare solatio. quod ignorari a Christianis, quibus haec sententia praestantissimum in caelo fructum promittit, cum ijs etiam philosophis, qui uerae felicitatis uix umbram uiderunt, notissimum fuerit, turpe simul & exitiosum est. Vale. Filius te salutatur, & in primis obseruat.
R. mae, xvi. Kal. Dec. MDLXIV.

EPISTO-

EPISTOLARVM PAVLLI. MANVTII

LIBER. SEPTIMVS

CAMILLO. PALAEOTTO

Bononiam.

I

R E C T E, & amabiliter cogitas, *cuan*
usuram mihi sermonis tui, tuaeq. suau-
tatis, ademptam locorum interuallis,
restituendam quoquo modo litteris existi-
mas. hoc sane non modo mea peruetus in te, & per-
petua, & iam ad summum perducta beneuolentia,
uerum etiam humanitas illa tua postulat, in qua tibi
conferre possum paucissimos, neminem certe debeo
anteponere. Acque hoc loco recurrit animus ad ini-
tia nostrae necessitudinis, repetitq. secum, & ma-
gna cum uoluptate contemplatur officia tua: quae li-
benter alijs praedico, tibi non minus libenter expone-
rem, ut hoc ipso me gratum, & memorem intellige-
res, nisi me reuocaret pudor tuus, & putarem confi-
dere te memoriae meae, nec tamen expetere a me quid-
quam praeter uoluntatem. Sed omitto illa uetera, re-
centem gratiam praeterire non possum, quod homo
semper districtus a publicis rebus, priuatis etiam,
quae tua benignitas est, amicorum negotijs tum opera,
tum animo distentus, epistolam tamen ad me miseris,
& bene longam, quod ipsum amoris est, & omni
prorsus officio, omniq. lepore, & elegancia refertam.
Nam, quod me laudas: non ita desipio, ut uelim te-

Z

4

cum

cum de ueritate contendere. si te delectat hic error; fruiere quamuis diu, me nec repugnante, nec inuito. sin errare turpe ducis, in eo praesertim genere, in quo te, uel si ego tecum sentire uelim, res tamen ipsa facile refellet: dic me deditum litteris, dic antiquitatis cupidum imitandae: studium tribue: largire industriam: haec fatebor, & agnoscam: de doctrina uero, & eloquentia, quam in me utramque plena manu congeffisti, etiam atque etiam uide quid sentias. quam enim tu laudem bene & emendate scribendo consequeris, eandem laudem non bene de scriptis alienis iudicando ut amittas, committere non debes. Habuit istam gloriam proxima superior aetas: cum florent illi illi uiri, de quibus nulla posteritas conticescet, Bembi, Sadoleti, Poli, & horum uel aemuli, uel imitatores multi. tunc industriam benignitas excitabat: fruius laborem sequebatur: ad opes, ad honores aditus patebat. nunc obsolescit splendor omnis Romanae linguae, & destituta praemijs migrat ad exteras nationes eloquentia. Hic tu me uocas ad scribendum, & quasi iam Belguentem in cursu quantum potes incitas. Obsecro, quid spectemus? uides enim tempora: uides hominum ingenia, ad inuidiam proniora, quam ad acquitatem. dignitatem uero illam, & ea commoda, quae proposita olim erant, nihil est, quod cogitemus. Quo circa sine me cedere temporibus, & minuire laborem aetate iam ingrauescente: si non concedis, quod interdum cupimus, ut artem omnino definamus. Ac succres tu quidem, ut ego sentio, aliquando iustius, si ad communes amicos, Sigonium, & Amaeum,

saeum, utrumque doctrina, & ingenio praestantem, cohortationum istam conuerteres. quamquam Sigonium cessare non arbitror: scribit enim non minus alacriter, quam egregie. Amasaei autem musas, quaeso, cur pateris silere? certe illum dixeras accurate quaedam pangere in historias Polybij. magnifica res, & gloriosa: cuius expectationem ego te auctore iam aliquam apud eruditos homines commouit. nunc tuae sunt partes, ut illum urgeas, efficiasque, ut omnino opus appareat. simul enim & studiosorum utilitati, in qua pater eius, dum uixit, eximia cum laude fixi omnes curas, & gloriae suae uehementer consulet. Amulius Cardinalis, optimarum artium patronus paene singularis, tua sui memoria ita delectatur, ut, si cetera desint argumenta, uel ex hoc uno constet, quo apud illum loco sis. itaq. noli uereri, ne illi ex animo effluas. non enim is est, qui uel temere amet, uel temere amare desinat. noui iudicium in deligendis hominibus: noui constantiam in tuendis. praeterea fratrem tuum, Auditorem Rotae celeberrimum, clarum praestantibus in Christianam Remp. meritis, in oculis fert: de te uero perhonorifice & loquitur, & sentit. Cum Vitellio tuis uerbis de noua dignitate sum gratulatus. egit gratias, & laetari officio tuo, uellege plurimum tua causa uisus est. Vale, & Sigonio meo, & Amasaeo tuo, uel potius utriq. nostro, saluem a me plurimam.

Romae, XIII. Kal. Ian. MDLXV.

EIDEM, Bononiam. 2

CARDINALEM habes fratrem tuum. habes
igitur,

igitur, cur & uehementer, & perpetuo gaudeas. diuinum enim bonum honor est, non quilibet, sed is tantum, qui uitae innocenter aeternae, qui summis in Christianam Remp. meritis, qui rectis denique studiis, artibusq. tribuitur. quod quia contigit fratri tuo; cuius animum, ab omni semper ambitione remotum, non haec uirtutis insignia, quae ipsa per se nemo sapiens concupiuit umquam, sed ipsa uirtus sua forma ad bene agendum illexit: ideo laetantur omnes boni, & fructum quisque capit ex aliena dignitate: quasi ad omnes pertineat id, quod, si eosdem sensus, easdem actiones imitentur, sperare omnibus licet. quo tibi nomine haud sane paullo plus, quam uerbis assequi possum, gratulor: nec uero tibi solum, sed familiae tuae uniuersae; cui proponitur egregium colendae uirtutis exemplum, sic, ut uix iam esse quisquam possit, qui non ad uerum decus, atque ad omnes bene audiendi partes excitetur. Ego ipse, qui quidem in tuis esse, & numerari uolo, nescio quo modo uehementius, quam antea, cupiditate solidae laudis incendor, atque ita sta tuo, non satis esse, in studiis, & in uita me similem esse mei; laborandum, atque enitendum, ut ipse me uincam, & qualem esse decet eum, quem uos diligitis, & in quem officia multa contulisti, talem aliquando me praebeam. Equidem, si uoluntati par facultas esset, nostram amicitiam, quae uobis, ut ego sensi, periuncunda, mihi, ut omnes intelligunt, perhonorifica semper fuit, libenter ornarem. sed euenit contra, ut ego orner quotidie inagis iudicio de me uestro, & hac ipsa, qua uix optari maior ulla potest, recenti uestrae dignitatis

tatis accessione simul accedat aliquid ad existimationem meam . caue enim existimes , aut laetari mediocriter amicos meos , aut mihi a paucis illo ipso die , quo in amplissimum ordinem frater tuus cooptatus est , gratulationem esse factam . eoq. maior & mea , & aliorum laetitia est , quod fore nemo dubitat , quin hunc honorem , qua uirtute est adeptus , eadem ita gerat frater tuus , ut ex eius industria , doctrina , probitate fructus Christiana Resp. maximos capiat . sic enim uixit ad hanc diem , & in maximis , grauissimisq. rebus ita se exercuit , nihil ut illi iam placere possit , quod a communi bono discrepet , nihil tam difficile , tam ue arduum occurrere , quod uel prudentia non assequatur , uel cura , studio , scientia non perficiat . Vidit igitur in hoc quoque multum , qui cetera omnia pro sua singulari sapientia prospicit egregie , Pius I V. Pont. Max. cum talem uirum , non modo non ambientem , sed nec opinantem , nō posulantem quidem certe , in Cardinalium Collegium , ipso Collegio comprobante , probis omnibus , & eruditis uiris mirifice laetantibus , adsciuit . Nos autem , & quicumque bonis bene cupit , eaq. uult , ac sentit de communi re , quae uelle & sentire omnes debemus , diuturnam expetamus , & precemur a Deo fratri tuo uitam : ut cum praestantibus uiris , quos habet dignitate pares , uoluntate , & studio similes , eam uniuersae Ecclesiae , quam tempus & necessitas flagitat , opem offerre possit . quod si acciderit ; publica primum causa , deinde etiam nostra laetabimur . futurum autem , ego quidem , per motus diuinatione quadā , non magis opto , quam spero . Vale . Romae , idibus Mart. M D L X V .

I O.

IO. FRANCISCO. COMMENDVNO
CARDINALI. CREATO 3

O DIEM praeclarum, qui perpetuae uoluptatis,
& laetitiae nobis initium attulit, quarto idus Mar-
tias. illo enim te die Pontifex Max. a cunctis bonis
expetitum, cum excellentibus aliquot uiris Cardina-
lem nominauit. Queri iam desinamus, uirtuti locum
non esse. quod antea multis in ore fuit, nec iniuria.
quosdam enim ad summos honorum gradus nobilitas,
nonnullos opes, alios alia, sola uirtus paucissimos ex-
tulit. deleuit hanc maculam, & ueterem illam Pon-
tificum sanctissimorum consuetudinem, retentam a pau-
cis, exoptatam diu, Pij Quarti numquam satis lauda-
ta sapientia renouauit. Quo facto, te quidem pro tua
non uulgari prudentia intelligere arbitror, quae tibi
partes impositae sint, quasq. res & praesens a te di-
gnitas, & antea tua uita postulet: ego autem hoc
tibi uideor affirmare posse, unum sensum esse, unamq.
uocem cum tibi gratulantis uniuersae bonorum Reip.
tum uero maximas Pontifici gratias agentis, quod tem-
poribus difficillimis labantem Ecclesiam tali praesidio
fusserit, ultroq. tibi istum honorem detulerit non peten-
ti, quem studiose petentibus nobilissimis uiris dene gan-
dum iudicauit. Omnino, quod tu scis optime omnium,
nullam mercedem requiris uirtus, nec ad se ornandam
assumit aliquid extrinsecus; uerum tamen, si duabus
rebus, praemio, & poena, quod sapientissimi uiri lit-
teris mandarunt, salus publica continetur; utroque
pariter est laetandum, & ea bonis impertiri, quae in-
ter

ter homines ducuntur amplissima, & ita improbitatem notari, ne quis exsultet in culpa, & impunitatem licentia consequatur. quod cum ita sit; laetari te quoque plurimum decet honore tuo, & fructum illum magni facere, quem tamen non appetisti, cum labores grauissimos pro Sedis Apostolicae commodo susciperes, cum pericula subires, cum omnes denique curas, omnem mentem, operamq. in communi salute collocares. Equidem, ubi te Cardinalem esse declaratum cognoui, exsultaui gaudio, eaq. perfusus uoluptate sum, quam his litteris exprimere mihi non licet, tu tamen, ut opinor, cogitatione comprehendes, si, quae mea semper in te fuerit primum beneuolentia, deinde etiam, ubi ccepit esse tua uirtus illustrior, obseruantia, cum animo tuo considerare uolueris. quod ut facias, etiam atque etiam a te peto. Vale. Romae. XII. Kal. Apr. MDLXV.

CHRISTOPHORO. RVFO 4

PENDEBAM animi, nec satis constituere poteram, plus ne uoluptatis ex discessu tuo caperem, an molestiae. uoluptatem afferebat illa ratio, quod erudire artibus egregijs adolescentem illustri loco natum, quam tu curam suscepisti, primum, ut ego sentio, dignitatem habet: deinde, fructum ex eo te posse colligere intelligebam, non illum quidem tua cum industria & uirtute conferendum, attamen eum, qui pro malis temporum non omnino contemnendus esse uideatur. quod si otium quaeris, uel ut aggrediare ad scribendum, uel ut ea, quae iam habes instituta, perpolias: isio fortasse

fortasse loco nihil aptius, aut accommodatius ad tua consilia reperies . nam in urbe Roma, etsi nihil obstat, quo minus arbitratus suo quisque uiuat, interpellatores tamen quandoque non desunt, honesti illi quidem, rectisq. dediti studijs, interpellatores tamen . Haec erant, quae mihi de te cogitanti laetitiae non parum afferrent . Rursus, cur non dolerem, cum hic te multi, ipse multos diligas, carere nos tua consuetudine, te nostra? tuam uero non uulgarem doctrinam, cui quidem ego semper, a quo primum die tua scripta uidi, debitum uoce mea testimonium persolui, in hac luce, & celebritate uersari, ubi cognita decoretur, quis, qui te uere atque ex animo amet, non uehementer cupiat? Hanc mihi molestiam prope omnem, & ancipitem sane curam eripuit epistola tua . quod enim tu studijs tuis otium exoptare uidebaris, eo te istuc incunctissime perfrui, nec urbis desiderio admodum laborare, facile conieci: itaque uide, quam libenter animum meum ad tuam uoluntate accommodem . idem si ad me saepe scripseris; quod ita expeto, si modo fieri tuo commodo possit: abesse te laetabor, cum ea tamen spe, ut aliquando nos reuistas, tum scilicet, cum rationes tuae patientur . idem sentit, idem uult Octauius noster, idem etiam Sirleitus Cardinalis: qui uiri? ornamenta, & lumina nostrorum temporum: quibus te esse ac fore semper carissimum, non dubito, quin & tibi persuadeas, & id in magna tuae felicitatis parte ponas . Vale .
Romae, IV . Id . Apr . MDLXV .

CONVENIT inter nos de nota scriptis meis apponenda, quae moram ferre non possint: notae uero signum omisimus. hoc igitur erit, †. Tu si mihi in hac describenda epistola tam celeritate satisfeceris, quam emendate scribendi studio, politaque, & elegantilitterarum forma satisfacere solitus es: multum addes ad officia in me tua: quae cum augeantur quotidie, augeri tamen uix potest amor in te meus: eo iam peruenit non modo litteris, & ingenio, sed moribus etiam, & probitate tua: quae ego haud paullo pluris, quam omnium rerum scientiam, soleo aestimare. Vale. Ex aedibus nostris. Nonis Ianuar. MDLXIV

IOANNI. BAPTISTAE. TITIO

Florentiam.

6

ET SI doleo, negotijs te nimium diu a consuetudine abduci studiorum tuorum: tamen hanc in dolore uoluptatem capio, quod tu is es, qui, adempto librorum usu, doctissimorum hominum assiduo congressu, & sermone familiari iacturam hanc ita sarcias, ut minorem fructum ex otio suo multi capiant, quam tu ex negotio tuo. gratulor tamen tibi, quod, litibus aliquando liberatus, redieris ad communes Musas: cum quibus quam iucunde uiuas, de me ipso coniecturam facio. pascor enim, mihi crede, litteris: cetera omnia uel molesta, uel certe parum grata. Daetus, & Bonannus, si, ut scribis, ita de me sentiunt; uehementer gaudeo. equidem utrique, non tuo solum, uerum
aliorum

aliorum quoque testimonio permotus, plurimum tribuo. quod utinam officio declarare aliquo possim: in quo facultas exoptanda, quae nunc quidem abest; animus certe numquam deerit: sin id minus licebit: tu scilicet, quae tua est humanitas, & in me amor, cum de me ijs omnia polliceberis, tum eorum mihi beneuolentiam, cuius ipse potissimum auctor fuisti, conseruabis. debes enim, & uis opinor, ut optimus artifex, perpolire opus tuum, & ad exitum perducere. A te, mi Titi, promissa non exigo; ne, quod liberalitatis est, id uidear fidei uelle tribuere; cum tamen utrique confidam pariter. hoc tantum dicam: quod te facturum scripsisti, id si quamprimum feceris, fore, ut non minus de tempore, quam de re, tibi gratias agam. Cotta tuus semel & iterum ad me uenit. sane delector hominis probitate, moribus, doctrina. amo etiam ut amicum tuum. & quamquam premor negotijs; quod tu optime scis; cum tamen ire ad me uoluerit, numquam eum excludet occupatio mea. Filius abest, Venetias profectus ante aliquot dies, inde Asulam: quo in opido frater meus, ab omni remotus grauiore cura, tranquillo animo ita sibi uiuit, ut rem domesticam non contemnât. Vale. Romae. v. Kal. Non. M D L X V.

MARIO . CORRADO

Neapolim.

7

ET SI nec magis, quam soleo, uacabam; & ad quotidianas occupationes accesserat cura sane grauis, ex interitu suscepta domestici hominis, ad mea negotia uehementer apti: feci tamen, amore impulsus, quo te pro-

te propter ingenij, doctrinaeq. praestantiam mirifico
 sum complexus, ut epistolae tuae responderem: quae
 mihi uoluptatem eo maiorem attulerat, quod te Ne-
 polim uenisse, nec statim discessurum, cognoui. saepius
 enim, & commodius, ultro citroq. cursantibus publi-
 cis tabellarijs, tu de meo, ego de tuo statu audiam.
 Videre mihi uideor, te totum in litteris esse. cupio non
 inanem esse coniecturam. ut ut est, hoc equidem spe-
 ctro delector, & mirabiles industriae tuae fructus ex-
 specto. Ad Latinam uero linguam quod attinet, mihi
 crede, sine causa laboramus. an illa tibi, tot ueterum
 illustrata monumentis, tot etiam recentiorum proba-
 ta testimonijs, uel nostro, uel cuiusquam egere patro-
 cinio uidetur? praesidij satis, atque opum in ipsa posi-
 tum est ad repellendas istorum iniurias: quae tamen
 in ipsos recidunt. nam ei nemo maledicit, qui se ipsum
 inscitiae non condemnet. quod si Latinae linguae spe-
 cies, & pulchritudo, quae uulgi oculis non patet, co-
 gnosci ab omnibus posset; amores incredibiles, ut ille
 ait, excitaret sui. me quidem sic affecit, cum tamen
 integrā eius formam nondum nouerim, extrema quae-
 dam lineamenta uix adspexerim, ut reliquas uolupta-
 tes contemnam, cum hac, & in hac libenter, & iucun-
 de uiuam. qui uero aliter sentiunt, & errare nos existi-
 mant: sexcentis eos argumentis refellas licet: parum
 proficies. quod ego cum iam pridem intellexerim: pau-
 ca quaedam scripsi, ad indicandam sententiam meam:
 neruos esse intendendos, ut in arcem huius causae in-
 uaderem, non putauī. Stomachari, mi Corrade, iam
 desinamus, in aliena culpa: & gratulemur potius ipsi

Aa nobis,

nobis , quod amemus ea , quae praeclara sunt : quae si parantur laboribus maximis ; id quod a studio multos deterret ; molestum tamen esse non debet , quod gloria compensat immortalis . Fragmenta patris mei quod requiris : apud me nulla sunt : furto ablata , quo ille tempore uita excessit , creditum est . In Sex . Empirico , Palaemone , Aspro , & reliquis , mea tibi diligentia non deerit . odorabor , sicubi latent : nam in tabernis non exstant : inuentos , noli dubitare , quin eriam , quam uellem filius adesset , qui Venetias profectus est . praestaret aliquid , opinor . haec enim studia tractat nauiter ; & grammaticos , de Orthographia cum scriberet , euoluit omnes . Vale . VI . Id . Nou . M D L X V .

E I D E M , Neapolim. 8

SUPERIORE hebdomada pluribus uerbis epistolae tuae respondi . heri alteram accepi : in qua petis a me , fecerim ne inscriptionem illam , cuius exemplum ad me misisti . in quo laborẽ sumpsisti non necessarium : id enim ex amico meo . ad quem illam misi , cognoscere omnes possunt . Quod mihi rescio quos inuidere significas : de inuidia non laboro : si quis maledixerit , fortasse taciturn non feret . Quod autem , ne stultis hominibus gratificer , memones , in consilio tuo beneuolentiam agnosco : uerum tamen , neque quos tu stultos uoces , neque quam rem notes , assequi satis possum . nam , si quis grammaticus obtrectat , susq . deque . laborantibus enim inscientiae morbo medicinam facere si coner , ualde sim stultus ; si possim , ualde sapiens . In exemplo inscriptionis ad me misistae uerbum desideratur,

tur; omissum incuria describentis. nam, ubi est, VT
DEBITVM. ET. DOMESTICAE. VIRTVTI
ego scripsi, VT. PIETATI. DEBITVM. ET
DOMESTICAE. VIRTVTI. Vale. Romae.
XV. Kal. Dec. MDLXIIII.

PETRO. PERPINIANO

Lugdunum.

9

AMABAM an'ea non uulgariter amorem in me
tuum, cum praesertim suauitates in te essent ingenij
multae, rara probitas, doctrina prope singularis:
nunc, quam in exhauriendo mandato, quod humani-
tate tua fretus discedenti tibi dederam, curam, & dili-
gentiam adhibuisti, ea me sic affecit, ut omni te ani-
mi mei sensu complectar, omnia tibi, quasi iure opti-
mo debita, studia, & officia pollicear. quamquam de
amico meo duriora significant litterae tuae. quae si ue-
ra sunt: amicum iam non appello. excellat licet inge-
nio: ualeat industria. ex antiquis monumentis prae-
clara quaeque delibauerit: haec inania sunt, nisi cum
optima mente, & Christiana pietate iungantur. quod
si se respexerit, si cum Ecclesia Catholica, idest cum
Deo, redierit in gratiam: tunc ego me illi restituum:
tollam hominem, & ornabo, quantum in me erit: nul-
lum ei deesse a me officium pariar, quod ad eius digni-
tatem, exsultationemq. pertineat. Quod scribis, Lug-
duni meliore iam loco religionem esse, & in eo te ope-
ram strenue nauare: non miror, te tui similem esse,
praesertim in communi salute: publicam uero rem quo-
tidie melius ire, contra quam & sperabant nefarii ho-

Aa 2 mines

mines, & agebant, uehementer gaudeo. Rex autem adolescens, ac paene puer, cum in Christi causam tanto animo coeperit incumbere, superare uidetur aetatem uirtute, & plane is esse, qui maiorum suorum laudibus aliquando respondeat. Posseuino meo cum salutem a me scripseris, hoc addes, memoriam illius nostrae ueteris amicitiae mihi esse perincundam, sed longe carius, longeque incundius, quod omnes ingenij sui uires ad profligandos Apostolicae Sedis hostes felicissime profundat. gratulor sane optimo iuueni de ista facultate: nec dubito, quin eum semper, quocumque eat, quamcumque rem aggrediatur, ope sua Deus & prosequatur, & iuuet. Rouillium, praestanti humanitate uirum, egregie de religione sentientem, si meo nomine salutaueris, gratissimum feceris. Vale. Romae.

XIV. Kal. Dec. MDLXV.

Cum epistolam complicarem, uenit ad me, ut solet, officij gratia communis amicus, diligens obseruator doctrinae tuae, Zerbinus Ritijs. is rogauit, ut salutem tibi suis uerbis adscriberem. quod facio libenter: teque rogo, si tamen hoc patitur humanitas tua, ut ames iuuenem, amore tuo dignum.

HORATIO. CARDANETO

Perusium.

10

QUERERER tecum, si liceret, idest, si pateretur amor in te meus, quod fructu me priuas & humanitatis, & iudicij: humanitatis, quasi te amantem non redamem, quod abest longissime a moribus, & consuetudine mea: iudicij, quod beneuolentiam

meam

meam ita petis, quasi ego, qui tu uir, quantusq. sis, quae in te suauitas, quae doctrina, quae uirtus, quod omnes iam norunt, solus ignorem. Vbi igitur illa, quae in me plena manu confers? quamquam id quidem amice magis, quam uere: uerumtamen, si tu eum me putas esse, quem littere tuae significant; in quo, si uis, (uide, quanti te faciam) plus tibi credam, quam mihi; cur minuis auctoritatem testimonij tui, & paene tuam sententiam in dubium reuocas, cum admonendum me censes, ut eo erga te animo sim, quo si non essem, non modo indoctum, agrestem, inhumanum, sed plane me hominem non putarem? Conor, inquis, extorquere, ut me ames. Non est, mi Cardanete, cur coneris id, quod iam perfecisti: aut extroqueas, quod ego tibi mea sponte, & ita libenter quidem tribuo, ut etiam, quod amare uidearis amorem meum, ipse mihi gratuler, tibi gratias agam. Quod ais, officio te esse impulsam, ut ad me scriberes, & eodem officio admonitum, ut breuiter scriberes: agnosco modestiam tuam, & probo, cum eo tamen, ut existimare te uelim, uel si creberrimas ad me, longissimasq. miseris epistolas, aequae mihi omnes gratas; & perincundas fore. cur enim scriptis tuis non deleſter, quae cum lego, antiqua non desidero? cum praesertim istam facultatem hodie multi expetant, pauci consequantur. Commentarios meos in familiares, ut uocant, Ciceronis epistolas requiris. si esset otium, propediem absolutos darem. sed ita saepe, nescio quo fato, diuellor a libris, ut interdum mihi Roma displiceat, & agrestem solitudinem urbanae celebritati libenter antepoſam. Illa de Imitatione

Aa 3 sina-

sinamus iacere. spissum opus est, & longi temporis, nec fortasse nostrarum uirium: & , ut uere dicam, sperare uix audeo, quam animo, & mente formam uidere uideor, eam, quaecumque est, oratione, & stylo satis explicare posse. Haec scripsi, in lectulo, cum leuiter aegrotarem. Vale. Romae. IV. Non. Iar. MDLXVI.

IOANNI. CASELIO

Florentiam.

II

QVO maior est uirorum praestantium, idest tuisi-
milium, inopia, eo mihi carior est, & esse debet amici-
tia tua: quam quidem omnibus officijs, & studijs, quae
a summa proficisci beneuolentia possunt, perpetuo co-
lam. quod utinam per ualitudinem tuam fieri licuisset,
ut Romam peruenires. maiorem fructum, quam qui
ex litteris percipitur, qui tamen uulgaris non est, ex
familiari consuetudine, mutuoq. sermone, uterque no-
strum capere potuisset. quod quando non accidit: ego,
quod ad me attinet, ut amoris mutui recordatione desi-
derium meum leniatur, operam dabo: litteris autem ita
utar, quantum negotia sinent. quo te contentum esse,
neque in hoc genere plus exigere, quam praestare pos-
sim, tua mihi pollicetur humanitas. De philosophia
illustranda, praeclare cogitas: uerum praeclara o-
mnia quam difficilia sint, his praesertim temporibus,
non te fugit. sunt enim adhuc, qui, frugibus inuentis,
glande uesci malint. quibus ignosci fortasse ex aliqua
parte potest, quod eos pudeat, Quae pueri didicere,
senes perdenda fateri: sed, eorum exemplo decipi ado-
lescen-

lescentes, & inquinata doctrina infici, atque corrumpi, hoc quidem graue malum est, malum, inquam, non ferendum: idq. tu iure doles, & ego sic, ut tibi non concedam. Verum haec Principes uiderint: qui nisi peccarent in delectu, gymnasia florent, optimeq. cum litteris, & bene literatis hominibus ageretur. De studijs meis, an de negotijs, aliquid scribam? negotia nihil ad te scilicet: studia uero propemodum iacent, & eo magis, quod ualeo parum commode. Te ualere, liberatum iam, ut arbitror, diuturno morbo, non mediocriter gaudeo: reuertentem in patriam amore prosequor: frui optimis studijs, & capere studiorum uberrimos fructus, ita cupio, ut si communia bona essent. sic enim decet eos existimare, quorum animos & coniunxit uirtutis amor, & retinet, Vale. Rome, IIX. id. Ian MDLXVI.

FERDINANDO. GATVLAE

Neapolim.

22

SUPERIORIBVS diebus, cum tu me luculentum sane carmine salutasses, etsi moleste ferebam, eripi mihi occupationibus facultatem respondendi, tamen non uerebar, ne tibi de meo erga te animo secus interpretandi occasionem afferret silentium meum, odiosas enim, nec dignas bono uiro suspensiones longe a se repellit excultus litteris animus, & liberaliter educatus. nunc uero, cum me praeceptor tuus, homo egregie doctus, & spectatae integritatis, Blasius Monicus, modeste ille quidem, tamen ut cupiditatem dissimulare non posset, admonuisset officij mei: nihil habui potius

Aa 4 quam

quam ut haec ad te, licet iisdem, quibus antea, curis
 dislentus, exararem. Ac, de tuis quidem uersibus si
 quaeris quid sentiam: probarem omnia, si placeret ar-
 gumentum. in uerbis elegantiam, in sententijs graui-
 tatem uideo: quod utrumque, nisi qui excellat ingenio,
 assequi nemo potest: in me autem extollendo quid sis
 secutus, aut quam rem spectaueris, non uideo. nam
 nec agnosco illa, quae scribis; & si agnoscerem, ta-
 men haud libenter legerem: sed opinor tibi haesisse il-
 lud, quod a ueteribus proditum est: Bonum poetam
 esse non posse, qui non obscuris dare lucem, paruis ma-
 gnitudinem sciat. quod si conaris, & si hoc te delectat
 exercitationis genus: non improbo; & cum te amem,
 facile a me impetro, ut patiar uel abuti te meo nomi-
 ne ad laudem tuam. neque hoc solum, sed illud etiam
 tribuo amori in te meo, quod tu fortasse non exspectas,
 aequo tamen animo, pro tua bonitate, accipies; ut
 horter te, quando ad ius ciuile studium, curamq. tuam
 contulisti, ut istam artem non, ut hodie multi, nu-
 dam, & inornatam, sed, ut olim ueteres illi, multipli-
 ci rerum scientia, praecipue uero Latinae eloquentiae,
 quasi dote instruatam, & locupletatam uelis, eloquen-
 tiam uero non ex uno, altero uel libro, sed ex accurata
 multorum lectione comparari, cum te Monicus eru-
 dierit, non dubito quin optime noueris. Etiam illud
 addo, quod fortasse recentioribus Iuriconsultis absur-
 dum uidebitur, Graecae linguae, unde res petantur, si-
 ne quibus inane quiddam est, & plane languet eloquen-
 tia, studij tui partem omnino aliquam esse dandam.
 quae si omnia pauci praestant: uaria excusatio est. a-
 lijs

lij enim disciplina, alijs ingenium defuit. nonnullos etiam, cum ad summam iuris civilis gloriam adspirarent, & forsitan peruenire possent, rei domesticae difficultas a praeclara industria ad quaestus necessarij curam detorsit. Haec si obstare intelligerem studio tuo: frustra cohortationem hanc susceperem, uel potius plane non susceperem. cogeret enim necessitas, quod uoluntas negaret. nunc te, optimis a puero non modo literis, uerum etiam praeceptis informatum, praestantem ingenio, nec fortunae muneribus egentem, errare cum multis, & mediocri laude, angustiis circumscripta finibus, contentum esse, cur sinam? Perge igitur ad gloriam recta uia: obliquas uulgi semitas omitte: quaeq. tibi praeter ceteros a Deo tributa bona possides, ijs ita utere, ut ius civile non modo perdiscas, uerum etiam uehementer ornes. quod si efficies, laetabor: sin minus, hoc tamen tibi, non obscurum, ut opinor, studij in te mei testimonium relinquam. Vale. Romae, IV. non. Feb. MDLXVI.

ANTONIO FURNARIO

Neapolim.

13

Ego uero tibi non modo praesenti bono, sed futuri etiam spe ualde gratulor. non enim tam ex eo, quod abierit morbus, & quod, ut scribis, conualescere iam incipias, quam quod omnino futurum confido, ut breui pristinam ualitudinem plane recuperes, magnam laetitiam, uoluptatemq. capio. tu modo tua temperantia fac, ut perpetuo gaudeam. quod ita me cupere uelim existimes, ut ex familiaribus tuis nemi-

ni con-

ni concedam . ista enim doctrina cum caremus ; & cum , affecto corpore , simul ingenium languet ; angimur qui te diligimus ; & quos ex industria tua fructus ferre potest aetas nostra , eos retardari , aut minui , patimur iniquissime . Ego ab interitu Pij Quarti ualitudine utor incommoda . Stomachus , calore destitutus , officio concoquendi male fungitur . hoc uitium si tua citrea depulerint , plurimum sane tibi debebo , & eo magis , quod cetera pharmaca palato non amica , hoc medicinae genus ita suaue est , ut , uel sine morbo , gustare nihil malim . itaque speremus illud quoque , quod longe pluris est , ut stomachus fiat firmior : interea tibi ago gratias , quamquam id a te non expectari certo scio , quod me condimento gratissimo delectare uolueris . quod profecto , nisi me non uulgariter amares , tibi in mentem non uenisset . In extrema epistola quod mihi Gorgiae Leontini uitam exoptas : hoc quoque amoris signum : sed malo prosperam , quam diuturnam . prospere autem uiuere , est otio & litteris , uacuo curis animo , frui . quod ego assidue meditor , & , si quando assequar , purpuras omnes , quaeq. purpuratis cara sunt , te sortasse non improbante , contemnam . Vale . Romae . IIX . id . Feb . MDLVI .

ANTONIO . MERVLAE

Casertam .

14

CAVE putes , aut me suspicari , quod adhorret ab amicitia nostra , oblitum te esse mei , aut commissurum uinquam , ut obliuisci possis . Omnino discessu tuo nihil molestius : quis enim abesse eum , cuius neque consuetudine

rudine quidquam incundius, neque sermone eruditius,
 nec moribus, & uita sanctius, aequo animo ferre pos-
 sit? Sed rursus, qui te diligunt, qui pro tua uirtute
 sunt plurimi, quorum tamen ego nemini concedo, cur
 tuo commodo maereant? uinis in parte Italiae nobilis-
 sima, honesta satis condicione, apud illustrem uirum,
 humanitate, litteris, omni denique, ut audio, laude
 perpolitum. quae sunt eiusmodi, ut ea sequantur mul-
 ti, assequantur admodum pauci. At uirbe Roma cares.
 Scilicet, quia Capitolium, uel Amphitheatrum quo-
 tidie non adspicis, quae tu, hic dum eras, fortasse ne
 cogitabas quidem, id laborandum crediderim. Cete-
 ra, opinor, nihil ad te. neque enim sitire te arbitror
 honores aut opes: quae qui adipiscuntur, uides, a
 tranquilla, & beata uita quam longe distent, quibus
 fluctuant curis, quibus assidue miseris urgeantur. Re-
 liquum est, ut te pungat, quod nobiscum non sis. quod
 ita leniter feres, si cogitabis primum illud, ortam ex
 uirtute beneuolentiam eiusdem uirtutis memoria fove-
 ri, atque ali, sic, ut nihil praeterea desideret: deinde,
 mutuis epistolis hoc leniri quadam ex parte deside-
 rium posse: postremo, mortalem esse neminem, cui
 plane secunda sint omnia. addo illud, quod solatij tibi
 loco debet esse, nostros sensus congruere cum tuis: ni-
 hil esse nobis optatius, quam ut simul uiuamus: dole-
 re, quia non liceat, eo minus tamen, quia futurum
 speramus, ut aliquando liceat. habes egregie anima-
 tum erga te Cardinalem Sirletum: cuius auctorita-
 tem, pro singulari eius integritate, sapientia, doctri-
 na, maximam esse, non ignoras. Pantagathus de te
 & omi-

Et amicissime loquitur, Et praeclare sentit. duobus illis, quos tuo nomine salutavi. Statio, Dauanzato, qui te resalutant, scito te in oculis esse. nam de me ipso, non faciam, ut plura ad te scribam. uellem ita res ferret, ut, quanti te facio, tantum ex officiis meis fructum capere posses. mihi crede, studiis, Et rationibus tuis ita consuleretur, ut ad uitam Et commode, Et satis etiam cum dignitate traducendam nihil deesset. sed uides tempora. fruamur, mi Merula, litterulis nostris, directo in Deum animo: ceteris rebus παλὰ χαίγειν. Rotae nostro, non minus ingenio, quam nobilitate praestanti, poetae optimo, Et cum ueteribus conferendo, salutem, obsecro te, meis uerbis, si quando ad illum scribes. Vale. Romae, XIV. Kalend. Quintæ. MDLXVI.

MARIO. CORRADO

Neapolim.

15

FACILE poteras e silentio nostro de tuo negotio coniecturam tacere: nisi si tacere nos existimas, uel quia non amemus, uel quia paruipendendum id credamus, de quo te uehementer laborare, epistolarum tuarum crebritas ostendit. in quo uideo te otium nostrum scilicet e tuo meriri. nam Statio nostro a scriptione publicarum litterarum respirare numquam licet. ego autem quibus rebus urgear, quam numquam uacem, nosse te opinabar e Ciuero, aut etiam ex alijs: quoniam quidem status meae uitae is est, ut ignorari uix possit. Sed, ut ad prima redeam, ueteres illi grammatici nondum Romae sunt: si afferentur, eos ad te mittam.

mittam. tu uelim significes, ubi sis futurus. nam istic, si recte uerba tua interpretor, non uideris admodum libenter esse. Huc te uocarem, nisi multi discederent. optimum tamen, qualem aetas nostra non uidit, Pontificem habemus. qui si diu uixerit, quod a Deo precari non desinimus, spes est magna, haec, quae fluunt, posse contineri. Vale. Romae, VI. Kal. Sext. MDLXVI.

OCTAVIO. SANMARCO

Patauium.

16

QVOD mihi iam antea filius meus, tui amantissimus, non obscure significauerat, id multo nunc ostendit illustrius epistola tua, ita te colere bonas artes, ut parentis tui, summi uiri, laudibus non modo respondere, uerum antecellere etiam aliquando possis. Concurrunt multa, cur hanc omnino coniecturam faciam, primum instrumenta naturae, ingenium, memoria, ualetudo; quae si absint, ad magnas res, magnopereq. expetendas adspirare prorsus non licet; deinde studium, exercitatio, industria; quibus ita uteris, quasi illa non habeas naturae bona, quibus in primis abundas, & quasi a te ipso petas omnia. Adde, quod Patauium te contulisti, quam urbem? Athenas alteras: ubi cum praestantes uiri multi magnarum doctrinarum scientiam profiteantur, unum tamen in primis, quem ego semper plurimi feci, Pancirolum tibi audiendum, colendumq. delegisti. cuius consilij, mihi crede, maiorem in dies fructum, uoluptatemq. capies. Nam de Io. Vincentij Pinelli consuetudine nihil dico. non enim dubito, quin ipse iam
per-

perspexeris, quae sint in illo iuuepe uirtutes, quae probitas, quae eruditio, quae humanitas: ut omni dignissimus honore sit, qui tamen ob omni honorum cupiditate, sola uirtute contentus, longissime distat. Hanc facultatem, non ego te, ut urgeas, adhortor; sed gratulor potius & tibi, & patri tuo, quod ita uiuas, ut omnes a te omnia summa expectent; mihi uero plurimum gaudeo, quod, cum te ipso sit nihil amabilius, tu tamen amicitiam meam, quasi magni pretij rem, tibi expetendam putasti. quod ut facile consequeris, ita uelim euenire, ut officijs te ita colere possim, ut beneuolentiae in te meae parem, id est maximam, utilitatem percipias. Vale. Romae. IIII. Id. Sext. M D L X V I.

FRANCISCO. MANCINO

Perusium.

17

MIHI uero numquam uenit in mentem diffidere memoriae tuae. a quo enim diligere me, non solum cupio, uerum etiam libenter mihi persuadeo, cur ei me effluere ex animo credam? quod sine summo dolore facere non possem. At scripsi ad Cardanetum. Non equidem ob eam causam ut promissi te admone-
ret, sed ut pecuniam a bibliopola exactam tibi numeraret. quod opinor factum. Officium litterarum, a te praetermissum, cum excusas, facis, ut officium tuum magis desiderem. amo enim mirabiliter ingenij tui excellentem imaginem, egregie in epistolis expressam. itaque, carere me hac uoluptate, non facile patior. nec tamen plus oneris tibi impono, quam per
Studia

Studia tua licet ; cum praesertim facere te in doctrina
 magnos processus intelligam. ad scribendum ita te hor-
 tor , ut a libris non auocem . quod si utrumque potes ;
 ut certe potes : noui enim industriam , & facultatem
 tuam : oblecta nos tuis interdum litteris : & ad illa
 maiora simul incumbere ; ut augeas domesticam rem :
 & dignitatem , omni re praestantiorē , consequaris .
 Vale. Aldus tibi salutem dicit , uehementerq. tua sui
 memoria delectatur . Romae , IV. Kal. Sept. MDLXVI.

IOANNI. CASELIO

Florentiam .

18

CUM a discessu tuo nihil omnino de te , neque ex
 tuis , neque ex aliorum litteris , cognouissem ; habere
 te iter in patriam , facile suspicabar . nunc uideo , te in
 Etrusca regione consedisse , amoena illa quidem , & ad
 uitandos calores , quos hic pertulimus grauisimos ,
 admodum apta : ueruntamen , id si consilio fecisti , gau-
 deo ; sin morbo coactus , ita doleo , ut amicitia nostra ,
 & studiorum tuorum iactura , postulat . Quod ais ,
 cogitare te domesticos lares , & in ea tamen cogitatio-
 ne nonnihil pungi , recordatione ueterum molestia-
 rum : o mi Caseli , ullum ne tu locum putas esse , in quo
 aduersi nihil occurrat ? in quo ex uoluntate fluant om-
 nia ? inuidia tamen , quae tui similes , idest praestanti
 praedito ingenio uiros , saepe uexat , ad extremum ,
 ut scopulo fluctus , ita uirtute frangitur . qua spe te de-
 cet , ut hominem sapientem , uindicare animum ob o-
 mni cura , ut fructum capias excellentis doctrinae
 tuae ; qua nisi te ipsum iuuas , cum alijs prodesse con-
 sue-

sueueris, οἷχεται industria. Amicum tuum, iuuenem egregijs moribus ornatum, libenter cognoui: longiorem cum eo sermonem habere, per negotia non licuit. Vale. Haec scripsi raptim. Romae, III. Idus Oct. M D LXVI.

ZERBINO. RITIO

19

QVANTVM mihi, filioq. meo, tui amantissimo, doloris, ac molestiae, discedens reliqueras: cum tua nobis consuetudo admodum iucunda, industria etiam perutilis interdum esset: tantum solatij, & uoluptatis utrique nostrum attulit epistola tua: quamquam, quod tu scribis, te tuis ciuibus esse carissimum, id ipsum fore putaramus. quis enim ita expers humanitatis, aut ita barbaris moribus esse potest, quem tua probitas, & uirtus ad amorem tui non alliciat? quis autem ab ijs te diligi miretur, qui futurum intelligunt, ut maiores quotidie fructus ex ingenio, doctrina, diligentia tua, percipiant? quo tibi nomine, mi Zerbine, uehementer gratulor. nam, ut optabilius nihil est, quam amari a bonis uiris, praesertim in patria: sic nihil in rebus humanis praestantius, quam de patria bene mereri, & quasi parenti optimo gratiam aliquam referre. hanc tu nactus occasionem, contemne reliqua: & hoc unum age, in quo summa tibi & gratia, & gloria posita est. In hanc sententiam plura scriberem, nisi tuos iam sensus, & praeclaram animi tui ad honesta omnia propensionem, egregie cognitam haberem. Venio ad alteram partem, quam nec omittere possum, nec sine gemitu, & lacrymis attingere. Decessit, alienissimo

nissimo tempore, cum ad eum, salutaris doctrinae dogmata de loco superiore ostendentem, omnis omnium concursus fieret, cum haereticae factionis insidias pate faceret, impetum frangeret, tela retunderet, decessit, inquam, florente adhuc aetate, nimis immatura morte, summo ingenio uir, incredibili scientiae copia, maxima iam apud omnes bene sentientes existimatione, & auctoritate, Perpinianus nostre. quamquam nostra quidem haec iactura tota, nostra calamitas est: ille caelo fruitur, & caelestium animorum conspectu, circumfluens rebus istis, quas, inclusus adhuc mortali corpore, animo tamen saepe foras emergente, contemplabatur. uerumtamen, sublato ex oculis amico, & ex hac luce erepto, recenti adhuc uulnere doleamus, necesse est; ratio fortasse medebitur, aut dies: memoriam quidem tanti uiri mihi nulla dies adimet. Quod hortaris, ut edam Commentarios: currentem incitas: sed adhuc quaedam aduersantur: quae tamen, spero fore, ne diutius impedian. Etiam in Patris Grammatica, tibi ut satisfiat, operam dabo. Vale. Aldus tibi multam salutem. Vale iterum, mi optime Zerbine, & patriae, ac Musis, tranquillo otio, uiue. Romae.

III. non. Dec. M D LXVI.

I AM ad te scripseram, cum ecce bellaria tua: quae mihi pergrata sunt: sed, mihi crede, amorem istum in me tuum bellarijs omnibus antepono. etenim illa palatum, hic animum non uulgariter oblectat. Catechismum ad te mitto. Commentarios meos tua causa aliquanto citius emittam.

Bb VIDO.

VIDO. GVALTERIO

Narniam.

20

ANTEA, cum tu ad me, pro nostra amicitia, de Narniensi condicione retulisses: etsi non satis constitue-
re poteram, quid tibi agendum censerem, auctor tamen
potius eram, ut urbem Romam ne relinqueres: non tam
propter haec uestigia antiquitatis, quorum adspectu mi-
re fruuntur homines eruditi: quam quod esse te in ocu-
lis uidebam nobilibus uiris, quorum auctoritas, &
gratia rationibus tuis prodesse uehementer posset. nunc
autem, cum te istic admodum libenter esse, florere ci-
uium optimorum beneuolentia, excellentibus ingenio
discipulis abundare, significes; non tu quidem efficis
adhuc, ut, abesse te, gaudeam; assequeris tamen illud,
ut aliquanto minus doleam. quod si alteris litteris, id
quod equidem tua caussa in primis opto, eadem confir-
maueris; prorsus a dolore ad laetitiam transferar; &
cum ex tuis commodis uoluptatem maximam ca-
piam, tum istam ualde amabo ciuitatem, quae te tam
honorifice acceperit, quae tuam industriam, uirtutem,
probitatem liberalissime complectatur. cuius amoris,
& officij, certo scio, te non esse commissurum, ut eam
umquam paeniteat. non enim aut in tua disciplina
mendum, aut in uita labem, aut in moribus agreste
quidquam, uel inhumanum, unquam uidebit. quae
quo sunt, hac aetate, in ijs, qui iuuentutem egregijs
litteris excolendam, ac moderandam suscipiunt, ra-
riora: eo plus honoris, utilitatisq. tam praeclara uir-
tus postulat. quamquam tu quidem, si praestantiam
animi

animi tui bene cognitam habeo, mercedem meritorum tuorum maiorem nullam statues, quam eorum, quibus cum uinis, beneuolentiam: & illud tamen credes, eum, qui diligatur, necesse esse, ut rebus omnibus abundet, quae non modo ad fructum domesticum, & ad subsidia uitae necessaria, sed ad speciem quoque, ac dignitatem, pertineant. Intende igitur omnes neruos, ut ijs, qui te amant, amabiliorem te quotidie praebeas; & quam Spartam nactus es, eam non modo tueare, uerum etiam cum primis ornes. Quod ut scriberem, amor impulit, non quia te, iam pridem ad omnem laudem, patris exemplo, atque doctrina, institutum, consuetudine postea confirmatum, uel mea cohortatione, uel cuiusquam egere praeceptis existimem. Vale. Romae. VII. Id. Dec. M D LXVI.

M V C I O . C A L I N O

EPISCOPO. INTERAMNAE

Interamnam.

21

ARCHIEPISCOPVM praestare Episcopo dignitate, nemo nescit: bonis tamen uiris, cum te, omisso Iadrensi Archiepiscopatu, Episcopum Interamnae esse factum, auditum esset, uisa res est in primis gratulatione digna. nam, quod ad dignitatem attinet, Italiam cum Illyrico conferentes, nihil imminutum putabamus: quod ad commoda, additum aliquid potius, quam detractum. Iam illud, licere tibi interdum ad Urbem, nobis ad te, cum uelimus, excurrere, quanti aestimandum? nam neque te amicis tuis prorsus carere, tua suauitas patitur; neque nobis quidquam mo-

Bb 2 lestius,

lestius, quam adspectus & sermonis tui sitim diutius
 ferre. Quo circa ego quidem statim, audita re, laeta-
 tus animo sum: litteris gratulari cum maxime uel-
 lem, negotijs tamen impeditus, officium ueteri nostrae
 necessitudini debitum praetermisi: in quo me tamen,
 cum meae conscius erga te perpetue obseruantiae, tum
 tuae memor humanitatis, facile culpa libero. atque
 etiam (uide, quid mihi de tua benignitate pollicear)
 sperare audeo futurum, ut, qui a me diliguntur, eos
 amicitia tua ne excludas. neque tamen hoc in multis
 ambitiose petam: tantum deligam, quas tibi non tam
 mea commendatio, quam ipsorum optima studia, con-
 ciliare possunt. in his excellit in primis, iuuenis bene
 moratus, ijs perpolitus litteris, quae nos a pueritia
 delectarunt, Iulius Iacobonius. uiuit coniunctissime
 cum filio meo, ut fere aetate, & studiorum similitudi-
 ne, iunguntur: me uero, quod multis in rebus intelle-
 xerim, sicut alterum parentem, obseruat, & diligit.
 itaq. uideor illi debere omnia, quae possum: nec sane ul-
 lum eius uel adiunandi, uel ornandi, locum praeter-
 mitto: sed ex omnibus officijs nullum ei uideo gratius,
 aut iucundius praestari a me posse, quam si per me
 consequatur, ut aditum ad te habeat, a te cognosca-
 tur, numeretur in tuis. quod etsi, non dubito, quin
 facile impetrem: noui enim tuam φιλανθρωπία: no-
 ui etiam, quo ipse loco apud te sim: tamen ita peto,
 quasi agatur existimatio mea. sic enim statuo, cum
 te tua uirtus, nullo fortunae praesidio, in ista dignita-
 te collocarit, ualde ad exislimationem meam pertine-
 re, hoc si percrebescat, me abs te tantum amari, quan-
 tum

11
tim die
litare, la
maxime
ueteri no
o me tam
runtia: et
libero. au
te polleat
dignetur. a
hoc in ma
est tunc non
ma stantia
i, iuuenis
nos a p
conuicti
runt sim
rebus
it, & d
me nec
cui prae
ideo g
am si p
te cogn
luto. q
fuerit
tu ita
Cano, cu
i ista
am p
amari, q
tum

EPIST. LIB. VI 389
rum & optari semper, & mihi persuasi. Vale. Ro-
mae, Idib. Dec. MDLXVI.

ANTONIO. FVRNARIO

Neapolim.

22

ITA mihi, quae opto, contingant, ut de tua ua-
letudine ualde sum sollicitus: nec leuabitur dolor meus,
nisi cum te non solum periculo, sed prorsus omni mole-
stia liberatum cognouero. quod utinam breui fiat. cur
autem id futurum non sperem, cum te, diffidentem
humanis remedijs, ad pias preces uideam esse conuer-
sum? me quidem ex aduersis rebus haec una saepe ra-
tio, iam omni spe destitutum, eripuit. De fortunis
meis detraxit aliquid superior annus, hic fortasse dam-
num sarciet: sin aliter eueniet, aequo tamen animo
feremus, minuente sensum doloris consuetudine, &
cupiditatem aetate. De munusculo qui tibi uenit in
mentem aegrotanti? magni hoc amoris signum.
itaque sic tibi ago gratias, tanquam de re amplissima:
quandoquidem nihil mihi pluris est, quam amari a te,
quem praeter ceteros amabilem uirtus facit. Stomacho
certe meo, quod antea scripseram, nihil gratius hoc ge-
nere medicamenti. Vale. Romae. Kal. Febr. MDLXVII.

CAMILLO. PALAEOTTO

Bononiam,

23

A quo primum die, Palaeotte optime, mihi cogni-
tus es, duxi te semper in eorum numero, qui nostra
hac aetate antiquae uirtutis imaginem referunt, esse
reponendum. nam & bonos & praestantes uiros a-

Bb 3 mas,

mas, omnique studio complecteris: & ipse, quae artes
 amorem conciliant, ijs ita excellis, ut uicissim te o-
 mnes ament, nec minorem ex ingenio, doctrinaq. tua,
 quam ex humanitate, & liberalitate fructum capiant.
 equidem in meis secundis rebus id maxime numero,
 quod olim tua mihi benignitas adiutum aperuerit ad a-
 micitiam tuam: illud dolere saepe cogor, quod ita for-
 tuna tulerit, ut disiuncti uiueremus, & eriperetur
 utrique nostrum suauitas illa, quae sine dubio, cum
 una sumus, longemaior est, quam cum aut ego tuas,
 aut ipse meas epistolas legis. adde, quod tibi perquam
 raro scribendi occasio, mihi ne faculas quidem da-
 tur. ita, qui est in litteris fructus, eo etiam prope ca-
 remus. quo tamen in genere tuam diligentiam, uel
 humanitatem potius incredibilem agnosco: qui nullum
 huius officij locum praetermittis: ut proxime, cum de
 Amulij Cardinalis incolumitate cognouisses, fecisti
 peramanter, quod & mihi, qui illum uirum in oculis
 fero, unumq. praecipue colo, per litteras gratulan-
 dum, & significandam existimasti laetitiam tuam.
 Sed ego uicissim tibi, & bonis omnibus, eo conserva-
 to, cui praeter cetera uirius placet, uehementer gra-
 tulator. nam, si quid illi nunc humanitus accidisset;
 suo fortasse tempore, cum nec aetati parum, & glo-
 riae plurimum uixerit, nostro certe, & universae bono-
 rum Reip. alienissimo decessisset. Vides profecto, nec
 dubito, quin idem sentire uideas excellenti uirtute, ac
 sapientia Cardinalem, fratrem tuum, pares esse Amu-
 lio nostro dignitate non paucos, opibus etiam, & ijs
 rebus, quas elargiri fortuna solet, superiores multos:

at

at illa si perpendimus, quae sunt animi ingeniq. bona, idest quae uere bona sunt, doctrinam studio, prudentiam usu rerum maximarum partem, praeterea benignitatem, probitatem, religionem; quam non multi sint, quos ei conferre possimus, opinor intelligis. iure igitur, illo grauiter aegrotante, ita maerebamus, quasi cum illius salute nostra salus in discrimen addita uideretur: & nunc, eodem incolumi, tum sua quisque causa, tum bono publico omnes laetamur. In quo non dubitabam equidem, quin tuus sensus cum meo sensu conuerteret: uerum tamen egregiae testem uoluntaris epistolam tuam legi perlibenter. uidi enim amorem in me tuum, & studium simul erga Christianam Remp. prope singulare. nam de Amuly morbo ita sollicitus eras, ut eodem tempore & dolor meus, & publica iactura tibi ante oculos esset. itaque non putavi committendum, ut ipsum celarem de litteris tuis. ostendi: legit iucundissime: nec tacuit de tua laude; mihi quoque, ut salutem tibi eius uerbis adscriberem, ac sua tibi studia prorsus omnia pollicerer, ita mandauit, ut uultu & uerbis plane animum exprimeret. Ego de te, quae soleo, summam esse tuam in illum obseruantiam: optatus tibi nihil esse, quam ut, si quid eius causa praestare possis, utatur opera, curaque tua. addidi quaedam de uetustate necessitudinis nostrae, de tuis etiam in me officijs: ut sciret, cum tu de meis commodis maxime semper laboraueris, cupere me non mediocriter, ut, a quibus ipse diligor, iidem te pari beneuolentia complectantur. Vale, & Cardinali optimo, fratri tuo, salutem dic meo nomine plurimam. R. VII. Id. Mar. MDLXVII.

IOANNI . CASELIO

Florentiam.

24

OMNINO erat ἔωλος epistola mea: quam ut acciperet, numquam ad me rediit is, qui tuas litteras attulerat: uerumtamen eam ad te mittendam putavi, ne tibi in aliquam fortasse neglecti officij suspicionem uenirem. eius exemplum hoc est.

Epistola, de qua hic mentio fit, legitur sexta ante hanc.

QVOD me amicis crebro auges, praesertim hominibus uirtute praeditis: perbenigne facis. utinam praestare aliquid uel tua, uel eorum causa possim. uos enim, quae uestra bonitas & humanitas est, animo fortasse contenti estis: ego, qui meus erga liberalium doctrinarum studiosos amor est, nisi animum officia probent, contentus esse uix possum. Vale. Romae, XVI. Kal. Apr. MDLXVII.

PETRO . PERPINIANO

Lugdunum.

25

CVR ego tibi excusẽm silentium meum? Odi ista uulgaria: nec tu is es, qui uel amicis duriores te praebeas, uel, quibus ego negotijs, quantam & quam assiduam a me operam exigentibus, distinear, ignores. ac, si uelis amabiliter, & uere cogitare ira credes: nulla me magis affici uoluptate, quam cum tuas epistolas lego: rursus, si quis est, qui ab officio discedat inuitus, eum esse me. quare, ut ego tibi ingenio, eruditione,

tione, industria comparare me non ausim: ita, quibus
 maxime rebus amicitia colitur, humanitate, officio,
 obseruantia, neque te mihi, neque quemquam antepo-
 no. hoc te cupio credere. quod si impetro, simul illud
 impetro, ut omni me cum praeteriti, tum futuri tem-
 poris culpa, si fortasse rarius ad te scripsero, plane li-
 beres. quamquam nunc quidem, tuis ut rescriberem
 litteris, abieci omnia, uictus beneficio tuo. beneficium
 enim certe, non mediocre nescio quod, sed quantum ef-
 se potest maximum, a te habeo, quod mihi amicum
 dederis Iacobum Rodericum Falconium, prudentissi-
 mi & optimi uiri filium, ipsum ijs litteris ac moribus
 ornatum, ut, cum me uel negotia, uel ipsa iam aetas
 ab amicorum consuetudine remoueat, hoc tamen iuue-
 ne quotidie fere utar iucundissime. ac saepe de te ser-
 mo, illo libenter praeclara tua facinora pro Christi glo-
 ria narrante, me libentius audiente. certamus enim,
 ut uideo, amore erga te, sic, ut alter ab altero uinci
 interdum gaudeat, interdum aegre ferat. ita non pla-
 ne nobis totus abes. quod enim oculis eripitur, asse-
 quimur animo, memoria, mentione tui, tuarumque
 uirtutum quam creberrima. tu contra, si parem gra-
 tiam referre uis, alterum Falconium reperi: si modo
 similem probitate, ingenio, obseruantia in utrumque
 nostrum reperiēs. Sed opto te felicem esse, & similem
 reperire: ut, de nobis cogitantes nonnumquam, & col-
 loquentes, officium amicitiae debitum persoluatis. De
 tragoedia, mire sum laetatus, praesertim agente Fal-
 conio. De animi tui constantia, tibi gratulor, Deo gra-
 tias ago, a quo ista manant. tibi enim certe, & fortis-
 simo

simo cuique, nisi divina uis affuisset, praesenti discrimine, in tanta gladiatorum licentia, animus concidisset. ✱ bonam mentem opto. cuius enim ingenium, & doctrinam amo, de eo si quid afferetur durius, cum dolore audiam. Sed, quid est, quod etiam de Turnebo, tali uiro, utinam falso rumore, dissipatur, auersum a salute periisse? o magnum malum, nec re magis, quam exemplo. nam plebs imperita, licentiae cupida, si peccat; minus mirum: doctos uiros, rectis antea sensibus euntes, offendere, & labi, matura iam aetate, quis non ingemiscat? Filius te salutat. tu meis uerbis eruditum in primis, & probum adolescentem, Iosephum Scaligerum, si est Lutetiae, salutes uelim. Val. Romae.

EPISTO-

EPISTOLARVM
PAVLLI. MANVTII

LIBER. OCTAVVS

P I O . I V

PONTIFICI . MAX. I

VID antea de litteris, ac bonis artibus
existimaueris, Tie IV. Pontifex Max.
*Q*uam semper fueris, hodieq. sis ad eas ex-
citandas, ornandasq. praeclare animatus:
& omnes iampridem norunt, & ego superiore anno
sum expertus; cum eo me consilio Romam euocasti,
ut sacros praecipue libros, ab haereticorum nefaria pe-
ste uindicatos, ederem quam liceret emendatissime, &
in hac elegantioris olim doctrinae parente, atque altri-
ce, nunc diuinorum institutorum custodie, ac praeside
Urbe perpetuum meae uitae domicilium collocarem.
cum ista mente, istaq. ad bene agendum propensione
summam potestatem coniunxit Deus, non solum ut
impedentes Reip. Christianae calamitates auerteres:
quod a te curari egregie, atque effici omnes fatentur:
uerum etiam ut a publica cura oculos interdum con-
uerteres ad priuatorum incommoda, eaq. cum uideres,
opem afferres non pro cuiusque libidine, sed pro iudi-
cio, ac sapientia tua. haec me cogitatio, diu ueren-
tem, ne appellare litteris Maximum Christi Vicarium,
excubantem animo semper pro Christianae Reip. salu-
te,

te, impudentiae posset adscribi, ab ancipiti consilio ad certam sententiam reuocauit, effecitq. ut ea scribere audeam, quae ne coram agerem, maiestate tua primum, deinde etiam pudore quodam meo sum deterritus. Totum hoc imprimendi munus, quod mihi a te mandatum pro mea fide curo, duas habet partes, publicam unam, quae ad communem animorum utilitatem pertinet, ut e sacris libris maculae omnes eluantur; alteram priuatam, ut ea mihi interim suppetant, quae si absint, mecum, & cum meis agatur incommodius. Quod ad priorem attinet, facerem arroganter, si tibi tantam rem, qua nescio an ulla magis hoc quidem tempore omnibus expediat, studeam commendare: cum quattuor spectatae uirtutis & innocentiae Cardinalium, quos huic negotij praefecisti, singularis prudentia nihil deesse patiatur. quare hanc partem, cui nondum tua liberalitas defuit, nec, ut spero, umquam deerit, omitto non inuitus: de me ipso, siquidem tua permittat humanitas, (quid autem ea non permittat?) attingam pauca. Ego, cum ad Urbem ueni; licet a Pio I V. recte & laudabiliter uiuendo, sperari posse omnia intelligerem; tamen efferri me cupiditate non sum passus: nec sitiui honores: nec auri, argentiq. splendore sum captus: id scilicet unum spectavi maxime, ut beneuolentia tua, in qua pono omnia, perpetuo fruerer, eaq. me, quantum consequi studio, quantum industria liceret, non indignum praeberem. domesticis rebus, quas negligere prorsus, qui pater est, non potest, amare nimium, qui se Christianum esse n. minit, non debet, satis consultum putabam honorario

Illo

illo annuo, quod a tua benignitate impetraveram: nec dubitare tamen poteram, si quid praeterea meae rationes exigent, quin id haurire possem ex eodem fonte, ad quem aditus ambitiose petentibus uix pateret umquam, moderata cupientibus praeccludi numquam solet. sic annus abiit: nec mihi nouam interea cupiditatem dies attulit; quae etiam admonet, quo propius ad huius peregrinationis, quae uocatur uita, finem accedimus, eo minus de uiatiko laborandum. itaque mutatum nihil est in consilijs meis; animus, quos antea sibi fines praescripserat, iisdem se continet, ultra nihil appetit: sed corporis alia quaedam ratio est: aetas iam ingrauescens quasi extra ordinem multa desiderat: multa etiam, praesertim in laboribus, ac studijs, ualitudine requirit imbecillior: quae si negligam, ingrate mihi uidear agere cum Deo, a quo acceptum uitae munus magni facere, ac tueri diligenter debemus. quid caritas liberorum meorum, quibus in me uno sunt omnia? ea me appellat, nec patitur obliuisci, quid naturae debeam, & mihi me ipsum eo nomine commendat, quod in mea salute multorum salus, fortunaeq. nituntur. Quae cum ita sint; & cum his causis, quas commemorari, magnopere confidam; tamen ita statuo, maiorem commodi mei spem in tua praestanti bonitate mihi esse reponendam. quare nihil definio, neque mihi certum beneficij nomen peto: quod qui faciunt, ignorant scilicet a quo petant, & in angustum reuocant, quae latissime patet, benignitatem tuam. ego rationes meas Principi maximo, & ad beneficentiam nato, commendare me intelligo. nihil me postulare prae-

praecipuum decet . unum illud indicare satis est , fulciri oportere subsidio aliquo fortunas meas : quod ipsum tamen uoluntati , arbitrioq. tuo totum permittatur . mihi quidem , si quid a tua liberalitate proficiscatur , quidquid sit , aequè gratum futurum est , ac si me omni beneficiorum genere cumulasses .

CAROLO . BORROMAEO

CARDINALI .

2

NON patitur aut benignitas , aut consuetudo tua , ut appellandus a me sis de eo , quod semel & iterum humanissime promisisti ; & ego is sum , qui , quod semel petij , licet ad constituendas fortunas meas ualde pertineat , impetrare cupiam , non exprimere . uerumtamen non sum ueritus , ne tibi molestiam asferret iterata petitio , hominis praesertim studiosissimi , & de tua laude , quantum imbecillitas mea praestare possit , assidue cogitantis . Optabile est , ut , qui optima cupiunt , iidem uel omnia possint , uel apud eos , qui possunt , auctoritate , & gratia plurimum ualeant . tibi utrumque contigisse , non stulti homines arbitrantur . nam & natura propensus es ad ea , quae praeclara sunt : & haec ipsa propensio , singulari ingenio , & uirtute coniuncta , ita tibi amorem conciliauit sapientissimi Pontificis , auunculi tui , ut cum omni te munere dignum ducat , tum uero libenter , translata in te grauissimorum negotiorum parte , releuetur . amplectere igitur pro tua summa prudentia , uel retine potius , quam amplexus iam es , occasionem diuinitus datam . eripuit iam benemerendi consuetudinem temporis

poris iniquitas . eam si restituis , quod facere coepisti ,
 & facies : iisdem , quibus maiores tui , gradibus in cae-
 lum adscendes , relicta familiae tuae gloria , quam
 nulla dies exstinguat . Ego autem , si per te consequor ,
 id quod in tua manu situm est , ut Romae libenter ui-
 uam : uix enim libenter , ubi parum commode , quis-
 quam uiuit : dabo operam , & fortasse efficiam , ne sit
 obscurum beneficium tuum : memoria quidem , & uo-
 luntate , si re ipsa minus potero , ingrati animi culpam
 uitabo . Vale . Romae , iv . Kal . Nou .

SCRIPTIT. HANC

A. PRINCIPE . ROGATVS 3

HONESTARES , iucundaq . in primis , Nuptiae
 putantur : nec immerito . nihil enim ad generis huma-
 ni perpetuitatem Natura magis postulat , quam ut
 feminis iungantur mares : nec ea coniunctione quid
 quam non modo commodius , uerum etiam dulcius ef-
 se potest . habere secundis rebus mulierem laetitiae so-
 ciam , laetitiam auget ; aduersis pariter maerentem ,
 solatij genus est . iam , quae ad cultum , ad uictum , ui-
 tamq . pertinent , ea cum uxor ministrat , aut curat ,
 quantam iucunditatem habent ? Reges equidem ipsos
 non arbitror e suis regnis tantam uoluptatem capere ,
 quantum fidelis coniugij consuetudo , & conuiuius af-
 fert . Quae tibi , optime ✱ , ex tuis ueteribus nuptiis
 probe cognita cum essent ; propterea factum opinor , ut
 secundas appetieris , & eandem omnino suauitatem re-
 gustare uolueris . Hoc tuum consilium , pro suo quisque
 sensu , uarie homines interpretantur . laetari multos
 uideo ,

uideo , ut in re optima ; quosdam admirari , ut parum
expectata ; dolere nonnullos , ut aduersa . mihi , in
hac opinionum , & sententiarum uarietate , animus
uehementer in dubio est . laetitiam a me poscere uide-
tur amor in te meus , ortus ex memoria praeceptorum
tuorum , quibus me puerum ad omnem uerae laudis
cupiditatem excitasti : sed idem amor ante oculos ea
proponit , quae cum cogito , tantum abest , ut laetari
possim , ut dolore etiam afficiar : neque id tua magis
caussa , quam publica . nam , etsi , quod tibi placuit ,
idemut perpetuo placeat , atque expediat , uehemen-
ter opto : tamen , cum aetatem tuam considero , quae
iam ad senectutem uergit , interdum uereri cogor , ne
aliter eueniat . sua cuique aetati studia Natura tribuit .
quae iuuentus amat , respuit senectus . contra , sene-
ctutem oblectant , quae fastidit iuuentus . tu tamen ,
homo iam fere sexagenarius , adulto iam paene filio ,
nouum coniugium probasti : quoq. magis miremur ,
non aequalem , aut aetate proximam , uerum adole-
scentulam duxisti : utrum uoluptatis , an procreatio-
nis caussa , praeter te nemo nouit . uoluptatis quidem
suspicionem , pro mea in te beneuolentia , libenter te li-
bero : sed , alij , quorum iudicium amor non impedit , de
ista re quid sentiant , ipse uideris . At procreatio libe-
rorum optanda . Quis hoc improbat ? aut quis aliter
sentit ? uerum tamen temporibus multa distinguuntur :
nec idem semper omnibus licet : nec eadem semper om-
nes decent . Quo de genere si pluribus tecum agam , &
illud usurpem , quod Apollini tribuit antiquitas , Co-
gnosce te ipsum ; ignorare uidear utrumque nostrum ,
&

Et, quod aiunt, Sus Mineruam erudire uelle. tu enim is
 es, qui haec ipsa mihi olim puero cantabas: quae mi-
 hi nunc insita penitus in animo haerent, nec euelli um-
 quam sinam: tum quia praeclara, tum quod a te tra-
 dita, quem unice diligo. Recognosce igitur doctrinam
 tuam: Et cum illa, quae tractandis ueterum monu-
 mentiis obseruasti, in memoriam redegeris, tum cogi-
 ta, quam iure mirentur nonnulli, aut etiam doleant,
 te, talem uirum, ista aetate, ista existimatione, uiuo
 Et incolumi optimae spei filio, cum ipse te adspicere,
 cum ualitudini tuae parcere, cum iuuentutem ab im-
 moderata libidine tuis monitis reuocare ad continen-
 tiam deberes, tum puellae amore captum, eius com-
 plexum, Et consuetudinem sic optasse, non modo ut
 hominum de te opinionem, aut filij commoda parui
 faceres, uerum ut ipse uitae tuae nouo uitae genere pe-
 riculum strueres. quis enim nescit, quod ueteres qui-
 dam Philosophi memoriae prodiderunt, Veneris usum
 prodesse numquam, obesse autem saepissime? Quod si
 quis in dubium uocet; id negari certe non potest, Sene-
 scentibus, deficiente natura, nulla re, magis, quam
 concubitu, uires minui. quod a te ignorari, qui tam
 multa nosti, turpe est. aut, si non tu quidem hoc igno-
 ras, sed rationem libido uicit, quis te audiat, ita ex-
 cusantem? hoc quidem est augere culpam, non minue-
 re. Atque haec, tua caussa, nos angunt: quid, publi-
 ca? tanto magis, quanto aequius est, de multis, quam
 de paucis, laborare. nam, cum tuo iudicio, tuaque
 scientia, in omni caussarum genere uteremur; cum
 tuae lucubrationes ciuile ius, eximia tua cum laude

Cc illu-

illustrarent ; cum omnes lites , ac contentiones , aequitate , & sapientia tua dirimeres : optandum erat , ut huius boni , quo nullum in Ciuitate praestantius , diuturna admodum usura frueremur . nunc a te , nouae coniugis illecebris irretito , non modo lucubrationem ullam homines non expectant , sed uerentur etiam , ne maiorem diei partem , nedum nocturnas horas , domesticis oblectationibus tribuas . interim praeclarae illae frigeunt actiones tuae . minus libenter audies disceptantes : non tam attente , quae diiudicanda erunt , considerabis : non facile quemquam admittes : non saepe prodibis in publicum : non , ut antea , tui copiam facies : denique , cum antea ita uiueres , ut Reip. natus uiderere , nunc te , ad priuata studia conuersum , negligere communia , nemo est , qui aequo animo ferre possit . quae si alios cura tangit : qua me affici molestia , quo angi dolore , par est ? non enim is ego sum , qui meas partes aut ignorem , aut negligam . meum est , Ciuium otio , saluti , tranquillitati , consulere : meum , praestare , aut conari saltem , ut , quos potestati , fideique meae Deus commisit , aequo iure omnes regantur , nullis iniuriae pateant , nihil , contra leges , agant , nihil , praeter leges , timeant . Huius praeclari muneris cum ego te , pro tua praestanti , mihi iam pridem cognita , uirtute , ministrum , participemque , delegissem , gratulabar , & mihi , & ciuibus meis , non mediocriter ; mihi , quod magna laboris parte me leuaret industria tua ; Ciuibus , quod omnes , te iudice , libenter uterentur , optime de tua , non solum doctrina , uerum etiam probitate , sentientes

tientes . nunc , sic officia , studiaq. illa intermitis ; si
 languidius ea curas , quae ad Populi fortunas perti-
 nent , quaeq. ego , curari a te diligentissime , & uolui
 in primis , & putari ; uereor , ne quotidie uoculas ex-
 audias hominum , te accusantium , quod a pristina caus-
 sa desieris , & a uirilibus institutis ad molliciem quari-
 dam , inane[m] p. uoluptatem , deslexeris . Erunt etiam
 forsasse nonnulli , qui me , non adductum iudicio , sed
 amore lapsum , tantas res tuae si lei , constantiaeque ,
 non satis prudenter commississe dicant . quibus ego
 quid respondeam , quoniam ipse non satis dispicio , tu ,
 qui uides acutius , doce me . equidem nihil malo ,
 quam , & te tui quamsimillimum esse , & me mei iudi-
 cij numquam paenitere . quod si secus euenerit ; erras-
 se me , cum aliquo existimationis meae damno , facile
 patiar ; tuo cum dedecore , feram iniquissime , addito
 praesertim meorum Cuium dolore , qui te in oculis
 iure ferunt , nec adspectu carere tuo possunt , nec sermo-
 ne , & consilio priuari . Quae propterea ad te scribo ,
 ut intelligas , quantam animo curam sistineam , quan-
 ta tua res agatur ; & ideo operam des , & ut & me sol-
 licitudine , & te infamiae periculo , aut certe hominum
 sermone , liberet . Scribo autem serius , quia pendebam
 animi , nec satis , quo tecum uterer officij genere , con-
 stabat . gratularer ? at contra sentiebam . dolerem ? at
 male ominari uisus essem , in ea praesertim re , in qua
 tibi , uel si damnum aliquod res publica faciat , secun-
 da tamen omnia sic exopto , ut in hoc stultis fere te-
 cum certem , alios qui uident omnes facile uincam . Va-
 le , & ita fratre domesticis bonis , u. publica ne negli-

gas . qua dere non mea quidem ulla suspicio , sed uere-
 & me nonnumquam cogit dubitatio multorum : quam
 cupio falsam , & inanem esse.

PAVLO . STEMPOVIO

Neapolim .

4

ETSI iam litteras tuas , a Gorscio remissas , ac-
 ceperam : tamen hunc ex earum tarditate cepi fru-
 ctum , quod tu , dum te ita purgas , quasi ea res ad offi-
 cium tuum pertineat , & longiorem scribis epistolam ,
 & in eo me tibi haud mediocriter obstringis , signifi-
 catione quadam amoris , & iudicij de me tui . Ego ,
 Stempoui , cum omnes homines , ab ineunte adolescen-
 tia , in quibus aliqua uirtutis elucere signa perspice-
 rem , colui , quantum in me fuit : tum uero nationis ue-
 strae probitatem , modestiam , & propensa in primis
 ad liberales doctrinas ingenia , mirifice semper dilexi .
 itaque , cum ad me tuos de Rep. libros Gorscius attulif-
 set . petijissetque , tuo nomine , si quando uacarem , ut
 eos legerem ; lectis , exponerem , quid sentirem : facile
 impetrauit ; non modo , quia facultatem ineundae a
 Polonis gratiae non libenter amitto ; sed etiam , quia
 multorum sermone cognita mihi uirtus , & humani-
 tas tua ita me incenderat , ut uehementer expeterem
 amicitiam tuam . peropportune igitur accidit , quod
 ego minime cogitabam , ut scripta tua ad me mitteres :
 sed ualde contra meam uoluntatem , quod ea tam cito
 repetieris . opes enim ingenij , doctrinaeq. tuae , qui-
 bus frui diu uolebam , quasi praeteriens adspexi . in-
 tellexi

tellexi tamen id, quod Goslicio significavi, peruolutasse te, nequaquam remisso animo, omnes omnium libros, egregia quaeque, tum ueteris, tum recentis historiae delibasse; nec eo contentum, addidisse rebus ordinem: ornamentis Latinae linguae, quantum argumenti ratio ferret, usum esse. nunc, si auges, ut scribis, industriam tuam; & id cogitas, ut, cum opus absolueris, ac perpolieris, iterum ad me mittas: gaudeo, & fruor animo, spe futurae uoluptatis, quam legendo antea degustavi, nunc haurire, si per te, licuerit, uberio-rem cupio. Nam, corrigendi partes, quas mihi uideris imponere, si accipiam, faciam imprudenter: quid enim in tuis scriptis eiusmodi est, quod aequus index damnare possit? sin autem recussem, culpam inhumani- tatis extimesco: & uereor, ne tu me, cui minime om- nium displicere uelim, rusticum quendam esse homi- nem, agrestemque, suspiceris. hoc igitur arbitrato tuo: ego, quod in me est, desiderari ab te non patiar officium meum. Vale. Romae, XIIIX. Kalend. Quint. MDLXVII.

PERGRATVS mihi fuit aduentus Persei; tum, quod ipsum diligo, amici mei filium, ingenio, & mo- ribus ornatum; tum, quod beneuolentiam in me tuam humanissimo sermone exposuit. agerem gratias, id si benignitas tua pateretur, & nisi referre mallet studio, officio, obseruantia: quod ut assequar, operam dabo.

EIDEM, Neapolim. 5

BELLARIA, de quibus antea scripseras, peri- uesti, per familiarem suum, ad me misit, egregiae

CC 3 uir

uir humanitatis, amicus meus, Georgius Ticinius. sane nihil gravius, hoc praesertim aestu: sed, quaeso, cur tam multa? sunt enim uascula uiginti quattuor: nae tu IV. aut V I, si nosset imbecillitatem stomachi mei, per totam aestatem, satis esse duxisses. agnosco igitur coniunctam amore liberalitatem. ille enim, ut mitteres, admonuit; haec, ne pauca mitteres. in quo illud te cupio credere; quamquam haec sint suauissima, metamen frui libentius memoria tui, laetariq. potius, quod me dignum putaueris, quam tu muneribus afficeris, quam si me omnium munerum copia cumulasses. quare peto a te, mihi ut conserues amorem tuum; a meq. expectes ea, quae, qui uehementer amat, praestare consuevit. Vale. Romae, III. Kal. Quint. M D L X VII.

VINCENTIO . MACARIO

Scylacaeum.

6

LITTERIS tuis, humanissime, & ornatissime scriptis, nec respondere multum possum, cum distingar negotijs; nec nihil debeo, cum, in officio non respondere, turpe sit. Scylacaei te sustinere munus erudiendae iuuentutis, ualde laetor. amo enim Gerondae mei patriam, cuius mihi memoriam nulla dies ex animo delebit: qui si uineret, non dubito, quin mecum esset; iisdemq. studijs, eodem uitae genere, siueremur. Franciscum, fratrem tuum, nostri memorem esse, gratum in primis est. equidem & illum, & te simul, ita diligo, cum utrumque excellere litteris, ac moribus, intelligam, ut, si quid aut honoris, aut commodi uesiri

stri gratia praestare possim, in eo curam omnem, operam, industriam, collocare cupiam. Quod ad mutam sribendi rationem attinet, hunc tibi scrupulum Filij mei liber eximet, quem, de Orthographia scriptum, edidit anno superiore. Vale. Haec scripsi raptim, animo alia cogitante: quod uelim ignoscas. Romae. XIIIX. Kal. Quint. MDLXVII.

IO. FRANCISCO. CREMONAE

Ferrariam.

7

ANTEA sollicitus eram, facta rei familiaris iactura; quod acciderat, quorundam hominum, incuria, dicam, an socordia? nunc autem, quod amissa recuperaverim, laetor equidem, sed ita, ut dolere simul cogar, quod amicis meis aliena culpa molestiae tantum attulerit. te enim, uir optime, atque doctissime, quamquam ignotum mihi de facie, tamen amicum, appellare non dubitem. nam, cur aut eum non amem, aut ab eo me amari non putem, cui cum Paulo Sacroto, omnibus mihi officiis coniunctissimo, summam intercedere necessitudinem intelligo? Quod si studiorum, ac morum similitudo amicitiam contrahit: cur non animis coniungamur, quamquam locorum interuallis disiuncti? Iam illud, quod tu, fraterq. tuus Alfonso, uirtute tibi, & probitate simillimus, operam dedisti, idq. auctoritate, studio, diligentia consecuti estis, ut mea domestica supellex, ad alienas manus per errorem transducta, ab iniusto possessore uinciretur, cum eiusmodi est, ut uestram erga me uoluntatem & singularem quandam ad bene merendum pro-

Cc 4 pensio-

pensionem ostendat; tum ita me afficit, itaq. utri-
que obstringit, ut omnia me debere uestra causa exi-
stimem. utinam ea fortuna essem, ut aequare ani-
mum officijs possem. profecto uel humanitate ue-
stra, uel amore meo, nihil esset illustrius. sed, quia
tam infirmum, aut tam humilem esse neminem con-
stat, qui, si ad aliquam rem studia sua conserat, non
aliquid, atque adeo multum praelet: fore non despe-
ro, ut merita meritis aliquando compensentur, &
quantum uos in meare ad exitum perducenda la-
borastis; tantum me, de gratia referenda, cogitasse
omnes intelligant. sin uoluntati facultas de fuerit, peto
a uobis, ut me tamen frui sinatis amore uestro: quo
mihi carius, aut antiquius, esse nihil potest. Vale, &
Alfonso fratri salutem a me plurimam. Romae, IV.
Kal. Quint. MDLXVII.

CLAUDIO. STRAMBONIO

Camerinum.

8

DELECTOR non parum memoria nostri tua:
sed, eam ijs declarari epistolis, quibus nihil elegantius,
nihil suauius esse possit, id uero est, quod maximo-
pere gaudeam. quamquam, utri potius, tibi, an Fal-
conio nostro, iuueni humanissimo, atque doctissimo,
de hoc officio gratias agam, interdum subdubito. ille
enim, ut eloquentia ualet, paene mihi persuasit, sua
cohortatione te esse adductum, ut scriberes. quod ei
si crederem, susceptam a me opinionem humanitatis,
& amoris in me tui, cogerer deponere. Quil igitur
faciam? quod Academici solent: assensum susinebo:
ne, si

ne, si Falconio non credam, eius fidem, cui multum tribuo, in dubium reuocem; si credam, detraxisse aliquid uidear de beneuolentia erga me tua; quo mihi molestius esse nihil possit. Quod si te impediunt negotia: hoc ipsum scriberes. ego enim ab amicis non plus exigo, quam praestare possint. neque tamen amicitias me tui soleo crebritate litterarum. fidem, & officium, semel expertus, eadem, si res postulauerit, expecto; sin aliter euenerit, leui culpa non condemno; & facio perinuitus, ut amari me non putem. Quare tuis occupationibus ignosco, quod, a discessu tuo, rarius ad me scripseris: tu quoque, uelim, habeas rationem negotij mei; quo sic urgeor, ut respirandi facultas non detur. Vale. Romae, XIV. Kal. Sext. M D LXVII.

MARIO. CORRADO

Salernum.

9

ET SI mihi tui litteris nihil solet esse incundius: quas tamen pridie Id. Sept. ad me misisti, legi perinuitus. sic enim ad me scribis, quasi de mea erga te beneuolentia dubites. Ego, mi Mari, a quo primum tempore certam uitae meae rationem institui, semper id spectauim maxime, ut, quos semel diligere coepissem, eos non solum sponte nulla re offenderem, uerum etiam, accepta interdum iniuria, maioribus complerem officijs. hoc institutum cum mihi ad hanc diem placuerit; fore non opinor, ut posthac umquam displiceat. quod si tu secus existimas; & si me uulgari quadam regula metiris, uel quia sensus meos, cum longe a me uixeris, ignoras; uel quia, nonnuborum hominum

minum perfidiam expertus, de reliquis idem facile suspicaris: libenter equidem tibi istum, si possem, errorem eriperem: sin id mihi per te minus licet, me tamen in te amando fides, & constantia mea deletabit, uberemq. satis ex ipsa conscientia fructum capiam. Tuae partes in amicitia quae sint, ego tibi, excellentis ingenij, ac doctrinae uiro, non praescribam: tantum illud dicam, quo tu nunc mecum genere litterarum usus es, id mihi parum ad conglutinandos animos aptum uideri. aut enim haeret aliqua in me culpa, & eam tu notas, ac reprehendis, quod quale sit, non equidem intelligo; nec uero possum intelligere, cum nihil sit: aut culpam tu nullam in me uides, & coniectura tamen aliqua duceres ad suspicandum. certe enim suspicari te nescio quid, uerba illa tua significant: Ego a te solum amari cupio: oro te, & obsecro, nihil aliud aut uulgare de me existimes: actum a me tecum haecenus uere, & amanter. Quid? an ego aliquid commisi, ut de mea in te uoluntate secus indicare posses? aut ego te umquam accusaui, quasi minus uere, aut minus amanter mecum egeris? Nisi si, quia litteris tuis, homo, sexcentis curis implicatus, non illico responderim, propterea uel me tibi credis immutatum, uel id agis, ut ego te mihi subiratum putem. Ego autem, si essem ad mutationem, uel naturam, uel consuetudinem, procliuor; tamen ita de studiis tuis, ita de ingenio, & eruditione, ita de moribus, & integritate sentio, ut, nisi mihi sincere iudicandi facultatem casus aliquis adimat, immutari tibi nullo modo possim. At creberrimae tuae litterae, meae rariores.

res. Diuersa ratio est: nec, si tu id facis, quod si omit-
 teres, fortasse peccares; & quia non omittis, agno-
 sco, & amo uehementer amorem in me tuum; ideo
 sequitur, ut, quia non ego idem facio, & istam officij
 partem, districtus negotijs, praetermitto, languere
 me iure putes in studio tui, & in amore illo, quem cum
 pepererit tua uirtus, noli dubitare, quin eadem alat,
 atque conseruet. Familiares tuos, cum ad me uene-
 runt, & quoties uenerunt, accepi, quantum in me
 fuit, humanissime; neminem exclusit, aut excludet
 umquam occupatio mea. uix enim credas, quam de
 te libenter aut loquar, aut audiam. Quare, quod
 ais, ne cui posthac, qui sine tuis litteris ad me ad-
 eat, uelim credere: id equidem scripsisse te nollem. cur
 enim, si quis expetit amicitiam meam, & eam se con-
 sequi facilius putat, si te ornet laudibus, teque sibi,
 in optima studiorum uia, ducem fuisse dicat; quod ut
 deo multos, cum quadam ambitione, praedicare: cur,
 inquam, hac me uoluptate priuas, ut ei non credam,
 qui narrat ea, quae libenter audio? Patere igitur,
 amicos tuos, cum ijdem amici mei esse uolunt, adire
 ad me arbitrato suo, & quamquam testimonio ca-
 reant litterarum tuarum, mihi tamen, ipsa tantum
 tui nominis appellatione, commendari. Vale. Romae.
 x. Kal. Oct. MDLXVII.

FRANCISCO. PLANTEDIO

Neapolim.

10

VERE dicam, Plantedi: magnopere sum delecta-
 tus

tus ijs laudibus, quibus me, cum de Ludonici Ariosti poemate meam sententiam exquirere cogitasses, orandum existimasti: neque uero, quod ipsa laude admendum capiar: me enim quotidie magis, ab ambitione, cum ratio, tum iam aetas remouet; sed quod amoris in me tui, ut ego interpretor, index laudatio est. amari autem ab eo uiro, qui excellat ijs artibus, quas in omni aetate diligenter colui, quaeque rebus omnibus antecellunt, cur non gaudeam? Amplector igitur istam uoluntatem, & habeo gratiam, non modo, quod ita de me sentias, uerum etiam, quod eos, qui contra sentiant, Obtrictatores, & Inuidos, noces, cum quibus tamen, optime Plantedi, pugnare te, mea caussa, nolim. nam, si laudem quaeram: tu mihi multorum unus instar sis, cuius doctrinam, & eloquentiam in scriptis uideo; probitatem, & mores de multis audio. Sin, quod uera est, ipsa me sola uirtus afficit, cetera parui pendo: sinamus, placere sibi unumquemque, & in sua sententia triumphare: nos institutum retineamus, & in hoc siue, ut isti uolunt, errore, siue, ut ego iam pridem statui, ueritatis amore ac studio pergamus, Epistola tua, & uersus, redolere mihi pariter antiquitatem uidentur. quo tibi nomine, uehementer gratulor. quibus enim contingat, ut, in utraque facultate, excellent, paucissimos in omni aetate fuisse non ignoras. De Ariosti poemate, hic quoque sunt, qui disputent, in utramque partem: cum alij suum iudicium ad Aristotelis praecepta referant; a quibus quem discedere intelligunt, eum statim e poetarum numero extrahendum censent; alij uero, siue res, siue

sue uerba si stentur, Ariosto tantum tribuant, non modo ut eum ad ceteros poetas aggregent; uerum etiam cum illis poetarum principibus conferendum statuunt. Mibi non tantum otij suppetit, uel ut hoc totum, quid quid est, considerem, uel ut meam sententiam litteris exponam. Vale. Romae, nonis Sept. M D L X V I I.

ANTONIO. MERVLAE
Casertam. II

NIHIL mihi gratius, aut incundius ijs uersibus accidere potuit, quos a Berardino Rota, praestante uiro, de me conscriptos, ad me antea misisti. quo sane munere ne uiderer indignus, cupiui statim paria paribus, & ut assequer. elaborau: sed, cum non procederet, indignantibus Musis, quasi eas per tot annos, conuersus ad alia studia, neglexissem, distuli rem, consilium non abieci. non enim fore desperabam, ut aliquid aliquando, tamquam e quercu, exculperem, quod summus poeta cum uideret, si minus ingenium probaret, id quod equidem sperare numquam ausim, animum saltem, referendae gratiae cupidum, diligeret. Sed ecce tibi ista, difficultatibus ita multis implicata, Breuiarij mutatio, nihil ut laboriosius, aut molestius, umquam senserim. necdum tamen eo loci res est, ut ea, quae fluctuabant, recedisse uideam. quo maiore uersor in solitudine, non solum, quia careo litterulis nostris, in quibus antea uiuebam, sed etiam, quia, seiunctus ab amicis, uereor interdum, ne quis, mearum ignarus occupationum, exsuisse me putet ueterem humanitatem, & officij

Et officij curam, quae mihi olim prima fuit, penitus abieciſſe. Quare, te rogo, pro eo, quantum me amas, Et quantum te amari ame ſcis, des operam, ne quid Ro- ta de me ſuſpicietur durius. noſti meos mores: noſti ani- mum: quem ſi alia fort aſſe labes inficit certe, ad amico- rum obſeruantiam, Et ad tuendam officij religionem, quod attinet, purus eſt. De tuo ſtatu, cum nihil ſcri- pſeris, arbitror eſſe, ut uolumus. Vale, Et Rotae ſalu- tem. Romae, Kal. Nou. M D L X V I I.

I A C O B O . F A L C O N I O

Bononiam.

15

O M E credulum, qui te iturum in Hiſpaniam pu- tauerim: quod cum tu affirmare non deſineres, Maxi- mus tamen noſter perpetuo negabat. nimirum ille adoleſcens quiddam occultius, quod ego hebetior non uiderem, aſſequebatur ingenio. nec me tamen hoc tecum queri putes: quin potius errore meo delector, Et, me deluſum eſſe, gaudeo. nam, ſi tam longe diſceſſiſſes; pri- mum ueritus eſſem, ne ſerius ad nos, deinde etiam, ne cum illo Hiſpanienſi ſaſtu, oblitus humanitatis tuae, redires. nunc, mutato conſilio, cum Bononiae conſederis; nō dubito, quin te ciuitas omnium humaniſſima, qualē dimiſiſſus, talem nobis, ac melioribus etiam, ſi fieri poſ- ſit, Et litteris, Et moribus excultum, remittat. De Sigonij conſuetudine, ualde tibi gratulor. cole iſtam ui- rum, Falconi, quem habemus in Italia, non ſolum do- ctum, uerum etiam probitate paene ſingularem. Vale, Et Iacobo Boncompagni ſalutem a me plurimam. Ro- mae, VI. Id. Nou. M D L X V I I.

I O.

IOANNI. BAPTISTAE. ARCVCIO

Neapolim.

13

ET bene te sentire de studijs meis, deq. laboribus illis, quos, iam a prima adolescentia, patris adductus exemplo, ad restituendam antiquitatem contuli, & me etiam diligi a te, video. quod cum utrumque mihi gratissimum esse, tum a me tibi parem in utroque gratiam referri, uelim existimes, nam, cum epistolam tuam legissem; ualere te ingenio, praestare litteris, facile iudicauit; & ad iudicium accessit beneuolentia, nec ea uulgaris, sed quantam uirtus, & studiorum similitudo gignit. quare, persuasum hoc tibi, planeq. exploratum esse cupio, quaecumque a uetere necessitudine expectari officia solent, ea tibi a me, si qua tui dabitur facultas ornandi, praesto semper futura. De Ariosto, lis, & contentio non placet: antiqua me delectant, ea-que tracto, utinam tam feliciter, quam laboriose. si quis in eo suam industriam locat, ut ipse excellat, consilium probo; aliena qui tantum iudicat, eum ego, uel si recte iudicet, non libenter tamen imitabor. Vale. Romae. v. Id. Nou. M D L X V I I.

ANTONIO. FVRNARIO

Neapolim.

14

VTRVMQVE laetor, & fortunis tuis aliquid esse additum, & amori erga me plurimum. at multi contra, uel dignitate, uel commodis auerti, contemnunt ueteres amicos, & officio multam salutem dicunt. quod
hic

hic nos experimur quotidie. Quod me annuo munere afficis: agnosco humanitatem tuam. quod uero, id te tribuere uirtuti meae, dicis: maiore etiam me ornas munere. noli autem arbitrari, tam desipere me, ut disputare tecum uelim, & quaerere, uere ne sentias, an secus. facio non inuitus, ut iudicium tuum cum mea laude coniunctum tuear, ac probem. De anno, quem Scalarem uocant, ne tanti Firmicus, & qui cum eo sentiunt, apud te sit, ut animi tranquillitatem amittas. quae enim impendent, si sunt eiusmodi, ut uitare prudentia possint: spero fore, nihil ut te laedant. sin ea fixa sunt: praeripere molestiam, & angustia frustra, certe non oportet. Ego ualitudine utor satis commoda, re familiari, si spectentur labores mei, parum copiosa; si ratio temporum, satis ampla. Vale. Romae. xvi. Kal. Febr. M D L X I X.

NICASIO. CASLETANO

Patauium.

15

OPTABAM, ut emergeres ex eo uitae genere, quod neque studiis, neque fortunis tuis aptum uidebam: angebar tamen, eripi nobis fructum suauitatis, & doctrinae tuae, hac praesertim proborum, atque eruditotum hominum, id est tui similium, caritate. nunc, ex tuis litteris cum intelligam, ordini te nouum quoddam uitae genus; medicorum antiquorum libros enoluere coepisse, ne posthac, inani spe ductus, aliunde pendeas; frui non modo familiaritate, sed conuictu etiam, ac domino praestantissimi iuuenis, Io. Vincentij Pinelli: abstergo prorsus illam ex animo molestiam, quam discessus mihi tuus reliquerat; neq. islic esse, ubi otio, libris, docto-

doctoribus abundes, & eam, quae maxime ingenium adiuuat, quam paene hic amiseras, animi tranquillitatem non desideres, uehementer gaudeo. De epigrammate, Sammarcus agit gratias: ut refert, non exspecto. cupedias tamen si habebo, ita non contemnam, ut uos omnes amem. quid enim quisque praestiterit, non ignoro. Vale, & Tinello, Sammarco, Andreae Silvio, qui me olim diligere uidebatur, multam salutem. Romae. pridie Kal. Febr. MDLXIX.

CHRISTOPHORO
BARONI. LOBCOVICZIO 16

NIMIVM agis mecum liberaliter, cum tu mihi, principis tui filius, homini privatae fortunae, nullo meo provocatus officio, tuam benevolentiam sponte defers. quod ego beneficium tanti facio, nihil ut anteponam, cum enim ita uitam instituerim, ut uiro- rum nobilium amicitias expeterem: tum eam nobilitatem praecipue colui; quae licet aliquid extrinsecus assumat, maxime tamen a se ipsa pendet, ac praesenti uirtute decoratur. quam tibi placere sententiam uideo, & dare operam, ut, quod maxime probas, id maxime consequaris. itaque sic uelim tibi persuadeas, nihil omnino mihi uel carius esse posse, uel incundius amicitia tua: non eo solum nomine, quod illustri sis admodum loco natus, quod patrem habeas, qui Bohemiae cum summa potestate praesit, qui omni honore, omniq. laude floreat: sed multo magis, quod & audio, & ex tuis litteris conijcio, defixum te esse in praestantibus curis, et ea quaerere, unde uerum decus, uera nobilitas emanat.

Id id

ita fiet, ut, quantum ad splendorem domesticum sua uirtute addidit pater tuus, tantum ipse ad paternum decus, uoluntate nunc simillimus, uirtute aliquando praestantior, adiungas. Incumbe igitur, clarissime adolescens. (iam enim, ne abs te in amore uincar, laborare me aequum est de gloria tua) incumbere, obsecro, & huc omnes neruos, omnem industriam confer. ut ornamenta referas in patriam, quae tua propria sint, quaeque tibi nulla umquam fortunae nis, nulla mutatio temporum auferre possit. Quae cohortatio nec longior esse debet, cum te tua sponte propensum satis esse ad omnem laudem intelligam; nec omittenda tamen fuit, cum hoc apud te uellem relinquere, quando aliud praestare tua carissima uix possum, testimonium amoris, & obseruantiae erga te meae. Vale. Romae. IV. non Febr. MDLXIX.

PETRO. MISCOVIO 17

Ex ijs rebus, quarum memoria delector, nulla magis recreor, quam conscientia obseruantiae erga te meae, & opinione amoris in me tui. inde fit, ut & optem tibi secundissima omnia, & cum optata contingunt, uehementer gaudeam. quamquam quis non gaudeat, cum debita uirtuti praemia tribuuntur? cum excellit honore, auctoritate, opibus, qui excellit ingenio, industria, probitate? itaque, cum tibi Episcopatum Plocensem esse demandatum cognouissem; gratulatus sum tibi primum pro amicitia nostra, meoque in te studio singulari: deinde bonis artibus, quibus ex tua dignitate tantum ornamentum, tantum splendoris accessit. Hoc exemplo, quis fore iam dubitet, quin omnes non modo in Polonia tua, uerum in longinquis

giquis etiam nationibus, quo tuorum meritorum fama peruenierit, ad excellentem uerae gloriae cupiditatem excitentur? aequidem, cum audio, quae partim ab alijs, partim a probis & prudente uiro, tuarum laudum praecone, Metello Venturello assidue narrantur, ita commoueor, non equidem ut adspirem, quo peruenire non licet: (non enim me tibi ulla re confero) uerum ut in praestantibus doctrinarum studijs, unde fluxit amplitudo tua, languere nullo modo possim. atque etiam adducor in illam spem, fore prorsus, ut excellentibus ingenijs, quibus abundat in primis patria tua, auctoritas, gratia, opesque tuae pateant, sic, ut ad magnas res, magnopereque expetendas, tuo potissimum patrocinio nitantur. ita nascetur ex uirtute uirtus, & propagabuntur illa, quibus a turpi otio ad laudabilem industriam, ab iniuria ad aequitatem, a feritate & dissidio, ad societatem, & conuictum humana uita conuertitur. cuius tanti boni ut auctor esse uelis; iam enim posse te, satis constat; ne rogandus quidem es. cum hoc a te tua dignitas, et anteaeternae uitae ratio quasi suo iure postulet. Vale. Romae. Id. Febr. M D L X I X.

FEDERICO, VIVALDO

Neapolim.

18

MAGNUM humanitatis, magnum amoris argumentum, non solum ad me scribere, quem numquam, ut opinor, de facie noveris, uerum etiam quia tua sunt, omnia mihi perliberaliter offerre, ac polliceri. Ego, mi Vivalde, uoluntate sum contentus: cetera non desidero. amari enim cupio: prodesse uero amicis meo, quam

Dd 2 debet.

debere . itaque , licet amicitia nunc primum inter nos exoritur , tamen sic uelim existimes , quae res ad existimationem , aut ad commodum tuum pertinebunt , in ijs rebus me esse operam daturum , ut familiaribus tuis uetustate quidem , & opibus , officio tamen concedam nemini . nam , si , amantem non redamare , turpe est ; multo magis eum , qui ingenio , doctrina , multis denique , ut audio , suauitatibus ingenij ita floret , ut eius amicitiam , qui recte sapiat , in rebus ualde expetendis numerandam putet . Quod ob eam causam scribo , ut intelligas , cum tibi me gratias agere , tum gratulari mihi plurimum de beneuolentia tua : de qua , si umquā commisero , ut aliquid mea culpa detrahatur , hominē me non putabo . Vale . Ro . xv . Kal . Mart . M D L X I I X .

PAVLLO . LVPO

19

ET SI cum tuum erga me non mediocre studium facile mihi antea cognitum , atque perspectū , tum mea in te singularis beneuolentia postulare uidebatur , ut uiderem te quam creberrime , tertium iam mensem difficili morbo laborantem : tamen id non feci , non equidem obliuione tui , quem fero in oculis ob egregios mores , optimamq; indolem ; sed partim ualetudine , qua , propter nimis longam uerni temporis intemperiem , incommodiore adhuc utor ; partim etiam occupatione molestissima , qua ita distineor , ut pedem ex aedibus efferre perquam raro liceat . Quod reliquum fuit ; quotiescumque uidi (uidi autem fere quotidie) familiarem tuum , mei studiosissimum , probum iuuenem , & eruditum , Lulium Iacobonium ; cuius tu consuetudini , atque

que consilijs, quidquid aut in litteris, aut in moribus
ad hanc diem profecisti, acceptum referre solitus es;
quam saepe de tuo statu quaesierim, quam sollicitus de
tua salute fuerim, optimus ipse testis est. quod utinam,
quantum doloris ex tuo periculo suscepi, tantum opis
ad te subleuandum asferre potuisssem. nae tu nunc, pl-
ne integer, & saluus, nullam pristinae uoletudinis
partem desiderans, nobiscum essēs, ut interdum sole-
bas, nosq. tuo lepore, tua uenustate, tu nostra consue-
tudine, nostra etiam, si qua est, hilaritate fruere. quod
tamen breui futurum ita spero, ut ualde tibi primum,
deinde etiam nobis gratuler. non enim dubito, quin
statim repetas ea studia, quae non uulgari cum lau-
des tractabas; quaeq. te (libet enim augurari, quod o-
pro) ad summas opes, summamq. dignitatem, fauente
praesertim, atque adiuuante patrono omnium bon-
rum artium, omni uirtute praedito, Cardinali Alcia-
to, aliquando extollent. nihil est enim, ut exemplis
& antiquis, & recentibus erudimur, quod hominum
studia ad utilitates nostras magis alliciat, quam uir-
tus: nihil magis & humana nobis omnia subijcit, &
aditum ad caelestia patefacit. Quare, cum tibi nec in-
strumenta naturae desint, quorum expertes multi,
optima uoluntate, studio flagranti, nihil tamen uel
mediocri laude dignum praestare potuerunt; neque ue-
ro ex ijs rebus ullam requiras, quae si absint praecla-
rae saepe cursus impeditur industriae: debes animum
in spem optimam erigere, omniq. cura ad recuperandā
ualetudinem incumbere. medicos habes, qui locum in
civitate principem obtinent: mater assidet aegrotis, cu-

Dd 3 rat,

rat, exsequitur omnia: amicorum nec salutationes, nec officia desunt: haec speramus fore salutaria: sed, mihi crede, medicina praestantior in te ipso, idest in constantia, prudentia, temperantia tua, reposita est. Consule igitur, quantum potes, & saluti, & gloriae, & parentis etiam uitae: quam filij iacentis adspectus exanimat: amicis uero tuis, maerore adempto, ueterem iucunditatem aliquando restitue. Quod si, expertus omnia remedia, placere Deo senseris, ut haec humana relinquas; quae quam caduca sint, quam numquam firma, quam saepe exitiosa, profecto uides: agnosce tuam felicitatem, ad eamque propera laetissimo animo, relictis erroribus, quibus ij, qui hac diutius compage corporis includuntur, falsa rerum inanium specie decepti, ita saepe implicantur, ut numquam ad ueri boni cognitionem perueniant. nos quidem, qui, te isto uexari morbo, patimur iniquissime, ijdem, si contigerit, ut in ista aetate, istis moribus, ista mente, nodum terrena contagione deprauatus, aut mortiferi criminis labe pollutus, hanc miserrimam uitam cum illa bonis omnibus circumfluente permutes; laetabimur & exitu optato molestiarum tuarum, & initio beatae uitae, ad quam adspirare paucissimis licet. Vale. XIII. Kal. May. MDLXIX.

AVGVSTINO. ANGELELLO

Fabrianum.

20

Nisi tibi, quae nunc meae uitae ratio sit, quibusque curis & negotijs distinear, satis cognitum crederem;

derem; sane afficerer magna molestia, quod tibi, uiro optimo, atque in primis erudito, praeterea, quod res ipsa declarat, mei amantissimo, deesse uideretur officium meum. sed profecto, si me putas ab ineunte aetate ijs artibus, ac studijs non mediocriter esse delectatum, quibus ad humanitatem animus excolitur: aequiorem te mihi esse oportet, nec suspicari, quia rarius ad te scribam, non ideo me tibi, quas debeo, gratias, habere, nec diligere & amplecti diligentiam, industriamque tuam, quam quotidie locas in antiquitate colligenda: cuius ego maiorem officij partem libenter acceptam refero benevolentiae erga me tuae. Ne tamen superuacaneam operam si scipias, cum praesertim otio non abundes: hoc uelim scias, omnes me cum ueteres, tum etiam proxime Auximi effossas inscriptiones, in quibus hae quoque duae sunt, quas ad me misisti, ante duos menses accepisse a Io. Francisco Gallo, ciue Auximate: &, quod tu scripsisti, F POLLVCI. ille, L. POLLVCI. quod tu, TVRCIVS. C. F. ille TVRCIVS. C. F. S. quod Sergiae tribus nomen fortasse fuit. nam & infra uideo, C. F. SER. nisi si, SER. N. idest Seruij nepos, legendum. quod ut diligenter inspicias, mihiq. significes, ualde rogo. Filius abest, Venetias anno superiore cum matre negotij causa profectus. Vale. Romae, nonis Apr. MDLXII

IACOBO. FALCONIO

Pifas.

21

ET SI tuis litteris magnopere delector, in quibus
 & amorem erga me singularem, & ingenij tui prae-
 stantiam facili perspicio: & tamen, ut hoc nostrae
 necessitudinis officium persoluas, auocari a studijs tuis,
 aut etiam ab amicorum sermonibus, minime uelim.
 scis meam consuetudinem. neminem diligo, quem non
 probem: quem porro coepi diligere, tantum abest, ut
 exigam ab eo plus, quam praestare possit, ut etiam,
 si quid peccauerit, remittam. quis enim est, qui leges
 amicitiae perpetuo seruet? quamquã te quidem ab hoc
 numero non minus uere, quam libenter, segrego. noui
 tuam constantiam, noui enram, atque industriam, in
 quacumque re amor eluceat. quae quo r.iora sunt, eo
 magis hic te desidero: nec desiderium ferrem, nisi cogita-
 rim, eo te consilio discessisse, ut auctus uirtute ad nos
 redeas. quod ut assequaris, ita cupio, ut parenti tuo
 concedam, praeterea nemini. Ioannem Riccium Poli-
 tianum, illustriam uirtute adolescentem, qui aliquan-
 do mecum in tuis aedibus, inuitatu parentis tui, uiri
 optimi, cenatus est, audio Pifas breui, studiorum caus-
 sa, uenturum. et me uelim roges, ut me diligit, quan-
 do ego singulari sum in illum beneuolentia, sic, ut te
 aemuli mihi potiar. Salutabis meo nomine exquisi-
 tae doctrinae uirum, poetam summum, Petrum Ange-
 lum Baccacum, qui Latinam, & Graecam linguam
 istic

*hic publico munere maxima sua cum laude proficitur.
Vale. Romae. x. Kal. Iun. MDLXIX.*

IO. ANTONIO. VVLPIO 22

Vix credas, quam me delectauerint inscriptiones
a te missae: non solum, quia disertae, ac perelegantes:
uerum etiam, quia gratiae ineundae ab amplissimo ui-
ro, singulari uirtute ornato, Thoma Altimaro, obla-
tam occasionem audivissime sum complexus. nam, quod
inde natum est argumentum epistolae tuae, ita scrip-
tae, ut summum ingenium, summum etiam erga me
amorem ostendat: hoc ipsum apud me quanti esse pu-
tas? equidem, si qua est huius vitae felicitas, maiorem
eius partem in hominum eruditione, & probitate ex-
cellentium, idest tui similium, amicitia constituo. Qua-
re cū tibi maximas ago gratias, quod ad me scripseris,
quodq. mihi haud paullo plus, quā agnoscere debeam,
tribuere uidearis, quippe cum ea referas ad iudicium
meum, quorum ego te, si arbitrij mei res esset, Ari-
starchum libenter statuerem: tum uero sic uelim existi-
mes, si quis est, qui tuae laudi faueat, qui tuam prae-
stantem doctrinam in ore habeat, qui denique tua caus-
sa summa omnia & cupiat, & curet, eum esse me, da-
turumq. operam, ut animum aliquando res ipsa decla-
ret. De inscriptionibus indicaui Sanctae Seuerinae
Archiepiscopo, quas probarem maxime: nullam
tamen, ut uere dicam, improbare audeo; cum aliquid
in unaquaque uideam excellere. Vale, & Altimar-
ro

426 PAVLLI . MANVTII
ro salutem a me plurimam . Romae . Kalend. Iun.
M D L X I X .

V I C E N T I O . R I C C I O

A . S P E

23

M I T T O , quae petis omnia , praeter unam Petrarchae paginam: quam ego , primum a pueris nostris , deinde a me ipso diligentissime quaesitam , ne inter fragmenta quidem reperire potui . Atticanis epistolis etsi adhuc mihi opus erat , tamen , quando ita uis , & ego tibi tua petenti neque negare possum , neque uolo , remitto tibi eas per eundem tabellarium , qui has litteras ad te perferet . Mihi quidem animus iste tuus gratissimus semper erit . uerumtamen , mi Vincenti , si curabis , ut mihi de eodem uolumine in aliquot dies commodare possis , impones operi praecclaro uelut artifex egregius ultimam manum . nam ego non nisi libros quinque cum meo libro contuleram , reliquam partem ut absolvere aliquando possim , non petam a te pluribus uerbis , ne uidear beneuolentiae tuae diffidere . Vides cupiditatem nostram . Tu statues in hac re , quod sit ex fide tua primum , deinde etiam ex uoluntate mea . Ego te , & Peregrinum nostrum , & Hieronymum etiam in oculis fero . Venetijs . V I I . Kal. Iun.

E I D E M .

24

H E N D E C A S Y L L A B U M carmen , quo nos
tam amice salutasti , multis causis legi perlibenter . pri
mum ,

mun, quod tuum erat, deinde, quod elegans, & or-
 natum, postremo, quod in illo mihi significabas memo-
 riam tuam nostrae necessitudinis, & beneuolentiae.
 itaque non possum non tibi uehementer gratulari, mi-
 hiq. plurimum gaudere; tibi, qui tam egregie bonis in
 litteris profeceris; mihi, qui talem, ac tam amabilem
 naetus sim amicum. Deus igitur faxit, ut in hac ani-
 morum coniunctione ad extremum usque uitae cursum
 perseueremus, &, quae summi amoris uterque funda-
 menta iecimus, ea non solum confirmemus, uerum
 etiam augeamus. sic enim habeto, qui propter egregias
 animi, ingenijq. tui suauitates uehementer te diligant,
 esse quamplurimos; qui mihi sint in te amando pares,
 esse uel paucos, uel fortasse neminem. Sed haec satis.
 Illud curabis, ut erudito iuueni, Cornelio Diuo, salu-
 tem meis uerbis annuncies plurimam. Bene uale.
 M D XXXI. pridie non. Sext.

E I D E M.

25

V I D E, quanti mihi sis, quantumq. te diligam:
 ubi primum ex balneis reuerti, e uestigio ad scriben-
 dum conuolani. quod ideo ad te scribo, quia non eius
 generis meae litterae sunt, ut ex illis aliquid possis co-
 gnoscere, quod aut nostra intersit, aut te scire necesse
 sit. unum est illud, quod uelim te intelligere, nobis
 Dei beneficio pristinam salutem si non penitus, certe
 magna ex parte restitutam. De meis studijs, propter
 diuturnam uoletudinis infirmitatem, prope iam
 actum uidetur. ego tamen, ut spero, quidquid omissum
 est

est temporis , breui resarciam . Tu quid pepereris , quid parias , uehementer scire cupio . non enim is es , qui patiaris tuum ingenium longo otio torpescere . id est cum praestas , non modo tibi utilitatem cum laude quaeris , sed etiam tuis omnibus & amicis & propinquis , laetitiā atque gaudium affers . Bene uale .
MDXXXI . XV . Kal . Sept .

E I D E M .

26

LEGI tuas litteras , perbreues quidem illas , sed tamen ualde mihi gratas . Laetaris , quod conualuerim ; ego contra , quod te repererim tam belle ualentem . De Cornelio quod scribis , non legi semel , sed bis & saepius . habeo enim illum conuenire . tu , si libebit , eris mihi comes in homine uisendo . MDXXXI . XII . Kal . Sept .

E I D E M .

27

MULTIS , & ijs quidem maximis argumentis declaras mihi in dies tuum erga me amorem non confirmari solum , sed etiam augeri uehementer . Quod enim tam ex animo delectaris nostra consuetudine , quod tam frequenter nos uisis , quod tam crebro litteras mittis , cui dubium esse possit , hoc ex nimia quadam in me beneuolentia proficisci ? Quare ferreus omnino sim , & humanitatis penitus expers , nisi te ualde amem , & obseruem , qui nos , nullo nostro erga te merito , & ames , & beneficijs ita tibi obstringas , ut . unde pares .

refo-

referamus gratias, nullus iam relinquatur locus. Gra-
tae igitur tuae litterae, eoq. magis, quod intellexi te
Patauium cogitare; unde sperem te pro singulari tua
prudencia, & in bonas artes propensione, amplissi-
mam & famam, & celebritatem nominis ad tuos re-
laturum. Quod autem ad Graecas litteras animum ap-
puleris, hoc tuum consilium & probo uehementer, &
feliciter Deum Opt. Max. fortunare uolo. crede enim
mihi, nihil poteras praeclarius cogitare, quam cum
Latinis Graeca coniungere. Sed, quoniam nostram epi-
stolam, si longior exstiuisset, futuram tibi gratiorem
significas: sic habeto, mi Vincenti, nos prolixius ad
te non scribere, quod neque prolixiores epistolas, qui-
bus confirmetur, amicitia nostra uidetur desiderare,
neque mehercule ualde est, quod scribam, quod aut no-
stra intersit, aut te scire oporteat. Nisi fortasse uelis
me scribere, in Italiam Gallos aduentare, & Vene-
tijs uisum esse cometam Sextili mense, & similia, quae
minime te fugiunt. Quod si uiderim te longitudine
capi, dummodo tibi satisfaciam, inanes potius, quam
nullas, ad te litteras dabo. Vale. pridie Idus Sept.

M D XXXI.

E I D E M . 28

ET litteras, & libellum accepi, de quibus tibi gra-
tias ago. neque uero mihi erat ignota diligentia tua,
quam antea nobis, cum Venetijs uiueres, idest cum in
humaniora studia mecum incumberes, multis quidem
argumentis declaraueras. Peregrinus, & ceteri com-
munes amici salutabuntur a me diligenter, ubi pri-

mum

num eos offendam. Tu fac existimes, nihil esse, quod ab homine amicissimo proficisci possit, quod ego non uelim te a nobis expectare. fecit humanitas tua, quam mihi Patauij tam egregie significasti, ut ad antiquum amorem erga te meum addiderim etiam cumulum quendam beneuolentiae prope singularem. amaui enim semper, & amo uoluntatem hominum, quae mihi rerum omnium antiquissima est. itaque, con-
tubernalibus tuis, & lectissimis uiris, Augustino, Bartholomaeo, & Ioanni cum salutem dixeris, addes etiam, omne meum studium, & officium ijs paratum esse, ac semper fore. quod ut aliquando tu cum illis experiare, dabo operam, quantum erit in me situm. Paulus Papiensis per me uobis omnibus salutem adscribi uoluit, seq. constanter asserit perpetuo comitati uestrae deuinctum in primis fore. Si Bonamicus redierit, si mihi significabis, gratissimum feceris. *Vale. Venetijs. Idib. Sept. M D XXXI.*

E I D E M.

29

POST QUAM mihi renunciatum est, te Patauium, adipiscendae philosophiae gratia, concessisse, plurimum sane uoluptatis animo cepi, & hoc tuum consilium etiam atque etiam tacitus mecum ipse laudauit. facit enim amor erga te meus, ut existimem, quidquid tibi conducatur, id mihi etiam expedire. atque tu, cum in tanta hominum luce, in tanta doctissimorum uirorum frequentia uiuas, non dubito, quin bonarum omnium disciplinarum, & laudatarum artium cognitionem breui sis consecuturus: noui ego ingenium
tuum;

tuum : novi impetus ad laudem . itaque non ad-
 hortabor te ad eas artes , quibus ab ipsa pueritia de-
 ditus semper maxime fuisti . quid sit ante acta aeta-
 te tua dignum , qui te mores , quod institutum ui-
 tae deceat , tu uidebis . Ego illud tantum tibi ante
 oculos ponam , ut cogites , in ea te urbe nunc age-
 re , quae liberalium omnium doctrinarum hodie ueluti
 domicilium habeatur , & a qua inanem quemquam re-
 dire , turpissimum sit . atque hoc satis esse arbitror ad
 excitandum te ad honestas disciplinas . quamquam ne
 hoc quidem ideo tibi propono , quod uoluntati , aut
 prudentiae tuae diffidam , sed ut potius amor erga te
 meo , qui me ad scribendum impulit , satisfaciam .
 quod tu cum legeris , eo uelim accipias animo , quo
 nos & cogitauimus , & scripsimus . Cornelium Di-
 uum , Peregrinum Benzouum , Nicolaum Sonicam ,
 & Hieronymum Riccium Muranensem , communes
 amicos , meo nomine si salutabis , erit mihi uehemen-
 ter gratum . Tu fac ualeas , & me , ut instituiſti , dili-
 gas . MDXXI.

EPISTOLARVM PAVLLI. MANVTII

LIBER. NONVS

NICOLAO. CAETANO
CARDINALI

E
C O uero fratris tui, Principis optimi, fi-
lios, praestanti ingenio adolescentes, & li-
benter sum complexus; & , perspecta sin-
gulari probitate, atque ad bonas artes
propensione, quotidie magis utrumque diligo. Sed, ut,
illorum praeclara ad uirtutem indole, pro mea erga fa-
miliam uestram peruenire, perpetuaq. obseruantia, ue-
hementer laetor: sic, ad excolenda eorum ingenia quod
attinet, nec mihi uacui temporis esse quantum res exi-
git, nec facultatem, quae uoluntatem aequare possit,
non mediocriter angor. quamquam illis, ut uideo,
quae aliunde petuntur, intra domesticos parietes abun-
de omnia suppetunt. ut enim reliqua omittam, cum
in tuam uitam intuentur, cum tuos mores, tua insti-
tuta, tua studia, contemplantur, nullam praeterea
disciplinam, nullius uocem, aut praecepta desiderant.
uerumtamen, si quando acciderit, ut ab ijs occupatio-
nibus, quarum concursu paene obruor, respirare liceat,
deesse uestrae cupiditati non patiar industriam meam,
quod ut enitar, hortantur quidem multa, nihil tamen
magis, quam epistola tua, quae me cum sermonis ele-
gantia, tum significatione amoris, & iudicij de me tui
sic

EPIST. LIB. IIX 433
sic affectit, ut nihil unquam senserim incundius.
Vale. x. Kal. Apr. M D L X I X.

PAVLO. MANVTIO

S. P. D. 2

SUPERIORIBVS proximis diebus sumpsim-
hi quiddam non alienum, ut arbitror, ab officio meo,
neque tibi aduersum, cum optimo animo tuiq. aman-
tissimo, quae te ratio impulisset, ut de optimo Impera-
tore Maximiliano, Domino meo, uere recteq. cogita-
ta, & ad Sambucum nostrum perscripta, ex libro epi-
stolarum tuarum tolleres, & bene culta euerteres,
exquirere non dubitavi. Magnum enim atque graue
aliquid fuisse, quod te ipsum quasi, ad cuius laudes
amplificandas illa, quae diuulgaueras, pertinebant,
inuerterit, statuebam, & quin hoc cum iniuria, quae ca-
piti Reip. Christianae fieret, coniunctum esset, dubi-
tare non poteram. Itaque cum te, propter excellentem
omnium liberalium doctrinarum cognitionem, animo
meo egregie carum habeam, & tibi aliquid a male-
uolis instillatum, quominus in recta sententia mane-
res, putem, erigere te, atque confirmare rursus meis
litteris uolui. Spero autem, ac potius confido, te pro
singulari tua humanitate & probitate in optimam hoc
accepturum partem, ac maiorem mihi, cui Caesar in-
time est notus, fidem habiturum, quam hominibus
Imperatoris opt. & inuictiss. tuisque laudibus inimi-
cis, meq. dubitatione, & cura, quam ista mutatio-
ne, cuius nulla uera ratio excogitari potest, nobis in-
ieicisti, leuaturum. Id ut facias, & hanc meam curio-

E e sitatem

*sitatem (licet hoc nomen in uitio ponatur) ab omni
maleuolentia disiunctissimam , ac potius cum summa
erga te beneuolentia , fideque , quam integerrimam
Caesareae Maiestati quoad uixero praestabo , coniun-
ctam esse tibi persuadeas , in maiorem modum peto .
Beue uale . Viennae . ex aula Caesarea . I X . Kalend.
Iunij . M D L X I X .*

Ioannes Crato a Craftheim,

*S. Caes. Maiest. Cons. & Medicus
intimus.*

I O A N N I . C R A T O N I

Viennam.

3

*S I quis est , uir praestantissime , qui constantia de-
lectetur ; & , quam semel consilij uiam ac rationem est
ingressus , in ea libenter pergat , is ego sum , & eum
esse me non mediocriter gaudeo . sed , ut te non fugit ,
singulari doctrina ac sapientia uirum , in hominum uo-
luntatibus nihil esse perpetuum necesse est : nec uidetur
in aliquam culpam incidere , aut male de se ipso consu-
lere , si quis ita uitam instituit , ut eius consilia ratio
temporum moderetur , ac regat . Ego olim in illa mea
ad Sambucum epistola , quid cogitarem , declarandum
putaui . nam , etsi de studijs meis humiliter admodum
sentirem , nec satis fore sperarem , ut ex ingenio meo
quidquam depromerem , quod si ad Maximilianum ,
Regem tunc Romanorum inclytum , nunc Imperato-
rem , mitteretur , aditum mihi ad eius beneuolentiam
patesceret : suasu tamen amicorum , assiduisque ser-
monibus , in eam mentem impellebar , ut maximo
Principi,*

Principi, erga liberales omnes disciplinas egregie animato, notam esse cuperem industriam meam. nunc mutata mea ratio est. Romam euocatus a Pontifice, sic impedior negotijs, sic a studijs axellor, ut, quae de litteris nostris opinio fuit, si modo ulla umquam fuit, ea nihil dignum, in summa temporis inopia, praestari a me posse confidam. porro, quod pollicebar, cum posse perfici sperabam, id, spe sublata, cur pollicear, non uideo. nisi si, quod a mea non solum natura, uerum etiam consuetudine, semper abfuit, eos imitari uelim, qui maiorem ex inani quadam ostentatione, quam ex ipsa ueritate, uoluptatem capiunt. Nam quod uereri te ostendis, ne maleuolorum opera & artificio factum sit, ut a pristina sententia discederem: patere, obsecro, persuaderi tibi, primum, id quod res est, mutationem fecisse me uoluntatis, non iudicij: deinde, illa ipsa mutatione uoluntatis, quam nulla te meritas attulit, sed ab inuito necessitas expressit, nihil animo meo molestius, nihil acerbius accidere potuisset. quid enim? an ego uel ita hebeti sum ingenio, ut, quibus uirtutibus tanta Maiestas ornata sit, non intelligam; uel ita improbo, ut, quae laudes tantis uirtutibus debeantur, non confitear? istam calumniam, opinor, neque qui studia mea, neque qui mores nouerit, in me conferet. In quo tamen, ut ingenue fatear, est quod me mordeat. qui enim alios, homo minime fallax, ex ingenio meo antea metiebar, nunc demum, quasi admonitus officio litterarum tuarum, incipio suspicari, posse aliquem, quod a me ratione, ut arbitror, optima factum est, id, aut ignorance consilij mei, aut suae

Ee 2 fortas-

fortasse naturae uitio, deteriore in patrem interpretari. neque, huic malo quae mederi ratio queat, dispicio: nec possum, in optima animi conscientia, non aliam tamen ex aliena suspitione molestiam trahere. Tibi quidem, Crato optime, cum & me uerbis exquisitis in epistola tua elegantissima, ac plane omnium, quas adhuc legerim, prudentissima, laudaueris, & ea simul scripseris, quae profecto, nisi me ualde diligeres, & nisi de mea existimatione ac laude laborares, tibi numquam in mentem uenire potuissent, quas gratias debeam, facile uideo; quas agere possim, non reperiō. quod tamen in me est, ut meritum tuum perpetua memoria colam, & singulari te ipsum amore complectar, quod uirtuti quoque tuae, omnibus notissimae, libenter tribuo, id si omittam, nefario me scelere deuinctum putabo. Vale. Romae, Idibus Sept.

M D L X I X.

E I D E M, Viennam. 4

ET serius, quam tu fortasse expectabas, & breuius omnino, quam uterque nostrum uellet, ad te scribo. id accidit ualeitudinis incommodo, non obliuione tui, ad quem quotidie mentem refero, & ea sane uoluptate, qua maior esse nulla possit. quod si corporibus animi mederentur: facile sanaret hunc morbum, quo quintum iam mensem laboro, iucundissima recordatio humanitatis, & beneuolentiae erga me tuae. alleuari tamen uideor, dum de te cogito, tecumq. quasi loquor. calores expecto, ualeitudini meae semper utiles. nam hiems, & ueris inconstantia, cum hiemali prope frigore,

gore, male me uehementer habuit. Si ualebo, exspecta
epistolam bene longam. interim amame, ut facis.
Vale. Romae. Kal. Maij. M D LXX.

LABORABAM eodem, quo antea, morbo, &
quidem aliquanto etiam grauius. ita Dei uoluntas
fert. nec satis constat inter medicos, qui sit exitus
futurus: meus animus, ut ingenue tibi fatear, aber-
rat a bona spe, quippe aetate ingrauescente, ualeitudi-
ne perimberilla, morbo plurimorum mensium. Te ro-
go pro nostra necessitudine, si quid mihi acciderit huma-
nitus, filium meum Aldum, qui uiuit Venetijs, tuis
officijs, tuaq. humanitate complectaris. Ego, si dit-
tius uita fruor, nullum, mihi crede, erga te amicitissimi
atque obseruantissimi hominis officium praetermit-
tam. Haec quoque aliena manu: nam meae nim peni-
tus omnem ademit morbus. uide, qui sim, mi Cato.
Vale, & posthac Venetias, quo me breui conferre co-
gito, ad oratorem uestrum litteras mittes. is mihi eas
reddendas curabit. &, quamquam fieri potest, ut
inde me Patauium, ualeitudinis curandae gratia, con-
feram; tamen discedens mandabo meis, ut litteras mi-
hi tuas eo mittant.

EIDEM, Viennam. 5

NUNC demum exoriri mihi uideor, & quasi
post multam noctem lucem adipisci, reuersus post an-
nos decem in patriam ab urbe Roma, unde me, labo-
rem nullum pro publica re, communiq. commodo reci-
santem, grauis morbus ac diuturnus extrusit. Gratula-

Ee 3 lantar

lantur amici, amplexantur, laetitiam oculis, uultu, sermone declarant. Hoc mihi iucundissimum est: sed, in hac iucunditate, angor saepe intimis sensibus, dum recordor, quid iacturae, quamdiu Romae uixi, studia mea fecerint: de quibus, quamquam intelligo non eū, esse me, qui magna praestare possim, uerum tamen minima fortasse non erat expectatio. Ire, inquires, non oportuit. Certe, si diuinare licuisset. uerum, si res adhuc integra ponatur, eundi consilium qui reprehendat, fortasse nemo sit. Laborabam domesticis incommodis, fratrum meorum culpa: nec spes erat emergendi, nisi noua consilia caperentur. Vocabar a Pontifice Max. quo nihil uideri poterat honorificentius: fructum autem quis non expectaret? Cohortabantur amplissimi uiri, quorum erga me singularem benivolentiam multis rebus antea perspexeram. laeta denique, copiosa, ampla ab omnibus omnia promittebantur. quid agerem? credidi, & speraui: ut fere sumus omnes homines hoc ingenio, ut ea, quae cupimus, libenter quoque speremus. quamquam hoc lenius, quod spem fefellerit euentus: non tam enim abundare, quam non egere, gratum est: illud per quam graue, quod perpeti saepe multa sum coactus, indecora prorsus, indignaq. studiis nostris, aetate nostra, existimatione ante parta. In quo tamen occurrit ea consolatio, quod, in illo uitae durissimo genere, multa ferendo, multa simul didici, quae profecto me numquam neque libri, neque ulla doctrina, neque dies ipsa docere potuisset. Nunc, singulari diuino munere patriam adepti, redibimus ad illa praeclara studia, unde discedere

non

non oportuit ; omniq. prorsus cura uacui, nullo cuiusquam imperio, exclusis etiam, si licebit, interpellatoribus ; si non licebit, rure abditi, salubri aliquo, & amoeno loco, fruemur, liberrimo otio, litterulis nostris ; operamq. dabimus, quantum in nobis erit, ut, quod amissum est antea temporis, non id quidem totum, (qui enim fieri potest ?) nonnulla tamen ex parte sarciat, & aliquem adhuc ex industria nostra fructum posteritas capiat. Valetudine modo utamur comoda, qua nunc omnino caremus, erepta laboribus illis, animiq. curis, quae nimium omnino graues, nimium diuturnae fuerunt. Febris discessit post novem tandem menses : sed inedia, morbo, maerore, ad horribilem prope maciem redacti sumus : quodq. miserrimum etiam est, aluum purgare, nisi accedant extrinsecus adiumenta, numquam licet. Huic ariditati asininum lac prodesse in primis posse, neque huic remedio ullum praestare, inter omnes medicos conuenit. In cibo sicca omnia damnant, humida probant, praesertim quae facilia sint ad concoquendum. Pono magnam spem in eorum consilijs, maiorem tamen in animi tranquillitate, in adspectu meorum, in caeli patrij salubritate. denique ad omnipotentem Deum omnia refero. quidquid acciderit, eius uoluntati libenter acquiescam. Haec de statu nostro : utinam quotidie laetiora. quod futurum spero, & sane tua quoque causa cupio. necesse est enim, quem ualde ames, (sic enim mihi iam persuasi) de eo ualde te sollicitum esse. Ad illam superiorem epistolam, Romae scriptam pluribus uerbis, expecto, quid respondeas. Vale. Venetijs x. Kal. Nou. M D LXX.

Ec 4 BO

BOTVITO . NERICIO

Senas.

6

VELLEM, ut, quam libenter eos homines complector, quorum in sermone & in moribus aliqua signa uirtutis, & integritatis elucent, tam saepe accideret, ut eos colere officijs, ornare uerbis, aliqua demum uel tueri, uel augere facultate possem. profecto animus meus, cui multis rebus fortuna defuit, & tibi, & alijs tui similibus longe pateret illiusrius. hanc tu fortasse uoluntatem meam, nullo quidem adhuc insigni merito declaratam, spectas, cum mihi gratias agis, quod te, cum Romae esses, humaniter acceperim, & in summa mea occupatione, numquam tamen adita, numquam sermone excluderim. quae tu pro tua bonitate magni beneficij loco ducis: ego, si quis ea praeferet, non tam laudandum, quam, si omittat, uituperandum puto. Quod uero de scriptis meis ita sentis, ut ea cum uehementer ipse probes, tum a tua sententia non discrepare commune iudicium dicas: istam quidem opinionem tanti aestimo, quanti aestimari delet ea laus, quam, eruditorum ac sapientium uirorum consensu & approbatione nixam, inuidia aut maleuolentia labefactare non queat. uerumtamen, qui me praebe norim, uereri saepe cogor, ne te quidem amor, multos fortasse fallat auctoritas tua. ac, si me audies, cui debes in ea re, quae ad me ipsum pertinet, obsequium inuitus, parumper moderabere posthac iudicium de me tuum: ne, dum existimationi meae nimium stides, tuam in discrimen adducas. Sunt enim quaedam pe-

sts

fles hominum, quibus aliena laus ita molesta est, ut,
 quidquid alijs addatur, sibi detractum putent; & om-
 nem detrahendi obtrestandi ue locum sic arripiant,
 ut ex aliena ignominia sibi laudem quaerere uidean-
 tur. De mutatione illa, quam feci in epistola ad Sam-
 bucum, & prudenter, & amanter indicas. scripsi,
 cum impedimento nihil fere uidebatur, quo minus id,
 quod cogitabam, ad exitum perducerem: induxi, cum
 propter assidua negotia studijs meis ita diffiderem,
 quasi nihil ne mediocriter quidem eruditjs auribus,
 non modo Imperatore Maximiliano dignum, afferre
 iam possent. utriusque consilij causam ad Cratonem
 perscripsi. spero fore, ut meum factum, quo parum
 aequis animis nonnullos iudicare, litterae tuae signi-
 fican, uir optimus ac prudentissimus non improbet.
 quod si euenerit, tanti hominis auctoritate sustenta-
 tus, non equidem dicam, quid alij sentiant, non labo-
 rabo, sed certe multo minus: cum praesertim te quo-
 que, florentem ingenij, probitatis, doctrinae fama,
 tui iudicij testimonio mihi non defuturum intelligam.
 Vale. Romae. xii. Kal. Oct. M D Lxix.

AVGVSTINO. ANGELELLO

Fabrianum.

7

Nec filius adest, profectus Venetias cum matre
 ante aliquot dies: nec mihi a grauioribus curis tantū
 spatij relinquitur, ut binis tuis litteris pluribus uerbis
 respondere possim. hoc tantum habeto, delectari me
 uehementer diligentia tua, qua te uti uideo tum in de-
 scribenda, tum in mittenda ad nos antiquitate. gratias
 agerem,

agerem, si hoc uno contentus officio essem, aut hoc a te crederem expectari. In Orthographiae libro, cum rursus edetur, aut in eo, qui apparatus, ueterum Inscriptionum, carere te tua laude non patiar. ita nostra consuetudo fert: ita postulat & amor in nos tuus. Reliqua, cum uacabimus, si modo id assequemur unquā: quod sane non tam nostra, quam aliorum caussa cupimus. Vale. Romae VII. Id. Maij. M D L X V I I.

EIDEM, Fabrianum. 8

DE inscriptionibus ad me missis, noli expectare dum tibi gratias agam. nam neq. id patitur amicitia nostra; & officium tuum, saepius iteratum, gratiarum actionem requirere iam non uidetur. Quod ad meos Commentarios attinet, uelim hanc moram aequo animo feras. quotidie enim aliquid additur, aut mutatur. ita, si quam facit in tempore iacturam, eam tibi re sarciam. equidem istam amo cupiditatem scriptorum meorum: in qua te socios habere multos intelligo. utinam orium contingat, ut eam explere aliquando possim. Vale Romae. IV. non. Sept. M D L X V I I.

EIDEM, Fabrianum. 9

PVTO te ab Onuphrio Gilio, tui amantissimo, certiore non semel esse factum inualetudinis meae: qua nonum iam mensem ita laboro, ut neque ratione uictus, neque ullo remedij genere adhuc quidem alleuari potuerim. itaque misere iaceo, spe iam destitutus omni, praeter eam, quam in caeli mutatione multi ponendam arbitrantur. quorum ego libenter accedo sen-
ten-

tentiae. exire propter nimios calores nondum licuit.
 Sed ego exeundi consilium ita cepi, ut Urbem plane re-
 linquam, & ad patrios lares, & dulcia incunabula re-
 migrem. in quo Pontifex, ut est insigni praeditus hu-
 manitate, facilem, perbenignumq. se praebuit. Si
 quaeris, laetior, an tristior discedam: non facile dixe-
 rim. ita multa occurrunt, quae animum ac uoluntatem
 huc illuc distrahant. propensior tamen in hanc partem
 sum, ut post annos decem, aetate ingrauescente, ur-
 gente praesertim difficili morbo, ad patriae complexū
 recurram: cuius adspēctus, non dubito, quin mihi amis-
 sam molestissimis curis hilaritatem restituat. quam si
 quis afflictae ualitudini haud paullo magis, quam
 orientalia quaeuis pharmaca, prodesse dixerit, opinor
 non errabit. Eamus igitur dijs bene iuuantibus, &
 redeamus aliquando ad illa studia, unde discedere pia-
 culum fuit. quod utinam per ualitudinem liceat. nam
 per negotia certe licebit. ita res meas constitui: ita,
 quae dissipata erant in domesticis rationibus, collegi,
 atque contraxi: ita denique, quod accipi quasi dictum
 arroganter nolim, humana omnia propemodum coepi
 contemnere. De discessu igitur fixum consilium est: de
 die nondum statui: sed, ut hiemales imbres, tempesta-
 tesq. uitentur, ante Kal. Oct. cogitamus. Onuphrius
 hic remanet, meo sane cum dolore: non solum enim
 eius opera utebar in studijs, uerum etiam conuictu,
 sermone, probitate, ingenio ita fruebar, ut hanc ia-
 cturam sarcire me posse uix umquam putem. non dee-
 runt omnino, quibus utar: sed, praeter operam, alia
 desidero. hoc adolescente nihil aptius ad naturam
 meam.

meam. Te, mi *Augustine*, quamquam longe dis-
 ctus, tamen prorsus non carebo. quae enim tua est
 humanitas, qui tuus in me amor, scribes interdum ad
 me. ego autem, licet otium & litteras, si ualebo, ita
 amplecti cogitem, ut diuelli me non facile patiar, ta-
 men a te, viro optimo, nostri, quod facile perspexe-
 rim, cupidissimo, atque amantiissimo, non committā,
 ut in hoc genere prorsus requiri possit officium meum.
 Vale. Kal. Sept. M D L X X.

HERCVLI. CIOFANO

Sulmonem.

IO

NON possum non amare uehementer industriam
 tuam, qua te uti uideo in emendando gentili tuo, poe-
 ta summo. perge, ut coepisti: nam & gloriae tuae con-
 siles, & alios ad eandem laudem excitabis. Victor
 ad Aemenios, magis arridet, quam, Victor Iolciacos:
 accedente praesertim antiqui libri testimonio. Regius
 autem, inania captans, ueritatem quaerebat in tene-
 bris. Tu longe certiora sequeris: itaque tibi libenter as-
 sentior. Vale. Romae, XIII. Kal. Apr. M D L X I X.

EIDEM, Sulmonem.

II

INSCRIPTIONES illae nihil habent, quod
 oblectationem aut doctrinam legentibus asferre possit.
 quod si similes occurrerint, inanem laborem suscipe-
 re te nolo. De Ouidij loco, ad tuam sententiam opinio-
 nem meam adscribas, licet. Regius ille saepe alucina-
 tus. tu si perges ut coepisti, poetam ingeniosum, ci-
 uem tuum, a mendarum labe, non mediocri tua cum
 laude,

laude, vindicabis. Vale. Romae. Pridie Kal. Sext.
MDLXIX.

M. ANTONIO . CIOFANO

Sulmonem.

12

EXCUSAREM tibi tarditatem litterarum mearum, nisi Hercules frater tuus, quae meae vitæ ratio sit, quam assiduus, quam varijs impedita negotijs, optimus testis esset. atque ego illi, cum me rogaret, ut aliquid tibi rescriberem, deesse mihi dixeram non modo otium, sed etiam argumentum. nam de paraceto, sane mirabar non probari tibi sententiam pareris mei, praesertim quae rationibus optimis niteretur. cetera vero in tuis litteris erant eiusmodi, ut a te non negotij, sed animi causa scripta viderentur. quod si mihi haec imposita condicio sit, ut eorum omnium, qui quotidie non modo ex Italia universa, verum ex transalpinis quoque gentibus ad me scribunt, rescribere litteris necesse sit; inique mecum agatur & prorsus inhumane. cuius enim otij est, cuius etiam ingenij, tot epistolis posse respondere Latino praesertim sermone, in quo mihi, propter eam, quam nonnulli de scriptis meis opinionem habent, non licet esse negligenti? At officij praetermissi gravem esse culpam dices. Si simplex officium agitur, iure dices; sin eueniat, ut concurrant officia duo; certe, posse alterum omitti sine culpa, & minori maius anteponi, aut fateberis, aut in gravem ipse culpam incides. magnam enim, nisi distinguantur officia, rerum omnium humanarum perturbationem sequi necesse est. Simili, ut opinor, in loco mea
caussa

caussa uersatur. Cum enim sacris libris, qui ad Christianae Reip. salutem pertinent, & corrigendis, & edendis, cum salutationi uirorum honestissimorum, qui frequentant aedes meas, cum etiam studijs nostris, uel ut instituta absoluam, uel ut absoluta perpoliam, danda opera est; scilicet eius temporis, atque eius operae partem, rebus grauissimis detrahendam, ad inanes epistolas transferam. inanes appello, quia uideo multos, cum scribendi causam aut perquam leuem, aut etiam nullam habeant, ideo tamen scribere, ut meas litteras eliciant. quod nisi statim assequuntur, indignantur, & maiorem suae uoluntatis, quam occupationis meae, rationem habent. Ab horum numero libenter te, mi Ciosane, seiungam. non enim dubito, quin me diligas, uel tua sponte, propter communia studia, uel imitatione iuuenis optimi, atque eruditi, Herculis fratris tui. a quibus autem diligere me puto, de ijs ut bene sentiam, non aegre a me soleo impetrare. atque utinam, quam propenso erga utrumque uestrum animo sum, tam facile uobis animum insigni aliquo merito probare possim. quod equidem enitar: & si contigerit, uehementer laetabor: sin minus, uos tamen amplecti uoluntatem meam, eaq. contentos esse, & humanum in primis, & aequum est. Vale. Romae. XII. Kal. Dec. M D L X I X.

IOANNI . CASELIO

Florentiam.

13

A E Q V E, ut uideo, laetamur, tu mea erga te, ego tua in me beneuolentia. quae si orta est ab opinione
uir-

uirtutis, ut certe est; non dubito, quin perpetua sit. tu enim, quas artes a puero colere coepisti, in ijs quotidie magis ut excellas, operam dabis: ego te, inani fortasse conatu, (nam aduersantur multa) studio tamen, & uoluntate, quantum licebit, imitabor. Nericium tuum quis non amet? mihi crede, tuarum litterarum testimonio, aut commendatione non eget. me quidem ita sibi deuinxit officio suo, non modo ut omnia, quae possum, sed etiam quae non possum, eius caussa cupiam. iam de eius ingenio, doctrina, eloquentia quid ego tibi, cui notior est, quam mihi? prae dicabo igitur alijs: uel quod amor impellit; uel quod, ornare uirtutem, nostrae consuetudinis est. Vale, mi Caseli. nosq. ut facis, ama. Romae. XII. Kal. Oct. MDLXIX.

FRANCISCO. PLANTEDIO

Manfredoniam.

14

ET serius, quam tu exspectabas, & breuius fortasse, quam uterque nostrum uellet, respondeo litteris tuis. quamquam, cum tibi nota esset occupatio mea, erat humanitatis & prudentiae tuae, silentium meum in bonam partem accipere, & amici hominis commodo consultum uelle: cum praesertim, iudicium meum de tuis uersibus cur expetas, caussa nulla sit. tu enim hoc in genere ita es uersatus, ut excellas: ego saluere Musas iussi ante aliquot annos, nec poetas iam conor attingere: aut, si interdum, ut oblectem me potius, quam ut imiter. quod si tu meum iudicium anteponis tuo, quod ego ne comparo quidem: errare te facile patiar,

tiar, neque committam, ut meam frustra sententiam exquiras. Mihi quidem ea, quae scripsisti ad Rotam, uatem aetatis nostrae celeberrimum, ualde probantur. habent leporem, nec tamen grauitate carent. totum poema (sic enim uideor appellare posse) luminibus ingenij, doctrinaeq. distinguitur. Sic perge: sic ibis ad astra, praesertim oratoria quoque facultate, ut uideo, non mediocriter instructus. Commentarium meum in epist. fam. dederam amico describendum: sed eius operam casus nescio quis interpellauit: edetur aliquando uel hic, si licebit, uel certe Venetijs: quod minime uellem absente me. post discessum tuum addidi non pauca, quaedam perpoliui. Cupio salutaria te ueterem patronum meum, omni laude praestantem, Cardinalem Comensem, cuius erga me officia, dum uiuam, animo ac memoria tuebor, praedicare numquam desinam. Vale. Romae. VII. Kal. Oct. MDLXIX.

IACOBO. GORSCIO

Cracouiam.

15

PARTICVLAM litterarum tuarum, in qua scribis ad amicum tuum, audisse te, exclusum esse Roma Paullum Manutium, (haec enim ipsa uerba ponis) legi sine molestia. qui enim rumor nec si uerus esset ualde afficeret animum meum, subsidia sibi ad omnes casus ex optima conscientia quaerentem; is cum sit falsus, & inanis, quid est cur me tangat? Equidem, si scire uis, qui sit meus hac tota de re sensus, inclusus potius mihi uideor esse, quam exclusus. a quo enim die Romam ueni, exeundi facultas, quam saepe uale tudinis,

tudinis, interdum animi etiam caussa optaueram, data numquam est: non quin ijs hominibus, qui tanti apud me sunt, ut eorum uoluntatem nutumq. quasi legem obseruem, utar facillimis: sed commissum fidei, diligentiae, industriae meae negotium eiusmodi est, ut absente me iacturam patiatur. quod si priuata meares ageretur, negligerem fortasse: nunc, ut scire te arbitror, totum hoc munus ad Sedis Apostolicae dignitatē pertinet: pro qua si accideret ut uitam profundere opus esset, praeclare mecum actum putarem. Hoc meum studium placere bonis uiris, & ipsi in primis Pio v. Pont. Max. nihil omnino probanti, nisi quod ad summi Dei gloriam, communemq. salutem referatur, ita laetor, ut ceterorum opiniones, & iudicia contemnā. quid enim laborem, quid de me sentiant, aut loquantur ij, qui ne sincere iudicare possint, liuore impediuntur, aut maleuolentia, fortasse etiam hominem in saluberrima tollendae prauitatis haereticae cura diu noctuq. uersantem, non labori, non ualetudini parcentem, parum aequis oculis adspiciunt? sexcentas enim artes, quibus caussa publica laedatur, quoti die ueterator ille magnus, generis humani sempiternus hostis, excogitat. Sed nomini meo, quantum uolunt, isti detrahant: me tamen, ut ab optimorum consiliorum cursu, rectissimaq. mente deducant, numquam assequuntur. Te quidem ista, mi Gorsci, quae aut a leuissimis hominibus temere, aut ab improbissimis calide disseminantur, si putem credere, ignorare uidear & prudentiam, & bonitatem tuam: ut ingenue tamen tecum agam; post illa uerba, Exclusum esse Re-

Ff ma

ma Paullum Manutium, optavi signum aliquod uel iudicij, uel saltem amoris in me tui: iudicij, ut hoc adderes: Quod uerisimile non uidetur: aut etiam, Quod de tali uiro uix crediderim: amoris, hoc, aut simile: Quod cupio esse falsum: Quod si uerum est, doleo. Haec tu si sic scripsisses, cum amicitiae nostrae, tum constantiae quoque tuae satisfacisses: illa quidem ipsa uerba, quae subacerta nonnullis uideri fortasse possint, condimento quasi aliquo mitigasses. Vtraque est a te omissa significatio: & quamquam utraque mihi aequae grata futura esset, quippe qui a bonis eruditissq. uiris, idest a tui similibus, non minus probari, quam diligere uelim: tamen nescio quo modo fit, ut, amoris te nihil dedisse, aliquanto molestius feram. Qua de re scripsi ad te libere, pro mea consuetudine: neque tamen dubito, quin tu hoc ipsum, quod scripsi, pro tua humanitate aequi boniq. facias. Nam de statu rerum mearum mihi ipsi, auctori satis bono, uelim credas, non modo Romae esse me, uerum etiam libenter esse, existimatione integra, re familiari aucta potius, quam imminuta. Vale, Romae. VI. Kal. Oct. M D L X I X.

IO. BAPTISTAE . OLIVO

Asulam.

16

ET SI, cum haec scripsi, non satis commode ualebam, dedi tamen operam, humanitate coactus litterarum tuarum, ut aliquid rescriberem. Laetor per incundam tibi esse recordationem ueteris amicitiae, consuetudinisq. nostrae: sed maioris laetitiae causam afferunt officia tua, quibus uxorem meam primum, graui

gravi morbo affectam, deinde filium, non minus gra-
uiter laborantem, assidue coluisti. Vtinam, quam de-
bere me fateor, aliquando referre gratiam possim: ha-
bebo quidem merito tuo parem, quamdiu vita conti-
gerit. De statu rerum tuarum, ex Laelio Gaudio,
probo iuvene, mihiq. suis morbus, & sua uirtute ca-
rissimo, cognouita, quae uehementer optabam; diligi-
te, & coli a bonis, honestisq. ciuibus; opera, opeq.
tua multos adiuuari; augeri quotidie opinionem pro-
bitatis, & doctrinae tuae. quo tibi nomine plurimum
gratulor: quaeq. tam praeclarae industriae, tam pro-
pensae ad communem salutem uoluntati, praemia de-
bentur, ea non dubito, quin tibi nunc quidem homi-
nes, olim uero Deus opt. Max. uberissima persoluat.
Vale, & uxori, filioque, quorum in salute sita mea
salus est, humanitatem, & diligentiam, si nondum
conualuerunt, eandem praesta: a me uero, quaecum-
que ad commodum, laudemq. tuam pertinere intelli-
gam, omitti posse nolim existimes: si quid ignorabo,
admonitus a te uincam officijs meis opinionem tuam.
Romae. pridie Kal. Oct. MDLXIX.

PRO. COLLEGIO. CANONICORVM
S. PETRI

S.R. Magdalenae, & Leonorae Aust. iuc, sororibus.
Spiram. 17

BENE agendi ratio maxime discitur eorum exem-
plo. quorum actiones generis nobilitas, aut splendor
iugitatis illustrat. propterea neque optabilius quid-

Ff 2 quam

quam est, quam ut Reges, principesq. reliqui ad ornandam, tuendamq. Christi ecclesiam, unde uera salus, aeternaeq. uitae felicitas emanat, suas omnes curas, omnia studia conferant: neque nos ex ulla re maiorem capere laetitiam potuimus, quam ex M. V. propensa ad cultum, ac uenerationem Apostolorum uoluntate, an ea quidem nobis minime dubio multorum sermone, nunc autem insigni uestis aureae munere declarata. Et, quamquam suae pietatis, perpetuaeque innocentiae a Deo opt. Max. fructum illum capient, quoniam nihil potest esse praestantius: tamen nos quoque, ne partes nostrae desiderentur, primum gratias eis de ista liberalitate, istaq. mente quam licet maximas & agimus, & habemus: deinde fore pollicemur, ut exstet sui muneris memoria in annos plurimos inter ornamenta templi, in animis uero nostris numquam exstinguatur. Interim precibus omnibus, ut M. V. perpetuo bene sit, quaeque optant, feliciter, prospereque eueniant, a caelesti numine petemus. Romae. xvii. Kal. Jan. M D L X I X.

HIERONYMO . RVBEO

Rauennam.

18

EPISTOLAE tuae, in qua significas Rauennam historiam a te esse institutam, quaerisq. a me, quae ad eam pertineant, nonnulla, serius omnino, quam tu expectabas, respondeo: sed obliuionis, aut negligentiae culpa liberat me diuturnitas morbi, quo prius in leuiore commotus, postea grauiter perculsus, ad hanc fere diem iacui. alioqui meum in hoc genere studium

studium nec tibi defuisset; nec defuturum umquam,
 uelim existimes. non est enim meum, minimeq. decere
 arbitror, cum humaniora semper studia praecipue co-
 luerim, nunc committere, ut humanitatis officia de-
 siderare a me quisquam iure possit. Adde meam erga
 doctos homines, in quibus excellere te uideo, beneuo-
 lentiam: adde non mediocrem obseruantiam erga ciui-
 tatem uestram; quae me olim adolescentem, omni libe-
 ralitatis genere complexa, immemorem, aut ingratiū,
 in ijs praesertim rebus, quas ad eius amplitudinem,
 & gloriam spectare intellexero, profecto numquam
 sentiet. nec uero dici potest, quam ualde gaudeam,
 quod eniteris, atque elaboras, ut eius antiqua nobi-
 litas, aeternis ingenij tui prodita monumentis, ab om-
 ni posteritate cognoscatur. nae tu iam nunc ista uolun-
 tate magnam laudem consequeris: quid futurum pa-
 tas, cum uoluntati res ipsa responderit? honestis confi-
 lijs Deus, hominesq. fauent: honestius autem nihil,
 aut praestantius, quam de patria bene mereri. Urge
 igitur, & illustra, quantum in te est, gentiles tuos.
 quod eo tibi magis curae debet esse, quia memoriam pu-
 blicam, uetustate iam deficientem, ab interitu uindi-
 care non potes, quin priuatam simul tui nominis me-
 moriam immortalitati commendes. In hoc argumen-
 to quid efficere, & praestare ipse possim, non equidem
 intelligo: uerumtamen, si quid possim, & si assequar
 aut legendo, aut cogitando, totum illud, quidquid e-
 rit, & quantumcumque erit, prolixè tibi, per libera-
 liq. animo & polliceor, & defero. Nam illa, quae re-
 quiris, eiusmodi sunt, ut uel historiae ueteris testimo-

nio, uel ipsa etiam coniectura explicari facile possint. Si enim Caesarem, cum utrique Galliae praeesset, in ciuiliore, conuentuum agendorum causa, saepe hibernasse concedimus; id quod ambigere non licet: quis dubitet, quin Rauennae, quo nullum in ea provinciae parte nobilius opidum inuenio, conuentum egerit? De foedere, ne hoc quidem uideo cur in dubium uocetur. urbs enim Cisalpinae Galliae Rauenna fuit: at Galli foederati. Locum Ciceronis in oratione pro Balbo, suffragante, ut uerba tua declarant, uetere libro, ita legem: P. Caesium, uirum bonum, qui uiuit, Rauennatem, foederato ex populo. Vt primum patria, deinde patriae condicio ostendatur. nam si legamus, Qui uiuit Rauennae foederato ex populo: foederati populi nomen, idest P. Caesij patria, ignorabitur. in quo repugnat Ciceronis consuetudo. neminem enim ciuitate Romana donatum appellat, quin patriam simul nominet. Q. Iubium, seu, Q. Iunium, cur non placeat, eadem ratione adducor. nam si hunc Rauennatem esse dicemus: P. Caesio quid fiet? an solus patria carebit? Dixi, quid sentirem, rogatus a te: nec mihi tamen arrogare tantum ausim, ut meum iudicium anteponam tuo. In amore, atque etiam in ijs officijs, quae amori debentur, me abs te uinci numquam patiar. Vale. Romae. Kal. Febr. MDLXX.

CLAV-

CLAVDIO. STRAMBONIO

Romam.

19

FATEBOR ingenue, ut & consuetudo mea, & amicitia nostra postulat: putavi te, pro tua prudentia, & aequitate, amore erga te meo contentum esse: amoris fructum, & officia requirere numquam putavi: cum praesertim, si quis est, quem distringant curae nō quotidianae tantum, sed etiam permolestae, is ego sim. quod tu cum scias, & mecum tamen sic agas, quasi nescias: quid suspicer? me abs te non amari? siquidem, quos amamus, eorum commodo libenter consulimus. odi istam rationem: errare malo cum tanta uoluptate, quantam opinio mihi affert beneuolentiae tuae, quam id cogitare, quod si credam, iniucunde uiuam. quid enim profecerunt studia mea, illa, illa, quae tu di laudare interdum solitus es: aut quid egi tantis uigi-
 lijs pro communi utilitate susceptis, siquidem hoc non sum affecutus, ut, quibus laborem minuit labor meus, ab ijs mihi merces beneuolentiae nulla persoluator. ac uelim credas, non me tamen, si quid mihi hoc nomine debetur, id ab omnibus exigere. instar omnium pauci futuri sunt; & in hoc ipso paucorum numero in primis esse te, uehementer cupio. amo enim tuos mores: ingenium plurimi facio: studia laudare numquam desino. possum autem, ex ista mente quae uirtutum ubertas aliquando futura sit, facile diuinare. & hac equidem spe, si uerum scire uis, iacturam illam, quam interitu Iulij Pogiani Romanae litterae fecerunt, aliquanto leuius fero. nam, si contexes extrema cum primis, req-

Ff 4 ipse.

ipse, ut soles, ad summam eloquentiae laudem incitabis: non dubito, quin paucis annis Latinae linguae amissam prope dignitatem restituas. quod eo facilius fore uideo, quia tu, non contentus inani uerborum sonitu, quo delectantur multi, prudentiam simul ex iure ciuili, rerumque maximarum scientiam ex philosophiae fontibus hauriendam iudicas. Quibus causis adductus egregius ille uir, omni praeditus ingenij suauitate, Castilioneus Cardinalis, quem tu nobis, in tanta similiu uirorum paenuria, ereptum iure doles, ita te ferebat in oculis, ut nemini concederet, qui tui amantior esse posset. Sed illum iam lugere desinamus. quid enim lacrumae proficiunt? aut etiam, (si ueritatem consulimus: quod facere debemus) qui ab ijs malis, quibus referta est hominum uita, hac praesertim aetate, ad aeternas beatissimorum sedes migrauerit, cur eum lugendum putemus? Haec igitur, quae praeter nostram uoluntatem accidunt, ad summi Dei uoluntatem referamus. ita fiet, ut ea uel modice doleamus, uel ne dolenda quidem existimemus. Vale Romae. IIX. id Maij. M D L X I X.

PAVLO . TACHONO

Vibonem.

20

DELECTATVS si'm litteris tuis, non quia me ornant laudibus, sed quia beneuolentiam erga me tuam declarant. amari enim ab eo uiro, de quo bona omnia boni omnes praedicant, & optabile in primis est, & multorum diuitijs, atque opibus anteponendum. Quare hoc ego nomine mihi gratulor. iudicio autem

tem

tem de me tuo, etsi uix fieri posse arbitror, ut responde
re possit industria mea, tamen, siue recte sentis, gau-
deo; siue erras, error quoque tuus, ut uere dicam,
mihi periucundus est. Locus Ciceronis, de quo meam
sententiam exquiris, totus, ut arbitror, a coniectura
pendet. itaque, destitutus historiae testimonio, affir-
mare nihil ausim. quod si tu, ubi obscura ueritas est,
uerisimilia non contemnis: fortasse non improbabis
quod scripsi in meis commentarijs, dixisse Ciceronem,
Abutor coronis, quia, cum olitorem calseri uellet,
qui sibi interdum coronarum munuscula miserat, abu-
ti coronis, idest, malam ei gratiam referre uidebatur.
Haec, ut dixi, e coniectura. tu, si quid habes certius,
imperti: & uale. Romae. xv. Val. Apr. M D L X I X.

IO. BAPTISTAE. IANVARIO

Vibonem.

21

NEC mea ualetudo, graui iam quattuor fere men-
sum afflictam morbo, permittit, ut multa, nec huma-
nitas, ut nihil omnino litteris tuis amantissime scriptis
respondeam. quamquam, si quis est, cui liceat hoc of-
ficium sine culpa praetermittere, aut is ego sum, aut
prorsus nemo. obruor enim epistolarum numero, quae
quotidie mihi ab ignotis hominibus, ex longinquis re-
gionibus, non necessario plerumque mittuntur argu-
mento. Ego autem neque hoc inanium, & ambitiosa-
rum litterarum genere natura delector: & si uelim id
suscipere, ut unus omnibus respondeam, quid me labo-
riosius, aut etiam quid stultius esse possit? cum praefer-
tim ualetudine utar infirma, negotijs autem curisq.

urgear

urgear eiusmodi, quae uel firmissimam defatigare ac frangere omnino possint. Ergo habenda mihi ratio est, quae non habetur ab alijs, cum occupationis meae, tum etiam salutis. quod si hominibus mei amantissimis in mentem ueniret: aequis animis meam causam perpendere: non otium meum ex otio suo metirentur: ita ad me scriberent, ut rescribendi necessitatem non imposerent. Duo genera excipio, uel qui scribunt ijs de rebus, quae ipsorum uehementer intersint; quibus deesse, contra officium est; uel si qui sunt, qui, quacumque de re scribant, ita diserte loquuntur, ita ornate, ut eorum uirtus, & eloquentia, non modo quae possum, sed ea quoque quae non possum, postulare a me suo quodam iure, atque exigere uideatur. Hoc te in genere, Ianuari dectissime, constituo. tu enim quamquam ad ea indaganda, & perscrutanda, quibus inuentis, rerum obscurissimarum uis & natura patet, assidue totus incumbas; & in hoc studio ita uerferis, ut omnino cum paucis excellas: tamen, quasi hac una laude non contentus, ita colis, itaq. tenes Latinam linguam, ut oratione tua nihil purius, elegantius, illustrius esse uideatur. quod si cuperem laudari, de quo laborant multi, ego quotidie minus minusq. curo: a nullo, mihi crede, mallet, quam a te. sed, cum hanc in me cupiditatem siue aetas, siue ualetudo, siue ratio exstinxerit: ita non moneor ijs laudibus, quas tu amplissimas in me contulisti, quasi nihil ad me pertineant, aut quasi sensu prorsus omni caream: amore quidem tuo, unde laudes istae manant, (sic enim interpretor) mirabiliter delector: eumq. ut eadem, quae

pepe-

peperit, perpetuo alat, atque augeat humanitas tua, uehementer opto. ego enim, non modo ut parentis beneuolentiam praestem, uerum etiam ne genus ullum obseruantiae, studij, officij, quod ad te ornandum attineat, praetermittam, pro uirili mea parte operam dabo. De uersibus, iocari te facile patior, & in ludicro argumento ingenij praestantiam ostendere. Sed noli a me expectare, ut paria paribus. te enim, ut alumnum suum, perpetuumq. cultorem, amplexantur Musae: me, qui, salute iam pridem illis dicta, ad oratores me contuli, nunc, si quando ad eas conor accedere, ut alienum, ac transfugam, a se repellunt. Vale. Romae. Idibus Aug. M D L X X.

ANTONIO FURNARIO

Neapolim.

22

ET ualemus, & satis iucunde uiuimus, re'domestica ita iam constituta, ut adolescenti filio, quem unicum habemus, cogitandum de uirtute potius, quam de fortuna uideatur. nam, quod ad me attinet, hanc habeo senectuti gratiam, ut pauca iam requiram: uel quod ad illa longe meliora properamus: non enim longe abesse uidetur ille portus, quo peruehi cupimus ex diuturna tempestate; uel quod stultum putamus, ea quaerere cum labore, quae nec si adipiscare, molestiae finis est. quod te quoque, excultum litteris hominem, sentire arbitror: & hoc equidem nomine cum te diligo uehementius, tum diligere te cupio. Memoria nostri tua, muneribus declarata suauissimis, periucunda nobis est. Vale. Romae. XIIIX. Kal. Febr. M D L X I X.

E I.

QVAE solet ex carissimis , iucundissimisq. rebus
 percipi uoluptas, eam ipsam ex epistola tua cepisse me,
 prorsus uelim tibi persuadeas. hoc adeo inde perspicies,
 quod, in magna uoletudinis aduersae molestia, defati-
 gato etiam curis animo, commitendum tamen non pu-
 tauī, ut amicitiae nostrae, & humanitati erga me tuae
 debitum rescribendi officium non persoluerem. Probari
 a te mea scripta, atque etiam laudibus ornari, siue tu
 id iudicio tribuas. siue amorī largiaris, aequē gaudeo.
 nam, si e studijs meis fructum aliquem exspecto: quis
 uberior, aut praestantior laudatione doctissimi uiri? sin
 litteris ita utor, ut praeter eas ipsas nihil cogitem;
 quod his temporibus facere prope necesse: amari ta-
 men a te, quem qui non amat, hominem uix puto, in
 primis optabile est. Ac de isto quidem tam illustri aut
 opinionis, aut uoluntatis testimonio mihi uehementer,
 ut debeo, gratulor; tibi uero gratias agerem, si te pu-
 tarem hoc officij genere delectari: quod certe tua boni-
 tas respuit; aut si ego is essem, qui, officio deuinctus
 aliquo, libentius in agendis, quam in referendis gra-
 tijs operam collocarem. De tuo statu, si est, ut uolu-
 mus, & si nihil anno superiore accidit incommode; be-
 ne est: de meo, quem uicissim tibi pro mutuo inter
 nos animo curae esse non ignoro, satis multa me scri-
 psisse existimabo, si hoc unum scripsero, languere me
 quotidie magis in earum rerum cupiditate, quas mira-
 bar antea. aetas hoc fortasse solidum parit: uerum ta-
 men ratione potius assequi mihi uideor, ut ita sentiam.

quid

quid enim appetam, cum nec sciam, quid utile futurum sit, nec iam usura possit esse diuturna? appropinquat enim dies, qui nos ex immensa errorum caligine ereptos, in aeterna ueritatis luce constituet. quae me quidem cogitatio nec secundis rebus laetari, nec nimis angipatitur aduersis. Munusculum, quod ad me singulis annis cum pulcherrima epistola mittere non desinis, pensio quaedam amoris est: qua ego te, amore ipso contentus, ea condicione libero, ne scribere tamen desinas. aequiore enim animo omnibus muneribus, quam suauitate tuarum epistolarum, carere possum. Vale. Romae. XII. Kal. Febr. M D LXX.

EIDEM, Neapolim. 24

NON patiar ignorare te, quod gratum, & pericundum tibi fore arbitror, uiuere me nunc in patria, & plane uiuere. fruor enim rebus ijs, sine quibus uita prorsus nulla est, propinquis, amicis, libris, ipsa demum libertate, qua nihil est carius. nam Romae, tantum aberat, ut otioso liceret umquam esse, ut negotiorum assiduis quasi fluctibus obruerer. Longius a te abssum: quid refert? ne Romae quidem cum essem, fore speraui, ut umquam te uiderem: cum aetas utriusque, ualetudo, uitae genus peregrinari nos non sineret. habet autem hoc amor a uirtute ortus, ut absentes coniungantur animis, & sit inter eos, recordatione mutuae uoluntatis, & beneuolentiae, tanta suauitas, quantam uix, aut ne uix quidem ulla potest afferre consuetudo. at plerique homines quotidiana fere salutacione, colloctione, familiaritate, beneficijs etiam, atque

mu-

muneribus, ali, & conseruari amicitiam putant: nisi haec adsint, deficere, & exstingui. stulte. nam, si ab honesto manat amicitia: nulla re indiget, ipsa se sua sponte, suisq. uiribus, tuetur, ac sustinet: sin aliunde oritur; infirma semper, inops, inconstansq. sit, necesse est; a fortunae uarietate pendeat; multis uitiis, & mutationibus, laboret. Ergo nos a uulgo recte dissentimus, & a uulgi consuetudine nostra ratio in primis abhorret: cum amemus inter nos amore singulari, nec tamē inter nos officia multa intercesserint, aut alter alterum de facie norit: quod multo minus, ob longinquitatem locorum, in posterum continget: & uoluntatis tamen aut ego tuae mutationem, aut tu meae, non est, cur extimescas. Cupio te ualere, & interdum, si uacabis, ad me scribere. Ego commodius, quam Romae, ualeo: quid mirum? qui tranquillissimo animo uiuam, & ualetudinem, ab omni occupatione longe remotus, praecipue curem. desiderari autem literas a te meas non patiar, si placere tibi sensero officium meum. Vale. Ex opido, Plebe Sacci: quo me saepe conferam, ualitudinis, animiq. gratia: addo illud, ne studia colenti, quibus carui diutius, quam uellem, interpellatores molesti sint. IIII. non. Nou. M D LXX.

EPI-

EPISTOLARVM PAVLLI. MANVTII

LIBER. NONVS

AMPLISSIMO. CARDINALI
IOANNI. MORONO

TVRPE est praescribere sapienti, quid agat,
& quo modo agat: neque ego id umquam
commiserim: neque id est aut consuetudi-
nis, aut naturae meae: uerumtamen ex-
cusandus fortasse uidear, si uel a mea maxima re, quae
nunc agitur, uel ab humanitate tua, quam omnes no-
runt, & praedicant, persuaderi me patiar, ut agam
paullo liberius, quod sentio, &, quae cum animo meo
sum meditatus, eadem nunc expromam, nihil dissimu-
lans, nullo ueritatem artificio tegens. Ego, uir prae-
stantissime, quoad putauī, te, uti pollicitus eras,
acturum esse cum Pont. de causa mea, laetabar uehe-
menter, & in hac aduersa uoletudine, quae mihi om-
nem abstulisse iucunditatem uidebatur, aliqua tamen
uoluptate perfruebar. sperabam enim fore, ut auctori-
tas tua, prudentia, eloquentia, praesertim in optima
causa, facile impetraret ab aequissimo ac benignissi-
mo principe non immoderatum aliquid, aut eiusmodi,
quod inuidiam excitare posset. non enim ego ita efferrī
cupiditate soleo; quid igitur? annuam tantum ordi-
narij stipendij solutionem: ut, quemadmodum Pius
Quartus Pontifex, immortalī memoria dignus, uenien-
tem

tem ad Urbem insigni uiatico donauerat ; sic Pius Quintus , omni uirtute ac laude praeſtans , ab Vrbe diſcedentem non modo ſimili , ſed maiore etiam munere proſequeretur . in quo ratio uidebatur habenda aetatis meae , habenda ualeitudinis , habenda etiam meritorum meorum . quamquam de meritis , ita me Deus amet , loquor non libenter : aduerſatur enim modeſtia mea ; ſed hoc uerbum expreſſit ab inuito dolor , & eorum temporum memoria , cum in meum nomen inuehebantur multi , aliena conferentes in me , mea mihi detrahentes . Hoc igitur alloquendi Pontificis , & cum eo ſtatuendi , conſilio tuo , quaſi rebus meis nulla iam tempeſtas immineret , & quaſi iam in portu nauigarem , ita laetabar . Poſtea uero quam de Mariano Victorio , ſummae probitatis , rarae doctrinae , excellentis induſtriae uiro , cognoui , acturum te eſſe de negotio meo in eo conuentu , qui prius habebitur eorum Cardinalium , quibus alendorum in Vrbe ſtudiorum , moderandiſq. Gymnaſij publice demandata cura eſt , plane ſum admiratus ; mutationem conſilij ; & , ut ingenue fatear , quemadmodum natura mea fert , nec bonitas tua recuſat , ex alta quadam ſpe turbatus concidit , afflictuſq. iacet animus meus . equidem ijs Cardinalibus tantum tribuo , quantum eorum ſumma uirtus , ac dignitas poſtulat : aequae omnes diligo , aequae colo : ſed ad eos certe nullam arbitror negotij mei partem attinere . A Pontifice ſum Romam accerſitus : a Pontifice diſcedendi facultatem peto . ſi poteſtas quaeritur : unius eſt ſumma . ſi liberalitas : unus unico uerbo pollicetur , & praeſtat . ſi dignitas :

tas : quae maior est , quam , a Pontifice uocatum esse ,
a Pontifice cum benignitate dimitti? Haec mea consilia
sunt : quibus tamen , ut debeo , anteponam tua . satis
enim exploratum habeo , nihil te cogitasse sine summa
ratione , nihil acturum sine summa prudentia . & mihi ,
parum in usu rerum uersato , obscura multa sunt : tu
tamquam Lynceus uides omnia , probatus per totam
aetatem ijs actionibus , & curis , unde salus publica
minime dubio bonorum omnium testimonio manauit .
Ego me semel , non temere , aut repentina quadam uo-
luntate impulsus , sed explorata ratione , certoq. iudi-
cio adluctus , in clientelam tuam tradidi me , liberos-
q. meos tuae potissimum fidei , beneuolentiaeq. commi-
si . eadem mihi perpetuo mens , eadem , quoad uiuam ,
in te uno sita spes erit . tu me ornandum , augendum ,
tuendum suscepisti : saepe uidi pro uarietate rerum
mearum , & laetitia , & sollicitudinem tuam : nunc
tamquam bonus artifex tuum ut perpolias opus ac
perficias oportet . expedi , obsecro , me hac molestia :
uel potius , hoc me periculo libera . uides enim , cum
Romano caelo minime iam conuenire mihi posse : ad-
ductum esse in extremum fere discrimen salutem meam :
autumnum aduētare , cuius uarietatem , & inconstan-
tiam , hic si permansero , mea certe nequaquam feret
imbecillitas . Venetias multis nominibus cogito . idq.
mihi primum est & praeter cetera optandum : sed , si
uel per Pontificem , quod non opinor , uel per quotidiana
nam febrem , quod magis me tuo , patriam , longo ter-
rarum ac maris interuallo diiunctam , petere non lice-
bit : deponam uoluntatem meam , suscipiam eam , quam

Gg necessitas

necessitas asseret . accedam ad Sabinos colles : quos florere audio regionis amoenitate , caeli temperie , omnium rerum , quas hominum uictus , cultusq. desiderat , ubertate . Interea me tibi totum , salutemq. meam quam suppliciter possum commendans , ac tradens , negotij administrandi rationem singulari tuae sapientiae permitto . Vale. v. Kal. Sept. M D LXX.

AMPLISSIMO . CARDINALI

GVLIELMO . SIRLETTO

2

AVGERI tua uetera erga me merita recentibus officijs, nec miror, & uehementer gaudeo. quamquam ueteribus contentus esse poteram : erant enim eiusmodi , ut addi nihil posse uideretur : sed tamen , ut uideo, tua nunc quidem ad ea per multum addidit humanitas . & quamquam neque tua , neque collegarum tuorum , Moroni , & Cornelij , de uiatico mihi impetrando summa contentio quidquam profecerit : aequae tamen uobis omnibus debeo , ac si profecisset plurimum. est enim animi liberaliter instituti , spectare uoluntatem in primis ; minime quidem rem contemnere , potiore tamen ipsa re uoluntatem ducere . sane optimi Pontificis angustias temporum difficultas excusat : uerum tamen ingrauescenti hominem aetate , non solum infirma , sed etiam aegra uoletudine , imparatum a re domestica , cum filia nubili , ab Vrbe Roma , cuius nomen omnia pollicetur , post decem annorum labores , suis sumptibus in patriam redire , ijs fortasse , qui haec solent animaduvertere , admirationem aliquam pariet. Et, quamquam ea , quae bonis artibus debentur , ratio
temporum

temporum impediatur, ut etiam liberalissimorum Principum uoluntas in optimo benemerendi cursu retardetur; me tamen a litteris nulla res abducat, si modo assequi otium licebit. satis cum uulgo insaniuimus: ambigua certis, turbulenta tranquillis, inania solidis praeferentes. aetas, & praeteriti iactura temporis admonet, ut resipiscamus, quodq. reliquum est uitae, uiuamus nobis ipsis, bonis artibus, Deo potissimum, a quo uno, siquid aut ingenij, aut doctrinae in nobis est, cum acceperimus; ad eiusdem unius gloriam omnes ingenij, doctrinaeq. fructus referre in primis aequum est. Vale, & tibi persuade, neminem esse, uel umquam fore, qui tuam praestantem uirtutem aut magis amet, aut libentius praedicet. Cardinalem Carasum, inueni natus ad immortalem gloriam, exemplum antiquae probitatis, cuius humanitati, qua me semper est complexus, debere me plurimum fateor, nisi graue est, meo nomine salutabis. VII. Kal. Oct. M D LXX.

EIDEM, Romam.

3

QVIDQVID tuli, dum in patriam reuertor, suauis est: tuli autem aspera, graua, difficilia, sanequam multa; & eo magis, quod asperitates omnes aegra ualetudo, & corporis imbecillitas, uehementer augebat. Quae dum ferrem, haec mecum loquebatur animus: Sustine, praeteritorum memoria, futurorum spe; & cogita, quas turbas reliqueris, quibus laboribus emergeris, quam tranquillitatem, quam quietem, petas. In patriam tendis, refertam bo-

Gg 2 nis

nis omnibus . ibi te complexu excipiet dulcissima
coniux , languentem fouebit , infirmum reficiet , af-
flictum subleuabit : nullum obsequij , studiūq. munus
abesse patietur . Erat haec duris in rebus optima con-
solatio . Itaque laetus nonnumquam eram , in dolore,
ac molestia comitum meorum . nunc , affecutus ea,
quae speraui , in unam curam incumbo , ut perditam ua-
letudinem restituam . diuturnitate morbi , & inedia,
corpus iam , & uires amiseram . accessere itineris in-
commoda , quibus ita consumptus humor omnis est ,
ut nimia siccitate vitae periculum impendeat . in reuo-
canda potissimum τῆς κοιλίας βύλυσις medici labo-
rant ; quam si assequor , conualuisse mihi prorsus ui-
debor . dici non potest , quo desiderio teneor studiorum
nostrorum . quasi ceruus ad fontem , si per ualetudi-
nem licebit , sitibundus accurrat . tua mihi consuetu-
do , tua uirtus ante oculos erit : quam imitari non de-
sinam ; & eo quidem animo , ut in ipsa imitatione ma-
gnam felicitatis meae partem statuam . assequi enim ,
quod optimum , atque perfectissimum est , non cuius
contingit : uelle tamen , & conari , non mediocri di-
gnum laude ducitur . Cupio conseruari ueterem amo-
rem in me tuum , meritis quidem a me nullis , perpe-
tua tamen cultum obseruantia . quam eandem semper ,
aut etiam , si modo ad eam accedere potest , quod ego
non arbitror , maiorem fore tibi confirmo . Vale .

MATTHAEO . SENAREGAE

Genuam.

4

I AM prorsus de uelluto spem abieceram , (utar
enim

enim noto uerbo : nam ueteres aliter loquebantur) nisi tu , rursus ut eam susciperem , tuis proximis litteris effecisses . expectabo igitur , & quidem breui , (sic enim uis) aduentum propinquitui , quem , arbitror , in itinere philosophos ambulantes imitari . nam tribus mensibus non modo Genua , sed ab ultima Lusitania facile ad urbem peruenire potuit . Verum ego fortasse calumnior : & illi moram , homini industrio , & agenti strenue suam rem , negotia diuturniorem , quam opinabatur , Florentiae , uel Senis iniecerunt . sic enim exilimo : reliqua fere per iocum . Simiolus , ut uideo , tibi quoque molestus est . duci enim te uides fictis uerbis : nihil cohortatione , nihil admonitione profici : quidquid dicat , inane esse . itaque molestia te affici , necesse est , uel mea causa , uel quia rei te mouet indignitas . ac uereor , ne semper eodem loco simus , nisi tu des operam , ut ei per aliquem tuorum iudicium intentetur , & a lictore publico uocatus ad iudicem , serio rem agi sentiat . Artes hominis praedixi . quo turpius est falli , & sinere eum diutius tibi uerba dare . quare , si me amas , quacumque uia potes , urge , & contende omnibus neruis : quamquam haec quidem res tuis neruis digna non uidetur : sed contende tamen mea causa , ut euomat aliquando quidquid debet . quod si acciderit , atque adeo cum acciderit : cur enim dubitem , quin diligentia tua fructum pariat ? non dicam , tibi agam gratias : non enim pateris : sed , tibi acceptum referam , ut alia multa . quae si obliuiscar , hominem me esse non putem . Vale , uale iterum , mi suauissime Marthae ; tibiq. persuade , me nulla magis in re , quam in tuis lit-

GS 3 teris,

470 PAVLLI . MANVTII
teris , in amore , in studijs , officijsq. erga me conquie-
scere . Romae . x . iix . Kal . Oct . M D LXX .

ANDREAE . ANTONINO
Ostianum. 5

NISI me ualde amares , quod multis argumentis intellexi , subirasce te mihi crederem , quod litteris tuis amantissime scriptis nihil umquam responderim . sed si , cur officio defuerim , audias : non dubito , quin omni me prorsus & inhumanitatis , & negligentiae suspicio ne liberandum putes . A quo enim tempore Roma discessisti , nullo difficultatis incommodiq. genere , nulla fere dixerim miseria negotia nostra caruerunt . ex ea sollicitudine , ac laboris assiduitate incidi in morbum , cuius primum ui deterritus , deinde etiam diuturnitate defessus , tentatis prope rebus omnibus , cum neque periculū , neque molestiae finem uiderem , cepi consilium in patriam reuertendi : extremoq. Septembri mense , dissuadentibus medicis , & amicis , aeger , in uiam me dedi . Pisaurum usque morbus ingrauescere uisus est . adspectu maris , quasi iam in oculis diu expe- tita patria esset , propinqui boni spe , animus corpori medicinam fecit . febris abiit , antequam Pisauro solu- ueremus . ita Venetias , refecti cibo , paullo firmiores appulimus . malum illud remanet , ut inueteratis mor- bis fere contingit , quod aluo sumus ita sicca , itaq. re- stricta , nullo prorsus ut cibi genere molliri , soluiq. pos- sit . quod si perpetuum esset , quid miserius ? sed , ne perperuum sit , curabimus , & cauebimus , quibus- cumque rebus poterit , his primum , quae sunt in no-
bis ipsis ,

bis ipsis, quiete corporis, hilaritate animi, ratione ui-
ctus; tum ijs etiam, quae a medicorum scientia, consi-
lioq. proficiuntur. Habes, id quod optasse te arbitror,
de statu meo: tu, si placet, uicissim aliquid de tuo. cum
enim de te, tuisq. rationibus certior fieri pro nostra ne-
cessitudine maiorem in modum cupio: tum sermone lit-
terarum tuarum purissimo, atque elegantissimo, miri-
fice delector. Vale. Venetijs.

FRANCISCO. MORANDO

Veronam.

6

QVAE me caussae, minime natura proclinem ad
noua consilia, nunc impulerint, ut negotium illud Ro-
manum, quod Pius Pontifex Max. decem abhinc annis
honorifico quingentorum scutatorum stipendio mihi
demandauerat, reiiciendum putarim, non facile est
scribere: uelim quidem existimes, eiusmodi esse, ut
aliter statuere meis rationibus alienissimum fuerit. Il-
lud certe fieri non poterat, ut cum illo mihi amplius
caelo conueniret. Quod experiri, constantiae caussa,
dum cupio, parum absuit, quin ipsius caeli adspectum,
usumq. perdiderim. Nouum igitur consilium capien-
dum necessario fuit, si modo mihi carus esse uellem, si
salutis, quam omnes antiquissimam habent, ratio-
nem ducere, si denique uitae munus, a Deo datum,
eiusque tueri, & custodire, quoad ille ipse, qui dedit,
arbitratu suo repeteret. Veni domum. hic uero me
summa quies, & domestica commoda, maximeq. fi-
delissimae, atque amantissime coniugis cura tanta,
quanta potest esse maxima, plane recreauit. Febris

Gg 4 abijt,

abijt, nec tamen ualeamus . morbi enim reliquiae super-
sunt , magis prope timendae , quam morbus ipse . qui
enim ualere possum , aut etiam quid non timeam , cum
attenuatum , exsiccatumq. corpus naturali munere
fungi sua sponte numquam possit ? quae res neque mo-
lestiae parum habet , & , si inueterauerit , periculo
non uacat . Hoc igitur malum nisi depulero , ualere
me non dicam . Studia nostra , remissa occupationibus ,
relenta tamen animo , attingere nondum audeo ; ne
stomacho , unde fluxit cruce malum , praepropera
cupiditas obsit . Sed heus , mi Morande , quando te
complectar ? quando adstricta , sermoneq. fruatur tuo ?
tu ne ad nos , an ego ad te prior ? Ego scilicet ad te .
Ire enim , cum per anni tempus licebit , ad Gauderi-
na balnea decretum est ; quae quater antea sumpsi ,
nec umquam sine fructu : nunc eo sumam diligentius ,
quod maiorem aetas , morbiq. gravitas , ac diuturni-
tas cautionem postulat . inde excurram ad te , ut te
uideam , te complectar , tecum s.m. De cydonite illa ,
exquisito artificio confecta , quae carui tot annos , in-
interrupto locorum interuallis officij tui cursu , nisi tua
sponte ad consuetudinem redieris , appellabo te quasi
meo quodam iure , sic tamen , ut ipsum ius e tua fluxis
se benignitate confitear . Vale , mi suauissime Moran-
de , nosque , ut solebas , ama . Venetijs .

CAMILLO . PALAEOTTO

Bononiam.

7

PVTASTI ne umquam fore , ut ego me Roma-
narum occupationum e vinculis eximerem ? certe fa-
ctum

Num uides . nec mihi uenit in mentem eius consilij pae-
 nitere : quin quotidie magis gratulor , quod illa reli-
 querim , haec sim adeptus ; quod ab omni cura liber
 otio fruar honestissimo ; quod ea nunc denique studia
 recalere mihi liceat , a quibus disiunctus tot annos ui-
 xi , uel potius plane non uixi . quae enim mihi potest
 esse uita sine litteris ? ualeat ambitio , & fucatus o-
 pum splendor . nihil est , quod cum suauissima librorum
 consuetudine conferri iure possit . qua mente cum es-
 sem , commisi tamen , ut aliter sensisse uidear , cum sen-
 tentiam numquam mutauerim . nam ad urbem Ro-
 mam eo quidem consilio sum profectus , domesticis ut
 rationibus consulerem ; simul tamen id spectans , ne de-
 licias meas , optimarum studia doctrinarum , prorsus
 desererem . aliter cecidit . quis me accuset inconstan-
 tiae ? uicit meam uoluntatem potestas eorum , quibus ,
 ut aequum est , non minus libenter , quam necessario ,
 parui . sed mitto praeterita . quasi enim , ea dum attin-
 go , uulneris obductam prope cicatricem renouo . Hic
 me propinqui , familiares , noti pariter atque ignoti
 redeuntem exceperunt uoluptate summa . Urbem pri-
 uatis aedificijs elegantiore , & publicis operibus ma-
 gnificentiore , quam reliqueram , inueni , praeterea ,
 quamquam ardente bello , florentem ut in summa pa-
 ce rebus omnibus , quae uel ad usum corporis , uel ad
 animi delectationem pertinent . quo dolore interdum ,
 ac paene mihi succensere cogor , qui tot bonis , tanta
 tranquillitate , tanto etiam nobilium uirorum erga me
 amore tamdiu me carere sim passus . lucri tamen id
 factum est , quod , nisi hinc discessissem , diuq. al suis-
 sem ,

sem, haec ipsa profecto, quibus nunc ex intervallo recuperatis iucundissime fruor, numquam omnino, quanti essent, intelligere potuisssem. itaque est, cur immortalali Deo gratias agam, habeamq. maximas, quod mihi, occasione grauissimi morbi, missionis a Pontifice petendae, ipsiq. Pontifici concedendae mentem attulerit. alioqui nec satis decorum putassem, nec umquam omnino commisisssem, ut ante pactam diem negotium publicum, Urbemq. relinquerem. In discessu commoda quaedam sperabantur; nec desuit intercedentium dignitas, auctoritas, gratia: ratio temporum est aduersata, Pontifice, natura liberalissimo, Turcicum bellum, & praesentis futuriq. sumptus necessitatem excusante. mirum id uideri nonnullis. ego, qui propemodum id, quod accidit, opinione iam praeceperam, non sum commotus, ipsoq. missionis impetratae munere contentus, cetera non dixerim equidem contemnens, sed certe non maximi pendens, otij cupidus nihilo laetior discessi. Nunc habeo cum uoletudine negotium. eius enim morbi, quo me scis, Romae dum essem, nec parum diu, nec leuiter laborasse, molestae admodum reliquiae sunt. sed, ut spero, sublatis iam causis, quae morbum & pepererant, &alebant, sedulitate, ac fideli meorum cura, adiuuante etiam huius caeli, quod in lucem editus primum hausi, benignitate, breui omnino conualescam. Tu interea fac ne officium desiderem litterarum tuarum. Vale. Venerijs.

EIDEM,

E I D E M , Bononiam .

8

*N*A E ego istam uillulam uehementer amo , quae te sessum urbanis curis leuat , reficitq. secessu , & otio iucundissimo : ubi te colligis , animumq. transfers ad contemplationem pulcherrimarum rerum : quid agas , quid cures , lex nulla praescribit : scribis , aut legis , arbitrati tuo : modo aprica deambulatione , modo prospectu collium , quandoque aperto puroq. caelo gaudes . nimirum hoc est uiuere ; & ista solitudine , isto uitae genere , nihil beatius . cur ego tam longe absum , cur negotijs impediatur ijs , a quibus quo magis ut disiungar , diuellarque , operam do , eo me distringunt , retinentq. magis . mihi crede , si rerum domesticarum soluta ratio esset , aduolare ad te statim , in ipsam inquam uillulam recta me conferrem , ut tua consuetudine , tuis sermonibus , tuo conuiuiu fruere : te denique discedente , custos remanerem , pomarij praefectus , uillicus plane tuus . quod si accideret , ut istic exulare perpetuo cogerer , modo te interdum socio , modo cum libellis , praeclare mecum actum putarem , multam salutem urbibus , multam honoribus , in quibus ceteri insaniunt , libenter dicerem . quid enim expectem amplius ? didici iam , & magna mercede sum expertus , quam inania sint illa , quae , communi deceptus errore , praeclara duxeram . magnae urbes magnas occupationes , ne dicam miseriae , habent . si quem delectat ambitio : si quis augendae rei familiaris cura tangitur : si sententiam in curia dicere , aut a multis in foro salutari , inter summa ponit : urbem amet : me quidem

dem posthac aemulum, riualemq. non habebit umquam. aetas nostra, mi Camille, ad otium uergit. uides, quam fluxa sint omnia: quam facile hunc & illum, florentes opibus, florentes aetate, repentina mors auferat: ut hoc ipsum, quod spatij nobis relinquitur, totum in lucro deputandum esse uideatur. ac fieri quidem potest, ut diu uiuamus: sed, obsecro, quid erit, cur nos diu uixisse laetemur, inter domesticas curas, inter hominum fraudes, infidelitates, insidias, addo etiam publicas calamitates, quibus anguntur boni uiri, quales nos & esse, & haberi uolumus? Amplectamur igitur studia nostra: remota ab arbitris loca, amoena, salubria, quaeramus: uulgi stultitias, ineptiasq. uitemus: animos excolamus, ut eas fruges ferant, quas nec caeli calamitas corrumpat, nec malus uicinus furto subtrahat, nec belli saeuientis impetus deuastet. In hac sententia te esse, & idem probari utrique nostrum, litterae tuae, non minus eleganter, quam prudenter, scriptae significant. Sed impedita, propter domesticas difficultates, mea ratio est: tua longe faciliior, & expeditior. nihil enim obstat, quo minus id, quod uis, exsequi, & praestare possis: ego uoluntate, & cogitatione pascor: ab ipsa re quam longe absim, intelligo. Nec tamen parum profeci, quod ab urbe Roma discessi. ibi enim ne spes quidem erat otij: hic saepe uaco: nec tempus perire sino: sed, quod otij perpetuitate careo, identidem interpellantibus aut hominibus, aut negotijs; & quod angusta nimis utor domestica re; ideo fit, ut conari, & inslituere multa possim, absolueri & perficere, praesertim quod exspecta-

speculationi respondeat, nihil fere possim. Habenda est etiam ratio ualitudinis: quam uereor, ne in longum tempus afflixerit Romanum caelum, dicam, an negotium? an utrumque potius: quod ita esse reor. Sed, si ualebo, si rem familiarem ita constitutam, ut absentis animum nihil pungat: imitabor, quantum in me erit, consuetudinem tuam, expertemq. culpae uoluptatem quaeram. & quod te quoque scieturum esse, uel potius iam facere coepisse uideo, in litteris, in colenda pietate, in summi Dei, summiq. boni amore, & cupiditate conquiescam. Vale. Venetijs. Idib. Dec. M D LXX.

E I D E M, Bononiam

9

N I H I L gratius oleis, uel earum magnitudine, uel condimenti suauitate, uel ipso amore tuo, qui te, ut mitteres, admonuit. Hispanis honorem tribuunt nobilium mensae, quia magnitudine ceteris antecellunt; mihi nescio quo modo subinsulsae uidentur. tuae nec magnitudinem desiderant, & carnis habent multum, & praestanti sapore commendantur. quare non οἷχεται, sed praeclare collocatur industria tua in oleario colendo. in quo multa consequeris. tibi, post urbanas curas, uoluptatem quaeris: domesticam rem iuuas: quamquam te quidem hoc arbitror in minimis ponere: amicos muneribus afficis: in quibus me non postremum locum obtinere, ita laetor, ut hac una saepe cogitatione in magnis molestijs non mediocre solatium inuenerim. Fruere, mi Camille, ista uoluptate, qua nihil honestius; isto industriae genere, quo nec liberalius,

beralius, nec nobilius quidquam esse potest. Scis enim, quid de sapientissimis uiris prodictum memoriae sit: agrestem eos uitam, expertem deliciarum, ab omni luxu, atque ab illa bonorum morum corruptrice copia remotam, uictu cultuq. simplici contentam, urbanae praetulisse; agro bene culto, & ipsa largo sinu suas opes effundente natura, nihil uidisse libentius. Quid magni Reges? non ne sua manu satas pulcherri-
mas arbores, apto ad speciem ordine, iucundaq. descriptione dispositas, exterarum nationum legatis gloriae causa ostentabant? Hoc qui student imitari, quis eos iure reprehendat? Utinam fundus meus aut abesset propius, aut ea saltem regione esset, ubi caeli grauitas minime timenda uideretur. mihi crede, olearia ego quoque instituerem, rusticis me oblectarem operibus, ualitudini simul animoq. consulerem. quod aliqua tamen ut ratione consequar, quocumque loco, quacumque regione operam dabo. Nam hic diu commorandi spem auferunt multa, sed maxime frigoris iniuria, & uinorum austeritas: quae, tenui corpore, imbecillo stomacho, ferre uix possum, uel plane nullo modo possum. itaque de migratione cogitandum. Vale. Venerijs. Kal. Ian. M D LXX.

FRANCISCO. CICEREIO

Mediolanum.

10

QVAM mereor, optime ac doctissime Cicerei, quia serius epistolae tuae respondeo, ne quid suspicere de me durius: quod certe non debes. quo enim tempore mihi Romae reddita est, graui morbo laborabam: neque conualui,

conualui, nisi post multos menses, nec in Vrbe, sed in patriam reuersus. nam ualeitudini meae caelum illud, quo usus eram antea perbenigno, aduersari, & obesse ita coeperat, diutius ut ferre non possem. itaque fuit omnino, ut uitae consulerem, ab urbe discedendum. in quo summi Pontificis clementiam, & facilitatem laudabo numquam satis: qui, de languore meo certior factus, cum adhuc muneris mei susceptaeq. prouinciae menses non pauci superessent, abeundi tamen potestatem petenti aequissimo animo concessit. quam quidem eius benignitatem tanti aestimo, quanti suam quisque uitam & incolumitatem aestimare debet. uiuere enim diu me posse, aut recte saltem & firmiter umquam ualere, si permanerem ubi coeperam aegrotare, febri praesertim adhuc urgente quotidiana, plane desperabam. Haec si tu nosti; non dubito, quin purgatus tibi satis superq. sim. id enim aequitas, & earum artium, quas magna cum laude profiteris, humanitas postulat. Sin autem de statu meo nihil accepisti: mirari te fortasse non nihil decuit: male tamen de me, quasi officium negligerem, aut inhumanitatis uitio laborarem, quem scires ab homine omnium officiosissimo, atque humanissimo, Octauiano Ferrario, diligere, existimare non oportuit. inter diuersa enim studia, dissimiles ue mores, amicitia non oritur; aut, si oritur, non diu certe conseruatur. similem sibi quisque ad amandum deligit: in quo errare se non putat: sed, si errat, iudicium iudicio meliore corrigit, dissuta, non discissa, ut a sapientibus praecipitur, amicitia. At mihi cum Ferrario triginta iam annos, eoq. amplius, artissima in-

tercedit

tercedit necessitudo. quo primum die mihi cognitus est, ingenium, & futurae doctrinae principia perspexi; postea mores in consuetudine probavi: inde ortus est utrimque amor: qui ne umquam deficeret, alereturq. potius, & ad summum perduceretur, ille suae uirtutis, ego meae meritis in illum obseruantiae, praestitimus. Hoc argumento, tu uide quid tibi sentiendum de me putes: ego, cum Ferrario, tali uiro, cuius non minus uita, quam scientia, bonis omnibus, recteq. intelligentibus probatur, placere me uideo, ipse mihi displicere non possum. Nam quod una cum eo Bartholomeum Capram, Hannibalemq. Cruceium in caelum fers: plane tecum sentio, uel tu mecum potius. multi enim sunt anni, cum, & hominum proborum, atque eruditorum celebri sermone commotus, & Ferrarij testimonio, quo quid grauius? impulsus, utrumque copii diligere. Capram, iam tum audiebam, praeter ius ciuile, dignamq. nobili uiro multarum litterarum scientiam, insigni quadam erga bonos omnes, praesertim liberalium disciplinarum amore flagrantem, liberalitate excellere. quae laus eo pluris in priuato ciue debet aestimari, quo minus hodie in ijs, qui beati propter opes putantur, idest in principibus ipsis agnoscitur. Cruceij humanitatem expertus saepe sum in rebus meis: doctrinam e scriptis eius non uulgarem, praestantem eloquentiam duxi. Quis igitur dubitet, (nam te quidem uix arbitror) quin αἰῶνι x illud apud me ualeat, quod tu lepide, uereq. induxisti: si tibi cum ijs uiris, quos ego uehementer amo, uehementerq. colo, optime conuenit, sequi omnino, ut mihi quoque tecum

tecum optime conueniat. sed, mihi crede, his argu-
 mentis iam non eget uirtus tua: quam probauit, largi-
 ta tibi sua iura, ciuitas omnium nobilissima: proba-
 uit, mandato tibi publice docendi munere, senatus il-
 le, cuius ad sapientiam & iustitiam, quasi ad sacram
 anchoram, rebus aduersis, aut dubijs, omnes confu-
 giunt: probarunt denique suo testimonio, suaq. com-
 mendatione, tres illi uiri omni prorsus laude cumula-
 ti. Quaecum spectro mecumq. cogito, munus hoc amo-
 ris tui delatum ad me per litteras, & eas litteras, qui-
 bus ut nihil humanius, ita nihil possit esse ornatius,
 quantum sit, intelligo. in quo tuendo, augendoq. re-
 bus ijs, quae significationem habere poterunt uolun-
 tatis meae cum tua laude coniuncta, partes meae non
 desiderabuntur. tu uelim existimes, quod tibi nunc li-
 benter promitto, multo facturum esse me opportuno tē-
 pore libentius. id si credis: & si utendum tibi statues
 in omni tua re studijs, officijs. facultatibusq. meis, &
 eo quidem animo, tamquam ea tibi non recentis, aut
 dubiae. sed ueterrimae, & multorum annorum usu cō-
 firmatae beneuolentiae iure debeantur: erit hoc alte-
 rum humanitatis tuae non uulgare munus: quo me tibi
 deuinctum perpetuo fore polliceor. Vale. Ex opido
 Plebe Sacci. VII. Id. Nou. M D LXX.

OCTAVIANO. FERRARIO

Mediolanum.

II

MI Ferrari, si me tantum amas, quantum profe-
 cto amas: gratulari te mihi aequum est, quod exopta-
 tae diu patriae compos denique factus post annos de-
 Hb cem,

cem, tenui fortuna contentus ita uiuo, ut regum opes honoresq. contemnam. carebam otio, studijs, rebus multis ad meam naturam aptis: quae mihi nunc omnia Dei benignitas restituit: ijsq. fruor eo suauius, quo fit usus desiderij diuturnitate iucundior. Si quid praeterea non tam de meo, quam de meorum statu scire uis: ut fere, qui amant, curiosi sunt omnes: haec accipe. uxor, & filius in urbe, commoda uterque ualitudine, illa rem domesticam, hic officinam, emendandorumq. librorum curam administrat egregie. mihi, taedio diutinae commorationis urbanae, rusticari uehementer placet. quo primum afflictae diuturno morbo ualitudini consulimus; & imbecillo corpori uires addimus: deinde, quasi quibusdam exsolutis uinculis, libere uagatur, & uoluptate pascitur animus honestissima. nullis hic angimur curis, nullis implicamur negotijs: licet id, quod antea numquam licuit, prorsus nihil agere, si uolumus: &, quod licet, saepe uolumus. nam uehi curru, opida inuisere propinqua, amicorum uillulas obire, conuiuari etiam interdum, suauissimisq. epulas condire sermonibus, hoc ipsum uoco nihil agere. quamquam, qui, ualitudine parum firma, operam dat, ut suauiter, iucunde, & honeste simul uiuat, is profecto nihil agere mihi non uidetur. Sed in hoc tamen uitae genere libros, communes delicias nostras, abiecissem penitus, nolim existimes. nobiscum ubique sunt, comites numquam molesti, loquentes, silentes, cum uolumus, quoad uolumus. &, quamquam ueteris morbi reliquiae quaedam supersunt, & uires adhuc languent: quiddam tamen aggredi sum ausus; quod si,
ut

ut spero, absoluiam; & si, ut principia dare se uidentur, ita procedet industria, uel a te probabitur; (a te cum dico, qui subtiliter, & sincere iudicant, simul omnes intelligo. tu enim is es, quem nec opinio fallat, nec uoluntas a ueritate detorqueat) uel, quin me putes omnis expertem ingenij, nec de mea, nec de cuiusquam omnino facultate statuere, & existimare quidquam posse, non recuso. Locus ipse me, uacuis interpellatoribus, & haec uiuendi arbitratu meo, rerum omnium dulcissima, optata antea potius, quam sperata libertas inuitauit, ut ordirem id, quod, nisi fidem hic statuo, aut certe, nisi in hoc secessu, & in hac pae ne solitudine (nam si cum urbe conferatur, quamquam celebre satis opidum, solitudo tamen quaedam uideri possit) maiorem anni partem consumpsero, uereor, ne sero admodum, fortasse etiam pertexere numquam liceat, opus est nec temporis, nec laboris exigui. tempus hic, ut uideo, deesse non potest: laborem communis utilitatis gratia numquam adducar ut fugiam: interim tamen, superiore periculo admonitus, operae curaeque plus in ualeitudinem, quam in studia, conferam. Vale. Ex opido Plebe Sacchi. VI. Id. Non.

M D LXX.

Hb 2

HEN-

HENRICO ET CAMILLO

CAETANIS, FRATRIBVS

Bonifacij Principis filijs,

Romam.

12

LAETARI uos arbitror, nobilissimi adolescentes, pro uestra erga me beneuolentia, meo in patriam reditu, minime dubitantes, quin tranquille uiuam, uacem ijs molestijs, quibus in urbe Roma cavere uix poteram. fruam ijs studijs, cum quibus uoluptatem nullam consero. nam de fructu, quem posteritas capere possit ex industria mea, nihil dico. conatus equidem a puero sum, idq. mihi propositum in omni uita fuit, ut omnibus meo labore prodessem: utrum autem, quod sequebar, assequi licuerit, ad meum iudicium non reuoco: uiderint ij, qui nostra legent. ego mihi temere nihil arrogo, nec assentor libenter, aut ita gloriola ducor, ut falsae opinionis errore, quod uideo multis contingere, oblectari me sinam. quod si nihil alijs prodesse possum: bene tamen mereor de me ipso, dum ea lego, quibus curae sedantur, dissipatusq. perturbationibus animus colligitur, & ab admiratione rerum inanum ad uere solidaeq. felicitatis cupiditatem traducitur. hoc hono Romae carebam, quia carebam litteris, & otio, molestissimis implicatus occupationibus, quarum ipsa nunc recordatione commoneor. itaque, cum opus esset credere nonnullos audio, eo me consilio ab urbe discessisse, ut, recuperata ualerudine, redirem; ita statuo,

statuo, uel eos ignorare, quam infelicitate mecum actum sit, quam diu Romae uixi, uel in illo quingentorum scutorum stipendio tantum ponere, ut easdem subire molestias cum eodem expediat euolumento. qui si naturam moresque meos tenerent; profecto longe aliter sentirent. non enim aut stipendium illud, aut ulla me lucri cupiditas Romam perduxit: quamquam haec priuatae sortis homo non contempsit: sed spe sum altius prope certa, uitae cum dignitate traducendae, fruendi nonnumquam studiis meis, amicorum consuetudine, uoluptatibus etiam homine ingenuo, & liberallyt educato non indignis. quam contra ceciderit, uos optime nostis. nunc, uel si stipendio uocarer multo maiore, sic insanirem, ut meam quietem, diuino mihi munere post annos decem restitutam, mea studia, ipsam denique ualitudinem ullo pretio uenderem? tum uero, si eadem illa contingerent, iure plecterer: nemo excusatione aut uenia dignum duceret: nemo querentem audiret: nemo opem ferret imploranti: ad auaritiae culpam, & immodicam habendi libidinem conuerteretur omnia. Praestat igitur sapere, id est, quam alij fortunam admirantur, eam contemnere, paucis acquiescere, & iisdem contentum esse, quibus ipsa contenta natura est: quae, dum uitae arceantur incommoda, & alimenta suppetant necessaria, praeterea nihil desiderat. Iam aetas, & ualetudo, haec admodum infirma, illa quotidie magis ingrauescens, admonent me, cupiditate ne prouehar longius; uela cito contraham, & impendentes futurae uitae procellas extimescam. itaque facio non inuitus, ut, cum huius peregrinationis exi-

tus haud longe distet, non tam de uia, quae minima restat, quam de exitu ipso, qui principium afferet aeternae uitae, cogitem, atque elaborem. Haec ideo collegi, ne quando uos, aut aliquis potius uestri dissimilis, (nam id quidem a prudentia uestra expectandum non uidetur) displicere mihi consilium meum suspicari posset, quod in patriam uenerim. quod utinam biennio maturius fecissem. non incidissem in eum morbum, quo ualeitudinem in perpetuum fere perdidici: rationes hic domesticae minus iacturae fecissent: studia fortasse mea fructum studiosis aliquem tulissent. Vna tamen ex hoc naufragio tabula me delectat, quod opinione fruor amoris in me uestri; quod ex disciplina, praeceptisq. meis maximum uos in ea uia, quae ad eloquentiam ducit, fecisse progressum intelligo; quod, perspecta denique indole, uoluntate, industria uestra, augurari facile possum de futura gloria: nec locum iam habet adhortatio: curritis enim uestra sponte, quo patrum Cardinalis dignitas, & uirtus, quo parentis integritas, & sapientia, quo auita decora, & maiorum nomen immortale uocat. Valete. Venetijs. IX. Kal. Dec. M D LXX.

I O . C A S E L I O

ad arcem Sucriniam.

13

VRBEM Romam ante duos menses, difficili diuturnoq. coactus morbo, reliqui. melius omnino mihi nunc est: necdum tamen ita ualeo, ut intermissa officia repetere audeam. libros parce attingo, amicorum litteris,
nisi

nisi graue sit argumentum, aut breuiter admodum, aut prorsus nihil respondeo: negotia reliqua, ut ualere ipse possim, ualere iussi. ea re nec scripsi ad te antea; & in posterū, ne quid oneris mihi imponas, quod infirma ferre ualetudo nequeat, a te peto. Familiares tuos, nobiles adolescentes, Ioachimum Bassenitium, & Nicolaum Rascium, uerbis perhumaniter accepi: re non iuuo; quia nec ipsi rogant; & mihi, quid eorum causa praestare possim, ipsis non rogantibus, in mentem non uenit. modesti sunt omnes, & morum elegantia praediti. ingenio, & litteris, cum a te diligentur, tuaque consuetudine sint usi, non dubito, quin pro aetate excellent. ac sapienter quidem eos facere iudico, quod apud nos aliquandiu sibi uiuendum statuunt. praeclaram enim indolem, materiemque uirtutis haud mediocriter caelum Italicum adiunabit. quodeo magis laetor, quia redundabit ad te aliquid ex eorum summa laude; cum uel alumni fuerint disciplinae tuae; uel tuis hortatibus, consilijsque in Italiam, quasi ad mercatum bonarum artium, se contulerint. mihi autem, caue putet, gratius quidquam esse posse, aut curari a melibentius, quam quod ad existimationem pertinere tuam intelligam. id adeo cum praestanti doctrinae tuae, studiisque ad communem utilitatem spectantibus, tum summae erga me, perspectae iam satis atque cognitae, beneuolentiae debere mihi uideor. Vale. Venetijs. XIIIX. Kal. Ian. M D L X X.

HORATIO. CARDANETO

Perusium.

14

GRATVLO *tibi, mi Cardanete, nec sane magis ex animo gratulari possum, quod nobilissimorum adolescentum, Henrici, & Camilli Caetanorum, fratrum, auctus amicitia sis. melior omnino reperiri ratio nulla poterat, qua ferrem aequius eorum me consuetudine carere, quam quod utantur tua. te enim uel studiorum similitudine, uel animorum coniunctione, uel mutuis etiam officijs quasi me alterum esse puto. qua modestia sint, qua gravitate, qua prudentia, quam a communibus ingenijs differant, quam a deprauatis huius saeculi moribus abhorreant; quia breui admodum ipse intelliges, nihil dicam. auguratus quidem antea sum, si diuturna utrique uita contigerit: quod in tanta bonitate, tam propensis ad ueram laudem studijs, ab immortali Deo sperandum uidetur: nullam esse gloriam tantam, quam non facile consequantur: nullos honores, qui non eorum uirtutibus ultro deferantur. Te rogo, pro eo quanti me facis, cūferas in eos quidquid poteris officij, studij, obseruantiae; quodq. facere cum omnibus qui te norunt, solitus es, id tibi cum ipsis praecipue faciendum putes, ut ijs pateant opes ingenij, eloquentiae, doctrinae tuae. De meo statu, quidquid possum scribere, ut uideo, cognitum iam habes. in eo tamen erras, uel potius errare te coegit aliorum sermo, quod me bene nummatum in patriam rediisse putas. decem enim annorum laboribus uix tria scutorum millia, id est*
quan-

quantum ad filiam collocandam requiratur, colligere potuimus. ita mihi nullae pecuniae, nullum uectigal, praeter ueterem frugalitatem, quo uectigal nullum est uberius, animum paucis contentum, relinquitur. quare gratulari te mihi uelim, non quod abundem, quod falsum est, sed quod tranquilla mente uiuam, quod in studijs quantum uoletudinis ratio permittit, quod cū meis, quod denique nullis implicatus negotijs, sed in summo otio, summa quiete, summa libertate, quae sunt omnibus diuitijs, recte intelligentium iudicio, anteponenda. Vale, & Illustrissimis Caetanis salutem dicas a me plurimam. Venetijs. XVII. Kal. Ian. MDLXX.

ANTONIO. ROLANDO

Patauium.

15

ADHVC languebam ex uetere morbo: & filio non leuiter aegrotante, eram sane perturbatior: committere tamen nolui, ut epistolae tuae insigni praesertim Homerica magniloquentia, & beneuolentiae notis erga me tuae, nihil omnino responderem. Quod petis, ut orationem tuam corrigā: primum id quidem necesse non est; cum scriptor sis luculentus, iudicioq. excellas: deinde uero tantum ab re mea mihi otij non est, aliena ut possim legere. aut enim non uaco: aut, si quid temporis conceditur, ad ea, quae inchoata, rudiaq. iam pridem habeo, absoluenta, & perpolienda totum consero. quare a te peto, ut habeas rationem & uoletudinis, & occupationis meae. Ego, postea quam in patriam reuerti, negotiorum magnitudine defatigatus, aetate etiam admonitus, & Venusini Poetae uersu, Solue senescentem me
ture

ture sanus equum, mihi & Musis dumtaxat uiuere cō
stitui. nullas suscipio curas, nisi quas rerum domestica
rum necessitas imponit. nouas amicitias non expeto:
ueteribus colendis operam non do: cum uxore, liberisq.
suauissimam uitam duco. hic enim dies, ut ille ait, alios
mores, aliam uitam postulat. amicorum copia quid
praeter molestiam habeat, non uideo. si quis aliter
sentit, arbitratu ipse suo uiuat: ego malo mihi sapere,
quam alijs. De uxore a te ducta, de susceptis liberis,
ualde tibi gratulor. nam, et si onus alendae familiae,
durissimis temporibus, magna rerū omnium caritate,
perquam graue esse non ignoro: te tamen, uirum bonū,
peritum optimarum artium, tua uirtus ex omnibus in
commodis, ac difficultatibus eripiet: aderitq. Deus, cu
ius eximia benignitas praeclaris conatibus & optimis
studijs deesse numquam solet. Vale. Venetijs. x. Kal.
Ian. M D L X X.

EPI.

L. X
EPISTOLARVM
PAVLLI. MANVTII

LIBER. VNDECIMVS

ILLVSTRISS. ET. EXCELLENTISS.

I V V E N I,

IACOBO . BONCOMPAGNO

N O T A *sententia est, a sapientissimo uiro
litterarum prodita monumentis, muta-
tione temporum, euentu uario, per om-
nes aetates comprobata, cum Principum
moribus, atque institutis, priuatorum hominum sen-
sus, & studia congruere. est enim ita more compara-
tum, ut in eorum, qui imperant, uitam ij, qui pa-
rent, ueluti in speculum intuentes, dicta simul & fa-
cta diligenter animaduertant. inde oritur cupiditas
imitandi: inde fit, ut aut uirtutes emanent, aut uitia
deriuentur. itaque, GREGORIO XIII. cui tu sanguine
coniunctissimus, uirtute carissimus es, in illa proxi-
ma caelo sede, incredibili Cardinalium omnium con-
sensu, in quo perspicua diuini numinis uoluntas appa-
ruit, collocato, speciem quandam & imaginem re-
rum omnium laudandarum quasi post tenebras exor-
ta luce uidimus. & cum ad urbem quotidie tot morta-
les, praesertim qui nobili aliqua arte excellant, suae
quisque spei fauens, tam cupide confluant, nemo du-
bitat, quin, cum ille antea semper ita nixerit, ut in-
genuarum*

genuarum disciplinarum studia rebus omnibus praeferret , rectum & honestum sic amaret , ut nihil ambitioni , nihil gratiae tribueret , ad aequitatem & religionem omnia referret , eadem ei nunc prima sint , eadem studia colentes amplectatur , ornent honoribus , opibus augeat , maxima potestate cum optima mente coniuncta . Ille pacem , & concordiam Christianorum Principum tuebitur : ille praeclaram in perdendo communi hoste conspirationem fouebit : illi publica salus , Sedis Apostolicae dignitas , summi Dei gloria , a qua numquam oculos deflexit , erit antiquissima . In iustitia uero , cuius omnes partes nouit , plerasque cum laude exercuit , prorsus eum nihil faller : non ex aliena pendeat opinione : non alienis consilijs auferetur : quae saepe labes , graui ciuitatum damno , bonos etiam Principes infecit : ipse disceptator , & iudex res publicas & priuatas pro sua sapientia , suoque sensu moderabitur , ac reget . Quid artes illae nostrae , quibus ad humanitatem informamur , quae fessos curis animos leuant , nec tamen utilitatem a uoluptate seiungunt , non eae nunc , nimium diu cum oblanguerint , spe quadam recreatae , oculos tollere uidentur ? cumque nouo Principe , ad liberales omnes artes maxime propenso , uehementer laetentur , tum uero in te , IACOBE Illustrissime , spem suam in primis locatam habent , a te opem expectant , tibi se suamque dignitatem , fatali quadam temporum calamitate ademptam , supplices commendant . non negabis , opinor , bene de te merentibus patrocinium tuum , & ad cetera , quae in te elucet , ornamenta , cum ingenij , atque doctrinae ,

doctrinae, tum uero eius modestiae, qua te tam secundis rebus admirabilem praebuisti, addes hoc, quo nullum illustrius esse potest, ut litterarum causam suscipias, reliqua tamquam inania contemnas: quamque tibi antea laudem apud multos, uersatus in celeberrimis Italiae gymnasiis, non obscura uoluntatis egregiae significatione peperisti, eius augendae cum facultas hoc tempore diuinitus tributa maxima sit, non committes, ut ipse tibi aliquando, & gloriae tuae defrui se uidearis. Quae si cogitas, summa sapientia est; si perficis, summa felicitas. nam ipsum, uelle, quis in laude ponat, nisi, quod uelis, res ipsa declaret? felicem porro non ego quemquam duxerim, qui sibi licere putat, quidquid libet; sed qui, cum in magna potestate sit, licere tamen sibi nihil uult, nisi quod ueritas, & ratio ipsa praescribat. sensus autem hic multitudinis est, ut, abundare quamplurimis rebus, optabile in primis existimet. recte uero uti, neque optant multi, & soli sapientes norunt. Ac mihi quidem, cum ad tuam superiorem uitam animum refero, haec ipsa, quae laudo, quae tuum nomen immortalitati commendare possunt, eadem te sentire, eadem cogitare, & uelle, tuaque sponte satis ad uerum decus inflammatum esse, minime dubitandum uidetur: eoque breuius ad te scribo, ne superuacanea legas, distentus magnarum rerum curis: scribendum tamen aliquid hoc tempore sum arbitratus, ut, cum omnes tecum gratulationis officio fungantur, omnes tibi nauare operam & studium uelint, ego quoque meam in te singularem obseruantiam, priuatim nihil spectans, tuae studio laudis incensus,

census, & nobilium disciplinarum amore flagrans, officio testat. in aliquo relinquerem . Vale. x. Kal. Quint. MDLXXII.

CAMILLO . PALAEOTTO

Bononiam.

2

PRAECLARA sane amicitiae lex de similitudine animorum in utraque fortuna: quae si seruaretur, nihil esset humana uita iucundius. sed, quod tu sentis, & quod ego tecum, siue munus hoc naturae fuerit, siue earum artium, quibus ab ineunte aetate operam dedimus, in eo, quam pauci sint, qui nos imitentur, tu profecto pro tua prudentia animaduertis, ego pro mea tenuitate saepe sum expertus. equidem nulla re magis laetor, quam opinione amoris in me tui: cui nisi ex omni parte responderem, hominem me non putarem. amo autem te non ob illa, quae tibi possunt esse communia cum multis, quod unus ex amplissimo XL. uirum collegio sis; quod propinquitatibus, clientelis, opibusq. ualeas; denique, quod fratrem habeas Cardinalem, & eum Cardinalem, quem non dignitas magis, quam uirtus illustrat: sed ob ea, quae tua propria sunt; quod ab adolescentia ita uixisti, ut senilem in te prudentiam nemo requireret; quod, ortus clarissima gente, maiorem tamen ex te ipso nobilitatem quaeris; quod ad omnem uirtutem, libero uiro dignam, praecipue uero ad liberalitatem propensus, excipis, & complecteris omni officiorum genere, quicumque se studiorum gratia Bononiam conferunt: & quo quisque magis uirtute, industria, probitate uidetur ex-

tur excellere, eo maior ac praestantior in eum tua be-
 nignitas elucet. ita fit, ut ad liberalium disciplinarum
 studia plurimos quidem inueterata iam Bononiensis
 gymnasij gloria ex uniuerso terrarum orbe, multos ta-
 men tui quoque nominis fama pelliciat. Haec ego cum
 alijs potius, quam tecum: nunc erupit amoris uis, quae
 me, nihil minus ab initio cogitantem, prope inuitum
 ea scribere coegit, quae tu cum libenter agas, non li-
 benter tamen audis. occasionem autem non ostenden-
 dae solum beneuolentiae meae, sed iudicij quoque de-
 clarandi non leuem sane tu dedisti, cum in maximis oc-
 cupationibus, in summa nouae affinitatis laetitia non
 modo de me absente cogitasti, quo contentus esse de-
 bui, sed effudisti in me suauissimis litteris partem lae-
 titiae tuae, affecistiq. me uoluptate tanta, quantam
 animus meus capere potest maximam. Ac de isto qui-
 dem officio tibi nunc, ut debeo, gratias ago, habere
 numquam desinam: de ipsa uero re, quam significas,
 ita gratulor, ut, quae mentis exprimere meae sensum
 queant, uerba prorsus nulla suppetant: ista enim affi-
 nitate, ad utram familiam oculos conuerto, omnia ui-
 deo plena dignitatis, plena sapientiae, plena uirtutis.
 cum uero utriusque decora copulantur; tale quiddam
 exsistit, quod cum intueor, haud facile, quid conferre
 possim, reperio. Quare debes expectare omnia incun-
 dissima. soboles exorietur, approbante immortali Deo,
 digna parentibus, auis, maioribus, unde mirabiles
 Christiana Resp. & in primis ipsa patria fructus ca-
 piat. Quod ut ita sit, pro meo ergo te singulari studio
 non minus opto, quam si ad me ipsum, liberosq. meos
 eadem

*eadem illa pertinerent . Tu me uelim ames mutuo , Si-
goniumq. meum , & Amasaeum salutes . Vale . Ego ,
quamquam caelum mutauerim , nondum tamen satis
recte ualeo . Ex Plebe Sacchi . XVI . Kal . Maij . M D LXXI .*

E I D E M , Bononiam .

3

VALDE accidit non sane contra uoluntatem , sed
certe praeter opinionem meam , ut Mediolani consiste-
rem . sic sunt humana . consilia nostra plerumque ra-
tio , casus interdum , & fortuna moderatur . Ego Ge-
nuam ea potissimum causa petebam , ut uillulis pul-
cherrimis , iucundo placidi maris adspecu , & , quod
in primis ualetudo mea requirit , uerno caelo hieme
summa fruerer . nam Venetijs hieme superiore , cum &
cubiculo clauderer angusto , & camino assidue uterer
luculento , parum tamen absuit , quin me uis frigoris
absumpserit . Scis , quae mea tenuitas , quae sit imbe-
cillitas . nec aetatem , ut arbitror , ignoras . quotidie
labuntur uires , & eo magis , quod ea , quae mihi ab
adolescentia rerum omnium antiquissima fuerunt , &
a quibus ne nunc quidem , aetate ingrauescenti , diuel-
li possum , studia calorem illum , quo alimur , exhau-
riunt . Haec de frigore : audi nunc , quae supersunt in-
commoda . Exercitationibus dum uitor , confirmari me
sentio : at ys uti Venetijs , praesertim sub dio , uel ob
angustias uiarum , uel ob infinitam prope ciuium , pe-
regrinorumq. frequentiam non licet . huc illuc impelli-
mur : saepius alieno motu , quam nostro , mouemur :
uix ut interdum , ac ne uix quidem , si lubrica uia est ,
consistendi facultas detur . De uinis quid loquar ? diu-
turna

turna me consuetudo Romanis, omnium facile primis, assuefecerat. similia non querebam, sed quae prorsus dissimilia non essent: periit omnis industria. Carnis mira paenuria: vitulinam quidem, quae differat a bubula, reperire, felicitatis est. Excellunt uiri nobiles benignitate, uirtute, sapientia: neque ego eorum amicitia, & consuetudine exclusus umquam sum, appetitus etiam a multis: quod in ijs rebus numero, quarum memoria non mediocriter oblector: sed nescio quo modo sit, aetatis fortasse uitio, ut quaedam res, quibus olim pascebar, quotidie magis ex animo dilabantur. mihi uni, mi Camille, iam cupio uiuere, dum uiuo, sic tamen, ut, me ceteris etiam uixisse, aliquando intelligatur. Habes, cur Venetijs non sim: quo spectem, & ubi esse uelim, ac reliquae uitae domicilium collocare, sane nondum constat. amoenitatem, & salubritatem sequor. utraque Genuae est, utraque, ut audio, Regij, quo peramanter inuitor: & suburbanum mihi suum, magnifice exstructum, eleganter ornatum, uir primarius, integritate, doctrinaq. excellens, Horatius Malagutius, summi Pontificis cubicularius, semel & iterum detulit. mihi tamen ocellus Italiae, Benaensis ora, Asulano meo, unde multa suppetent, satis propinqua, uehementer aridet. eo me conuertit animus: eo referunt pedes: ibi denique cum rusticis malim, rustico paene more, quam alibi cum perurbanis, in magna non modo lautitia, uerum etiam copia, uitam agere. Interea sum in hac urbe, &, ut uideo, diutius ero, quam putabam: non tam quia propter anni tempus discedere nix iam licet; cum & imbres a

Ii fidui

fidui uias corruperint ; & ego is sum , qui uel leuissimis frangar incommodis ; quam quia duorum uiro-
rum , omni laude ac uirtute circumfluentium , Bartho-
lomaei Caprae , hospitis mei , & Octauiani Ferrarij ,
ueterissima mihi necessitudine coniunctissimi , singula-
ri doctrina , humanitate , beneuolentia perfruar . otij
quidem habeo , quod tu fortasse uix credas , in urbe
amplissima , omniumq . celeberrima , non minus , quam
optabam , plus profecto , quam sperare ausus essem .
itaque studia calent . quod cum dico , simul illud dico ,
Mediolani me perlibenter esse . nam cum studijs , & lit-
teris nullum uitae genus , nesi Croesi quidem addan-
tur diuitiae , permutauerim . De ualitudine si quaeris :
ea sum , qua soleo , idest non admodum firma : me ta-
men cum domestica quiete , tum definita quadam ui-
ctus ratione , aliqua etiam animi tranquillitate , tueor
atque sustento . Vale . Mediolani . Kalendis Nou.
M D LXXI .

E I D E M , Bononiam .

4

OLEAS Mediolanum usque ? mirus amor , &
singularis humanitas . Sed uide , quid acciderit . uenit
in mentem Simonettae tuo , ut est homo perelegantis
ingenij , munus tuum cum suo munere coniungere , &
subamari saporis oleas , quo ipso gratae sunt , alio ta-
men sapore gratiores efficere . itaque misit ad me scite
admodum condita cotonea ; & qui attulit , cum mihi
tuo nomine salutem dixisset , addidit illud , quod Simo-
netta lepide coniecerat , de olearum sapore temperan-
do . Est igitur cur utrique uestrum pares agam gratias :
nisi si

nisi si paullo fortasse maiores tibi debentur, cuius occasione liberalitatis alia uidetur exorta liberalitas. quamquam Simonettae iam antea sane uel plurimum debebam, quod humanitati suae tantum tribuisset, ut ad me, uir nobilitate praestans, & senatorij muneris honore insignis, domum ueniret, horasq. mecum aliquot suauissimo sermone consumeret. quo quidem in genere, si mihi non dicam per studia, quae licet periuicunda, uoluntatis tamen, arbitrijq. mei sunt, sed per ualetudinem, cui seruire necesse est, liceret; ita me officio uinci non paterer: quemadmodum animi certe uoluntate non uincor. Ego propter frigoris magnitudinem domo pedem efferre adhuc non audeo. itaque paucis utor. Capra hospes meus, & Ferrarius, ille quotidie, praesertim uestertinis horis, hic, quantum ei uel a philosophiae studio, uel ab amicorum negotijs uacat, tantum fere mecum est. horum uirtus, humanitasq. facit, ut & paucos, & pauca desiderem. & omnino, si studiorum similitudo, si officia, si mores beneuolentiam gignunt: multos amore complecti, non illo uulgari, sed eo, qui excellit, idest qui inter nos est; quam non facile sit, opinor uides. nam, quod in epistola tua, grauissime, atque ornatissime scripta, speras posse fieri, ut a Simonetta tantum diligar, quantum uel ille a te, uel tu ab illo diligeris, addo etiam, quantum ego me a te diligi pro tuis maximis officijs iam pridem mihi persuadeo: id qua ratione possit euenire, cum aut in eum intueor, aut ipse me perpendo, non equidem intelligo. diuersa studia sunt: consuetudo non intercessit: uitae ratio dissimillima. illum publica negotia, sum

li 2 marumq.

marumq. rerum cura distinet: ego humili litterarum otio delector. ille, ad amplitudinem natus, curat ea, quae speciem, & splendorem habeant: ego, si quies animi datur, si colere licet eas artes, quibus a primis temporibus aetatis meum omne studium, operamq. dedi, cetera prope contemno, quaerenda certe magno cum labore non arbitror. denique illi celebritas, mihi, ut fatear id quod est, solitudo uehementer placet. Faciam igitur, quod officij mei esse duco, & quod a me dignitas hominis, ac uirtus non modo postulat, uerum etiam exigit, ut eum omni tempore, quamquam absens longeque disiunctus, animo diligenter obseruem, memoria colam, ijs etiam ornem laudibus, quibus ille suis maioribus ut respondeat, sic enititur, ut assequatur. quod eum scire tuis litteris, & persuasum habere, si cognouero: summo me, ac singulari affectum abs te esse munere iudicabo. Vale. Mediolani, Kal. Febr. M D LXXII.

E I D E M, Bononiam.

5

QV I D est, cur sperem assequi me posse tua merita officijs meis? par in utroque uoluntas: id enim iuuat credere: sed condicio longe dispar. tibi enim ad me ornandum una cum uoluntate suppetunt reliqua, auctoritas, dignitas, uirtus: mihi ad gratiam referendam, praeter uoluntatem nihil prope relinquitur. itaque, tu me magis ut diligas, quam ego te, numquam concedam: idem, officij residere plus apud te, semper fatebor. dissimulem? nihil me ingratius. negem? facile refellar. testes erant antea meritorum tuorum, egregiaeque cuiusdam

cuiusdam uoluntatis erga me sanè quam plurimi: nunc accessit, qui pro sexcentis unus est, uir amplissimus Scipio Simonetta: qui, quod me amet, quod aliquid esse putet, quod etiam in sermonibus laudet, magnam in eo sane benignitatem hominis agnosco; sed tibi quoque tribuo: cuius ille iudicium quanti faciat, quo primum die sum eum allocutus, haud obscure perspexi. Quod scire uis de mea uoletudine, quam tibi summae curae esse uehementer gaudeo: tantum abest, ut optima fruam, ut ab optima absim aliquanto etiam longius, quam a deterrima. ac si mihi medium quiddam contingat, praeclare mecum agi putem. sed, id ut optare potius liceat, quam sperare, aetas facit, & uoletudo. studia mitto: a quibus diuelli non queo. nihil me magis, quam scire, delectat. ita scribo, ut ad alios industriae meae fructum peruenire cupiam: sed, mihi crede, plerumque fit, ut, quo diligentius in hac cura uersor, eo plura ipse discam, quam alios doceam. De amicitia si tibi scrupulus molestus est, euellet eum aut Aristoteles, aut Cicero noster: quos tu cum magistros habeas; miror sane, cur ad me quidquam referas. nam ego me uel scire nihil puto, quod tu nescias: uel, si quid scio, ab illis didicisse confiteor. hoc tantum dicam, idq. tuae causa mi Camille, quando te hoc de genere libenter uideo disputare: si quis perfectam illam amicitiam, cum ex duobus animis tamquam unus fit, ut afficiantur pariter in utraque fortuna, ut nihil incundum, nihil triste separatim, communia sint omnia; hoc, inquam, genus amicitiae si quis cogitet, & ea, quae legantur in libris, inter homines quaerat, eum frustra labora-

re . est enim amicitiae , ut reliquarum rerum omnium ,
idaea quaedam & species absoluta : cuius praestan-
tiam mente comprehendere , & ingenio consequi for-
tasse licet , exempla certe sub oculos non cadunt . haec
ego ita sentio : tu , siquid contra , doce me . Vale . Me
diolani . i . bibus Mart. M D LXXII .

E I D E M , Bononiam. 6

AGRI uestri , siquidem , ut scribis , imbribus ir-
rigari coepti sunt , meliore , quam nostri , qui adhuc ual-
de sitiunt , caeli munere fruuntur . de uindemia tamen ,
quod ad bonitatem firmitatemq . uinorum attinet , be-
ne speratur : de copia , fore certum est , ut non abun-
demus . Ego , non exspectatis imbribus , iam sarcinu-
las collegeram , ut in uiam me darem : nihil enim erat
potius , quam ut domum redirem , eoq . itinere te ui-
derem , & uillulam tuam , utroque autem fruerer ,
quamdiu per anni tempus liceret : sed uicit consilium
meum Cardinalium uoluntas : quorum opera est esse-
ctum , ut GREGORIUS XIII . Pont . Max . qui tamen
sua sponte liberales disciplinas miro quodam studio
amplectitur , fouet , alit , honorifico me stipendio reti-
nendum putauerit . Hic igitur cogimur consistere , li-
benter , ut Romae , in summa celebritate , & amico-
rum copia ; inuiti , ut a te disiuncti , cuius consuetudi-
ne non semel , aut iterum , sed perpetuo aestiuis mensi-
bus , amoena regione , iucundo otio , cum comuni-
bus musis frui cogitabamus . hoc tamen quidquid est
incommodi , non illud quidem penitus , sed aliqua sal-
tem ex parte , quantum scilicet per utriusque occupa-
tiones

tiones licebit, litterarum commodo sarcietur. Vale.
Romae. VII. id. Sept. M D LXXII.

HIERONYMO. CAPRAE

Mediolanum.

7

QVOD ad me Camilli Palaeotti, uiri nobilissimi, meiq. amantissimi, litteras misisti, ualde gratum: quod uero cum ijs etiam tuas, easq. Latine scriptas, & ita quidem, ut Romanam illam ueterem elegantiam redoleant, multo etiam gratius. nam ut, Mediolani cum essem, interdum sermone tuo summa cum uoluptate fruebar: sic, adempta mihi nunc tui sermonis usura, totam spem huius mitigandae molestiae tuis in litteris repono. quamquā hoc in genere ita moderabor meae cupiditati, ne tibi plus oneris imponam, quam uel occupationes tuae, uel studia patiantur: cum praesertim eadem scribendi lege pariter utrumque nostrum teneri aequum sit: ut, cum tibi caueam, mihi quoque, multis curis implicato, cauere simul uidear. quid igitur faciam? nimirum id, quod unum relinquitur, ut ex amoris in me tui memoria solatium capiam, ea fruar, in ea te absentem intuear, alloquar, amplectar, & in exoptata re falli me sinam errore perincundo. atque haec quidem in perferendo tui desiderio satis commodam ratio est, illa perdifficilis, remunerandi officia tua: quae cum libenter, & saepe cogitem, egregieq. partes in eo meas animo expleam; nisi tamen id tibi re ipsa aliquando persuadeam, non bene mecum actum existimabo. Extremum illud est, quod a te uehementer peto, ut, quantum mea causa uis,

1 i 4 quem

quem uelle arbitror quantum cupio , tantum studiij po-
nas in tuenda mihi beneuolentia , cum qua thesauros
non permutauerim , uirorum illustrium , sapientissimo-
rum senatorum , Scipionis Simonettae , Ludouici Ma-
centij , Hieronymi Montij : quorum erga me singula-
rem humanitatem , semel atque iterum salutationis
officio perfectam , nulla umquam apud me delebit ob-
liuio . Aldus filius te salutat , amicitiamq. tuam , ut
debet , plurimi facit . tu salutem uiro optimo , mul-
tisq. uirtutibus ornato , Hannibali Cruceio , dices
meo nomine . Vale . Venetijs . I I X . Xalen . Maij .
M D LXXII .

HANNIBALI . CRUCEIO

Mediolanum.

8

INFIRMO adhuc corpore ob recentem morbum,
nec mente , ut uere dicam , satis tranquilla , fecita-
men , ut haec ad te exararem , amore impulsus , quo
te sum complexus ante multos annos , cui tu , ne quid
additum possit , humanitate tua , probitate , uirtute
perfecisti . Ille igitur amor , qui me ad scribendum im-
pulsit , idem purgationem tuam , quod me non salutaf-
ses in discessu , ut indignam utroque nostrum , plane re-
spuit . Ego de te , tuorumq. ualetudine quam saepe
quaesierim , Ferrarius noster optimus testis est . atque
ille de te ea , quae uolebam scilicet , de filia paullo du-
riora ; quae comprobata euentu , teq. aetate iam ingra-
uescente tam graui percussum esse uulnere , ut debeo
uehementer doleo . ac mihi quidem , partes esse meas
ueniendi ad te , ut hominis amantiissimi officio funge-
rer , saepe

rer, saepe tunc in mentē uenit: sed cum opem tibi a me
 afferrī nullam posse, molestiam uero fortasse aliquam
 posse, intelligerem, essem praeterea, ut soleo, imbe-
 cillior, tenui me, inuitus equidem, sed tamen tenui. tu
 certe, cum iaceres, aut confirmato corpore nondum es-
 ses, ad me ut uenires, expectare non debui. non enim
 is ego sum, qui plus amicis oneris imponam, quam
 quantum ipse suscipiam. Ego mihi largior, & hoc in
 prima amicitiae parte pono, ne quem colam ambitio-
 sius, ne saepe domum eam, ne tempus inani sermone
 conteram, ne deducendi, aut reducendi laborem, &
 molestiam capiam. Quae si mihi concedi uolo; cur ea
 tibi, uel alijs eripiam? At etiam purgas te de superio-
 ri tempore, quod sex amplius mensibus, idest quam-
 diu Mediolani mihi esse contigit, ter, aut quater ad
 me ueneris. Id quidem satis ab Hannibale Cruceio
 fuit, homine publicis muneribus assidue dislento, do-
 mesticis etiam tricis impedito, quae nobis, qui, libe-
 ros habere, & patres familias appellari, pulchrum pu-
 tauimus, negligendae non sunt. Sed, ut haec omit-
 tam, atque huius generis alia, quae tibi cum multis
 communia esse possunt, & ut attingam ea, quae uel
 tua propria sunt, uel certe communia cum paucis: nul-
 lum ne munus, nullum ne priuilegium habet uirtus?
 ea uero habet, & quidem maximum, ne uulgi legi-
 bus teneatur, ut sui iuris arbitrijq. sit, ut se ipsa fru-
 tur, ut otio interdum, & solitudine gaudeat. sint igi-
 tur uisitantes uoluntariae, sint gratae semper, & in-
 cundae, ideo tamen rariae, quia perquam raro necessa-
 riae. faceffant haec a nobis uulgaria, mi Crucei, in
 quibus

quibus non modo officium, uerum etiam laudem quidam locant: ego inepta, uilia, putida censeo, minime digna ijs artibus, studijsq. quae colimus. uiget, & uigebit ipsa per se, externam opem contemnens, suis fulta uiribus, necessitudo nostra. absentes, praesentes ijdem erimus: & multa etiam, quibus praesentes saepe carent, animorum coniunctione, studiorumq. similitudine consequemur. cur enim, quod ipse tibi de me polliceor, & quod libenter praestabo, id a te, uiro optimo, omniumq. humanissimo, non expectem? Vale, & Ferrario meo salutem. Venetijs, idibus Maij. M D LXXII.

IOANNI. CRATONI

Viennam.

9

QV A primum hora in patriam redij, unde menses aliquot abfueram & ualitudinis, & otij caussa, quaesui statim de filio, Ecquid Crato noster? Valet, inquit, & nos amat: deinde, quid tu ad illum de me, quam saepe, quam amanter, quid ille ad te scripsisset, pluribus uerbis exposuit. uix credas, & cum salua hic omnia compererim, & eam nurum, quam uolebam, aeta te, moribus, forma, quantus tamen ex litterarum tuarum humanitate laetitiae cumulus accesserit. quamquam, cum mihi iam antea & natura, & consuetudo tua nota sit, peccare mihi uidear, & graui admodum scelere obstringi, si, quod ab utraque abhorreat, & quod utraque indignum sit, suspicari me umquam patiar. Nec uero, me quidem id, quod mihi boni contingit, agnoscere, languere autem in gratia referenda, uelim

lim existimes. refero enim, mi Crato, referamq. dum uiuam: at quibus rebus? ijs, quibus te cōtentū fore scio, memoria, amore, obseruantia. nam reliqua neque tua dignitas, neque fortuna exspectat: neque is ego sum, qui possim paria paribus, aut qui officium potius in cōpensanda re, quam in emetiēda uoluntate positum putem. in quo illam capio uoluptatem, quod filius meus, quem studiis mihi & institutis persimilem esse, fortuna uelim paullo meliore, te in oculis sert, laudare non desinit, sicut alterum parentem obseruat, et colit. is excusat silentium suum: habet enim, non modo quod assidue agat, uerum etiam quod libenter agat, in nouis nuptijs: quae si quid parient, uel dicam etiam ominis carssa quod parient, id tibi, aut qui tuo nomine agat, sacro lauacro suscipiendum deferitur: ut amicitia nostra, tuis instituta non uulgaribus officijs, nostris ad hanc diem studijs egregie culta, religionem quandam assequatur, quae labem ab ea culpamq. prorsus omnem perpetuo remoueat. Mediolani abditus in litteras uixi. si quaeris, quo studiorum genere: explanandis Ciceronis orationibus: quod mihi propositum fuit ante multos annos. nunc dandi sunt dies tum amicis, tum etiam negotijs. Commentarios in epistolas, quae familiares uocantur, conuicio iam prope efflagitatos, debere studiosis diutius uix possum. id nunc cogito, ad quem mittantur. an ad eum, qui me ornauit ea dignitate, cum qua nullas opes confero? tu statue: ad te enim refero, cui uel prudentia, uel amore erga nos quem anteponam, habeo nomen mi Vale. Venetijs. XI. Kal. Maij. M D LXXII.

HEN.

ACCIDIT incommode, ut, quo ego tempore ad urbem ueni, negotij quidem caussa, sed maxime studio nostrae consuetudinis ex interuallo regustandae, uos eodem fere Perusiam ex urbe discesseritis. quamquam cur ita loquor? recte uos, & sapienter fecistis, istam salubritatem secuti, urbe relicta anni tempore difficillimo. quod pro mea in uos singulari beneuolentia sane uehementer laetor. mecum autem actum est incommodius, qui uestro adspectu, uestro sermone caream, ex quo summam uoluptatem spe, & cogitatione praeceperam. at potest hoc sarcini litteris. qui potest? habent enim litterae suauitatem, sed, ut ego sentio, minus me cum ea, qua praesentes fruimur, conferendam: uel quod in familiari sermone arripere licet argumentum ex quacumque re, quae gratissima libertas est: uel quod in uoce, oculis, uultu est quiddam, quod amemus magis, non modo quam in litterarum notis, sed saepe etiam, quam in rebus ipsis, quae litteris explicantur. quo molestius careo sermonibus uestris, qui praesertim fore suspicer, ut circiter idus Sept. fratris iam his caloribus, quibus maiores non meminimus, cum filia, quam ante biennium aegra uoletudine discedens in coenobio sacrarum uirginum reliqueram, in patriam reuertar. hoc si euenerit, spe mea frustratus, fortunam accusabo; uos quidem animo complectens, dum de uestro erga me amore, dum de moribus, dum de uirtute cogitabo: quod
mihi

mibi nec ipsa fortuna, nec ulla dies umquam eripiet;
facile, ut spero, consequar, ut, quasi officium meum ex
aliqua parte persoluerim, ita dolor, & desiderium ex
aliqua saltem parte leniatur. Valete. Romae. VI. Kal.
Sext. M D L X X I I.

CAMILLO. CAETANO

Perusiam.

II

DILIGENTIAM litterarum uerus amor non
desiderat. itaque, quod per biennium nec ego ad te, nec
tu ad me quidquam scripseris, utrumque nostrum liben-
ter omni culpa libero. te quidem etiam uehementer
laudo, quod a iure civili, in quo perdiscendo totus es,
ab ijs artibus, unde manat decus, officij minime neces-
sarij causa defleendum non putasti. nam, quod ad me
attinet, uixi cum ueteribus musis, fortasse parum utili-
ter, sed tamen uixi. quamquam quid utilius, quam re-
cte ualere? id ego peregrinatione, & libero quodam ui-
tae genere. si minus quam optabam, at certe plusquam
sperabam, sum affecutus. uideras hic me diu languen-
tem: uidi ego saepe dolorem tuum: quo quidem amo-
ris argumento ita sum laetatus, ut medicinam prae-
stantiorem nullam senserim. nunc beneficium illud tuum,
fratrisq. tui Henrici, omni laude, quae cadere in ado-
lescentem possit, ornati, tueor, ut aequum est, & tue-
bor memoria sempiterna: officijs etiam gratum fore me
dicerem. si modo uestra uel fortuna, uel uirtus officium
a mea tenuitate ullum expectaret. De Antonio Persio
scripsi ad filium diligenter. non dubito, quin, ubi opus
esse intelliget, eo curam, operam, industriam suam o-
mnem

mnem conferat, neque id magis, ut mihi obsequatur, quam ut a nobis gratiam ineat, atque adeo, ut hominem excellenti uirtute praeditum eo sibi conciliet officio, unde in homines quamplurimos, & in multas aetates haud minima diffundetur et propagabitur utilitas. Vale, et salutem fratri plurimam. Romae. v. Id. Quinct. M D L X X I I.

HORATIO. CARDANETO

Perusiam.

12

CUM ante aliquot annos excellere te cognouerim ijs artibus, quas qui non diligit, hominem uix puto; & cum ad hanc laudem ornamenta morum, probitatis, humanitatis, id quod paucis admodum contigit, addideris: quid est, quod malim, quam sic amari abs te, ut me tibi parem animum reddere, teq. mihi carissimum esse tibi persuadeas? amoris autem signa cum a te multa sint, hoc eiusmodi est, ut eo maxime delecter, quod me Perusiam inuitas, & quasi de uetere nomine appellas. ais enim promississe me, nec promissum soluisset. nae tu bona memoria es, quam tamen amor in me tuus aluit, & confirmauit. at mihi id exciderat, uel quia tunc ratione temporis consilium mutare sum coactus: uel quia leues culpas uerus amor facile dissimulat. nunc in summa tibi obsequendi uoluntate uide quid obsistat. ego, si cum uno altero ue puero iter haberem, expeditus nullo negotio excurrerem ad te. quid autem incundius, quam Caetanis meis, tibiq. non modo id optanti, sed etiam exigenti dies aliquot dare? sed exiguo comitatu, cum filiam uirginem ducam, tot die-

TUM

rum uiam conficere quam honestum sit, tute cogita. Accedit illa molestia, quod duas leſticas, diurna mercede conductas, quaternis scilicet scutatis in die, ultra praescriptum a leſticarijs tempus remorari non licebit. breuis enim mora ferri posset: sed in uestra consuetudine, uestrisq. sermonibus, addo etiam in laeta, nobiliq. ciuitate, biduum hora esset. Habes meam causam: quam, non uideo, cur non probes. nam, quod ad animi uoluntatem attinet, tu ut cupidior mei uidendi sis, quam ego tui, numquam concesserim. Vale. Romae. Id. Sext. M D LXXII.

M. ANTONIO. CIOFANO

Sulmonam.

13

VASCVLO aereo, quod ad me Hercules frater tuus heri attulit, nihil amabilius, neque id usu magis ipso, quam operis elegantia. equidem, Sulmonenses homines ualere ingenio, satis antea cognoueram, hoc artificij genere ceteris hominibus antecellere, uix umquam putassem. nunc perspecta industria, illos laudo, te de isto munere uehementer amo. Nos hic, fracti caloribus maximis, languemus, ego in primis, tenui admodum & infirma ualitudine. itaque ingenium, artemq. si tamen ingenij, aut artis aliquid in me est, non, ut solebam, in litteras, & studia, sed anni tempore coactus in unam ualitudinis curam consero: & si quid proficio, quae doctrina praestantior? uos istuc, nisi me fallit poeta uester, gelidas undas, easq. uberrimas, habetis. nimirum istuc est uiuere, si cui caelum eiusmodi contingat, ut hieme tepeat, aestate refrigeretur. quod
si

si utrumque non licet, uel alterutrius optio detur: ordinem naturae non equidem contemno, uerumtamen aestiuam temperiem, nec ut arbitror, iniuria, longe praetulerim. nam frigoris acerbitas camino luculento, pellita ueste, cibi etiam ratione mitigatur: caloris leuandae molestiae, pauci sunt, qui sine periculo remedium inueniant. est igitur, cur tibi gratuler, cui contigerit id, non modo quod ego pluris facio, sed fortasse etiam quod re uera pluris est. ego si dignus amore tuo, dignus etiam dolore sum, cuius ad naturalem imbecillitatem uix ferenda robustioribus aestus incommoditas acceperit. Vale. Romae. v. Kal. Sext. MDLXXII.

HORATIO. MORONO 14

EPISTOLA tua, sermonum tuorum simillima, quam me affecerit, qua uoluptate persuderit, quem ad meam superiorem erga te uoluntatem cumulum addiderit, nec mihi uerbis explicare, nec tibi mente consequi facile sit. o miram prudentiam, suauitatem, elegantiam: equidem antea te non uulgariter amabam, uel quod Ioanni Morono Cardinali, praestantissimo uiro, cuius in me exstant merita quamplurima, propinquus esses: uel quod ore, sermone, moribus modestiam singularem praeteferres. nunc uero, cum ex epistola tua, quam longe per eloquentiae rectissimam uiam ingenio, studio, industria processeris, intellexerim, neque solum, qui nunc es, uerum etiam, qui futurus aliquando sis, conijcere potuerim: ita sum amore incensus, nihil ut umquam senserim ardentius. Et quamquam haec adolescētiæ tuae tam praeclara principia gratulationem

lationem potius, quam cohortationem, requirant: in
eam tamen partem nescio quo modo libentius delabor,
ut te horter, ac rogem, ne contentus communi laude
sis, ne mediocribus acquiescas, ne praestantiam natu-
rae tuae languere umquam sinas, sed eam ita exerceas,
ut, quod adhuc fecisti, & quod facturum te esse non
dubito, aetatem semper uirtute uincas. in eo si puta-
bis omnia summa esse collocata: mihi crede, omnia sum-
ma ad te confluent. quaeritur enim cum labore uirtus: ea
uero sine labore omnia consequitur: quod qui ignorant,
aut qui aliter sentiunt, nihil habent in uita firmum, ni-
hil stabile, dubia semper fortuna uacillant, nulla re
perpetuo fruuntur. Vides autem, opinor, non eum te
esse, cui liceat utrumuis. nam obscuro loco nati si di-
gnum laude nihil praestant: uitio non datur: domesti-
cis enim latebris desidia tegitur: a nobilibus autem
quasi debita res exigitur uirtus: eam si habent, uere
nobiles dicuntur: si secus, illa ipsa a maioribus acce-
pta nobilitas dedecus & culpam auget. te familiae
tuae claritas ad gloriam uocat: tibi rectum atque ex-
peditum iter ostendit: desistere te, aut offendere nus-
quam patitur. quae tamen proponenda tibi ne sint, ef-
fecisse iam uideris, totus addictus liberalibus discipli-
nis, totus incumbens ad ea, unde uerum decus, &
uera nobilitas exoritur: ut, qui tua studia plane noue-
rit, is tecum gratulatione potius, quam ego omise-
ram, quam cohortatione, utendum esse iure putet. A
me tamen quae dicta sunt, sic in bonam partem acci-
pies, si prius, eum esse me, tibi persuaferis, qui tuae
laudi, tuisq. studijs libentissime seruiat. hoc enim si cre-

K K des, res

514 PAVLLI . MANVTII
des, res ipsa te profecto numquam fallit. Vale. XIIX.
Kal. Sept. M D LXXII.

ANTONIO . FVRNARIO
Neapolim. 15

QVOD felix, faustumq. sit, iterum Romae sum,
id mihi, non dicam inuito, (quis enim inuitus, ho-
nesta praesertim condicione, Romae sit?) sed certe
nec opinanti contigisse, uelim credas. nam, cum, post
obitum Pij. v. Pont. Max. quo sedente nescio quo meo
fato secundis uti uentis haud satis mihi umquam li-
cuit, eo consilio ad urbem uenissem, ut nubilem iam fi-
liam, quam hic, biennio ante aeger discedens in coeno-
bio celeberrimo, sacris commendatam uirginibus, re-
liqueram, in patriam ad nuptias reducerem, exceptus
incredibili omnium laetitia, precibus amicorum, sua-
su Cardinalium, iussu GREGORII XIII. Pont. Max.
cuius ex mente, propter sanctitatem, ac sapientiam,
honestam omnia, utilia, salutaria profisciscuntur, se-
d in hic statuere, & redeundi consilium abijcere sum
coactus. quod tibi, mei amantissimo, qui me olim dis-
cedente doluisti, significandum putauit. uidere enim mi-
hi uideor tuum uultum, cum haec leges. utinam tu
quoque uideres animum meum, dum haec scribo. tua
laetitia mihi laetitiam affert: in amore pari, qui tuus
est sensus, idem & est, & esse debet meus. mutuae
uoluntatis fructus non apparet: quid tum? non ij su-
mus, qui amicitiam utilitate metiamur: iam pridem
erudiui animum, & docui, uulgaria quaedam contem-
nere, in bonis, doctisq. uiris fortunam non quaerere,
sola

sola uirtute. quae nullare indiget, nullam extra se appetit, contentum esse. in quo tuos sensus meis cum sensibus congruere, neque dubito, & uehementer gaudeo. Vale. Romae. xii. Kal. Oct. MDLXXII.

MARTINO. BERZEVICAE

Patauium.

16

Ego nero & postremis Cratonis litteris respondi, contra quam tu existimas; & illius epistolam, tum quia testis esset amicitiae nostrae, tum quod ita scripta, ut ad elegantiam parum, ad prudentiam certe nihil posset accedere, una cum meis imprimendam curavi. quod tamen antea familiaribus meis, uehementer petentibus, excluderam. nunc id ei submolestum fuisse, indicant litterae tuae. in quo summam eius modestiam agnosco. meae quidem cogitationes, praeter illius laudem, nihil spectant. quod si aliter ei persuasum crederem, uitam mihi acerbam putarem. nemo est, cui me magis debere & confitear, & gaudeam. Volumen epistolarum mearum, cum ualeitudinis causa ab urbe discederem, dedi negotium filio, ut ad eum mitteret. nec mandatum neglexit. amat enim, obseruatq. Cratonem, pro suis erga nos officiis, acque propemodum, ac me ipsum. Quod ais, Patauii cum essem, adire te ad me, nisi Pinello duce, ausum non esse; cum tamen Romae perhumaniter a me esses acceptus: id equidem ualde sum miratus. tibi tua uirtus aditum facile patefecit ad amicitiam meam. utinam is sim, qui praestare aliquid tua causa possum. ambigere te non praeterer de animo erga te meo. Filias te salutatur. Vale. Venerijs, xii. Kal. Sext. MDLXXI.

KK 2

EPI-

EPISTOLARVM
PAVLLI. MANVTII
LIBER. DVODECIMVS

CAMILLO. PALAEOTTO
Bononiam. I

A IN tu? litteras ego sine nomine, praeser-
tim ad te, quem tanti facio, quanti for-
tasse neminem? equidem erratum meum
uix agnosco. itaque peto a te, ut mihi lit-
teras illas remittas: quo simul intelligam, de emble-
mate quid scripserim: si modo is ego sum; qui aliquid
scripserim. ualde enim in hoc quoque perturbor. Quod
ais me rursus in bellum: ominare, quaeso, melius. ego
enim quietem, ego otium, ego studia mea & urbi, &
urbanis rebus antepono. sed si & urbe, & simul studijs
meis frui licet: quis erit tam iniquus rerum aestima-
tor, qui mihi non concedat? otij quidem adhuc, quan-
tum optavi semper, tantum conceditur. negotium
sponte nullum suscipiam. imponetur: feram, quoad
licebit, idest quoad instituti mei ratio permittet. ni-
hil enim malo, quam posteris prodesse. in eo mihi diui-
tiae, in eo sunt omnia. quod si non assequor id, quod
propositum est: me tamen ipsum, conari, & uelle,
delectat. utinam consuetudine tua ne carerem: nam,
ea si accederet, in caelo essem. uoluntas utrique no-
strum eadem fuit, facultas defuit. Vale. Romae, XIII.
Kal. Oct. M D LXXII.

EIDEM,

E I D E M , Bononiam.

2

AGNOVI erratum amanuensis : in quo tamen subacuso negligentiam meam . nam si scribere , est officium : omnes officij partes complecti , eius est , qui cum uehementer amet , tū etiam amare uehementer debeat . eum autem esse me si profitear , & praedicem ; quod utrumque facio , faciamq. dum uiuam : non est , cur me quidquam dare auribus , aut gratiae causa fingere , quisquam putet . tu enim is es , cuius in me ornando studium eiusmodi semper fuit , ut , non modo quantum possim , sed plus etiam quam possim , tua debere causa mihi uidear . ideo fit , ut , si quid in minimis etiam rebus aut omittam , aut committam , sceleris prope loco ponam . tu autem cum dissimulas , mibiq. ignoscis , ingenium simul & humanitatem declaras : nec me tamen culpa , cura uel liberas . ego enim , cum tibi de ista facilitate agam gratias , ipse tamen mihi non ignosco , aut eatenus ignosco , ut aliquo dolore non caream . Villula tua , non est , cur a me quidquam exspectet , cum in te ipso sit , quod aliunde quaeris . atque illa quidem , ut arbitror , tecum , si posset , ita loqueretur . Ego te fessum urbanis curis recreo : ego otium , ego tibi ualitudinem restituo . a me fruges , a me poma , a me etiam auiculas & palato gratas , & stomacho utiles , habes . denique aut , hic dum es , uiuis , an numquam uiuis . nunc tu me orna , quod potes . non patime ad quemquam confugere , aut cuiquam debere , nisi tibi , cui libenter debeo . Illas uoces , mi Camille , quas tacita uidetur emitte , noli contemnere : r

KK 3 fer

fer aliquam gratiam bene merenti: ut, quid tu illi, quid illa tibi debeat, omnes intelligant. quam enim tu unus optime nosti, quis, nisi tu unus, de ea optime loquetur? Vale. Romae, XIII. Kal. Dic. M D L X X I I.

E I D E M, Bononiam.

3

DE oleis quid exspectas? eadem, quae antea, ad spectu pulchrae, sapore perquam gratae. pleniores etiam, quam anno superiore, caeli ne munere, an tuo delectu? uisae sunt. agerem gratias, si tua ferret humanitas, & nisi iam inter nos, pro uetere amicitia, ac familiaritate, putidum id esse uideretur. tuam quidem industriam, quod eas tua manu seueris, atque alueris, nec admirari satis, nec laudare possum. quod uero eius industriae fructum ad amicos etiam absentes peruenire uis, & quod in eo me numero locas: utrique nostrum aequae gratulor. nam de nomine, oleae ne poma sint, in quo tu mihi, suscepta grammatici persona, quasi licem intendis, ipso a te munere delentus non contendam. quamquam, si nucēs & amygdalae, quae ipsae quoque oleum efficiunt, poma sint; quod, opinor, non negabis: cur oleas inter poma referri non liceat, haud equidem intelligo. sin tu, de earum nobilitate laborans, ut fere suum opus amat omnis artifex, fruges appellari mauis: indulgebo non inuitus: ne te mihi, tamquam tuis muneribus detrahenti, subiratum liberalitatis tuae cum aliquo fortasse meo damno paeniteat. Vale. v. non. Ian. M D L X X I I I.

EI-

EIDEM, Bononiam. 4

QVAE mihi res maximae curae fuit, & in qua meas omnes cogitationes, omniaq. studia fixeram, & locaram, ea cum ex animi sententia, diuino fauente numine, successerint litteris tibi, mei amantissimo, significandum putavi. Vnicam filiam, inter sacras uirgines educatam, non hebetere ingenio, nec paucis, nisi me fallit amor, uirtutibus instructam, iuueni optimo satis honesti loci, haud postremi ordinis in cure ciuili, addo etiam, quod hodie potissimum requiritur, a fortunae bonis non impirato, meis reclamantibus, de sententia tamen fidelium amicorum despondi. hoc tu meum consilium, pro uetere nostra necessitudine, tuaq. aequitate, non dubito quin & probes, & omnibus optimis prosequare. equidem onus Aetna grauius deposuisse mihi uideor: speroq. fore, ut, quod reliquum est uitae, uacuo curis animo tranquille degam. Quaeris, ubi. Romae. si per ualitudinem licebit. nam hieme fere tota mecum actum est non optime, communi tamen pituitae morbo, quo robustiores etiam laborarunt, alij sine periculo, alij sic, ut decesserint: in quibus fuit is, cuius obitu dolendum est maxime, poetica laude insignis Amaltheus. mihi eadem, quae antea, uictus ratio medicina fuit: necdum audeo institutum mutare propter anni tempus inaequale. in publicum, nisi necessaria re coactus, nunquam prodeo: domesticis me finibus teneo: & cum libellis, id est cum amoribus, & delicijs meis, iucundissime uiuo. Oracionem pro Archia cum meo commentariolo scire cupio an acceperis. absoluam iam in reliquas omnes, duobus exceptis, pro Li-

KK 4 gario,

gario, & Deiotaro: quam bene, alij iudicabunt, magno certe cum labore, opera numquam, nisi per morbum, intermissa. Quidam etiam explanare sum aggressus: & ut se principia dederunt, uideor aliquid praestare posse. assentor mihi fortasse: nam sua quisque amat: uerumtamen hic omnes, praesertim qui litteris excellere, putantur, initium, quod ad te mitto, ualde probant. Cardinalem, fratrem tuum, ueteris exemplum innocentiae, columnen sanctae sedis Apostolicae, salutaria te meis uerbis, magis opere cupio. Vale. Roma, XII. Kal. Martij. MDLXXIII.

EIDEM, Bononiam. 5

SIC tu par pari. ego de filia mea paullo ante collocata, nunc tu de tua significas. cuius rei quae tua laetitia sit, meus me sensus admonet. e quidem cum ea uoluptate, quam cepi superioribus diebus, quam spero diuturnam fore, prorsus nihil consero. & quia te pariter affectum existimo, mirabiliter gaudeo. postulat enim noster amor, ego secundis ut rebus tuis aequae laeter, ac meis, tu meis uicissim aequae laeteris, ac tuis. Gozadi nam similia uel doctrina, & sapientia, uel honoribus, & rebus gestis praeclari nominis est. generi tui pater is & fuit in omni uita, & nunc quidem is maxime est, cui praeserri nemo integritate, ingenio, dignitate, conferri possint admodum pauci. filius adolescens, ex omni a te, tali uiro, inuentute probatus, atque electus, non dubito, quin & parentis, & maiorum suorum laudibus egregie respondeat. Quo circa tibi, ut debeo, de ista con-

coniunctione uehementer gratulor: eamq. Deum opt.
 max. ita fortunare uolo, ut maiorem quotidie tui con-
 silij fructum, uoluptatemq. capias. Quod autem, ab-
 iecta rerum urbanarum cura, otium, & solitudinem co-
 gitas: ignosce, non assentior. tu ne, cum auctoritate ua-
 leas, uirtute excellas; cum ita factus a natura sis, ita
 liberalibus disciplinis institutus, ut prodesse patriae,
 laborantibus amicis opem ferre, familiam tuam, il-
 lam quidem satis claram, adhuc tamen illustrare pos-
 sis; tu haec deseres omnia, ut uni tibi uiuas? obsecro,
 quis probabit? uel dicam etiam, te permittente, quis
 non improbabit? ego sane, qui te natum rebus maxi-
 mis tampridem intellexerim, si feceris id, quod signifi-
 cas, ut salutem curiae, foro, negotijs dicas, probabo
 fortasse ominis causa, qui tibi cupiam, quidquid a-
 gas, ex animi sententia succedere; sensibus tamen quin
 agar intimis, impetrare a me non potero. quid ceteri,
 quid sentient? quid loquentur? nam, etsi genus illud
 uitae, quod ordiris, totum cum uirtute coniunctum,
 reprehendi posse non uidetur: tibi tamen, ut opinor,
 multo minus, quam alijs, pro tua superiore uita, be-
 neq. de omnibus merendi praeclara consuetudine,
 conceditur. At ego me litteris totum tradidi.
 id enim obijcies. Diuersa, mi Camille, ratio est.
 ego enim, quod praestare posse uideor, homo are-
 bus gerendis alienus, ualetudinis incommodae, non
 magni animi, id libenter unum ago, & quidem in ur-
 be Roma, quod tu miraris, ut in deserta solitudine,
 interpellante nemine. quod beneficium optatum antea
 potius, quam speratum, nunc a Pontifice optimo, ac
 libe-

liberalissimo, ad excitanda doctrinarum ingeniarum studia mire propenso, GREGORIUS XIII. acceptum, meminero, & praedicabo, dum uiuam, fortasse etiam scripta mea, me mortuo, loquentur, & obscurum posteris esse non sinent. Ego igitur si cum libellis assidue sum, & hoc non modo ad naturam, uerum etiam ad ualitudinem meam apto uitae genere delector: peccare me non arbitror. Te tua nobilitas, animi non minor, quam ingenij, praestantia, perspecta saepe uirtus, ipsa patria uocat ad eas res, unde laudes oriuntur maximae: ut, quod tibi uitae reliquum erit, non priuatis humilibusq. curis in remota uillula, montanaq. crepidine, sed actionibus nobilissimis, in oculis, & in aurbus clarissimae atque eruditissimae ciuitatis perpetuo traducas. quod si feceris, aut si non omnino neglexeris: medium enim quiddam est: magnopere cum tua, tum communi etiam multorum causa laetabor. Vale, & fratri tuo, integerrimo, ac sapientissimo Cardinali, & Sigonio, nostrae aetatis ornamento, ad illustrandam antiquitatem nato, salutem a me plurimam. Romae, MDLXXIII.

EIDEM, Bononiam. 6

POST grauem trium fere mensium morbum, nunc deniq. incipit esse mihi paullo commodius. nec tamen adhuc uel eo, quo solebam, stomacho, uel ita firmo utor capite, ut cogitandi, aut etiam legendi laborem sustineam, gradum uero facere sine sensu doloris, aperto nuper educendis humoribus laeuo crure, neque dum possum, & conari, supra quam uires patiuntur, non audeo.

audeo. quae quoniam fieri quotidie miriora sentio; aliamquam in dolore uoluptatem capio: cum praesertim prope anniuersarius hostis ualitudinis meae iam abierit autumnus. Oleis tuis, quibus me, quocumque loco sum, carere non pateris, in quo tuam beneuolentiam agnosco, fruar cum filia, & genero. simul enim uiuimus, & plane uiuimus. ego autem parce, quia nondum sumus offensiones etiam minimas extimesco, illi comedent liberius, quia recte ualent, nec in cibis plus minus ue diiudicant. De me ipso dixi: de rebus meis quod te scriberem, noui nihil erat. Omnia fere sunt eadem, quae antea, hilares satis, & prospera. ampla, non dixerim, ne mentiar. quamquam hoc uulgi more loquor. nam, si ampla sunt ea, quibus maiora non expetimus: amplissimis opibus fruor. nihil enim deest, quod natura desideret: quod autem natura non desiderat, abesse facile patior. Vale. Romae, Idibus Dec.
M D LXXIII.

ANTONIO. FURNARIO

Neapolim.

7

VALDE sum laetatus laetitia tua, humanissimis, & ornatissimis litteris expressa. amoris enim index est. amari autem a te, quo nihil amabilius, siue probitas, siue doctrina cogitetur, quis tanti non aestimet, quantae ea, quae summa sunt? nec uero, quamquam uoluntatis erga te meae nullus adhuc quidem fructus exstat, a me tibi gratiam non referri, debes existimare. nam, etsi disiuncti satis longe sumus, & congregiendi, colloquendi facultatem interualla te-

corum

corum impediunt, meus tamen in te animus est, de te saepe cogitat, de te etiam, nec mediocri uoluptate, secum ipse nonnumquam ipse loquitur. & si tu, amare, & colere, officium esse putas; officia tibi mea numquam deesse, testis ipse mihi sum. Circea, quae mittis, eo mihi gratiora sunt, quod, ut mitteres, non te magis instituti tui memoria, quam amor admonuit. quod autem addis, eis stomachum imbecillum confirmari: cupio uerum esse, idq. mihi persuaderi facile patior: quandoquidem & hoc medicinae genere nihil suuius: & stomacho si ualerem, hac fere ualetudine, praesertim iam senior, contentus esse possem. nam, ut robustioribus me conferam, optare non debeo: cum id mihi natura semper, nunc etiam aetas deneget. Vale Romae, IV. non. Oct. MDLXXII.

E I D E M, Neapolim. 8

Vix credas, & memoria nostri tua quam deleter: & eas, quas mittis, epistolas, quibus ipsa memoria declaratur, quam libenter legam. Ego enim hoc mihi primum ab ipsa natura uideor accepisse, ut amari uellem a tui similibus: qui quidem hodie (ne assentari me putes: a quo uitio longe absum) quam pauci sint, qui recte iudicant, mecum omnes intelligunt. accessit ratio, quae uoluntatem auxit, atque in hanc partem quasi propendentem impulit. hoc mihi bonum, id est amicitiam tuam, cum tua mihi ultro detulerit humanitas: quam a me putas felicitatem praeferrere? atque adeo cur non in hoc ipso felicitatem esse maximam existimem? Est igitur, cur & ipse mihi gratuler, & tibi

Et tibi gratias agam. quorum alterum perpetuo a me fit; alterum ut fiat, a tua singulari benignitate non conceditur. Munusculo tuo, cum haec inter nos minime necessaria sint: quippe omnibus muneribus mutua praestat benevolentia: nihil tamen gratius. Vale, Romae, XVII. Kal. Febr. M D LXXIII.

EIDEM, Neapolim. 9

AMABO te, mi Furnari, quid tibi in mentem uenit? an tu me uis muneribus obruere? ego enim illa scripseram, non ut peterē, sed ut admonerem, steterans uidelicet illud tempus, quod adhuc quidem longe distat. amoris haec nimirum interpretatio fuit. amor autem errare non potest: aut, si errat, gratificandi uoluntatem secutus, & bene merendi studio ductus, quis tam insipiens, aut rerum tam iniquus aestimator est, qui non cum laude potius, quam reprehensione dignum ducat? Cotonea sane ipsa, tam celeriter abs te missa, mihi accidisse per quam grata, nec possum negare, nec debeo. utar ijs, ut consueui, post cibum, libenter, ut egregie conditis, utiliter, ut remedio pituita laborantibus aptissimo. O te amicum optimum: tantum ne? immo etiam medicum suauem, qui curat simul & delet. qualem qui reperit, si eum in oculis non fert, cum humanitatem ignorat prorsus, tum sua ipse diligere commoda non uidetur. Vale. Romae, III. Kal. Febr. M D LXXIII.

MEDICOS omnes de conditis cotoneis audio sentire melius, quam de citreis. itaque posthac, quando tu, ut uideo, tuum institutum retinere uis, nec ego

con-

contra disſuto, illa malim propter ualeitudinem, ſi
tamen, ut pura ſint, non cum aromatibus, & ſicciora
denſa, quam tremulo coacta gelu.

I O . C R A T O N I

Viennam.

IO

EPISTOLAM tuam, a te datam xvii. Kal.
Nov. accepi vii. Kal. Dec. eo ſane gratiorem, quo mi-
nus hoc tempore expectatam. noui enim, quam uacuu-
numquam ſis, non tam a tuo munere, quam ab ami-
corum negotijs, quae ita ſuſcipis, ut ſuſlineas, donec
ad exitum perferatur. ſcripſiſi igitur amore impuſus,
& omnia uicit humanitas tua. quo tibi nomine debe-
re me multum dicerẽ, niſi tantum iam deberem, quan-
tum perſoluere uix poſſim. Romam qua cauſſa addu-
ctus uenerim, ſcripſit, opinor, ad te ſilius: quae reti-
nuerit, a me cognoſce. atque hoc primum, quod tibi
pro tua in me ſingulari beneuolentia maxime uolupta-
ti fore non dubito: incredibili ſum excipus hominum
laetitia. Pontifex ipſe, praeclare in optimas artes ani-
matus, cognito aduentu meo, laeti animi ſigna oſten-
dit, negotiumq. Cardinalibus dedit, ut ita mecum de
manſione agerent, ne diſcedere paterentur. noli quae-
rere, quam ſim laetatus: non quo libenter abeſſem a
meis, quibus mihi dulcius in uita nihil eſt: aut quo
penderẽ ab aulicis honoribus, qui ne iuuenem quidem
mouerant umquam, ne nunc ſenem: ſed ut homines,
obliti ſuperiorum temporum, eundem in urbe Roma,
qui ſemper fuit, uirtuti locum eſſe perſpicerent. parui
rogantibus, cognita praefertim Pontificis uoluntate.
ſſi.

stipendium satis per se tenue, in quo meam facilitatem
 nonnulli reprobant, cum libertate & otio maxi-
 mum uidetur. nihil oneris imponitur. litteris, ut in so-
 litudine, fieri licet, & ut spero licebit. unum, aut
 alterum Cardinalem bis in mense, terue summum, uel
 quia me diligunt, uel quia uirtute excellunt, salutare
 consueui. Caelum idem exuperior, quod antea, humi-
 dum, graue, inaequale: nec tamen ualeo deterius,
 quam in patria; uel quia, quod te uirum doctissimam
 non fugit, hilaritas animi corpori medicinam facit;
 uel quia me domesticae tricae sollicitum non habent;
 uel fortasse etiam propter uina, quae sunt hic ex om-
 ni genere optima. puuita carere iam non possum, se-
 xagenarius laborem scribendi, aut legendi fere num-
 quam intermitto. Vereor, si longior epistola sit, ne
 tibi molestiam afferam: nisi si haec ipsa tibi molestia
 maior est, quod excusatione tecum utar. A te igitur
 peto, ut, quemcumque Caesar oratorem in demortui
 locum Romam mittet, ei me de meliore nota commen-
 des. dicerem significationem amoris in me tui commen-
 dationem fore omnium grauissimam; cum nemo sit,
 quin facile diligat, quem diligi a te sentiat: sed ego ne
 tibi praescribam, homini omnium, quos in uita noue-
 rim, humanissimo, & prudentissimo? Vale. Romae,
 Kal. Dec. M D LXXII.

 IO. SARIO ZAMOSCIO II

MULTORVM mensium aduersa uarietudine ue-
 xatus, omni prorsus carebam legendi, scribendiq. fa-
 cultate. quod eo mihi in primis nomine permolestum
 est,

est, quia, multis ad me scribentibus, respondere sine
 ualeitudinis incommodo uix possum. nam, etsi depulsa
 uis est morbi: pristinas tamen uires desidero, & capi-
 tis infirmitas non modo litterarum, sed prope sermo-
 nis usum adimit quotidiani. Dabis igitur mi Zamosci
 ueniam homini tui amantissimo, qui te pro ingenij do-
 Etrinaeq. praestantia summis ornare laudibus num-
 quam desinit, si ad tuam elegantissimam epistolam
 hoc unum rescribo, rescribere me tibi pluribus uerbis
 hoc quidem tempore non licere. nam, cum licebit,
 persuade tibi, non esse me commissurum, ut debitum
 humanitati, amicitiaeque nostrae officium non persol-
 uam. interim haec pauca, ut recenti morbo, uacillan-
 tibus litterulis. Vale. Ro. non. Dec. MDLXXII.

VBERTO. FOLIETAE 12

ETSI tu is es, cuius ingenium & uirtus neque
 meum, neque cuiusquam omnino testimonium desideret:
 me tamen uel amor in te meus, uel ipsa ueritas addu-
 xit, ut exstare uellem de tuis Elogijs iudicium meum,
 non tam apud te, qui te ipsum egregie nosti, quam apud
 omnes gentes, atque adeo apud ipsam posteritatem,
 quae de studijs ingenijsque nostris, expers amoris &
 odij, pro cuiusque merito sententiam feret. Ego enim
 tua scripta & legeram ante multos annos, & ita proba-
 ram, ut ex ijs, qui tunc excellere putabantur, tibi ne-
 minem anteferrem: nunc, ut uere dicam, non ut gra-
 tiae causa tuis auribus largiri quidquam uelim, haec
 de tuis Liguribus illustris, & diligens, & ornata com-
 memoratio ita mihi placuit, ut, qui conferri tecum hoc
 in

in genere possit, prorsus neminem esse iudicauerim. nam ex uniuersa Italia, aut ex multis prouincijs multarum uirtutum exempla colligere, id quod ex ueteribus multi, ex recentioribus nonnulli fecerunt, haud sane magni negotij uidetur esse: ex una uero ciuitate, & ex una satis angusta regione tamquam ex uberri- mo fonte multos haurire, qui uitae sanctitate, qui mi- litari gloria, qui reipublicae administrandae scientia, qui sollertia & inuestigandi nouarum rerum, noua- rumq. gentium studio, qui etiam litteris & eloquen- tia floruerint, hodieq. floreat, admirandum quid- dam est, & immortalis laude dignissimum. in qua co- gitatione dum uersor, non tam equidem patriae tuae gratulor, quod eos cines tulerit, qui tantas res gere- rent, aut qui insigni aliqua laude inter ceteros emine- rent, quam quod tu, incredibili quodam erga tuos amo re incensus, ad eorum memoriam ab interitu uindi- candam ingenium artemq. contuleris. uiuunt enim no- mina, consumptis corporibus, excellenti scriptorum industria: & si praeconem uirtus inuenit, elucet; eo si caret, obscuratur, & exstinguitur. Quo circa uel ipsi ipsis, qui ornati a te sunt, quorum hodie nonnulli sua gloria uiui perfruuntur, uel eorum posteris tanti de- bet esse munus, officiumq. tuum, quanti semper a fortibus ac sapientibus uiris aestimatam nominis ae- ternitatem uidemus, qui eam non modo laboribus, ac periculis, uerum etiam uita, ac sanguine quaeren- dam putarunt. Et, ut aliquid de meo sensu, cum alu- mnum disciplinae meae, praestanti uirum ingenio, na- tum maximis rebus, orate dicendi, scribendiq. fa- cultate,

Ll cultate,

cultate, siue latina Lingua, siue communis Italica
spectetur, nemini prorsus aetate nostra concedentem,
propriij Elogij laude decorasti, etsi debitum in eo uirtu
ti praemium persoluisti, me tamen pro mea in illum
singulari beneuolentia qua uoluptate laetitiaq. affece
ris, quo tibi beneficio deuinxeris, nec mihi uerbis ex
primere, nec tibi cogitatione consequi facillimum sit.
Ac tu quidem materiam cepisti nobilem, & praecla
ram: sed, ut ea speciosior, & iucundior, & ut ita di
cam, se ipsa maior sit, eloquentiae tuae praestantia
consequeris. omitto reliqua, ne sim nimius: nam sua
quidq. laude dignum est: sed in principijs tam multis
tantam uarietatem, tam splendidam, tam elegantem
quis non admiretur, aut quis uidit umquam? in cere
ris enim Elogiorum partibus tui numquam non simi
lis, idest grauis, & sublimis, & ornatus, in hac ue
ro tantus es, ut in illis certare cum alijs, in hac te ip
sum uincere uoluisse uidearis. Maeste uir ingenio, atq. uir
tute, optime de patria merite, cui tot ciues, tot he
roes, tot Principes, communi factorum lege ereptos,
uel temporis iniuriam timentes, restituis, atque con
seruas. nunc illa te suae studiosum dignitatis, publici
cupidum commodi, uereque suum alumnum agno
scit: nunc amplectitur absentem: nunc incolumem,
florentem, beatum exoptat. quae tibi merces una
pietatis in illam perpetuae praestantissima uidetur.
Vale. Romae, ex aedibus, pridie Kalend. Dec.

M D LXXII.

CAE-

NIHIL abest a natura mea longius, quam uel
 assentari, quod sui commodi spe plerique faciunt;
 uel inanibus uerbis tempus conterere; quod eius est,
 qui minime sua boni nouit, quiq. se cum sibi, & suis,
 tum etiam ciuibus uniuersis, & patriae natum obli-
 uiscitur. Ego, mi Caesar, cum utrumque nostrum
 aequa lance perpendo, cur ipse tibi assenter, causam
 uideo esse nullam. tu enim tua uirtute, ego mea fortu-
 na contentus uiuo. si quis didicit esse blandus, ut al-
 terum capiat: eius artificio locus apud te non est. ego
 autem, si assentatio mercedem spectat, aut emolumen-
 tum aliquod aucupatur, nihil habeo, quod a te exspe-
 ctem, aut quod petam praestantius beneuolentia tua.
 at eam adeptus iam sum: adeptamq. tanti facio, ut
 nihil anteponam. amari enim ab homine excellentis
 ingenij, summae probitatis, cogitationes curasq.
 suas omnes ad unam uirtutem referente, iuriconsul-
 to denique eruditissimo, non ex recenti barbarie, sed
 ad illam doctrinae ueteris elegantiam exculto; ama-
 ri, inquam, abs te, tali uiro, & frui beneuolentia
 tua, ipsum per se optabile est. cum uero ab eadem
 beneuolentia multa mihi quotidie commoda nascan-
 tur: quid est, quod me tibi debere non confitear? mitto
 reliqua: illud omnium maximum nec meminisse, nec
 praedicare umquam desinam, quod mihi non solum
 bibliotheca tua, omni prope referta librorum genere,
 sed ea, qua excellis, doctrina ita patet, ut, si quid
 ex his commentarijs, quos in Ciceronis orationes d. u.

Ll 2 noctuq.

noctūq. texo, posteritas fructum colliget, eum tibi ex aliqua parte acceptum referre debeat. Sunt enim quaedam, amissis duodecim tabulis, omni paene formularum, responsorum, edictorum extincta memoria, ita complicata, & inuoluta, ut, nisi singularis iurisconsulti scientia, usu confirmata, aucta ingenio, adhibeatur, explicari, & euolui uix, aut ne uix quidem interdum possint. Agerem tibi gratias de isto munere, si uel tua pateretur humanitas; uel ego is essem, qui bene de me merenti uerbis potius, quam re, satisfactum esse uellem. memoria tuebor officia tua, donec illucescat ille dies, ut referre gratiam liceat: quod si assequar: non dubito, quin tu, quem tibi hominem adiunxeris, cum intelligas, tua praestanti liberalitate, beneq. agendi consuetudine uehementer laetere. Haec interim, cum de officio meo cogitarem, facere non potui, quin ad te scriberem: quamquam & a studijs meis inuitus auellerer; & ut uere dicam, non me tuus tantum, sed meus etiam pudor ab hoc argumenti genere, quod totum ad tuam laudem pertinet, haud mediocriter auocaret. Vale. ex aedibus. Pr. non. Dec. MDLXXII.

MAXIMO: ZABRERAE. 14

SI quis est, qui tuam humanitatem, tuosq. mores & probe norit, & laudare loco numquam desinat: eum esse me, uelim existimes. uerumtamen, cum ego diutius, quam studia fortasse tua patiebatur, eo, quem superiore mihi aestate commodaueras, libro sim usus, nonnumquam mihi, ne tu durius id acceperis, uenit in

in mentem sufficari. adire ad me solebas: nec in officio tuo mediocre beneficium erat: quippe tua suauitate exhilarabar: delectabar ingenio: doctrina etiam, in qua mentiar si tibi quemquam ex aequalibus tuis anteponam, nonnihil interdum & leuabatur labor meus, & adiuuabatur industria. haec nisi restituis: nimium a te grauis errato meo, si modo erratum esse uis, poena constituitur. Longe, inquis, habitas. Fateor: nec tamen ultra mille passus. at memini, cum ad templum diui Petri, ut es religioni deditus, maximeq. pius, itare quotidie soleres. praeclara consuetudo: quae si manet, incommodi nihil mea causa suscipies. non enim deuite sunt aedes meae: ab arce sancti Angeli recta euntibus ad basilicam beati Petri prope modum occurrunt: sin autem intermissa est, & te sanctae Mariae templum, quam Minervae uocant, magis tenet: impetrare tamen debet amor in te meus, non dicam, ut quotidie una simus, sed certe, ut ad speculum me, & sermone tuo, semel in mense frui sinas. Haec mi Maxime ita uelim accipias, ut, si te delectant, serio; si quid offendunt, ioco dicta credas. ego enim cum eo sum ingenio, ut incommodare uelim nemini: tum eo erga te animo, ut tibi multo minus, quam ceteris. amo scilicet, uti debeo, studia tua: occupationes noui: breuitatem dierum uideo, addita praesertim tempestate, uentis, frigoribus, imbribus infesta. Gabriel frater tuus, omni laude ornatus adolescens, de quo, in auiam, ut saepe cogito, ut ualeat, quid agat, quam spem reditus asserat, scire uehementer uelim: ad quem cum litteras mittes, ita cupio salutem adscribas meis

uerbis, ut amari se a me non mediocriter intelligat.
Vale. ex aedibus. pridie Id. Ian. M D L X X I I.

M . ANTONIO . CIOFANO

Sulmonem.

15

LAETARI te, quod Romam uenerim, ualeamq.
 post itineris laborem satis commode, cum etiam atque
 etiam gaudeam, minime tamen miror. Facit hoc a-
 mor in me tuus, illo primum tempore, quo inita inter
 nos amicitia est, mihi non obscure perspectus, quotidie
 postea ijs illustrior officijs, quae si patiar ex animo meo
 deleri, peccasse mihi ualde uidear. At gratiam non
 refero. Non arbitror te id spectare: quae tua huma-
 nitas est. nec ego quidem ex eo molestiam capio, qui
 mihi sim conscius uoluntatis in te mae, & si qua tui
 dabitur ornandi facultas, eam praetermittere non co-
 git. Herculem quidem, fratrem tuum, tibi & pro-
 bitate & uirtute simillimum, dum hic ero, omni offi-
 ciorum genere complectar. Laudibus ijs, quas in me
 confers, non quod is sim, qui gloriola capiar, sed quod
 eae quoque ab amore profiscuntur, magnopere dele-
 flor. *Vale. Romae. v. Kal. Quint. M D L X X I I.*

AVGVSTINO . ANGELELLO

Fabrianum.

16

PERSVADERE tibi, nihil mihi gratius, aut iucun-
 dius esse posse litteris tuis, & quia pure in primis, or-
 nateq. loquuntur, & quod amorem in me tuum, per-
 fectum illum quidem a me antea, clarioribus tamen
 argumentis quotidie magis ostendant. Inscriptiones mi
 si ad


si ad filium . is te tuo merito amat, & gaudet muneri-
bus tuis . mihi sane , quas proxime misisti, ualde pro-
bantur . Onuphrius ad te scripserat meo nomine , ut
mitteres ad nos ea , quae nos olim ad te misimus . tu
nihil dum respondes . quid putemus ? humanitatem, &
diligentiam tuam non requiram . est enim utraque mihi
probe cognita . quid ergo est occupationibus distineris :
quae tamen adimere tibi nostri memoriam non debent,
quemadmodum nec ipse in magnis curis & negotijs
tui possum obliuisci, quamquam litteris tuis interdum
non respondeam . quod si tu deteriore in partem non
accipis, facis quod amicitia nostra dignum est . Vale.
VII. Kal. Iunij, M D LXXIII.

BRANCONDIO . OPHIDANO 17

EST omnibus a communi parente natura tribu-
tum , ut amari uelint a sui similibus, & in animorum
societate, & coniunctione multum ponant . Ego au-
tem, quorum eminet uirtus, & quibus in ipsis ea sunt,
quae praecipuum quendam amorem concilient, eorum
amicitia nihil optabilius , nihil esse praestantius, exi-
stimo . atque ego te, uel hominum sermone, uel tuis
litteris, ornatissime scriptis, adductus, in horum nu-
merum libenter aggrego, mihi autem uel maxime gra-
tutor, quod ita te sentire uideo de studijs meis, ut mi-
hi tantum largiari, quantum si agnoscam, aut ipse
me parum nosse, aut, quos mea mihi fines modestiae prae-
scribit, eos praeterire longe uidear . nec tamen contra
tuam benignitatem disputa : potius eam amplector,
atque amo . quod si res tulerit, ut referre gratias pos-

Li 4 sim.

*sim, in his praesertim rebus, quae ad tuam laudem
pertineant: dabo operam, ut eo te esse apud me lo
co, quem tua uirtus postulat, intelligas, & in ma
gna tui amantissimorum hominum copia me tamen
eorum nemini concedere. Vale. Romae, pridie non.
Non. M D L X X I I.*



AVL

PR A

Q

D. I L


AV

CO

PAVLLI. MANVTII
PRAEFATIONES
QVIBVS. LIBRI

AD. ILLVSTRES. VIROS
AVT. AD. AMICOS
M I S S I

COMMENDANTVR



se humanitate excellere . itaque do me libenter in eam
 partem , ut homines officijs colam , laudibus exornem ,
 re , si opus est , pro mea tenuitate sustentem . Sed me-
 hercule ego de te , mi Matihæe , a uero animi mei sensu
 iudico : nihil me gratia , nihil afficit ambitio . Primum ,
 cum aliquoties mei salutandi caussa domum meam ue-
 nisses , pellexisti me in amorem tui , comitate morum ,
 & lenitate sermonis : deinde , quod iam non tibi mo-
 do , uerum & alijs petentibus negaui , atque ex-
 cluseram ; ut ego te domo reciperem , eloquentiaeq. stu-
 dijs erudirem , multis precibus usus peruicisti . Nec mi-
 hi tamen , quod tibi , meorum sermonum cupiditate fla-
 granti , meamq. domesticam consuetudinem petenti ,
 satisfecerim , adhuc uenit in mentem paenitere : quin ,
 quo plus ad nostrum conuiuium accedit temporis , eo
 maiorem e tuis moribus , tuisq. studiis haurio suauita-
 tem . non enim tam hoc in te laudo , quod certe in adole-
 scente summa laude dignum est , quod a studio doctri-
 nae non te suis illecebris uoluptas , non commodum ,
 ne ipsa quidem ualetudinis ratio deducit ; quam illud
 & admiror , & praedicare satis pro dignitate non pos-
 sum , quod in tuis cogitationibus haec tibi prima est ,
 & antiquissima , ut Deum optimum maximum , a quo
 uno , quae uere bona sunt , emanant omnia , humanis
 rebus , quae fluxae nimis , infirmaeq. sunt , longe om-
 nibus anteponas . Terge adulescens oprime in hoc prae-
 claro diuinoq. sensu . haec est omnium rerum una nobi-
 lissima , una , mihi crede , quae omnium Philosopho-
 rum scientias , una , quae omnium Regum opes facile
 uincat . quare tu quidem oblecta te , quod facis , elo-
 quen-

quentiae studio: in qua, quo modo principia se dant,
 futurum auguror, ut breui superiorem neminem, ali-
 quando ne parem quidem habeas. sed illud stet in pri-
 mis, neque umquam excidat, omnium uirtutum Pie-
 tatem in Deum esse fundamentum. ac uide, quot inde
 tibi bona fluant. Primum, tuae saluti consulueris egre-
 gie. animi salutem appello, non corporis. decet enim
 nos aeternam potius illam uitam, omni felicitate cir-
 cumsistentem, quam hanc, quae temporum spatijs de-
 finitur, miseris numquam uacantem, cogitare. dein-
 de, patrem tuum, qui, ut audio de multis, atque
 etiam de te ipso, humanam prudentiam prae diuina re-
 ligione nihil esse putat, incredibili uoluptate laetitiaq.
 perfundes. cui quantum debeas, non ex eo solum intel-
 lige, quod pater est; sed quod is pater, qui te filium uult
 esse inter tuos cines omni re florentem, atque honora-
 tum; qui te consilijs a puero sapientissimis erudiuit;
 qui te suo exemplo, suis optimis institutis, ac facili ad
 laudem quotidie uocat. Tali patri, tam probo, tam tui
 amanti, tam libenter suas omnes curas in te consumen-
 ti, curare debes, ut id, quod reliquum est uitae, per te
 sit iucundissimum. quod ita consequeris, si statueris,
 quibus artibus ideo nunc operam das, ut aliquando ce-
 teris hominibus elegantia sermonis, & scientia rerum
 antecellas, earum artium infirmam esse gloriam, nisi
 perpetuo erga summum Deum amore studioq. fulcia-
 tur. mihi quidem, cui tu carissimus esse aut uis, aut
 certe ita uideris uelle, ut mihi persuadeas, magis ulla
 re placere non poteris, quam si te in eo, quod instituisti,
 uitae innocenter & cum uirtute degendae studio con-
 stan-

stantem, tuiq. simillimum uidero. Et, ut iam nunc intelligas, quos in animis hominum amoris igniculos uera uirtus accendat; scis quinētum abhinc mensem mihi tecum nihil fuisse, te mihi numquam uisum, ignotam mihi tuam faciem, obscurum nomen. nunc, apud me quo loco sis, intelligere te puto. paucissimis diebus ex conuiētū consuetudo, ex consuetudine amor, ex amore familiaritas exorta. itaque tecum & saepissime sum, quod sub ijsdem tectis necesse est, & admodum iucunde, quod ea, quae in tuis moribus elucet, probitate consequeris. Et, quoniam is ego sum, qui, quo me uoluntas ducat a ratione profecta, eo libenter sequar; gessi morem animo meo, tacite hortanti, ut hanc meam ad te amandum propensionem non modo tibi, sed, quatenus quidem per me liceat, reliquis etiam hominibus illustri aliquo officio ac munere declararem. cumq. tulisset casus, ut hoc tempore Ciceronis epistolae familiares, eae, quas tu iam legendo & peruolutando triuisti, denuo typis, ut nunc loquimur, essent imprimendae: peropportuna ad id, quod uolebam, uisares est. nam, hunc librum si cum tui nominis inscriptione publicarem, putavi me facere quiddam, quod utrique nostrum aequo conueniret: tibi, quia ex his primum Ciceronis epistolis ad Latinae orationis elegantiam informamur, ex his primus eloquentiae quasi succus, qui qualis initio fuerit, permagni interest, ebibitur: mihi, quia, cum hic liber omnium fere uersetur inter manus, circumferret, id quod ego cupio, tuum nomen, & meum de te iudicium, meamq. spem quam plurimis ostendet. quorum alterum est eiusmodi, ut ego tibi nunc ex aequalibus

bus

bus tuis neminem in ullo genere laudis antepōnam: altera, cum aetate processeris, ea mihi de te pollicetur, quae si euenerint, (omnium autem rerum euentus in Deo positus est) uir eris inter uiros maximus, habebit a te familia tua memoriam nominis sempiternam, patria uero exemplum in ciuitate uirtutis excolendae praeclarissimum. Venetijs, M D LIV. mense Maio.

AD. CAROLVM. PISAVRIVM
LEONARDI. FILIVM
IN. EPISTOLAS. CICERONIS
AD. ATTICVM 2

BENEFICIORVM, Carole Pisauri, non eadem omnium est ratio. multi, quid detur, spectare solent, sua quidque magnitudine metiuntur, nihil attendunt praeterea: ego potius, quibus de causis, & a quo homine detur, animaduerto; ac, si quid in aliquem, aut in me ipsum collatum est gratiae, tanti soleo aestimare, quanti uidetur is, qui contulit, aestimandus. hinc fit, ut, quae a patre tuo, uiro sapientissimo, & cum alijs laudibus ornato, tum uero omnium, quos ego in uita nouerim, humanissimo, quae item a patruo, qui nuper magno bonorum omnium maerore mortuus est, Ioanne Maria, Paphi Episcopo, excellenti non minus doctrina, quam bonitate, praedito, diuersis temporibus in me profecta sunt officia, ea quamquam summa non fuerint, (neque enim tulit occasio, neque rationes meae postularunt) pro summis tamen acceperim, & earum rerum loco duxerim, quas qui possident, beati existimantur. fons enim ille, unde manarunt,

runt, amor fuit, & cum amore iudicium, quod uter-
 que de me habuit: quod equidem, si potero, tuebor offi-
 cijs: studio certe, omniq. prorsus cura, atque industria
 bonum uirum, meritorumq. memorem praestabo. quod
 si liceret ingenium cum uoluntate coniungere: ut alte-
 rum alteri responderet, & cupiditati uires aequaren-
 tur: illustrarem beneficia uestra; ac fortasse efficerem,
 ut gratia mihi a uobis aliqua deberetur, gratiam per-
 soluenti. uerum, ut, hoc quidem ab infirmitate mea
 sperari minime posse, non solum intelligo, uerum etiam
 ingenue confiteor: sic illud facile polliceor, uereq. affir-
 mo, si quid aut iam est in me facultatis, aut erit ali-
 quando, ijs, in quibus assidue uersor, studiis partum,
 & uigilijs, uelle me id in omni mea uita, quantum-
 cumque erit, seruire totum uestrae laudi, tuae praefer-
 tim; quae cum a meis praeceptis, & consilijs origi-
 nem duxerit, exornabo eam, tamquam opus meum,
 quibus potero artibus, qua licebit industria; floren-
 temq. pulcherrimis uirtutibus alumnorum disciplinae
 meae cum inspiciam, gratulabor utrique nostrum pari-
 ter, fructumq. amoris & studij ueteris in te mei ex tua
 gloria uberrimum capiam. Ac tu quidem, mi Carole,
 cum tibi nasci contigerit ex ea familia, in qua semper
 uerus honor, & splendor uirtutis enituit, nihil debes
 humile cogitare, nihil angustum, nihil obscurum, aut
 inane. excelsa petat animus tuus, ampla, illustra,
 plena dignitatis, & gloriae. quo te semper a tua pri-
 ma pueritia mea uox incitauit; quo pater tuus, cuius
 ad te cogitationes curaeq. referuntur omnes, assidue co-
 hortatur, quo denique te uocant maiorum tuorum
 exem-

exempla; quorum nomina nulla dies existinguet, nulla obscurabit obliuio. non enim, si praestiteris ea, quae a te expectantur, quae maxima sunt, nomen in tuam familiam decus inferes: antiqua renouabis, praeclaramque consuetudinem retinebis in tua domo laudis expetendae, exercendarumque artium optimarum: quibus instructos, utiles fuisse patriae ciues, sibi & familiae gloriosos, de tua gente multos, si annales euolueris, inuenies. Verum, quando te sacris addixisti, & illud uitae genus complexus es, quod est totum in laudabiliratione, totum in praeclaris cogitationibus et factis constitutum; non te libera uoluntas, ut alios, ad honestum rectumque ducit; sed, quo te primum die ad religionem contulisti, eodem die legem ipse tibi imposuisti perpetuae continentiae; exclusisti rerum inanium cupiditatem; uelle ad solidam laudem omnia referre, uelle summi Dei gloriaui in omni uita, idest tuam salutem, spectare professus es. Quare non tibi monitores, quorum te moueat oratio, expectandi: ipse te excita, ipse acue, & impelle. multae sunt propositae adolescentibus uiae, fallaces, obliquae, insidiosae, oculis iucundae, specie quadam obiecta uoluptatis: in quibus errare quotidie uides, & labi, ducem sequentes libidinem, non rationem, de tuis aequalibus quamplurimos. tu uiam uirtutis ingredi, simplicem, rectam, apertam, principio fortasse difficilem, atque asperam, exitu certe salutarem, & gloriosam. hanc, inquam, uiam, signatam, & impressam uestigijs proborum sanctorumque uirorum, si uis ipse tibi carus esse, si uis ipse tibi recte consulere, unam ingredi.

M m dere:

dere: aut, si ingressus iam es, curre per eam celeri gradu ad ea, quae te manent, praemia immortalitatis. Haec ego, pro meo in te amore singulari, uetereque erga parentem tuum studio, scriptis tecum ago, quae sermonibus & libentius agerem, & saepius, si liceret. sed, quando te Patauij tua studia, a quibus abduci non debes, me Venetijs mearum rerum ratio, & ualitudinis detinet infirmitas: proficiscetur ad te mea uox, his consignata litteris: quae tecum erit perpetuo, ubicumque fueris, te prosequetur, quocumque iueris. nec uero dubitavi, quin ea tibi paullo gratior esset futura, coniuncta cum Ciceronis uoce, idest cum ijs epistolis, in quibus cum Attico, familiari suo, non minus graui ter, & sapienter, quam eleganter, & splendide loquitur. fructum, ut spero, capies ex utraque non uulgarer. ego enim, ut uelis optima, te hortor; Cicero uolentem adiuuat; ornat enim eloquentia, consilijs instruit sapientissimis. nam disputat saepe in his epistolarum libris, sermone per quam eleganti, de statu reip. de uitijs Principum, unde fluunt exitia ciuitatum, de uicissitudine fortunae. qui tibi erit, accurate legenti, sapientiae fons uberrimus. A me uero munusculum habebis, meae in te uoluntatis & studij argumentum. exiguum, inquires. fateor: sed uelim spectes animum, non rem: quam tamen ne ipsam quidem debes contemnere: siquidem eiusmodi est, ut tuas, tuorumque laudes, a me non expressas, sed tamquam tenui penicillo designatas, simul cum beneuolentia mea cunctis gentibus patefaciat. Venetijs, M D LIX.

AD.

AD. BENEDICTVM. ACCOLTVM
RAVENNAE. CARDINALEM
IN. ORATIONVM. CICERONIS
PARTEM. PRIMAM 3

MAXIME esset optandum, Accolte clarissime, ut, quae olim a doctissimis uiris magno labore, magnisq. uigilijs sunt elucubrata, ea nostram ad aetatem peruenire omnia potuissent. artium plurimarum scientia, quarum adiumento ad uitam recte instituendam indigemus, non desideraretur. uerum ita casu nescio quo accidit, ut ex ijs scriptis, quae ueteres illi, homines sapientissimi, reliquerunt, non solum multa prorsus interierint, sed etiam, quae in hanc diem seruata sunt, ita deprauata, ita mutila legantur, ut saepissime uix, aut ne uix quidem intelligi possint. hoc incommodum pater olim meus magna ex parte sustulit. cuius industria multos excitauit, ut, eandem rem aggressi, iacentem litterarum laudem pro suis quisque uiribus subleuaret. quod si alij fecerunt, tantum aemulatione gloriae permoti: certe, cur ego id faciam, hoc plus habeo caussae, quod, cum pater studiosis id, quod in hoc genere promiserat, morte praeventus praestare non potuerit, hoc me nomine ita appellant, quasi ad filios soleat non paternae solum rei, sed uoluntatis etiam hereditas peruenire. haec me, ut debet, opinio multum mouet, sed auctoritas tua plurimum: quam ego tanti soleo facere, ut, quamcumque tu probas rationem, ea demum & utilis mihi, & honesta uideatur esse. tu igitur cum ad hoc posteritatis

Mm 2 adiuuan-

adiuuandae Studium nos & uehementer, & saepe sis-
 cohortatus; effecisti, ut in eam rem tanto alacrius in-
 cumbamus, quanto pluris apud me tua, quam reliquo-
 rum omnium consilia sunt. quod si labore, studio, dili-
 gentia profici in hoc genere quidquam potest, ut certe
 potest: magnopere spero fore, ut neque te officij tui in-
 me admonendo, neque liberalitatis in adiuuando pae-
 niteat. cuius rei quasi specimen erit haec prima Cicero-
 nis orationum pars, quam, ex ueterum exemplarium
 collatione diligenter emendatam, in manus hominum
 sub tuo nomine emittimus. nam, cum usu, & consue-
 tudine ita comparatum sit, ut, quibus rebus Principes
 uiri delectentur, in ijs rebus multi suum Studium pro-
 bare uelint; ex quo fit, ut ab alijs canes, ab alijs equos,
 aut aues nobiles dono dari uideamus: commode me fa-
 cturum existimaui, si quid ego eius generis ad te mitte-
 rem, quod omnibus te praesferre uoluptatibus intelle-
 xissem. soles enim quotidie fere a grauissimarum ar-
 tium tractatione, in haec studia, quae sibi ab humani-
 tate nomen adsciuerunt, quasi in hortum amoenissi-
 mum, diuertere: ubi te modo oratorum & poetarum
 flores, modo dulcium amicorum colloquia mirifice dele-
 ctant: ut, praeter id temporis, quod ualetudini dare so-
 les, quod sane pusillum est, hora nulla sit, quam non
 in litteris, & cum uirtute traducas. quam in uiae uitae
 rationem qui ignorant, mirantur scilicet, unde illa tibi
 in aduersis rebus fortitudo tanta, unde animi robur il-
 lud inuicti, quod ne illa quidem ipsa, quae in rebus hu-
 manis Fortuna dominatur, ullo pacto poterit insinge-
 re; contra cuius uim duplici te praesidio munieris, ar-
 tium

rium maximarum cognitione, & mentis optimae con-
 scientia. haec est aliarum uirtutum, quae in te sunt
 multae, quasi princeps, & regina quaedam; ut in
 alijs neminem tibi antepone, in hac ne conferre qui-
 dem possim. Nam de prudentia, de pietate, de iusti-
 tia, ne uidear assentari, nihil dicam: ne de liberalita-
 te quidem; quae tamen ita nota est, ut non, qui eam
 laudet, assentator, sed, qui non laudet, maleuolus exi-
 stimetur. cum enim haec dandi beneficij ratio eiusmodi
 sit, ut nulla certior ad laudem, nulla item magis lubri-
 ca uideatur uia; propterea quod in beneficijs collocan-
 dis plerique fortunam hominum spectare solent, ut eam-
 dem gratiam, aut etiam cum fenore recipiant: non est,
 quod in hoc te labi quisquam arbitretur; cum & rarif-
 sime contingat, cuiusquam opera ut egere uidearis, &
 tu tamen quam plurimis, ob eximiam naturae tuae li-
 beralitatem, atque amplitudinem, benigne facere &
 soleas, & possis. & cum de omnibus ad bene meren-
 dum natura es maxime propensus: tum uero ipsa te ra-
 tio atque doctrina ita conformauit, ut ad eos honestan-
 dos, qui se ijs artibus, in quibus ipse excellis, dedide-
 re, tuum soleas studium libentissime conferre. quae qui-
 dem humanitas & beneficentia tua non sane uideo
 qui possit in ullo maior esse, quam in me tuendo fuit.
 quae est enim a te res, quae ad meum commodum at-
 tineret, praetermissa? quis diligentius est adhorta-
 tus, ut hanc restituendae antiquitatis laudem, qua pa-
 ter meus olim excelluit, paene afflictam excitarem?
 quis eam ipsam ad rem perficiendam plura contulit?
 cum etiam magnis Principibus, tui simillimis, ita me

*commendaris, ut iudicij tui testimonio permoti, non mi-
nimis ad se praemijs euocarint. Quae cum recordor,
etsi me ipsum probe noui, tamen interdum mihi assen-
tor, & mihi aliquid uideor esse, quod a te sim ornatus.
haec me inanis ambitio ita delectat, ut illum dolorem,
quem ex difficultate capio remunerandi, si non tollat,
minuat quidem certe. quamquam tu is es, qui te satis
superq. remuneratum existimas, si modo id, quod dedi-
sti, ab eo, qui accepit, intelligis memoria teneri. quo
in officio praestando, noli credere quemquam esse, qui me
uincat. & huius quidem rei confido fore ut aliquando
eiusmodi a me signa dentur, quae nullum cuiquam de
mea in te uoluntate dubitandi locum relinquant: nuuc
earum rerum, quas ipsi quidem hoc tempore possumus,
maxima, primum, ut dixi, Ciceronis orationum uolu-
men in tuo nomine apparebit. omnino neque amplitu-
dine tua, neque ijs officijs, quae in me contulisti, di-
gna res uidetur: sed, ut spero, muneris nostri tenuita-
tem humanitatis tuae magnitudo subleuabit.*

A D. G V L I E L M V M. B E L L A I V M
L A N G E V M

A P V D . S V B A L P I N A S . G E N T E S . P R O R E G E M
I N . O R A T I O N V M . C I C E R O N I S
P A R T E M . S E C V N D A M 4

M A G N I refert, Bellai ornatissime, quo quidque
tempore agatur; & ad omnes res non paruum habe-
re mumentum solet occasio quaedam, & commoditas,
qua uti dicuntur ij, qui nihil, nisi loco, facere consue-
uerunt.

uerunt. nam, quemadmodum pictorum tabulae certo loco positaе delectant; eademq. minus bono lumine constitutae, non item eorum, qui spectant, oculos tenere solent: sic actiones nostrae, mirum est, quantum opportunitate commendentur: ut interdum plus in tempore, quam in ipsa re, positum esse uideatur. quod ego cum semper indicassem, tamen non sum ueritus, quin tibi, in ijs rebus uel maxime occupato, quas Rex Christianissimus. & post hominum memoriam maximus, tuae fidei diligentiaeque mandauit, hoc ipsum, quod nunc a me profiscitur, officium futurum esset uel iucundissimum. nam, etsi magna tibi est grauissimorum negotiorum imposita moles; quam tu summa tua cum laude, & omnium praeneptium admiratione sustines: tamen in ipsa illa occupatione ita te litterarum tractatio delectat, ut & legas cum uoluptate, quae alij scripta reliquerunt, & scribas ipse, quae a posteris cum admiratione perpetuo legentur. ex quo illud consequeris, ut non modo Regis uoluntati seruias, quod est summa laude dignum; sed etiam posteritati consultas, quo laudabilius esse nihil potest. itaque tantum abest, ut a maioribus tuis, omni decore affluentibus, ad te ornandum quidquam haurias, ut etiam in te sit, quod ad illos redundet. nam, si tibi aliunde petenda sit laus; unde plura suppetant ornamenta, quam a fratribus tuis, maximeque ab eo, qui a Paulo III. ita est in Cardinalium Collegium cooptatus, ut ei summus Pontifex amplissimam dignitatem non quasi optatam concessisse, sed quasi debitam persoluisse uideatur? cui quidem uiro cum ad summam gloriam nihil desit;

Mm 4 cumq.

cumq. item tibi ea res abunde adsint, quibus homines hominibus antecellere uidentur: tamen sit uestra bonitate, & sapientia, ut uicissim & tu in illius dignitate, atque amplitudine, & ille in ingenio. atque uirtute conquiescat tua. uterque uero magna apud Regem prudentissimum, & summo iudicio praeditum auctori-
tate, magno esis apud omnes nomine, & gloria. nam tu quidem, quis est tam longinquus, cui notissimus non sis? non ex praesenti corporis forma, (quamquam multas prouincias Regis legatus obijisti) sed ex imagine ingenij tui; quam uerissimis eloquentiae coloribus expressam in tuis scriptis licet intueri. in hac cum & naturae tuae bonitas, & uirtutis eximia praestantia certatur: sequitur, ut, ex ea qui te norunt, ijdem ament. quorum ego in numero cum ita essem, ut nemini concederem: tamen non est credibile, quantum ad illam ipsam animi erga te mei uoluntatem addiderit Gulielmi Pellicerij, oratoris in hac urbe Regij, hominis praestantissimi, praedicatio. cuius multi, & egregij de tua laude sermones me iam antea commotum impulerunt, ut ex orationibus Ciceronis, cuius tu libros e manibus dimittere non soles, alteram partem cum tui nominis inscriptione diuulgarem. qua in parte ab erroribus, & mendis uindicanda quantum operae, studijq. posuerim, mihi ipse sum testis; quantum autem profecerim, & tu, & alij iudicabunt. tibi quidem, si consequar, ut nostra diligentia probetur, sane meos labores non exiguo compensatos esse fructu existimabo.

A D.

AD . ALEXANDRVM . CAESARINVM
CARDINALEM
IN . ORATIONVM . CICERONIS
PARTEM . TERTIAM 5

BENE mereri de litteris , etiamsi utilitas praetera consequatur nulla , tamen praeclarum in primis , atque egregium esse semper duxi : quamquam , utilitatem spectare si uolumus , ea demum summa est , quae ex hoc genere percipitur . fructus enim in posteritatis memoria , & praedicatione positus est , quem nemo umquam sapiens non praestantissimum iudicauit . sed haec bene merendi ratio duplex uidetur esse . nam & qui aliquid ipsi scripserunt , & qui alios uel cohortatione , uel praemio , ut scriberent , impulerunt , litteris opem tulisse existimantur . quae duae res eiusmodi sunt , ut , qui alterutram commodè faciat , ei scilicet a studiosis omnibus gratiae sint agendaë ; qui utramque , ne haberi quidem satis possint . Atque hanc laudem , ne apud ueteres quidem saepe accidit , ut unus consequeretur : propterea quod , qui ea uirtute , atque fortuna fuerunt , ut & ingenio posteris prodesse possent , & opibus , ut idem facerent , multos adducere ; alterum facile fecerunt , ut eos , qui doctrina , & eloquentia ualerent , ad inuanda litterarum studia excitarent ; alterum facere , ut ipsi monumentum ali quod industriae suae relinquerent , propter rerum gerendarum curam non ita potuerunt . quod item nostris temporibus usu uidemus euenire . nam neque multi sunt , qui praestare utrumque possint ; & , qui possunt ,

ijs fere, cum uelint, non conceditur. cuius generis exemplum, ne id, quod adest, aliunde quaeramus; concede quaeso, Caesarine praestantissime, ut a te sumam; & sine me hoc impetrare a modestia tua, ut ea, quae sentio, de te dicam. certe enim, qui maiorem aut iuris ciuilibus, aut sacrarum litterarum cognitionem sit consecutus, neminem esse constat. neque tamen haec studia, quae humaniora appellantur, quae nos adhuc secuti sumus, contempsisti; in quibus etiam diligenter uersatus es, ut illa superiora, quae quibusdam ipsa per se nimis horrida uidentur, eloquentiae pigmentis, cum uelles, atque etiam quantum uelles, illustrare posses. est igitur in te ipso, unde posteritas adiuuetur. nec, ut arbitror, uoluntas deest: sed otium eripiunt maximarum rerum occupationes. nam, quia tua uirtus non humili, neque obscuro loco latet, sed quasi in specula quadam excelsa, atque illustri posita est, unde opem ostentare bonis omnibus uidetur; ideo homines accurrunt ad te, uel ut consilium, uel etiam ut auxilium petant. itaque negotijs a litterarum tractatione distractus, ex duabus rationibus, quibus initio bonas artes adiuuari posse dixi, alteram inuitus omittis, cum ipse nihil scribas; alteram studiose amplecteris, cum ijs, quos industria uides excellere, nulla re desis. quamobrem Hieronymus Ferrarius, qui se iam pridem tibi addixit, homo & ingenij, & iudicij laude praestantissimus, cum alia, quae a te habet, praedicare solitus est, tum illud uel maxime, quod, domi tuae uiuens, te permittente, atque adeo libente, totum diem in litteris ponit, & otio frui-

fruitur tanto , quantum deserta in regione uix esset .
 cuius ex ingenio qui fructus percipiuntur , qui certe
 maximi sunt , ij sane tuae liberalitati referuntur ac-
 cepti . a te habemus , quae Ferrarius in ueterum
 scriptis uel correctione restituit , uel explicatione il-
 lustrat . a te emendationes in Philippicas Ciceronis
 orationes , quas ille plurimas , atque optimas ad me
 misit , quae iam iamq. edentur , a te inquam omnes
 sunt . itaque etiam eas ipsas orationes , ut a Ferra-
 rio , idest a te , restitutas , & quae praeterea in hoc
 tertio uolumine continentur , in quibus ipsi , quae
 male affecta erant , multa sanauimus , tibi inscri-
 ptas , atque dicatas emittimus ; ut , quod beneficium
 habemus maximum , eius beneficij auctorem agno-
 scamus , & huic libro summum ornamentum , Cae-
 sarini nomen , apponatur . quare etiam id , quod
 iam pridem optaui , fortasse consequar , ut , quam
 praeclare ego de te sentiam , cum intelligas , tu
 me eum existimes , quo in amicitiam , uel potius
 in clientelam tuam accepto , non pessime sensisse
 uidearis .

AD . IOANNEM . MONLVCIVM
 CHRISTIANISSIMI . REGIS
 CONSILIARIUM
 EIVSDEM Q. APVD . VENETAM . REMP . ORAT .
 IN . CICERONIS . ORATORIOS . LIBROS 6

QVOD te non fugit , Monluci sapientissime ,
 praestare omnes ceteris hominibus , sed alius alia re
 uult .

nult. non enim uniusmodi sunt nostrae uoluntates; sed, quoniam ex animo, qui uarie afficitur, tamquam ex typo effinguntur, ipsae quoque uariae sint, & multiformes, necesse est. ergo non eadem omnibus prima sunt. Quoniam uero ex ijs, quae appetuntur, necesse est aliquid excellat, ut de multis optabilibus unum optabile maxime sit: quid sit id, quod ego ceteris praestare putem, si de me quaeratur; dicam, id, quod qui assequuntur, eorum in potestate sensus omnium, animiq. sunt. id autem sine dubio Eloquentia est: quae tantum possidet dignitatis, ut infra uel eorum fortunae, quorum imperium prouinciae nuntumq. sequuntur, me quidem iudice constituentur: cum ita accadat, ut ab hac quamcumque in partem uolentes ducamur, illis inuiti saepe pareamus. Sed, quoniam, quo loco posita laus est, eum locum maximis difficultatibus Natura circumsaepsit, ut perueniendi facultatem paucissimis relinqueret: non est, quare nobis in mentem ueniat mirari, cur neque diuturna, neque in multis perfectae fuerit species eloquentiae. illud uideo, cum in hanc cogitationem mentis aciem intendi, bene dicendi gloriam duabus rebus ali maxime, otio, & libertate. itaque in urbe Roma, quae bonorum oratorum quasi secunda genitrix partus edidit uberrimos, neque ante secundum Punicum bellum, neque post Caesaris dominationem magnopere fuit, quod in hoc genere probares. Hannibale uielo, hostis Italiae terribilis nemo fuit. tum in urbe securitas, tum summa tranquillitas orta: tum seditio forum hominum ingenia popularibus concionibus acuit

ant-

ambitio. conciones, inquam, eloquentiam pepererunt: nisi quid me fallit ratiocinantem: ratiocinor autem sic, & per hos quasi gradus interrogationis adscendo. Eloquentiae quod summum fuit propositum praemium? consulatus: qui summus honor fuit. consulatum quis mandavit? populus. populum quis tenuit? concionator optimus. ergo a concionibus exstitit orator. idemque sublati concionibus, nullus fuit. cum enim civilibus armis oppressa Respublica iaceret; vetus consuetudo periisset; a populo, cuius potestas universi translata ad unum esset, non iam magistratus, non praefecturae peterentur: eloquentiae, quae populi gratiam honorum spe quaesierat, inanis omnis & superuacanea fuit exercitatio. sic oratoria facultas, summorum hominum studiis, exercitationibusque culta, cum a duobus Gracchis ad C. Caesaris aetatem, hoc est per annos centum fere ita uiguisset, ut nihil umquam fuerit illustrius; non effugit rerum humanarum commune fatum: quas ubi ad summum siue industriam, siue naturam perduxit, retro fere praecipiti lapsu reuoluuntur. Imperatores deinde multi rem Romanam exceperunt: quorum aetatibus uestigium ueteris eloquentiae nullum agnosceres. quid post? multo minus. nam, imperij sede in Graeciam translata, crebrae uastationes Italiae consecutae; cum influentes barbararum nationum copias reprimeret nemo. tum non eloquentia modo, sed ipsa paene litterarum memoria funditus deleta, nec suus est bonis disciplinis honor, nisi multis post saeculis, restitutus. patrum denique, aut auium nostrorum memoria, cum exte-

ros mores Italici caeli temperies aliquando ad humanitatem deduxisset, paullulum oculos litterae sustulerunt. doctrina primum, serius enituit eloquentia: nec mirum: doctrinam enim sine eloquentia laudamus; eloquentem sine doctrina recte intelligens nemo duxit. nunc in oratorum nomine, quod eximium semper fuit, nihilo minor, atque haud scio an etiam maior, quam priscis illis temporibus, dignitas, & amplitudo est. mittuntur a Regibus ad Reges, aut ad liberas ciuitates, qui non de stillicidijs agant, non de iure fundi; quarum rerum controuersias qui perite, & copiose disceptarunt, scimus olim habitos esse eloquentes: sed ea tractent, quae prudenter disputata, otium gentibus constituere, dignitatem imperij conseruare, terminos proferre possunt. hoc qui praestat, eum ego ueteribus oratoribus non comparo solum, sed etiam antepono. illi causas agebant primum apud iudices sorte ductos, deinde apud eos iudices, quibus de aliena re, non de sua indicantibus persuadere orator siue hoc, siue illud haud magno negotio posset. nunc agitur in consilio lectissimorum uirorum: agitur ijs de rebus, unde ad eos ipsos, qui iudicant, maximum potest siue emolumentum, siue damnum redundare; cum & de publicare iudicent, & in publica, extra quam nihil est, priuata cuiusque contineatur. his probare quae uelis, eo maioris ingenij uidetur esse, quo difficilius ab artificio capitur prudentia. itaque, cum hoc multi noluerint, magnum decus atque ornamentum est eorum, quibus contigit, ut possent; qui sane pauci sunt: maximum uero, si cui tantum aut natura de-

dit,

dit , aut exercitatio doctrinae , ut inter hos ipsos emi-
 neret . qualem si quis te iudicet , Monluci clarissime ,
 hunc ego recte indicare mihi persuadeam . nam , si con-
 sideremus , primum a quo missus orator sis , deinde ad
 quos , tum quibus de rebus missus : ita reperiemus ,
 missum ab eo Rege , qui omnes Reges sapientia uicerit ,
 quoniam quidem omnium unus , quid contra Fortu-
 nam uirtus posset , maxime declarauit : ad eam Rem-
 publicam , quae nisi sapientiss. morum ciuium copia
 floreret , semperq. floruisset , profecto neque tanta nunc
 esset , cum olim minima fuerit ; neque tam diu flaret ,
 cum ceterae Respublicae suorum ciuium temeritate con-
 ciderint : is autem de rebus esse missum , quarum quae
 magnitudo sit , ex eorum , ad quos pertinent , opibus ap-
 paret ; quae tantae sunt , ut paucorum imperijs distri-
 butus terrarum orbis teneatur . Et , cum haec legatio
 tibi per honorifica fuit ; tum illud ad tui nominis cele-
 britatem longe maximum accessit ; quod , cum a Prin-
 cipe Turcarum Solymano pacem defessa bellis Europa
 peroptaret , eaq. sine Christianissimi Regis intercessio-
 ne desperaretur ; unus electus , qui tantum muneris
 obires , acceptis a Rege mandatis , aestate media , sum-
 mis caloribus in Graeciam nauigasti . pacem ut compo-
 neres , optabatur : composuisti : hieme summa , difficilli-
 mis itineribus , per dispositos equos in Galliam recurri-
 sti . Exceptus alia cura , cū de sedandis inter Regem tuū ,
 Regemq. Litannum magni momenti controuersiis age-
 retur , praesuisi . te consulente , agente , ultro citroq.
 cursante , abiectis armis pax inter eos firmissimo foede-
 re constituta . Habes hoc omnino , Monluci , non dico
 a For-

a Fortuna, quam casus, & temeritas regit, sed a te ipso, qui ad consilium & rationem omnia refers, ut in tuis actionibus felix usquequaque sis. nimirum Sors, quam in rebus humanis dominari quidam sunt opinati, non omninum est aequae communis; sed ipsa sibi uirtus propriam fortunam architectatur. non erras, quia non est errare sapientis: & quia sapienter agis, omnia procedunt. bonus etiam orator es, quia bonus uir: ingenium enim probitas commendat; nec minus mouet is, qui dicit, quam ea, quae dicuntur. Quod nisi Latinum sermonem in Italia peregrinitas immutasset; nae tu nobis longo interuallo & Crassos, & Antonios retulisses. sed quoniam ea lingua utimur, quam multis coeuntibus linguis generatam corrupta consuetudo peperit: ueteribus Romanis oratione dissimilis, ingenio simillimus, non tu quidem loqueris ut illi, sed ut illi tamen & sapis, & persuades. Quare non fuit ab re, cum ego eos libros, in quibus perfecti formam oratoris a Cicerone uidemus expressam, mendis antea deformatos, nunc mea correctione expolitos emitterem; non fuit inquam ab re, tuo nomini dicatos emittere; ut, quae de perfecto oratore traduntur, ea perfecti item oratoris titulo cohonestarentur. hoc cum ita existimassem, quia uidebatur esse aptissimum, feci, & feci ei eo libentius, quod, cum tu mihi & multa iam summae humanitatis officia tribuisses, & is esses, qui tribuere etiam maiora posses; ego, nisi aliquid, praesertim ubi daretur occasio, retribuerem, uerebar, ne ex duobus maxime insignibus uitij, alterutrius infamiam non effugerem, ut uel ea uiderer, quae a te accipissem,

cepiſſem, minus meminiffe, quod a conſuetudine natu-
 raq. mea alieniſſimum eſt; uel ea, quae ſperari poſſent,
 negligere; quod quia ſuperbi eſſet, abeſt non modo a
 fortuna mea, ſed etiam a uoluntate plurimum. Vene-
 tijs. M D X L V I.

AD. BENEDICTVM. RHAMBERTVM
 IN. CICE RONIS. LIBROS
 DE. OFFICIIS

NON ignoris, Benedicte Rhamberte, ſenſuum
 eſſe quandam in hominibus ſimilitudinem; quae cum
 in conſuetudine cognita eſt, efficitur, ut, inter quos id
 accidit, amor exoriat. ab hoc quaſi fonte multo-
 rum amicitiae manant. multos etiam beneficium
 cum obligaret; cumq. id, quod acceperant; memoria
 conſervatum grate animo redderent; idq. uterque ſe
 riobingenq. bonitatem, & uoluntatis erga ſe propen-
 ſionem exiſtimaret; ſtatim eſt illam opinionem bene-
 uolentiae conſecuta. itaque duae cauſae ſunt, quam-
 obrem homines ament inter ſe: ſed haec poſterior, quae
 a rebus externis originem ducit, cum illa ſuperiore,
 quae a natura proficiſcitur, nullo pacto uidetur eſſe cō-
 paranda. illa enim primum habet eam ſuauiſſimam,
 qua, ut opinor, & certe, nulla maior eſt, cum eos,
 quibus utimur, & iſdem rebus, quibus nos, & ae-
 que atque nos aſſici ſentimus: deinde, etiam qui in dan-
 do & accipiendo beneficio fructus eſt, eo non eget. nam,
 ſi haec actio bene merendi interdum eſt, & eſſe poteſt
 in ijs, qui uoluntate non admodum coniuncti ſunt,

Nū quanto

quanto facilius exsistet apud eos, quorum animi ita consentiunt, ut, quasi natura hortante, easdem res appetere, ab iisdem fugere uideantur? at uero, qui officiorum commoditatibus adducti in amicitiam coierunt; etiam si, alter alterum initio summe diligit; tamen, si quando accidet, id quod accidere saepe solet, ut ea, qua diligere coeperunt, causa tollatur; certe eorum animi pedetentim in amore languescent. quo in genere animaduertis, Rhamberte, quam multi quotidie labantur, de quibus, facile est intelligere. quid sentias, cum ab eorum instituto tua ratio tam uehementer abhorreat. probe enim te, quae nostra debeat esse in iungendis amicitijs cautio, quae in iisdem colendis religio, quod item in omni uita praestandum officium sit, horum librorum, quos nunc tibi inscriptos ad te mittimus, lectio erudiuit. sensi in me ipso; quem, ab opibus non magnopere firmum, aut ne firmum quidem, tamen octauum abhinc annum tanto studio es complexus, quantum, qui ab omni re paratissimus sit, remunerando compensare uix possit. cumq. rerum mearum status, ut sunt humana, interdum mutaretur; memoria teneo, te, numquam immutatum, eandem semper cum mihi, tum fratribus meis uoluntatem, ac beneuolentiam praestitisse. cum uero maior aliquanto inter nos consuetudo esse coepisset; quod quidem est factum, postea quam te in nostram uicinitatem contulisti: facile sentio, ad meam uitam recte conformandam quanto mihi observatio tuorum morum fuerit adiumento. colloquutiones uero de litteris nostrae quid non dicam delectationis, sed utilitatis habuerunt? equidem, si

dem, si liceret, totos dies uellem tecum ponere. quarum enim ego rerum cognitione delector, earum in omni genere quae tui sit iudicii subtilitas, intelligo. sed hanc Latine scribendi rationem, in qua multi nunc uolunt excellere, paucissimi possunt, eam uero sic tenes, ut tuis scriptis mihi quidem purius nihil esse uideatur. quod eo mirandum est magis, quia tu non, ut alij, diuturno, atque assiduo librorum usu, sed temporum studio subsecutorum, hoc ut posses, consecutus es. nam, ut omittam, quod tibi, cuius fidei atque prudentiae Veneti senatus arcana creduntur, otium non saepe contingit: ecqui dies est, quo non ex amicis tuis aut consilio tibi aliquis, aut opera, aut etiam re sit adiuuandus? qua in consuetudine retinenda nimium diligens esse dum uis, accidit saepe, ut tuum potius ipse commodum, quam officij colendi facultatem praetermittas. quo ego me potius facere sum arbitratus, si haec opuscula, in quibus maxime de officio praecepta traduntur, ad te, quem cognoui esse omnium officiosissimum, mitterem. genus hoc, Rhamberte, quoddam est, quo ego eos, qui de me bene meriti sunt, remunerari soleo. perpendere rem, nulla uidebitur: animum respice, gratissimum dices.

AD . DIEGV M . HV RTADV M
DE . MENDOZA

CAROLI . CAESARIS . A . CONSILIO
EIVSDEMQUE . APVD . VENETAM : REMP . ORAT .

IN . PHILOSOPHIAE . CICERONIS
PARTEM . PRIMAM

SUPERIORIBVS diebus, cum domum tuam uenissem, ut Benedictum Accoltum, qui apud te diuersabatur, honoris causa uissem, quem ego hominem, non tam quia Cardinalis est, quam quia Cardinalatu dignissimus, uehementer obseruo: casu accidit, cum ego adesset, ut inter uos sermo oriretur ijs de rebus, quae, ab antiquis ignoratae, nostra patrumque memoria non solum inuentae sunt, sed ad summam etiam elegantiam perpolitae. cuius generis cum Accoltus ita multa commemorasset, ut mihi quidem, credo item alijs, qui aderant, facile probaret, ueterum sollertiae nostrorum hominum industriam antecellere: suggessisti tu, ne de philosophia quidem, in qua tantopere antiquitatem admiraremur, tibi uideri esse dubitandum, quin ea posset etiam nunc expoliri, atque ornari; si modo, quam quisque linguam a parentibus, atque a nutricibus traditam cum lacte simul hausisset, in ea uellet scribere: nunc usu euenire, ut, externo sermone addiscendo, totam aetatem consumamus: quod, si nos a pueritia disciplinarum cognitioni totos dedecemus; non esse desperandum, quin & Platonem, & Aristoteles aliquando possent exsistere: non enim

& cae-

& caelum hoc, unde spiritum ducimus, idem est, quod
 olim fuit, & hominum ingenia non eadem esse pos-
 sunt. praua consuetudo naturam peruertit. quae, tam-
 quam ager, si colitur, fructus edit uberrimos; si ne-
 gligitur, exarescit. annos triginta ponimus in uerbis
 percipiendis: quantulum spatij restat, ut res ipsas con-
 sideremus? licet ad antiquitatem animum referre:
 num aut Graeci illi philosophi, quorum nomen cele-
 berrimum est, ea, quae ab Aegyptijs acceperant, Aegy-
 ptio potius, quam patrio sermone scripta reliquerunt;
 aut nostri aliena lingua, non domestica, sunt usi, cum
 ea, quae uel de Graecis sumpserant, uel ipsi pepere-
 rant, in usum posteritatis explicarent? constat, apud
 omnes gentes, qui suas cogitationes litteris mandare
 uoluerunt, eos fere ijs esse uerbis usos, quorum signifi-
 cationem matris in gremio cognouissent. quod item
 nostra aetate si fieret, facile contingeret, quod tu opi-
 naris, Hurtade clarissime, ut in philosophia ueterum
 inuentis non nihil, uel etiam non parum addi posset.
 neque enim eos, qui fuerunt, usque eo cogitatione,
 ingenioq. processisse existimandum est, ut ijs, qui futuri
 sunt, quod praeterea cognoscerent, nihil reliquerint.
 multa latent adhuc, retrusa; atque abdita in immensi-
 tate naturae: quae eliciet, & euocabit in lucem, si
 quis inuestigandis rationibus, & perscrutandis rerum
 causis ab ineunte aetate suum studium dederit. quod
 ab ijs fieri commodum non potest, uel potius nullo mo-
 do potest, quibus non ea lingua, in qua alti educatiq.
 sunt, sed ea, qua ueteres utebantur, scribere consi-
 lium est. quorum tu si probares institutum, quotus-

N^o 3 quisque

quisque tecum esset in eo laudis genere conferendus? *tenes enim perfecte Latinam linguam, tenes Graecam, Arabicam, alias praeterea. scribis tamen, ut in patria tua loquuntur. in quo uideo quid spesces. quod pater tuus egit, ut optime de Hispania mereretur; id tu alia quadam ratione consequi uis. ille enim, cum annum ageret uix dum quintum & decimum, qua aetate milites in exercitu pauci solent esse, omnium approbatione, qui exercitus regeret, electus, Baeticae Regem, bis acie fuscum, regno exsuis, & quaecumque in eius ditioe fuerant, Catholici Regis imperio potestatiq. subiecit. Aliam tu ornandae, atque amplificandae patriae tuae rationem iniuisti. profers enim, quantum in te est, Hispanicae linguae terminos; & ut ea non solum uerbis, & nominibus, sed etiam rebus, & scientijs per te locupletata ab exteris nationibus appetatur, ingenio doctrinaq. consequeris. quod nescio an omnibus patris tui uictorijs, atque triumphis sit anteponendum. nam, etsi, populos bellos superare, & imperium augere, praeclarum est: tamen mihi cum animo meo consideranti multo melior uidetur esse condicio litterarum, quam regnorum: haec enim in unius hominis fortuna posita sunt, & unius saepe culpa extinguuntur; illae uiuunt, & uigent quod die magis, neque ulla temporis circumscriptione terminantur. itaq. magni & excellentes uiri, qui bellicae laudis gloria florere, cum earum rerum, quas gessissent, memoriam non satis fore diuturnam sperarent, nisi ab hominibus ingenio praeditis celebrarentur; eos, qui id praestare possent, non uulgaribus praemijs affectos, in honore*

nore summo, atque etiam in amore semper habuerunt. Quo mihi illorum laus uidetur esse illustrior, qui & res praeclaras manu gerere, & quae gesserint, litteris custodire ipsi possint. quo in numero fuit soror illa tua praestantissima semina: cuius militaria facinora cum audimus, cuius eam nostrae aetatis uiro animi magnitudine comparamus; cum autem ea, quae scripsit, legimus, uel antiquis scriptoribus ingenij praestantia similitudinem iudicamus. Huiusmodi cum in tua familia mulieres existant, de uiris quae sunt speranda? quamquam fratres omnes tui, tuque in primis, ea, quae sperabantur, iam praestulisti. itaque Carolus Imperator uestra potissimum uirtute, uestraq. fide nititur. nam fratrem tuum, Marchionem de Montefar, qui ceteros aetate anteit, cum alijs in rebus, tum in uictoria Tunetana, equitibus leuis armaturae & classi maximae praepositum, magno suis rebus sensit esse adiumento: alterum autem, Episcopatu laenensi ornatum, summe propter eruditionem, & prudentiam diligit: tertium Indiis prouincijs Proregem: quartum Hispanicis trirēmibus praefecit: te primum sibi uoluit esse in consilio: deinde, cum difficultatem quandam temporum paene fatalem impendere, & ea, quae cogitabat, sine summa prudentia non esse tractanda intelligeret, unum e maximo numero delegit, qui apud Venetam Remp. id muneris orator sustineres. quo quidem in munere clarior in dies significatio tuae uirtutis elucet. nam ad usum rerum, quo uales plurimum, addis doctrinae cognitionem: quam a libris petitam, grauiore in causa consilium capere si uis, expli

Nn 4 cas,

cas, ut, proposito praeteritarum rerum exitu, cautior praesentium sit deliberatio. quod quoniam maxime praestant historia, & philosophia: tu quidem uehementer utriusque studio teneris; sed nescio quo pacto magis te philosophia delectat; credo, quod pluris apud te est, excogitare quae nemo uiderit, quam imitari quae alij secerint. quo in genere cum omnino nullius ope uidearis indigere, quippe qui ita abundes ingenio, ut, quocumque te applicueris, excellas: tamen uide, quid egerim: iniuriam, ut iuuare te possem. nam hos Ciceronis de philosophia libros cum uetustis exemplaribus contuli, & emendatos ad te misi; ut tibi, si quando eos in manus sumeres, quasi faciliior & expeditior legendi cursus esset. saepe enim ex te audiui, cum diceres, antiquorum in scriptis ita multa esse corrupta, ut in eorum, qui legerent, animos permiscere falsa cum ueris influerent: cui malo si quis mederetur, eum te existimare a studiosis omnibus, sed a te ipso certe maximam esse gratiam initurum. quae me uox non cohortata est, sed impulit, ut id facerem, quod fecisse me uides. Ac fieri tamen potest, ut meo te studio, & diligentia nihil iuuerim; & ea, quae ego nunc in his libris restituta, in tuo nomine emitto, iam pridem ipse habeas omnia, domi tuae nata, & a te ipso quaesita: sed ego ita sum ratiocinatus: cum tua philosophis didiceris, non in reges solum, & principes, qui summam iuuandi facultatem habeant, sed in tenuiores etiam liberalitatis nomen posse cadere, quod bene mereri, etiam si non possunt, tamen & cupiant, & praeclarum existiment; eadem ratione fore, ut, quod

ego

ego te inuare uoluerim , pro eo id accipias , quasi maxi
me inuerim .

A D . M A R C E L L V M . C E R V I N V M
S A N C T A E . C R V C I S . C A R D I N A L E M

I N . P H I L O S O P H I A E . C I C E R O N I S

P A R T E M . A L T E R A M 9

E S T genus hominum , qui ita sentiunt : philoso-
phari , aut totum nihil esse , aut non eorum esse , qui
rerum agendarum in studio uersantur , quorum in alte-
ro mihi uidentur , cum homines sint , bestiarum consue-
tudinem imitari , quae tantum ea , quae pedibus terun-
tur , quaeq. adsunt , intuentur , nihil altum suspiciunt ,
nihil longinquum cogitant : in altero res a natura copu-
latas uelle seiungere . nam , qui ab actione rerum philo-
sophiam excludit , is , quantum in se ipso est , corporis
& animi societatem dirimit ; cum & corpus regimine
animi , & animus ministerio corporis indigeat . Sed
proferunt multos , quibus ignoratio philosophiae non
obstitit , quo minus ea , quae uolebant , rectissime per-
ficerent . quasi uero sit eadem rerum omnium natura ,
& , quod uni aliqua in causa contigerit , id cuilibet o-
mnibus in causis posse contingere credibile sit . naufra-
gium facit natationis ignarus ; arripuit tabulam , & ,
amplexu tenens , ad litus incolumis a fluctibus appelli-
tur : num iccirco natandi peritiam negemus esse utilem ,
quod , sine ea qui fuit , e periculo tempestatis euaserit ?
incidat aliquis in febrem ; non curatur , & conualescit :
tollemus igitur medicinam , quoniam sunt , qui sine
eius

eius ope sanentur? nihil minus; nisi si ea, quae in casu sita sunt, anteponimus ijs, quae ratio gubernat. quod idem de philosophia dicendum est. nam, ut illud demus, sine ea multos esse laudem consecutos: non & hoc dabimus, fore, ut sine eadem consequi omnes possint. non eiusdem semper generis agenda sunt res. est, ubi prudentia uel mediocris abunde satisfaciat: est item, ubi mentis altior cōtemplatio requiratur. hoc extremum qui poterit, sequitur ut & illud primum: sed, qui illud primum, non & hoc extremum. quod cum ita sit; utrum praestet habere, facilis est diiudicatio: in optione enim, & eligendi potestate, nemo fere est, quin totum partibus censeat esse praeferendum: propterea quod non totum in partibus, sed partes includuntur in toto. Ergo, cum perspicuum hoc sit, accidere & posse, & solere, ut philosophiae cognitio & utilitatem asserat, ignoratio detrimentum: dubium non est, quin ea uideatur esse cum rerum actione coniungenda. Sed ijdem coniungi posse negant: quo argumento? aiunt eas dissimili in genere uersari, alteram in otio, alteram in negotijs: itaque se non uidere, qui possit in utraque unus excellere. Hic ego, Ceruine praestantissime, meam memoriam non excutiam, ut ea, quae legerim, aut audierim, reminiscar. non est consilium, quae ad illos redarguendos faciant, ueterum e scriptis eruere. uolo, ut exemplo tuo refellantur. Romae uiuis, & uixisti multos iam annos. numquam omnino tua uirtus tam illustri loco latuit: sed postea quam te Paullus III. incredibili Pontifex non modo sapientia, sed bonitate etiam ornatus, in altiore dignitatis

tatis gradu collocatum, suorum omnium consiliorum
 & participem, & adiutorem esse uoluit; tum uero cla-
 rissime sese ostendit lumen animi, ingenyque tui; ut
 nullus ejset honor tantus, qui, in te collatus, non ui-
 deretur ei, qui contulisset, magnam esse iudicii laudem
 allaturus. itaque paullo post Cardinalis factus es, &
 factus tanto bonorum applausu, tantaque laetitia,
 quantam in animis hominum recte sentientium summa
 dignitas uirtuti tributa potuit excitare. quo toto tem-
 pore ualde tu quidem fuisti, atque es etiam nunc distri-
 ctus a negotijs, maximeq. ab ijs, quae & ad sedandas
 Christianorum Principum discordias, & ad restituen-
 dam Religioni dignitatem pertinent: sed te tamen a phi-
 losophiae studio nullares umquam potuit diuellere. sic
 & animo, et corpori suis utrique muneribus apie distri-
 butis, quotidie fere modo a cognitione ad res agendas,
 modo a rebus agendis ad cognitionem traductus, teq.
 ipse in hoc quasi circulo identidem reuoluens, effecisti
 quod ab ijs, de quibus initio dixi, fieri posse negatur,
 ut & in tractandis negotijs, & in considerandis rerum
 humanarum diuinarumq. causis occupatus, dispari in
 studio, pari tamen cum laude uerferis. ex quo intelli-
 gitur, ab ijs, qui rerum actioni se dedunt, & percipi phi-
 losophiam, & tractari posse: debere autem ostendi-
 mus: est igitur eorum, qui aliter existimant, senten-
 tia omnis explodenda. Nos quidem, & nostra sponte
 commoti, & tuo exemplo impulsu, quotidie magis phi-
 losophiam admirantes, in eius cognitione cupimus ac-
 quiescere; ad eamque, magnis defatigati laboribus, &
 molestijs, tamquam ad incundissimum diuersorium pro-
 peramus.

peramus . quo si peruenero , uel potius cum peruenero :
 (cur enim meam ipse cupiditatē omnibus optimis
 non prosequar ?) tum ego quidē multo , quam nunc ,
 facilius tua in me merita uel tuebor , uel etiam ilustra
 bo . interea non sumus otiosi : utinam potius aliquanto
 minus occupati . provinciam cepimus duram , atque dif
 ficilem , ueterum scriptorum libros emendare dum uo
 lumus . omnino in hoc onere sustinendo ualde iudamus :
 sed animus , tuarum cohortationum memoria confirma
 tus , manet in officio , manebitque , dum id , quod in
 stituimus , absoluatur . nunc edimus Ciceronis libros de
 philosophia , sane multis a mendis , potissimum ex an
 tiquo Bernardini Maffei , qui te maxime obseruat , iuue
 nis eloquentissimi , libro uindicatos . qui cum ita digesti
 essent , ut in duas partes tributi legerentur ; cumq. ego
 ex ijs partibus eam maxime uellem tibi inscriptam
 emittere , quae tuae personae , dignitatiq. apuissima ui
 deretur : feci , ut eā deligerem , in qua de natura deorum
 eleganter & acute disputatur : ut , quoniā ualde tibi pro
 tua ueteri erga me uoluntate , proq. summis officijs de
 beri fructus industriae meae uidentur ; ij dū ad maturita
 tem peruenirēt , his te interim quasi floribus oblectares .

A D . R A I N V T I V M . F A R N E S I V M
 C A R D I N A L E M

I N . S V O S . C O M M E N T A R I O S
 C I C E R O N I S . E P I S T O L A R V M
 A D . A T T I C V M I O

B E N E audire , qui est recte factorum fructus , om
 nes

nes fere uolumus , amplissime ac praestantissime Ra-
 inuti : ipsum quidem recte facere , unde illud quasi ex
 fonte deducitur , paucorum hominum semper fuit . est
 enim tum perfectae naturae , tum doctrinae singularis ,
 ut tamen natura sine doctrina facile possit ad laudem
 peruenire ; doctrina sine natura laudabilis numquam ,
 turpis etiam saepe sit . itaque uel in agris inculto homi-
 nes ingenio uirtutem tamen coluere : doctrinis autem
 eruditi uiri , quae ad bene agendum esse instrumenta
 debuerant , us ad perniciem suarum ciuitatum sunt
 abusi . quid de Disistrato Graecae historiae loquuntur ?
 quid nostrae de Caesare ? doctum utrumque & eloquen-
 tem fuisse , us tamen utrumque sensibus , ut , exempla
 maiorum , & legum sanctissima iura contemnentes , li-
 bertatem suis ciuibz eripere praeclarum duxerint . er-
 go prima laus bonitatis est ; quae nihil , nisi seipsam ,
 spectat , ipsa sibi finis est : altera doctrinae ; quae nisi
 ad bonitatem referatur , laudabilis non est , ideoque ,
 ut laudetur , finem sequitur se ipsa praestantio-
 rem . quod si quis est , qui alterum cum altero coniunxerit ;
 ut & bonus sit , & idem doctrinis institutus ; neque re-
 ctum ideo solum cupiat , quia sit ipse ad rectum natura
 propensus , sed quia , quod rectum non est , id esse turpis-
 simum intelligat : hic est , quem in uita humana diuina
 bona conscriptum putemus . praeclara res , sed exemplo
 minus nota : id autem , ut ego opinor , ob eam causam ,
 quod unusquisque in uitam Principis , tamquam in spe-
 culum , intuens , ad illius similitudinem se ipse fingit ,
 & format . ideoq. uiri sapientes alterutrum recte cupi-
 uerunt , ut aut reges philosopharentur , aut regnarent
 philo-

philosophantes: utrum esset, futurum *ut* ex uirtute penderemus. Quod si fuit ullum tempus, cum homines rationes, & cogitationes omnes suas in philosophia constituerent: tum profecto coepit esse, cum auus tuus ad Christianae Reipublicae, nimium magno periculo fluctuantis, gubernacula Dei iussu accersitus, sedit in sede Pontificia Pontifex dignissimus, ea praeditus non solum auctoritate, sed etiam sapientia. ut hic nos in tantis tempestatibus seruare solus a naufragio possit, cumq. laudandus est maxime, quod optime ipse sentit, optimis semper in studijs, consilijsq. defixus: tum, quod optimos uiros adsciuit sibi & consiliarios, & suae uoluntatis ministros. in quo ego tantum soleo ponere; ut, si mihi ad alterutrum eligendum optio datur, non bonum Principem malim cum bonis ministris, quam bonum cum sui dissimilibus. sed bene, quod habemus utrumque; & Pontificem, qualem res poscebat, & Collegium tali Pontifice dignissimum. itaque nunc emergit uirtus: honestum renocatur: desertae per multos annos litterae patronos habent, diuque, ut auguror, habebunt. tu Rainuti, fraterq. tuus, duo clarissima Italiae lumina, uterque Cardinalis, & Cardinalis uterque optimus, praeclaram consuetudinem tenebitis ab auo traditam. certe enim non ideo te Patavij per tot annos summi doctores erudierunt, ut ea, quae tantis uigilijs quaerebas, consecutus negligeres. amabis eadem, & fovebis; tuumq. erit proprium studium non solum colendae uirtutis, sed etiam ornandae. refer animum ad eos, qui, multis ante saeculis extincti, tamen in laude uiuunt: omnes reperies, his gradibus

gradibus adscendentes, ad immortalitatem peruenisse. quorum tu quia facta imitaris, non dubito, quin eorum semper florentibus nominibus ita tuum nomen inseras, ut numquam exarescat. Materiem habes ad gloriam, Anconitanam provinciam; quam nunc ita regis adolescens, ut ea praestes, quae saepe desideramus in senibus. quae quamquam ad eos solum, quibus cum potestate praees, pertinere uideantur; tamen illa tuae ditionis terminis non continentur. scis consuetudinem famae. illa nos per ora hominum sublimes uehit; benefacta simul, & malefacta aequae circumfert: sed benefacta laudibus excipiuntur, malefacta conuicijs exploduntur. Itaque noli putare te Picentibus solis esse continentem, esse iustum, esse beneficum. Picentes haec uident, longinqui audiunt, & praedicant. te aiunt esse, ad quem adiuus omnibus pateat, cui sit iustitiae, sit pietatis antiquissima cura; cuius & potestas timeatur, cum omnia possis; & bonitas diligatur, cum idem non plus licere tibi uelis, quam quantum leges praescribant. matre adolescens laudibus exime, imitator aui, maiorumq. tuorum. recte cogit isti, In imperio laudem non esse, nisi cum is, qui imperat, imperio dignus est. quod quia tibi siue a natura, siue a disciplina, siue, ut ego arbitror, ab utraque simul contingit: quod ad naturam attinet, referimus ad Deum; de disciplina, te ipsum & laudamus, qui ad haec praeclara inuigilaueris; & amamus, quia sunt amabiles uirtute praediti. me quidem & multis abhinc annis, cum Romae te uidissem, atque allocutus essem, in cui obseruantiam uoluntas inclinauit, iam

tum

tum de tua indole expectantem ea, quae consecuta sunt; & postea Patauij, cum in studijs optimarum artium totus esses, iudicium impulit. haec tua Picentina legatio quasi operis perpolitio fuit: in qua thesauros philosophiae, multorum amorum studio congestos, explicas, & cum prouincia communicas. itaque, cum ego multo ante, quam istam tibi administrationem summus Pontifex demandasset, eos commentarios, quibus epistolas ad Atticum illustrare sum conatus, in tuo nomine emittere statuissem: postea simul cum tuis laudibus creuit uoluntas mea. Eos igitur nunc emirto, serius omnino, quam nonnulli expectauerant; sed meam tarditatem opus ipsum excusat. epistolas ad Atticum interpretanti properandum non fuit. alijs in rebus possum esse quantumuis strenuus: in hac qui possum esse non tardus? primum multa difficilia, deinde non ijsdem causis omnia, sed alia propter breuitatem, alia propter historias, alia propter mores. Huc adde, quod mihi quibusdam in locis non satis fuit explicare ea, quae aperta non erant; sed tentauit, num etiam paullo floridius possem, quam nostri grammatici solent. Neque tamen sum nescius, fore multos, qui me in his commentarijs ut hebetem, quia nonnulla minus acute uiderim, uel fortasse etiam ut caecum, quia prorsus non uiderim, reprehendat. qui si mihi cur id faciant, causas asserant probabiles; non committam, ut ijsdem me etiam ut pertinacem possint reprehendere. amo enim ueritatem, neque eam in me ipso magis, quam in alio: itaque complectar, sicubi eam uidero. Tibi uero, clarissime Rainuti, quod in has Ciceronis epistolas laboris impendi, ma-

xime

xime ob eam causam cupio probari, ut, si qui uere indicare propter inscitiam non possunt, aut propter malevolentiam nolunt, eos a consilio detrahendi tua deterreat auctoritas. Venetijs. M D XLIX.

AD. ALFONSV. CARAFAM
ANTONII. MARCHIONIS
MONTISBELLI.F.

IN. SVOS. COMMENTARIOS
CICERONIS. EPISTOLARVM

AD. Q. FRATREM II

Si suo quaeque res merito penderetur, Alfonso Carafa; hominum esset in uirtute uigilantium praeclara condicio; contraque, quos auersa a ratione uoluntas ad malas artes, & flagitiosa consilia traducit, cum ijs pessime semper ageretur; eorumq. docti exemplo, sapientius deinde alij non modo suis, uerum etiam publicis rationibus consulerent. iidem enim, ut e corruptis seminibus uiciosae fruges, sic a malis exemplis improba studia, a laudabilibus optima nascuntur. uerum hoc totum secus est. quippe non modo ad reprehendendum, qui reprehendi iure possunt, procliuiores, quam ad laudandum, quae laude digna sunt, omnes ferre sumus, nec satis aequa lance turpe & honestum examinamus; quae debemus pariter, alterum odisse, alterum diligere: sed etiam crepe facimus, ut eas res, easq. actiones, quorum causas ignoramus, quaeq. recte ne an secus fuerit, diiudicare non possumus, accusamus tamen, acerrima p. uituperatione, quae interdum es-

Oo ferri

ferri laudibus oporteret, ea deprimamus. Ac, ne me
 putes, *Alfonse clarissime*, huius initium sermonis te-
 mere detulisse, ego nunc, si nescis, meam, meam dico?
 immo uero communem utriusque nostrum causam
 ago. aut enim uterque agimus egregie; aut uterque
 similiter peccamus. Audis ne tu uoces in Latinae lin-
 guae nomen irrumpentes, hominum obrectantium,
 qui rei pulcherrimae scientiam reprehendant; qui nos
 derideant, ludosq. faciant, atque etiam, si dijs placet,
 odio dignos existiment, quod operae tantum ac tempo-
 ris in hoc tam nobili studio collocemus? tu fortasse non
 audis, totus in litteras abditus, multorum a consue-
 tudine seiunctus: aut, si audis, negligis, opinor, ma-
 gnis non tam fortunae, in qua tamen ipsa multum
 inest, quam rerum omnium laudabilium praesidijs ad
 omnia munitus. me uero, humilis hominem loci, hac
 una tibi Romani sermonis cupiditate parem, ceteris
 rebus omnibus inferiorem, ista sane, quae feriunt au-
 res meas, uehementer commouent: non quod ea, qui-
 bus utuntur, argumenta firma sint; quae ostendam
 esse inania; sed quod, ut eam, quisque uirginem, cu-
 ius amore flagret, intactam ab iniuria, puram ab om-
 ni labe uelit, sic ego, quasi lutosi maculis adpersam,
 ac fœdatam eloquentiam, quam semper dilexerim,
 cum adspicio, sensibus intimis afficior, sic, ut ferre
 non possim. Obijciunt illud primum: quatenus aliquid
 cognosci possit, eatenus in eo laborandum; Latinam
 linguam obsoleuisse iam, & exstinctam paene totam
 esse: quam enim hodie nationem, ut omnes animo
 perlustrentur, Latina loqui? quod uero ex ea supersit
 in libris,

in libris , minimum id esse , tamquam aliquod inane
 simulacrum corporis exanimis : quo circa neque sciri
 perfecte , cum exiguam partem libri contineant , ne-
 que pronunciari decenter , cum sermonis usus euan-
 rit , a nobis posse . Secundo loco statuunt : ut absolute
 percipi , quod negant , Latina lingua possit ; mirari se
 tamen etiam atque etiam , cur industriam in ea perdi-
 scenda tam diuturnam ponamus : vitio quidem id fieri
 voluntatis , & iudicij : dignitatem in re tantam non
 esse , ut haerere per tot annos in hoc studio debeamus .
 Concludunt postremo : ut de perfecta cognitione , de di-
 gnitate , ac praestantia concedatur ; tamen esse , cum ,
 ea pulsa , succederit alia , minime necessariam . Haec isti :
 quae specie aliquid videntur ; ego , re nihil esse , si quando
 me praesente disputantur , ostendo . Conuenit inter nos ,
 esse aliquid in omnibus facultatibus , atque artibus
 extremum : quo nostra studia cum peruenerint , quie-
 sciendum . sed hoc extremum quibus terminis metimur ,
 rei ne natura , an vulgi opinione ? si opinione vulgi : licet
 prope modum otiose uiuere : mediocria , quae putan-
 tur excellere , quaeramus : id satis est : illa summa ,
 ubi summum decus habitat , quae vulgus ignorat , omit-
 tamus . sin extremum illud esse uolumus , quo peruen-
 tum cum est , progredi longius non licet : moderata stu-
 dia non dantur . perfectam enim scientiae laudem adipi-
 sci , maximi operis est : itaque hoc extremum , quod , opi-
 nor , Natura nouit una , sapiens nemo umquam se pu-
 tauit esse consecutum . exstant , litterarum clarissimis
 testata monumentis , exempla summorum philoso-
 phorum : qui cum aetatem in abditarum rerum perseru-

tanda notitia contriuisent, multa q. partim legendo, partim cogitando praeclara & eximia reperissent; latere tamen adhuc, magnis inuolutam difficultatibus, ueritatem, & aliquid sibi, atque adeo multum esse quaerendum existimabant. Eadem nunc, aut certe similis admodum nostra ratio est. Quaerimus id, quod in Latina lingua perfectum putamus. non assequemur: esto: uerum tamen, quo, plus, ut assequamur, contenderimus, eo scilicet propius, si quid studio proficitur, accedemus. At laboris, & industriae terminus tamen statuendus aliquis est. Concedo: sed hoc quidem, si diligenter attendatur, nihil aliud est, quam perfectum ipsum definire. hoc enim ad unum nostri labores intenduntur, hoc unum nostra spectat industria. perfectum autem ipsum ego mihi ab hominibus imperitis certe definiri nolo. definiant ij, quibus utor magistris, Cicero, Caesar, Terentius, Plautus, quorum ex libris, quae Latinae linguae sit elegantia, quae ubertas, quae uis, facile possim intelligere. quae si, non dico quanta sunt, (immensa enim esse uideo) sed si ea mihi magna ex parte comparassem; modum fortasse facerem studio meo: sed, ut inter hos, qui nunc homines uiuunt, aliquid esse uideamur, nihil tamen, si uere de nobis ipsis indicare uolumus, prae illis, quorum exstant satis multa scripta diuinitus, nihil, inquam, plene sumus. Quare, quod ad scribendum attinet, habemus abunde quod imitemur. De pronuntiatione uero minimum laboro. quid enim? an putamus in ijs ipsis, qui tum Romae uiuebant, eandem pronuntiandi rationem fuisse? non fuit. confluxebant in urbem, illecti spe

spe summorum magistratum, quod habuit illis temporibus praemium eloquentia, oratores ex uniuersa Italia. causas agebant Romani homines pariter & peregrini, sono uocis dissimiles, pronuntiatione diuersi: suam tamen quisque, pro eo, quantum quisque uolebat, ingenio, laudem ferebat. si Curibus educatum, aut Arpini, orantem in foro audires; Sabinum statim, aut Arpinatem agnosceres. neque tamen a foren-
si opera, & a iudicijs propterea quisquam est exclusus, quia minus Romane, hoc est quia minus apie, minus ue decenter, pronuntiaret. Nunc ipsum, in hac, qua Itali omnes utimur, lingua est ne omnium in di-
iunctis & longinquis urbibus simillima pronuntia-
tio? mehercule ne in iisdem quidem. Venetijs enim (domestico utar exemplo) aliter in urbe media, aliter in extrema loquuntur. quapropter nimis iniusto priuilegio damnabitur Latina lingua, si, quod in ceteris lin-
guis usui uidemus euenire, ut non modo diuersis, ue-
rum etiam iisdem & temporibus, & locis non simili-
ter omnes pronuncient, id ei praecipuum apponatur: cuius etiam magnis ac praestantibus meritis aliquid largiri, tum humanitatis, tum aequitatis esset. Secun-
dum erat de dignitate, in quo, non tam equidem quid ipse respondeam, quam quid istos in hanc mentem im-
pulerit, quaero. Ita ne? dignitatem Latinae litterae non habent? humiles, & obscurae sunt litterae illae, quae populi Romani nomen extollunt, atque illu-
strant? quae summorum Imperatorum fortiter & prae-
clare gesta per omnes gentes cum laude disseminant? quae maiores opes, quam ulla umquam lingua, maio-

ra suorum meritorum praemia in orbis terrarum domi-
na ciuitate sunt adeptae? Sed ineptus sim, si me patro-
num Latinae linguae profitear: quae tantum possidet
eloquentiae, ut, ipsa suam causam si agat, facile se
ab aduersariorum calumnia uindicare possit. Nunc,
quod isti postremo loco argumentum, quasi postrema
in acie subsidium firmissimum, collocant, uideamus in
eo quantum roboris ac neruorum sit. plus enim est for-
tasse, quam ut contemnere, minus certe, quam ut per-
timescere debeamus. Nusquam, inquiunt, uiget usus
Latini sermonis: aliter nunc omnes loquimur. id ue-
rum est. si quid igitur in Latinam linguam studij con-
fertur, opera non bene ponitur. hoc falsum. duplex au-
tem est, qua utor, ratio probandi. Primum illud su-
scipio, ac defendo: non, quaecumque necessaria non
sint, propterea spernenda esse omnia, atque exploden-
da; deinde, si spectetur utilitas, ita Latinam utilem es-
se linguam, ut etiam necessaria uideatur. Quae sunt,
quae uere, & proprie necessaria dicimus? nimirum
ea, quibus carere nullo modo possumus. huiusmodi
sunt primum elementa, deinde, quibus famem, frigo-
raque arcemus, uictus, uestimenta, aedes, aut ea, qui-
bus haec parantur; praeterea, in publicis rebus leges,
& magistratus, in priuatis seueritas, & uigilantia.
ex hoc numero Latinam certe non esse linguam, facile
concedo. neque enim is ego sum, qui libenter cum ueri-
tate pugnem. Sed praeter haec, quibus hominum uita
sustinetur, ac regitur, quam multa sunt, minime ne-
cessaria, quae tamen habemus in delicijs, quae ama-
mus, quae etiam honore prosequimur? gemmas, &
nasa

uasa pretiose caelata, columnas maioreas, laqueata
 tecta, sericas uestes, textiles picturas, artem in uo-
 cibus, & fidibus, odores in unguentis, condimenta in
 cibis, haec certe, atque huius generis sexcenta, non ut
 necessitati pareret, sed ut sensibus satisfaceret, inue-
 nit industria. quae quin habeant incundiatas, & or-
 namenti plurimum, nemo negat. quod si, quae sensus
 iuuant, & laboriose quaesita sunt, & retinentur ac-
 curate: quanto nobis ea, quae animam oblectant, po-
 tiora debent esse? pascitur animus magnitudine rerum;
 quid Linij sublimis historia, quae populi R. bellicam
 uirtutem commemorat? grauitate sententiarum: quis
 Cicerone prudentius, quis eruditius disputat? elegan-
 tia uerborum, & copia: quis eodem ornatior, quis
 uerborum? uarietate scriptorum: quod genus Romanae
 litterae desiderant? poetas habent egregios, historicos,
 oratores, philosophos etiam excellenti doctrina claros.
 quae si uera sunt: (sint, nec ne, res ipsa declarat: am-
 bigere non licet) & si uoluptatem studiosis Latina lin-
 gua parit incredibilem; possum istis tribuere, quod uo-
 lunt; necessariam uulgo non esse; dum ipsi contra,
 quod ratio postulat, atque exigit, hoc mihi tribuant,
 amandam esse uehementer, atque expetendam. Sed
 haec ad eam, qua legendo fruimur, uoluptatem pars
 attinet: nunc, quod eram alterum pollicens, de uti-
 litate uideamus. Omnes linguae aliarum admisione lin-
 guarum, si moderata sit, augentur; si nimia, corrumpuntur,
 atque intereunt. quod enim recipitur, id ef-
 se debet eiusmodi, ut recipientis naturam sua ui, suaq.
 magnitudine non exsuperet. itaque sermo hic noster

Italicus multas Gallici sermonis, multas Hispanici, quasdam aliarum nationum habet partes. causam si quaerimus: non alia, quam earum gentium interuentus, & consuetudo, fuit. quod si Gallorum, aut Hispanorum immensa multitudo, (exempli causa dictum a me sit: omen quidem inane esse uolo) sed si earum nationum maior aliqua uis in Italiam irruperit, ac permanserit: maior simul inducetur Gallici, aut Hispanici sermonis usus; & fortasse aduentitium illud usque eo ualebit, ut hoc domesticum uincat, suisque sedibus expellat. quod olim Romanae linguae contigit: quam, multarum aetatum spatio, multis maximarum rerum adiumentis auctam, atque confirmatam, diuersis tamen populis Italiam occupantibus diuersarum linguarum impetus oppressit. Cum igitur lingua linguam amplificet; nostraque haec Italica, non multis abhinc saeculis ortu, nec admodum liberaliter praemiorum nutrimentis educata, non ita dum adoleuerit, ut suis contenta uiribus esse possit: statuo sic, atque concludo: accessionem ei fieri maiorem non posse, quam si cum Latina coniungatur: non modo, quia nulla plenior, aut ornatio: uerum etiam, quia nulla similior: ex quo sequitur, ut ad uicendam cum ea societatem nulla conuenientior. Est igitur litterarum Romanarum cum per se laudabilis admodum, & incunda tractatio, tum uero, si quidem hunc ipsum, quo nunc uimur, auctum exornatumque sermonem cupimus, magnopere necessaria. Atque haec tu quoque uides, Alfonso ingeniosissime, tuumque iudicium cum mea sententia coniungis. itaque cum a prima pueritia ad eloquentiae

Romanae
ambitio
is euerit
imica m
quidem la
no, amon
at. quin, d
et Pallian
significa
Monti
et laude
tuent
quantia
um lucm
uonimes i
aus magn
me excolit
is. diuino
nem Panl
no. admira
moribus, p
ni Roman
e. mis la
e etiam
m. de statu
idam acerb
no cernam
as, tam d
at mentem
us merita

tiae Romanae cupiditatem incumbere coepisses; postea
 te non ambitio, quae saepe praeclare iacta fundamenta
 uirtutis euertit, non commodum, non illa bonis arti-
 bus inimica uoluptas ab hoc studio deduxit. ac ne
 nunc quidem langues; cum tamen omnia uideas arde-
 re bello, armorumq. strepitu aures tuae quotidie per-
 sonent. quin, dum patruus tui, Carolus Cardinalis, &
 Ioannes Palliani Dux, uterque ob uirtutem immorta-
 litate dignissimus, maximeq. pater tuus, Antonius
 Marchio Montisbelli, natus ad omnem gloriam, omniq.
 princeps laude cumulatus, urbem Romam, & iura
 Pontificia tuentur, partesq. in bello quisque suas con-
 silio, uigilantia, fortitudine ita explent, ut antiquam
 maiorum suorum consuetudinem referant; ipse te in-
 terea contines in tuis perennibus studiis; animumq.
 tum alijs magno Principe dignis uirtutibus, tum uero
 maxime excolis eloquentia, doctorem in ea, ducemq.
 nactus, diuino quodam munere, uirum excellentem,
 Ioannem Paulum Flauium; qui te nouo quodam,
 planeq. admirabili genere disciplinae, abductum a uul-
 gi erroribus, per directam semitam ad eximium illud
 ueteris Romanae linguae decus facile ducit, quo uel
 cum summis laboribus ac uigilijs adspirare pauci, aut
 fortasse etiam nemo potest. quamquam me nonnum-
 quam, de statu Latinae linguae cogitantem, miseratio
 quaedam acerbo cum dolore tangit: quod ita futurum
 animo cernam, ut haec, per tot iam saecula, a tot in-
 genijs, tam diligenter culta, Latine scribendi ratio,
 quae parentem nostram Italiam nobilitauit, quae tot
 in nos merita contulit, aetate demum nostra, nisi re-
 medium

medium aliquod diuinitus exstiterit, suam honestatem omnem neglecta prorsus in perpetuum amittat. quod si rebus inclinatis, iamiamq. cadentibus opem ferre quisquam potest; unus est Paullus I V. Pontifex omnium optimus, idemq. diuina potius, quam humana, sapientia praeditus. unus, inquam, aut nemo umquam, & Latinam linguam, & laudabilia quaeq. studia ueterem in dignitatem uindicabit. qui cum frater fuerit aui tui; cumq. illum una uirtus ad eum gradum extulert, unde humana omnia despicit, supra casus omnes, supra fortunam ipsam collocatus: hunc te decet imitari, huius uitam, perpetuo sanctissime traductam, huius omnia facta, consilia, instituta tibi ante oculos ponere. uides pietatem erga Deum, & in auctoritate Pontificia, idest in ipsa religione tuenda firmitudinem animi, atque constantiam. uides multiplicem rerum humanarum diuinarumq. scientiam; trium uero linguarum, Hebraicae, Graecae, Latinae cognitionem paene singularem. eloquentia uero prorsus eum excellere omnes fatentur: qui quidem ita quacumque de re non modo copiose, uerum etiam eleganter, ac diserte loquatur ex tempore, ut ei non arte quaesita, sed a natura donata uideatur eloquentia. hunc igitur sequere, & in illius uestigio pedem statue. ipse enim Deum secutus est; cum eam felicitatem, quam plerique mortales ignorant, animo cogitaret. quem tu quoque finem spectas, ut audio: & ob eam causam futurum homines augurantur, ut eius dignitatis, quae summae proxima est, insignia breui omnino consequaris. quod cum euenerit; laetabor primum tua, deinde communium

munium studiorum caussa. qui enim tuos impetus ad laudem nunc uidemus, tuosq. plane sensus intelligimus; an, ubi ad istam uoluntatem auctoritas, atque opes accesserint, fore dubitemus, ut a te ipso dissentias? Praestabis Alphonse tu quidem alia praeclara, te ipso scilicet digna, tuaq. familia, in qua florere uides heroes permultos, gloria circumfluentes, uirtutis in studio defixos: maxime uero gratiam referes optime de te merita Latinae linguae, eamque, paulatim Italia cedentem, & ad transalpinas nationes, magno nostro dedecore, migrantem, in suam sedem, domiciliumq. reuocabis. Cuius gloriae caussa, si monendus es, monitorem ad te; sin rogandus, supplicem uolui mittere commentarium hunc meum in epistolas ad M. Brutum, & ad Q. fratrem: qui cum tibi studia commendat eloquentiae, in quibus ego per tot annos, utinam cum aliqua laude, magno certe cum labore uersor, commendat simul, paullo tamen uerecundius, se ipsum, & uigilias meas: quarum fructus mihi erit uberrimus tum beneuolentia, tum iudicium tuum. Quaesui omnino, idq. mihi primum fuit, posteritatis utilitatem, quod est proprium familiae nostrae: sed in te ipsum simul, cum huic operam commentario darem, spectavi. tu si probas ea, quae litteris mandamus; si faues industriae, optimeq. te esse animatum erga mea studia significas: ego me, quae summa sunt, omnia consecutum putabo.

A D

AD . ANTONIVM . AELIVM

POLAE . EPISCOPVM

IN . ORATIONIS . CICERONIS

PRO . P . SEXTIO

COMMENTARIVM

12

CVM alia multa, quae uigebant olim, rerum laudandarum studia perisſe, atque exſtincta prorsus eſſe, dolendum eſt, Aeli, uir optime, ac doctiſſime: tum hanc, in qua ſitam omnes uel maximam utilitatem intelligunt, interpretandi rationem ita amiſimus, ut ex eorum, quibus noſtra patrumq. memoria ſuam hoc in genere induſtriam locare ſtudium fuit, magno ac infinito prope numero, non tamen ita multos, qui tolerabiles uideantur; qui uero excellant, quam pauciſſimos, ut fortasſe neminem liceat inuenire. atque, huius quidem incommodi culpa unde manauerit, exponam. Primum illud in controuerſiam non cadit; quod quidque praeſtantius, eo laborioſius, ac difficilius eſſe. alioqui nihil iam excelleret. quod enim conſequerentur multi, in eo dignitas non eſſet, & ex copia uilitas exſiſteret. eſt igitur in magnis rebus item magna, quae nos ab earum quaſi poſſeſſione arcet, conſtituta difficultas. haec porro ſimplex non eſt, ſed in duo genera diuiditur. quaedam enim, ſicuti exiſtimantur, ita difficilia ſunt: quaedam, cum non exiſtimantur, tamen ſunt. ubi difficultas & eſt, & apparet; inde multitudo uoluntatem & ſtudium libenter abducit. rem quidem ipſam, quanti eſt, opinione aeſtima-

mus,

mus, & uehementer expetimus: magnis uero laboribus, & uigilijs ut ematur, non facile quisquam a se ipso impetrat. amat enim hominis natura moderatam quietem, eaq. alitur, & crescit; nimias contentiones, quibus frangitur, ac minuitur, recusat. ubi uero facile in speciem aliquid ostenditur, difficultas inclusa latet; cuiusmodi non esse pauca, inanis multorum docuit experientia: eo frequentes, bona spe inuitati, accurrunt; facileq. ad eas res aggrediuntur, in quibus uel mediocrem operam si ponant, saturumq. ex animi sententia succedat, arbitrantur. quos deinde, graui temeritatis infamia, refellit euentus. huius generis haec est, de qua orationem institutus, ratio interpretandi. quis enim est, qui se non existimet Liuium posse, Sallustium, Virgilium, ipsum mehercule Ciceronem ita commode explicare, ut desiderari ab eruditis, beneq. intelligentibus uiris nihil queat? atque hi, cum in C. Marij, aut in L. Sullae nomen inciderint; si Marij, aut Sullae uitam, a Plutarcho sumptam, in sua scripta totam transtulerint; tum se suas praeclare partes absoluisse existimant: cum interim, in quo doctrinae, quae paullo sit occultior, appareant notae, in quo ingenij lumen eluceat, in quo prudentiae uis, aut iudicii signa cernantur, nihil asserunt. exire uidemus quotidie, a postremi ordinis hominibus factos, speciosis magnaq. pollicentibus, titulis insignes, minimi pretij commentarios: quos non modo qui scribunt, falsa de se ipsis opinione decepti, uerum etiam qui typis impressos edunt, ijs, qui hoc de genere iudicare possunt, inconsultis, quodam modo deformant
praeclara

praeclara studia litterarum, & de posteritate ipsa pes-
 sime merentur. sed cetera, quae ferenda non sunt,
 feramus tamen, ac dissimulemus, sane multa: com-
 mentarios uero illos, qui passim leguntur, in Cicero-
 nis orationes, (quem librum? Latinorum omnium fa-
 cile principem) grauem, inquam, illam immensi uo-
 luminis molem quis est qui ferre ullo modo possit? lo-
 ca sunt in Ciceronis orationibus male mendis affecta
 quam plurima: sanari nullum uideas. sunt ob anti-
 quitatis obscuram notitiam difficilia: quis est, de tot
 interpretum numero, qui lumine explanationis illu-
 stret? denique communia tantum, quaeq. omnibus
 paene patent, ea sumunt ad explicandum: ex abditis,
 quo sine labore & ingenio accessus non est, doctrinae
 fontibus nihil hauriunt. contraque, multa corrup-
 punt magis, dum emendare conantur; multa expla-
 nando peruertunt, & pulcherrimas saepe sententias
 turpissimis inscientiae maculis inquinant. Quae me ita
 commouit indignitas, itaq. meum animum, ut uere
 dicam, miseratio quaedam affecit, quasi ob illatam ui-
 ro optimo, egregieq. de litteris merito, Ciceroni, qui
 Romanae terminos eloquentiae longissime protulit,
 ignominiam; ut statuerim, si cum uita ualetudo, &
 cum uoletudine otium suppetat, triennium, aut quod
 omnino res exiger spatij, in hoc omnium pulcherrimo
 libro interpretando, studiosorum gratia, consumere:
 non quod ego is sim, qui mihi tantum arrogem, ut
 alijs detractam scientiae laudem ad me transferam:
 abest hoc a consuetudine mea, abest a natura pluri-
 mum: sed neque rursus is sum, qui, cum ceteros pro-
 be no-

be nouerim , ipse me prorsus ignorem , & qui , cum
 alios accussem propterea , quia non praestant ea , quae
 ab eorum studio postulantur , ego me , si quid praesta-
 re posse mihi uideor , uelim contemnere . non ita lau-
 dem fugio , eisi uec nimis appeto . alterum stupidae cu-
 iusdam sapientiae , alterum insanae ambitionis esse ui-
 tium semper duxi : neque uero , si quid mihi elegantio-
 ribus in litteris assumpsero , longe admodum ab ijs fi-
 nibus , quos modestiae ratio praescribit , discedere mi-
 hi uidebor . scis tu , Aeli , pro nostra uetere amicitia , &
 familiaritate , per quot annos , quibus laboribus haec ,
 quae ab humanitate nomen acceperunt , studia colue-
 rim . sciebat optime omnium , & mihi , cum uiueret ,
 hoc nomine tribuebat plurimum , Bernardinus Mas-
 sens Cardinalis , meus ille , in omni mihi uita deflen-
 dus Massens , Urbis deliciae , lepor , humanitas , exem-
 plum antiqui officij , flos omnium uirtutum . is ama-
 bat haec studia mirifice , eaq . quibus poterat rebus (po-
 terat autem plurimis) tuebatur , & fouebat . bene au-
 tem de hac , quaecumque in nobis est , uel potius quan-
 tulacumque est , Latinae orationis facultate existima-
 bat ; meq . quotidie , quantum possem , ut Latine scri-
 berem , urgebat . & scribebat ipse , ut scis , luculenter ,
 & egregie . probabat omnino meum consilium , & ef-
 ferebat , maxime , de commentarijs in Ciceronis ora-
 tiones ; sed exerceri malebat prius industriam meam
 in Antiquitatibus Romanis , ipso potissimum auctore
 institutis . interim , ut quasi ex unius partis forma de
 toto liceret aedificio conijcere , unam aliquam , quae
 faciem ingenij mei praeberet , orationem subsecutus ho-
 ris ut

vis ut exponendam susciperem, hortatus est. ego sumpsi pro Sextio: nec multis post eum sermonem mensibus hunc, qui nunc in tuo nomine, Antoni Aeli, apparebit, commentarium absolui. & quod, ille si uiueret, fecissem, ut hoc ei, quidquid est, muneris deferrem, studio meo commotus, illius uirtute impulsus; idem nunc, ipsdem adductus causis, tecum facio libentissime. nam cum amicitia inter nos est, quanta inter duos, quorum et uoluntates, & iudicia consentiant, esse potest maxima: tum habes uirtutē, non eam, quae petitur a libris, quae uno scientiae nomine definitur, sed eā, quae oritur ex animi praestantia, & multas in se laudes continet, studium in suscipiendis Ecclesiae causa laboribus, constantiam in perferendis; humanitatem in excipiendis hominibus, benignitatem in subleuandis; comitatem in consuetudine familiarium, grauitatē in congressu & sermone clarorum tuique similium uirorum; denique uoluntatis propensionem ad optima quaeque singularem. itaque te summus ille artium honestarum patronus, decus Italiae, Alexander Farnesius Cardinalis in oculis fert; tibi arcana communicat; tuis in consilijs, si quid deliberandum est, multum; si quid perficiendum, in uigilantia plurimum ponit. tu, quo apud illum Massens olim loco fuit, eodem ipse nunc es: rectissimamque laudandarum actionum uiam, obseruatis Massei uestigijs, ingressus, pergis eo fauentibus hominibus, approbante Deo, ubi debitum ijs, qui bene ac laudabiliter uixerint, praemium, summa dignitas persoluitur. Mouit etiam me uehementer illa ratio: quod erat inter uos coniunctio animorum artissima,

conue-

conueniebant sensus , congruebat uoluntas : praeterea simplices animi , & puri , nulla simulationis arte obducti , nulla inuidiae aut maleuolentiae labe suffusi . Quare , quoniam illa Massei suauitas , illud ingenium ; illa uirtus erepta morte , nimium iniquo fato , nobis est ; (tametsi memoriam illius uiri neque mors , neque omnino dies ulla umquam eripiet) & quando , quae illius erant partes in ornandis liberalibus disciplinis , eae translatae ad te uidentur , praecleariq . muneris quasi uicarius relictus es : ego quoque , quod in illum studij , quod habui uoluntatis , ac beneuolentiae , (id erat tantum , ut accedere nihil posset) totum illud in te unum , illi quam simillimū , contuli : & qui te antea , multis erga me meritis , multis ingenij tui suauitatibus adductus , unice dilexissem , tamen id , quod in amore summum uidebatur , auctum , cum hoc accessit , etiam atque etiam , plenissimeq . cumulatū intelligo . Tibi igitur offero , fructum ingenij mei , in orationem pro Sextio commentarium , operis uniuersi , quod maiores a me uigilias postulat , imaginem : quod ipsum , Masseo promissum , idem tibi , qui eius in locum successisti , iam nunc animo dicamus . uerum hoc serius fortasse praestabitur , de re enim , quod ad me attinet , constitutum est , & , ut uides , aggressus iam sum : de tempore , is , a quo nostrorum consiliorum pendet euentus , rerum omnium moderator uiderit Deus . Habeo nunc in manibus Antiquitates . eas nisi pertexuero , nihil instituere in animo est . pertexere autem ut possim , duo sunt optanda , ualectudo , & otium : quod utrumque , assiduus annorum superiorum studijs infirmatus , &

P p rei

rei familiaris cura impeditus, nunc quidem magna ex parte desidero. accipe interim hoc, quod adest, argumentum obseruantiae in te meae; & illud, quod aliquando, ut speramus, futurum est, suo tempore expecta.

A D. IOANNEM. MORVILLERIVM

R E G I S. G A L L O R V M

A P V D. V E N E T A M. R E M P. O R A T.

I N. I V. D E M O S T H E N I S. P H I L I P P I C A S

L A T I N I T A T E. D O N A T A S 13

Q V A M difficili in loco uersetur eorum industria, qui de Graeco uertunt, neque tu, ut arbitror, ignoras, Ioannes Moruilleri, uir clarissime, cui uel exercitatio litterarum, uel ipsa natura, uel potius utraque simul hoc dedit, ut in iudicando excelleres; & ego experiens ita sensi, ut, qui alijs antea in hoc genere peccantibus acerbior fuisset, ac durior, idem postea, re tentata, eo libentius ignouerim, quo magis eandem ipse culpam extimescerem. Occurrunt ijs, qui de Graecis Latina faciunt, duo inter se maxime contraria uitia: quorum utrumque cum euitandum aequae sit, ita periculosa tamen cautio est, ut fere, declinare ab altero dum uis, in alterum incurras. nam & qui in eo laborant, ut Graeca uerba totidem paene Latinis reddant, quod fideles interpretes haberi uolunt, inepte faciunt, atque in illa ipsa nimis attenuata diligentia grauiter peccant; quoniam quidem res ipsa primum sit obicu-

obscurior ; quod cum interpretis officio pugnat ; deinde Latinae orationis dignitate cultuq. destituta sordescit : & qui horum in uerbis referendis religionem improbant , putidamq. appellant , libertatem ipsi quandam , & licentiam magis amant ; his plerumque contingit , ut , dum ad ornamenta toto animo intendunt , ab ipsa sententia longius aberrant . summum artificium , summamq. possidet prudentiam , si quis , inter has difficultates constitutus , quasi medius inter duas Syrtes ita navigat , ut naufragium non faciat . quod aetate nostra cum ex transalpinis hominibus multi , ex nostris etiam non pauci tentauerint ; tamen , cum omnes excussi , uix unum aut alterum ex uniuersa multitudine reperio , qui perfecti munus interpretis expleuerit . Atque ego uidebam fore , ut in illam ipsam peccantium interpretum turbam conijcerer : & communem esse causam confiteor : sed mea tamen hoc probabilior est , quod alij se ad id , quod in hoc genere perfectum est , peruenisse sunt arbitrati ; ego , quam a perfecto longe distem , ipsemet intelligo : ut mihi saltem in corrupta fuerit idaea , alijs non solum perficiendi ratio defuerit , uerum etiam iudicandi . sed , quia fieri potest , ut , quemadmodum alij falluntur in eo , quia sua scripta nimis indulgenter probant ; ego contra fortasse fallar in eo , quia mea seuerè nimis improbem : exspecto , quid tu sentias , Moruilleri sapientissime : ut , siue inter me & alios interpretes aliquid interesse duxeris ; siue me quoque in eodem , quod aiunt , haerere luto iudica ueris ; ego , quidquid statueris , ad tuam sententiam meum de me ipso iudicium in utramque partem accom-

.C. A

P p 2 modern .

modem. Equidem probari a te, atque etiam laudari mea scripta uelim; & qui minime soleo esse ambitiosus, tamen igniculis quibusdam cupiditatis incendor, ut meum nomen in ore tuo uersetur, non enim, a quouis homine laudari, optabile est; turpe etiam, a quibusdam, me quidem non tam ipsa laus, quam laudantis auctoritas afficit. quare, cum tu is sis, de quo duo Reges, at quales Reges? omnium, qui in Gallia regnauerint, maximi, pater, & filius, optime senserit; quorum alter legationem tibi ad Venetam Remp. detulit, alter eundem honorem postea confirmauit; cumq. in ipsa legatione publicam personam omni re, loco, tempore ita sustineas, ac tuearis, ut summam in te grauitatem omnes laudent, nec tamen humanitatem quisquam desideret; magni refert ad ingenij mei commendationem, quid tu, uir primarius, & omni laude circumfluens, de hac mea tenui uigilia sentias, potest obscuram per se lucubrationem, tuum testimonium illustrare. quod ego si assequar, ad illa praestantiora, quae maiorum uigiliarum sunt, quae scis a me iam esse instituta, fiam alacrior, quae ipsa posterum cum legent, (non enim dicam, si legent; quia, quod summe cupio, summe etiam sperare iucundum est) de tua, non una, aut altera uirtute, sed sapientia, quae omnes uirtutes continet, me narrante cognoscent; & cum cognouerint, ipsi quoque praedicabunt. Venetijs,

M D L I.

A D.

AD . HIPPOLYTVM . ESTENSEM

C A R D I N A L E M

I N . L I B R V M

DE . ROMANIS . LEGIBVS 14

OMNES artes, atque omnes res, HIPPOLYTE Princeps, & Cardinalis, modo augeri, modo minui, nec easdem perpetuo esse, facis inter omnes constat. patet hoc quidem oculis primum, deinde etiam mentibus. oculis notamus euenta: mente, cur quidque eueniat, quo ne referenda sit cuiusque rei mutatio, intelligimus. itaque lapides, & metalla, quae omnium durissima sunt, quae uis hominum frangere uix potest, haec tamen conficit, & consumit uetustas. quidquid enim ex partibus aliquando coit, & concretum est; id easdem in partes aliquando dilabatur, ac dissipetur, necesse est. habet hoc materia illa, unde res omnes constant, ut formae mutationem quaerat: idque, quod sequitur, affecta, migrat in alias naturas, quasi, quod appetijt, eo numquam esse contenta uideatur. neque uero haec naturales tantum ad res condicio pertinet, sed inuenta quoque hominum, operaque attingit. mores, consuetudines, loquendi ratio, quam linguam uocamus, leges ipsae, quas ne quid umquam ex hominum memoria deleat, in aes incidimus, omnia demum, quae ab arte naturam imitante fluxerunt, quotidie mutantur, ac tolluntur, non modo ab externis causis, contra uoluntatem nostram, uerum etiam

T p 3 a nobis

a nobis ipsis, quia tempus ita postulet. sed artes liberales, optimaque studia, quae nusquam magis, quam in Italia, honor aluerat, atque auxerat, aetas nulla magis afflixit, quam cum Romani Imperatores, Imperij sede in Thraciam translata, Italiam barbaris nationibus diripiendam, ac deuastandam reliquerunt. quod nisi superioribus annis Principes, ac Pontifices aliquot, maxime uero Leonis x egregia, propeque diuina liberalitas huic malo subuenisset: quem Laurentij Medices, patris sui, clarissimi uiri, exemplo commotum, etiam uerae laudis cupiditas impulit, ut iacentes ingenuas artes, magnis propositis praemijs, excitaret: barbara, credo, quod ad litteras attinet, magna ex parte nunc esset Italia: dignitas omnis philosophiae, splendor omnis obsoleuisset eloquentiae. sed neque ille huius praeclari operis summam potuit absolvere, ereptus morte, disciplinis liberalibus nimis immatura: & interitum illius tempora sunt eiusmodi consecuta, ut, quae paullulum iam luxerant honestarum scientiarum studia, ea perpetuis multorum annorum tenebris quasi nox quaedam obscurauerit prorsus, atque exstinxerit. fatalis enim bellorum tempestas non exercitationem modo litterarum sustulit, uerum etiam, quae sunt in excolenda uirtute positae laudes, eas labefastauit omnes, atque peruertit. ac nunc quoque, cum pacis aliqua spes, longo sane interuallo, affluisset, misera rursus eodem malo tentatur Italia, ueteresque calamitates aduersus bonis artibus nescio quis Genius inuehit. Nunc te, Hippolyte Cardinalis, cui summam iuuandi generis huma-

ni uo-

ni uoluntatem Deus tribuit, eximiam ad laudem uo-
 cat occasio. suscipe desertum paene ab omnibus littera-
 rum patrociniū: collige tu, quae alij dissipant, o-
 mnium laudandarum doctrinarum studia, & restitue
 nobis illa, quae uel hominum improbitas, uel, ut alio
 culpa derinetur, fortunae uis eripuit. haec est actio dī
 gna Cardinali, digna Principe, Hippolyto uero & Car-
 dinali, & Principe dignissima. Vidimus tuam prae-
 teritam uitam. ab ea nihil humile, nihil obscurum, ni-
 hil uulgare, ampla omnia, praeclara, inusitati ex-
 empli, noui generis exspectantur. quae tu, ne a te ip-
 so dissentias, nunc quidem magna ex parte praestabis,
 atque adeo iam praestas, bonis uiris, & eruditis bene-
 ficentia subleuandis. quorum ex ingenijs non dubito
 quin quotidie aliquid efflorescere tuo beneficio uideas.
 quod quia praeclarum est, exemplum alij sequentur.
 scribent omnes, quod quisque poterit, illecti gloria,
 & commodorum spe compulsi. nam, ut coniecturam
 de me ipso faciam; quem esse nihil in litteris fateor;
 sed, ut aliquid tamen essem, laboraui; ego olim (de-
 cennium, opinor, abiit, eoq. amplius) auctoribus
 duobus eximjs uiris, Petro Bembo Cardinali, & Ber-
 nardino Maffeo, qui postea dignitatem eandem magnis
 in Ecclesiam Christi meritis est consecutus, dederam
 me ad res Romanas, illas ueteres, obseruandas, &
 ex omnibus antiquorum monumentis omni studio col-
 ligendas: ut, cum illam Remp. qua nulla fuit, nec
 erit umquam illustrior, uniuersam animo, ac scientia
 comprehendissem, Latinis eam litteris explicarem,
 egregiumq. bene, ac laudabiliter institutae ciuitatis

exemplum meis, quatenus quidem ipse possem, scriptis expressum, posteris relinquerem. Res erat praeclara; meq. delectabat uehementer, & afficiebat ipsa tractatio. itaque meam omnem industriam, omnem curam, omnes denique in hoc studio cogitationes fixeram, at locaram. sed accidit iniquo meo fato, ut horum utrumque, Bembum primo iam senem, cuius in beneuolentia ornamenti mihi erat plurimum, deinde Maffeuum, non aetate minus, quam uirtute, florentem, in quo mei spes otij sita omnis erat, a quo pendebar totus, importuna morte ereptum amiserim. destitutus eo praesidio, quo meae fortunae nitebantur uno, fractus animo, ac debilitatus, institutum Antiquitatum Romanarum opus omiseram, & ad alia me conuerteram. postea uero quam, honorificia in primis condicione delata, magno sum a te tuo beneficio in tuorum familiarium ordinem inuitatus; quod ego summae felicitatis loco duxi; erectus mente, atque animo rursus, quod abieceram, suscepi, onusq. tantum, quantum priuatis opibus perferri uix, aut ne uix quidem potest, te uno fretus egregie suslineo. Et, ut ex parte totum indicare posses, de decem, quos exorsus sum, libris hunc de legibus potissimum, quem ad te mitterem, delegi: non quod ita postularet ordo: (sextum enim in Antiquitatum uolumine locum obtinet) sed, quod, cum omnium librorum materies non modo coacta iam in unum a me esset uniuersa, uerum etiam satis diligenter in partes distributa; casu accidit, ut hic minus, quam ceteri, rudis, minus esset impolitus. praeterea feci libenter, tuis actionibus admonitus. leges enim hic liber com-

ber complectitur . porro leges nihil aliud , quam ratio-
nem , nihil praeter ordinem , docent . ratio autem , &
ordo , si usquam , in tuis moribus elucet . quippe nihil
agis non moderatum , nihil non aequabile , nihil , quod
non cum ea , quam sustines , persona , idest cum reli-
gione uere Christiana , ac Sedis Apostolicae dignitate
consentiat . quare cum omnia mea tua sunt ; quando-
quidem ego me tibi , quidquid sum , & quantus quan-
tus esse possum , totum addixi : tum uero hic de legi-
bus Romanis liber uere tibi debetur , tibiq. est a me in
re optimo scriptus . quo in libro bene positam a robus
operam si duxeris , de ceteris quin idem sentias , haud
equidem uerebor . pergo enim studio pari , uoluntate
etiam , ut mihi uideor , acriore . unum modo exoptan-
dum est , ut , quando nos ab hoc studio nulla utilitas ,
nulla uoluptas , ne ualetudinis quidem satis imbecillae
ratio potest auellere , nostris laboribus tua beneuolen-
tia quasi propitium numen adsit . sic enim fiet , ne qua
prorsus in difficultate , ne quo umquam in scopulo no-
stra haereat industria : & in eum , quo spectat animus ,
portum secundo cursu , tuae benignitatis aura prose-
quente , facile peruehemur . Venetijs , M D LVII .

I N . E D I T I O N E

K A L E N D A R I I . R O M A N I

15

F A C T U M est a me sane libenter , ut , cum edendi
essent Romani Fasti , e lapidibus Capitolinis descripti ,
adungerem ad eos Kalendarium , ex quo ratio dierum ,
pro ea , quae Romae olim fuit , consuetudine , tota
pater .

patet . atque in hanc me uoluntatem , uel cupiditatem potius primum ea , quam & mea sponte , & patris exemplo semper spectavi , publica litterarum utilitas , deinde etiam Caroli Sigonij , uiri optimi , & ab omni prorsus iniqui animi labe puri , singularis doctrina deduxit . putavi enim , id quod res est , futurum , ut ad Kalendarium ex Fastorum societate commendationis tantum accederet , quantum ad ipsos Fastos e Sigonij studio , ingenioq. esse adiunctum , qui diligenter additamenta ipsius , & in ea commentarium , qui propediem edetur , plenissimum legerit , facile cognoscet . non enim illa supplementa , quae in lapidibus illis , unde fastos habemus , desiderantur , ex Liuiio , aut Dionysio , aut ex duobus tribus ue praeterea libris , quos etiam leuiter eruditi homines in manibus habent , colliguntur . non est id , ut rudes antiquitatis homines existimant , ioculare quiddam . opera haec quidem esset , non industria . & operae quis laudem tribuit , cum in tempore dumtaxat posita sit ? industria uero non ab ingenio , non ab intentione quadam mentis abest : itaque iure laudatur . quod si satis esset historiam semel aut iterum legendo percurrere ; nemo esset , cui Romanarum rerum notitiam assiduo biennij triennij ue studio comprehendere uniuersam non liceret : in qua tamen ego iam per decennium desudo : & , quo diligentius ea ipsa , quae legi saepissime , cogitatione reuoluto , eo certius , quantum in hoc genere sit difficultatis , intelligo . itaque opto , ut , quae alij collegerunt , omnes edant statim , & mihi hanc laudem praeripere conentur . uideo enim fuisse nonnullos , qui , meis scriptis

ad

ad huius scientiae studium aliquot abhinc annis exci-
tati, & indicibus eorum librorum, de quibus edendis
cogitare me, iamdiu polliceor, animaduersis, quasi
quodam lumine ad ineundam studiorum uiam prolato,
ambitione praecipites, dum anteire nobis uolunt, in
maximos, maximeq. pudendos errores inciderunt. quo-
rum alios alij peritiores, nulla facta mora, alios for-
tasse nos, non illos quidem nominatim, significatione
tamen satis aperta, ne omnino debita laude frauden-
tur, aliquando refellemus. Redeo ad Sigonium. Ille
uero, cum, inspectis antiquis libris, lapidibus, num-
mis, nomina magistratum uetustate uel amissa pror-
sus inuenit, uel mutila perfecit; cum fastorum par-
tem, alienum in locum translata, in suam sedem
retulit; cum censuras, cum triumphos addidit, &
trunco quasi corpori sua membra restituit; nihil po-
tuit difficilius, nihil, in quo maiorem a bonis bona-
rumq. litterarum studiosis hominibus inire gratiam
posset: hoc enim libro, hoc, inquam, quem nos edi-
mus, (nam inchoata quis perfectis anteponat?) qui
res Romanas curant, horis fere singulis utantur neces-
se est. itaque, eum qui litteris a me poscebant superio-
ribus mensibus, amici homines aliquot ex Hispania,
plures ex Gallia, & Germania; hoc adscribebant o-
mnes, Cum Caroli Sigonij supplementis. quorum a
me uoluntati satisfactum esse, uehementer gaudeo, eoq.
magis, quod adiunxi, quod fortasse non expectabant,
non poscebant certe, Kalendarium Romanum, utile il-
lud quidem dierum caussa, quorum in eo genera distin-
guuntur, sed utilius ob id aliquanto, quod ad comi-
tia,

tia, iudicia, senatum, Romana denique omnia, qui
coniectura, ingenioq. ualebunt, multam inde scien-
tiam deriuabunt.

AD . HIERONYMVM FALETVM

HERCVLIS . FERRARIENSIVM . PRINC.

APVD. VENETAM. REMP. ORATOREM

IN . IPSIVS . POEMATĀ 16

MAGNA laus est eorum, Hieronymus Faletus,
qui non ad uulgarem humilemque artem, sed ad nobi-
lem aliquam liberalemque doctrinam sua studia contule-
runt: maxima uero, si quis eam philosophiae par-
tem, quae Poesis appellatur, ita est complexus, itaq.
haeret in ea cognoscenda, ut auelli nulla prorsus ratio
ne possit. itaque ueteres illos, quibus optimi ac sum-
mi Dei uocem audire, eiusque sermone frui saepe licuit,
homines sapientissimos, atque sanctissimos, poeticae
facultatis admodum studiosos fuisse constat, suasque
cogitationes non eo, quo quilibet uteretur, sermone,
sed uersibus exponere uoluisse. quorum exstant nonnul-
la, sane praeclara: quae cum legimus, afficimur, &
quasi diuina quadam ui abrepti, extollimur haud paul-
lo altius, quam qui rerum humanarum in studio uer-
santur. Habet igitur ars poetica dignitatem; quando
quidem in ea latent arcana philosophiae, quae profa-
nis oculis non patent: ea rudes animos excolit: ea nos
ab rerum humilium studio deducit: ad egregios mores,
ad ueram religionem, ad excellentem magnarum re-
rum cupitatem uocat. Habet eadem suauitatem: quia

uoci-

uocibus apte constructa oratio miram infundit auri-
 bus animisq. iucunditatem. Et, ut uno uerbo com-
 prehendam, poesis numerus est; numerus porro nihil
 aliud, quam ordo: ordinis autem principium a Deo
 fluxit. diuini sunt igitur homines poetae, nec ullo non
 honorum genere decorandi. poetas autem definitio, non
 quicumque uersus faciunt; qui molesta & odiosa gar-
 rultate saepe nobis obstrepunt; sed eos, quorum in ui-
 ta non minus, quam in scriptis, elucet ordo; a quibus
 colitur humanitas, & beneficentia non modo lauda-
 tur, uerum etiam pro facultatibus exercetur. haec
 enim sunt sacra illa mysteria, quae poesis fabularum
 specie ita uelat, ut ea tamen uatum excellentium, hoc
 est bonorum uirorum, mentes intelligant, quae uero
 his uirtutibus aduersantur uitia, haec sunt illa mon-
 stra, inimica naturae, quae poeticis figmentis osten-
 duntur, sus Erymanthius, leo Nemeaeus, hydra Ler-
 naea, gygantes, & harpyiae, quaeq. alia traduntur,
 perdendis hominibus, aut frugibus nata. Neque ue-
 ro tu, Falete doctissime, tantam animi praestantiam
 possideres; non esses tam ad omnem uirtutem, ad om-
 nem laudem propensus; non tam in moribus elegans,
 in consuetudine comis, atque etiam pro tuarum copia
 rum ratione beneficus, ac liberalis, nisi magistram
 ab ineunte aetate habuisses poeticam artem; quae te
 suis praeceptis erudit, atque informauit; nihil ut a-
 geres, quod ab honesto dissideret; nihil ut in omni ui-
 ta, praeter decus, & antiqua maiorum tuorum, ho-
 minum clarissimorum, instituta, cogitares. cuius tan-
 ti benefici non est apud immemorem gratia collocata.
 habes

nij tui seti essent dicandi. tibi quidem tua deberi ui-
 debantur: sed ab huiusmodi consilio tua mihi multis in
 rebus perfecta modestia deterrebat. rursus, cum intelli-
 gerem, omnes fere libros, qui typis diuulgantur, uel
 ijs dicari solere, quorum auctoritas, aut quorum opes
 utilitatem aliquando aliquam ei, qui mitteret, pare-
 re posset, uel ijs, quos pro magnis eorum beneficijs
 aliquo munere remunerari aequum esset; uel ijs deni-
 que, cum quibus minime uulgaris intercederet amicitia:
 haec, Faletе humanissime, cum omnia concurre-
 rent, uictus sum, tuaq. ad te ipsum scripta mittere con-
 stitui. nam, etsi Princeps tu quidem fortuna non es,
 summis tamen Principibus tua te uirtus ita commen-
 dauit, carumq. reddidit, ut eorum opibus aequae, ac
 tuis, eos, quos aulicis, beare possis. sed omitto reliquos.
 Hercules uero, Ferrariensium Princeps, immortalita-
 te dignissimus, cui te totum uni addixisti, cuius esse
 uis quidquid in omni uita praestare potes, is quo te nu-
 mero habeat, facile declarauit, cum, post multas le-
 gationes, ad Sarmatarum Regem, ad Imperatorem,
 ad Pontificem, oratoris apud Venetam Remp. munus
 honorificentissimum tibi commisit. quapropter, quod
 ad hanc partem attinet, parui refert, utrum Princi-
 pis nomine liber aliquis inscribatur, an uero eius, cu-
 ius apud Principes auctoritas ea sit, ut prodesse qui-
 bus uelit non mediocriter possit. De tuis autem erga me
 officijs quid agam pluribus? quae cum & multa sint,
 & maxima; tum uero illud excellit, quod in hac mea
 satis diuturna oculorum uoletudine uenire domum
 meam quam saepissime, animumq. meum, tristibus
 curis

curis affectum, tuo adspectu, ac sermone recreare solitus es. Amicitia uero si spectanda fuit; neminem tibi debui anteferre, coniunxit enim nos non casus, ut multos, non uulgare aliquod studium, non ambitio, non utilitas, sed ipsa, quae omnes res nobilitate uincit, uirtus, & artium liberalium societas; quarum uterque nostrum incredibili studio tenetur. Mitto igitur ad te, quando ita ratio postulat, tua poemata, non ut tibi, de me optime merito, quasi gratiam referam de tuo; sed ut habeat a me nostra aetas, atque adeo posteritas ipsa, primum, testimonium benauolentiae, atque obseruantiae in te meae, deinde beneficium, quod, tua scripta cum leget, fatebitur esse maximum. Interea peto a te, ut in illo maiorum uigiliarum opere de Fisco, cui nondum extremam manum imposuisti, exorari te sinas, idest ut absoluas, atque perpolias. magnum enim inde fructum capient omnes iurisconsulti; cum te difficiles admodum reconditae materiae nodos ingenio soluentem, & quaestiones illas implicatas atque inuolutas explicantem, exquisitoq. quodam ordine tractantem intuebuntur. Neque uero tua mihi est occupatio minus nota; cum & negotia tractes Principis eximij; & ob tuam uirtutem nobiles uiri non modo quotidie, uerum omnibus paene horis officij honorisq. causa ad te adeant: rursus eum te esse noui, qui, quod tibi occupationes eripiunt, id ingenij praestantia consequaris. consule igitur gloriae tuae: consule studiosis omnibus antiquarum nouarumq. legum: effice, ut, quantum in poetica facultate, quantum eloquentia polles, tantum in iure civili, maximeq.

maximeq. in ea parte, quae obscuritatis habet plurimum, ualere te tua scripta significant. Meam uero hanc, quam profecto in hac epistola uides elucere, uoluntatem, animiq. singularem ad te amandum propensionem amplectere: atque ita statue, si tu mihi, quod, ut uideo, praeclare facis, in amore respondebis, par amicorum neque nostra, neque ueterum memoria coniunctius ullum fuisse. idq. quantia me fiat; dabo operam, quantum in me erit, quotidie certius ut intelligas.

AD . ISABELLAM . VILLAMARINAM

SALERINITANI . PRINCIPIS . CONIVGEM

IN . SCIPIONIS . CAPICII

P O E M A T A

17

Ex omnibus rebus cum nihil sit litteris doctrinaq. praestantius; sequitur, ut litterato Principe laudabilius nihil esse uideatur. non enim, si quis humili fortuna scientijs animum excoluerit, quamuis omnium uirtutum intelligentia sit ornatus, aequae tamen eas uirtutes exercere poterit, ut summo loco natus. omnium est scire, non omnium tamen agere. non cadit in quemuis administratio iustitiae, non liberalitatis. esse oportet, quibus imperes, ut iustitiam colere possis; esse, quod des, ut liberalitatem. Et, quoniam ad haec primum a natura formamur, & fingimur, ut, quae laudabilia sunt, nostra sponte diligamus; deinde praeceptis instituimur, ut uoluntatem ratio confirmet:

Quod utrum-

utrumque si quis habet, uerissimis laudibus ornatur, eo magis si is est, cui tertium etiam illud contigerit, ut fortunae commodis abundet. nam, qui uirtutem non ut primum bonum, sed ut alterius boni causam quaerit, ut diuitiarum, ut bonorum: ei uirtus, quae perfecta non est, quia quaeritur ad aliud, perfectam laudem afferre non potest. perfecta uero uirtus est, quae se ipsa contenta nihil appetit, quod extra sit. hanc si quis est qui sequatur, qui unam diligat, qui ipsam propter ipsam, non propter aliud, expetendam ducat; hic est, quem Dij praeter ceteros diligere putantur, cui quidem eam mentem dederint, ut praeter ceteros saperet. Tua haec est, Isabella praestantissima, tua inquam haec maxime laus est. cum enim tibi aut ad opes, aut ad dignitatem nihil fere posset accedere: quarum rerum cupiditate adducti, magnarum artium in studijs plerique uigilarunt; ipsa, nihil huiusmodi spectans, uirtutis amore capta, cuius pulchritudinem animo cerneret, effecisti, studio tu quidem, sed ingenio magis, ut, cum esses omnium nobilissima, omniumq. pulcherrima, quorum alterum maiorum tuorum, maximeq. uiri tui, Principis omni laude cumulati, magnis rebus testata uirtus, alterum benignissima tibi Natura dedit, eadem & sis, & habearis omnium doctissima. hinc illa ad te colendam singularis omnium propensio; hinc multorum poetarum, quibus grauiissima Regum bella magni operis argumentum suppeditare poterant, ad te canendam traducta ingenia: hinc Capicius ille tuus, tuarum laudum laudatissimus praeco: qui te admiratur unam, qui obseruat: qui cum de

cum de te multa, & uera praedicauit, ita concludit, unam habere, quae optabilia sint, omnia. itaque me quidem eodem studio inflammavit, nihil umquam ut ardentius optarim, quam ex tuis unus esse. quod quo facilius impetrarem, feci, ipso permittente, atque etiam libente Capicio, ut eius libros, de Principijs rerum duos, de Vate maximo tres, meae in te summae obseruantiae testes emitterem. diuinum carmen est, multis luminibus ingenij, multa arte distinctum. equidem nihil legi in hoc genere perfectius: ut ne Lucretius quidem pluris apud me sit: quo cum antea propter sermonis elegantiam delectarer, utereturq. multum, coepit mihi iam minus esse familiaris, postea quam Capicium legi. Hoc opus, & quia scriptum est a tui studiofissimo, & quia uersibus te dignis, idest luculentissimis, non dubito, quin a me missum auide accipias, sic inquam, ut de isto me munere ames plurimum.

AD . TORQVATVM . BEMBV

PETRI . FILIVM

IN . VIRGILIUM

18

QVOD ego de poetica facultate sentio, idem tibi, Torquate Bembe, qui res praeclaras ingenio studioq. consecutus es, bene iam esse cognitum ac persuasum facile puto, non esse eam inter ea, quae minimi ducuntur; non uulgarem, non leuem; summum esse quiddam, ac plane diuinum; quiq. suas ad eam cogitationes conferant, etiam si, quod uolunt, non assequantur, probandos tamen esse, quia scilicet ad ma-

Lq 2 xima

xima contendant; qui uero in ea ita uersentur, ut excellent, colendos nobis esse uehementer, omniq. omnium laudum genere cohonestandos. Ac miror equidem fuisse, hodieq. esse nonnullos, qui rem hanc pulcherrimam, ac deorum nobis munere concessam, paruipendant, atque etiam, si dijs placet, in sermonibus uituperent. Quid, inquiunt, est poetica? fabulas continet: fabulis autem quid inanius? Ridicule: qui ex ipsorum ingenijs ceterorum ingenia metiantur; quaeq. ipsis obscura sunt, ea reliquos uidere non putent. Ego contra ita soleo disputare; utinam, Torquate, te praesente, ac tui similibus: nihil enim tam optandum, quam habere iudicem in controuersiis, qui causam, qua de agitur, quaeq. propter aliquam difficultatem in dubium uocatur, optime calleat. sed ego contra, cum in hos incidi, ita soleo disputare. Est ne aliquid hominum generi utilius, aut omnino philosophia praestantius? negare coguntur. si negent, eos ratio refellet, & ueritas ipsa: quae cum pugnat, facile uincit. una enim est philosophia, quae uitia nostris ex animis euellat; una, quae inserat, uirtutes: humana omnia, multis obstructa difficultatibus, aperit; diuina, non illa quidem prorsus, sed magna tamen ex parte patefacit. atque hanc, quae tantas res praestat, siue artem, siue scientiam, ne communis esset omnibus, uulgiq. tractatione, impurisq. mentibus contaminata sordesceret, obscuris fabularum inuolucris, quasi aliquid sacrosanctum, uelant, & custodiunt antiquitas. fabulas porro ipsas non eo, quo uulgus utebatur, communi, & soluto, sed exquisito, & numeris adstricto orationis genere

genete prisci illi, summa homines sapientia praediti,
prodiderunt. placebat hoc illis, primum ut rei digni-
tatem, si posset, quatenus posset, uerborum augetet
elegantia: lectis enim, admodumq. puris e uocibus effi-
citur uersus: nihil hauritur de faece: deinde, quia,
cum philosophiam tractaret, maiore nescio qua suau-
tate ex illo concentu, quem numerosa uocum in uersi-
bus compositio gignit, aures animoq. perfundi pul-
chrum putabant. quae cum ita sint: neque fabulas,
quae philosophiam continent, neque uersus, quibus fa-
cile ipsae continentur, iure quisquam reprehenderit.
His ego ad coarguendam istorum inscitiam, alijsque
praeterea utor argumentis. addo exempla, eaq. Ita-
lorum, & eorum hominum, qui nostra, patrumq.
memoria floruerunt. Pontanos, Sannazarios, Fraca-
storios (omitto alios: sunt enim multi) non ne musa-
rum in primis consuetudo delectauit? propius accedo.
pater tuus, Torquate, Petrus Bembus, quem orbis
terrarum cantat: nec iniuria: uixit enim, quantus ei
uitae cursus fuit, in uirtute totus: is cum alias coluit
philosophiae partes, tum uero poeticam artem ama-
uit amore quodam ardentissimo; eiusq. studium a pri-
ma pueritia complexus, numquam ne in extrema qui-
dem senectute dimisit. scripsit autem uersus in omni
aetate multos, & scripsit omnium elegantissime, sic,
ut ei Apollo dictasse uideatur. itaque recte fecit, opti-
moq. sane consilio pater meus, qui Latinorum poeta-
rum principem Virgilium eius nomini, quem opti-
mum poetam nouerat, inscriptum emisit. recte item
ego, qui, patris mei exemplum secutus, tibi, & tanti

uiri filio, multis uirtutibus ornato, & facultatis poeticae studiosissimo, ac peritissimo, eundem poetam, quasi munus Bembae familiae debitum, dicauerim. nam, quemadmodum parentes nostri alter alterum tum sermonibus, tum scriptis ornat; ut, quantum inter se amarent, aequi, & iniqui cognoscerent: item ego cupio, & conabor, quantum in me erit, (an prae stare possim, nescio; sed conabor certe) ut ex meis scriptis nostram amicitiam, meamque in te summam obseruantiam etiam ipsa posteritas intelligat. non enim, Cum hanc meam multis abhinc annis ad te amandum & colendum uoluntatem contuli, id solum spectavi, ut quasi hereditatem adirem amicitiae paternae: tam etsi hoc ipsum quoque me mouit, sicuti mouere debuit, sane plurimum: sed tua quaedam propria secutus sum: tuos, inquam, mores, tua studia, tuas uirtutes uidi primum: deinde ex iudicio fluxit amor; & quo mea sponte propendebam, ratio impulit. noui te adolescentem, noui iuuenem & Patauij, & Venerijs, sanctissime uiuentem, & praeclara illa cum doctissimis uiris philosophiae studia tractantem. in quibus cum iam, tuo quidem aliquid, aliorum autem iudicio multum profecisses; Romam te, in eam urbem, contulisti, quam pater tuus theatrum per annos multos habuit suarum uirtutum celeberrimum. ibi nunc tu quoque spectaris, & probaris: ibi plausum fers a bene intelligentibus, beneque sentientibus uiris: ibi denique uera illa Petri Bembicernitur, & agnoscitur in te filio non minus animi, quam corporis, effigies: & ut principia se dant, futurum omnes existimant, ut summi tibi in

bi in Ecclesia Petri honores, ac praefecturae deferantur:
deberi quidem iam, nemo est, qui non intelligat. Qua-
re laetor equidem, ac fruor iam nunc, pro meo erga te
studio, quasi praesentibus honoribus tuis; & praeci-
pio gaudia, quanta potest animus meus capere maxi-
ma, tuae futurae dignitatis. perge modo, ut coepisti,
in tuis perennibus studiis, & animum tuum pulcherri-
mis, teq. dignis cogitationibus exerce. uides eam uiam,
qua pater tuus iuit. exstant uestigia. istac euntibus
rectissimus est ad gloriam cursus, offensio nulla, nul-
lus error. quod fecisti, laudamus: sunt enim magni,
uereq. laudandi processus in uirtute tui. quod reliquum
est: quia te summum illud ad decus, quod excellenti-
bus ingenijs propositum est, tamquam ad metam per-
uenire cupimus; & quod cupimus, id in te ipso posi-
tum uidemus; fauemus animis, prosequimur studiis,
uocibus cohortamur. Atque ego quidem, huiusce ani-
mi mei non obscurum, ut opinor, argumentum, hunc
librum, qui me tacente apud omnes gentes loquetur,
tibi inscriptum ad te mitto. uolo aeternum exstare mo-
numentum, unde homines, quid de te senserim, quid iu-
dicauerim, intelligant. uolo, habeas ipse munus a me,
unde, quid tua causa uelim, conijcias; & maiora,
cum ornandi tui maior aliqua facultas exsistet, officia,
studiaq. expectes. Venetijs. M D LV.

Lg 5 AD.

AD . PAVLLVM . RHAMNVSIVM

IOANNIS . BAPTISTAE . FILIVM

IN . CAESARIS . COMMENTARIOS 19

QVI magistram uitae dixit esse Historiam; nae ille, Paulle Rhamnusi, & dixisse uere, & praeclare sensisse mihi uideri solet. facile enim unus homo, quid multis hominibus euenerit, cum intelligit, eruditur, atque ipse sibi normam componit actionum suarum, uitaeq. totius inter omnes errores, omniaq. pericula ad ueritatem, ac salutem dirigendae. nec aliud est nostra prudentia, quam euentorum observatio, rerumq. praesentium, ac futurarum ex praeteritis, tamquam ex fonte, scientia deriuata. quod ex uniuerso litterarum genere, uel sola, uel certe maxime praestat historia; praesertim si quis eam ita tractet, ut, euentum notat, animum referat ad causas, in easq. attente inspiciat, & rationem quaerat, cur hoc factum, illud omissum, cur ex illo calamitates, ex hoc optata contigerint. Atque hoc primum est de historiae fructu. sequitur dignitas. Res gestae narrantur inter summos Reges, potentissimas ciuitates, bellicosissimas nationes. causae porro bellorum sunt, quae sunt humanarum rerum maximae, Imperium, salus, gloria: quae ponuntur in armis omnia, & a consilio ducunt. a uirtute militum, ab ipsa fortuna pendent. Neque uero dignitatem quidem habet, ac fructum, uoluptatem autem historia desiderat. nam, si uoluptas est, quam magnarum uariarumq. rerum adspectus animis nostris infundit: nulla pulchrior species, nulla gratior, nulla
pror-

prorsus historia iucundior. uides, ut in tabula picta, aduersa ducum excellentium stratagemata, artes, insidias; spem potiundi, metum amittendi; caesos exercitus, urbes captas, imperia deleta: age, fortuna commutata, cadere insultantem, uictum exsurgere; eodem paene momento laetitiam pelli maerore succedente, maeroremq. laetitia. haec dum legimus, haerit animus uoluptatem incredibilem; aliturq. pabulo suauissimo, nec satiatur, donec ad exitum peruenerit.

Cyrus ille, Persarum Rex, qui orientem subegit, Pyrrhus Epirota, castrametandi laude praeter ceteros insignis, & duo illi, barbarorum omnium clarissimi, Alexander Macedo, & Hannibal, praeterea de Graecis Themistocles, Agesilaus, Epaminondas, quo modo, cum eorum facta commemorantur, animos nostros afficiunt? exsultatione suspendunt, pascunt gaudio, metu macerant. uerum haec maxime Romana patent in historia: quae uel diuturnitate, ac magnitudine bellorum, uel uarietate fortunae uberrimam exemplorum in omni genere copiam suppeditat. Romana porro uiri praestantes multi cum litterarum monumentis tradiderint; quorum ingenijs, quae cuiq. merces gloriae pro cuiusque facultate debebatur, ea posteritatis iudicio persoluta; eminet inter omnes, mea sententia, (nec uero secus antiquitas sensit) primumq. sibi dignitatis gradum C. Caesar iure uindicat. nam & uixit qua plurimum aetate Romae floruit eloquentia: & coluit ipse eloquentiam praeter ceteros: rebus uero gerendis non interfuit modo, uerum etiam praefuit: quo factum, ut usum quoque, qui ualet in scribenda histo-

historia multum, cum doctrina coniunxerit. exstant, bono quodam litterarum fato, praeclari illius de bellis, ipso Duce gestis, commentarij; qui se non solum omnibus omnium historijs aequare, uerum, ut omnes farentur, anteferre etiam uidentur. Breuitatem scis in oratione magnam esse laudem, cum eo tamen, si uiteatur obscuritas. facile enim, dum illam sequimur, in hanc incidimus. quod in Thucydide uitium Cicero notauit, cum esset alioqui scriptor egregius. At uero C. Caesar, cum breuitatem maxime omnium adamauerit, ita tamen pressus est, ut eodem nihil fieri possit illustrius. proprie loquitur, & significantur: ornamentorum tantum habet, quantum in exponenda re decet. nam elaboratam studiosius orationem, nimiaque. ex cultam elegantia prudentiam aures non modo in commentarijs, uerum in historia quoque respuunt. Hic tibi est, Rhamnusi optime, mihiq. multis nominibus carissime, in manibus habendus, tractandus assidue, obseruandus, ediscendus: ut eum penitus, si fieri potest, aut certe quantum potest, imitatione exprimas. nam, cum tibi Veneta Resp. bellum illud memorabile, omniumq. difficillimum, quod Henrico Dandulo Duce aduersus Byzantios gestum est, Latina oratione tradiderit explicandum; magnisq. etiam tuam industriam praemijs honestandam decreto publico censuerit: debes eniti uehementer, ac omnes ingenij tui neruos contendere, ne quis te tanto imparem oneri fuisse umquam putet. Atque ego quidem, qui te fero in oculis, qui tuae gloriae faueo, cum in ipsam rem intueor, gratiam sane, admodumq. difficilem, paullulum commoueor

ueor : rursus , cum ad ingenium tuum , ad industriam ,
ad illos animi tui praeclaros ad laudem impetus men-
tem & cogitationem refero , facile confirmor , & huius
sce tibi commissi muneris eum , quem cupio , idest plane
gloriosum exitum exspecto . Verum , ne sint in te ipso ,
quae sunt ; & sit haec , quae tibi ineunda uia est , quan-
tūvis lubrica , incerta , impedita : an tu potes labi , potes
errare , potes usquam offendere , ducem secutus pa-
trem tuum , Ioannem Baptistam Rhamnusium , specta-
tae sapientiae uirum , consiliorum omnium summi
Xuirum Collegij participem ; cuius elucent in urbe no-
stra uirtutes eximiae , nomen autem , aeternis consi-
gnatum atque impressum ingenij monumentis , per
orbem terrarum fama dissipauit . is te sua doctrina in-
struet , consilio monebit , prudentia reget . at quo stu-
dio ? quo scilicet pater filium , & quo talis pater talem
filium debet . nec sane uideo , quem deceret magis , aut
in quem haec aptius , quam in te , prouincia conueni-
ret . nam , cum eas res , quae tibi sunt Latinis litteris
tractandae , magna ex parte liber , ut audio , conti-
neat Gallica scriptus uetere lingua , tum ipsa perobscu-
ra , tum multis praeterea diuersarum linguarum uoca-
bulis permista , atque confusa ; eum porro librum pa-
ter tuus & unicum habeat , & unus ipse (de nostris
quidem hominibus) optime omnium intelligat : sapien-
tissime , ut in omni re semper , ita proximis mensibus
decretum a Xuiris est , ut haec tibi potissimum Vene-
tae pars historiae mandaretur , cuius haurire scientiā
non aliunde , quam ex tuis aedibus , licebat . Ego qui
dem , etsi intelligo , quis sis , quam te delectet uerus ho-
nor ,

nor, quam tua sponte incumbas ad decus; tamen hortor te, sensus huc omnes tuos, cogitationesq. conuertas; excites ipse te; consideres etiam atque etiam, quid susceperis, a quibus commissum, qua tua aetate, qua omnium expectatione. Venetam scribis historiā, nec uniuersam, sed quod in ea maxime putatur excellere: scribis Principum Reip. decreto: scribis adolescens: qua aetate magnas res aggressos uel insignis admodum manet gloria, uel temeritatis nota sempiternae. Quibus ex rebus, & quod ante studiorum tuorum praestantes fructus edidisti; & quod patris tui uirtus tua uirtus putatur, nec tibi sunt petenda extrinsecus quae domi tuae nascuntur; orta est inter homines opinio, historiam te nobis daturum egregiam; in qua Venetae urbis ita narres praeclara facinora, ut aliena cum laude tui nominis immortalitatem coniungas. quod ita futurum, mihi persuasum est, si te ad legendos assidue Caesaris commentarios contuleris, eorumq. ad imitationem, & quasi imaginem totum effinxeris. hoc enim in genere nihil habent perfectius Latinae litterae: & eos, quo tibi essent, tui iuris quodam modo facti, cariores aliquanto, cum hoc tempore nostris ex aedibus haud paullo, quam antea, emendatiores exirent, uolui in tuo nomine apparere, multis in hanc mentem caussis, ijsq. minime uulgaribus adductus. nam, ut omitam, quod historiam scribenti nihil aptius, nihil omnino his commentarijs utilius quisquam dixerit: ualde me commouit multorum annorum, ac paene saeculorum in fouendis optimarū artium studijs praeclara tuae gentis consuetudo. ac uolo

lo mihi, quod attinet ad illa uetustiora, silentium imponere: uenio ad ea, quae propius ad aetatem nostrā accedunt. Auo tuo, cuius tu nomen, & una cum nomine uirtutem refers, quis in omni uita uirtutem amauit ardentius? qui cum in litteris usquequaque excellerit, tum uero iuris civilis cognitionem egregie consecutus est; eiusq. rei testes habuit amplissimas Veneti Imperij ciuitates, in quibus tum civilium, tum capitalium quaestionum iudicijs, magna pariter & integritatis, & doctrinae laude, praesuit. Mitto Hieronymum, patrum, medicinae, ac philosophiae studijs praestantem: qui cum in Syriam eo consilio esset profectus, ut Arabicis litteris imbueretur; paucis annis tantum profecit, ut plerosque Auicennae libros in Latinā linguam egregie conuerterit. Alios quoque possum de tuis maioribus, hac laude praestantes, minime paucos inuenire: sed parente tuo contentus uno esse possum, quo semper in hac ciuitate non solum amico, uerum etiam patrono eruditi homines usi sunt; neque sibi ornamenti, aut praesidij plus in eius amicitia, atque auctoritate, quam commodi repositum in benignitate senserunt. Accedit illud, quod idem pater tuus cum in Gallia, Reip. causa, diu uixerit, eamq. provinciam, Rege Lodouico XII. uniuersam fere peragrauerit; magnam eorum locorum partem, de quibus mentionem in his commentarijs fieri uides, praesens ipse nouit, eaq. tibi in sermone, non secus ac in tabula picta, diligenter, uerissimeq. ostendere solitus est. itaque, cum hunc librum ad te statui mittere, illud intellexi, magistrum te habere excellentem in hoc rerum ac locorum

locorum Gallicae prouinciae studio, parentem tuum : quo sum aliquanto magis in suscepto consilio confirmatus . Tibi uero displicere meum erga te officium non existimo . mihi quidem ipsi ob eam causam gratissimum fuit , ut ex tenui munere beneuolentiam in te meam perspiceres : quae cum a parentum nostrorum coniunctione , qua nulla maior esse potuit , originem duxerit , quotidie tamen augetur studijs erga me tuis , maxime uero causis ijs , unde facile manat amor, uirtute, ac probitate ; quarum altera tuis in scriptis, altera in moribus elucet ,

AD . ANTONIVM . TRIULTIVM
C A R D I N A L E M

IN . HISTORIAM . SALLUSTII 20

CUM omnes me litterae, omnisq. libero homine digna cognitio uehementer delectat, Antoni Triulti, Cardinalis amplissime : tum uero pascor incredibili uoluptate, & afficior maiorem quendam in modum sensibus intimis, dum historiam tracto. quid enim potest esse iucundius? Rerum interitus obliuio est. at eae reuiuiscunt historia, cum in nostram memoriam reuocantur : quaeq. multorum annorum spatio, multis ab hinc saeculis gesta sunt, ea nos, exiguo uolumine comprehensa, & tamquam in conspectu nostro posita, cognoscimus. Si sermonibus delectamur : resonat in scriptis hominum uox eloquentissimorum, nihil temere, nihil incompote narrantium, omnia grauitate, suo quidque ordine, & loco. si consuetudine clarorum ui-

ro-

rorum: uersamur, uetera legentes, cum Regibus, cum Principibus uiris, magnis in bello ducibus, sapientissimis rerum. rectoribus: ora ipsa mehercule, lineamenta, & formam non tam corporis, quam animi, eorum, quos numquam uidimus, uidemur tamen quasi praesentes intueri. Quod si recte instituendae uitae rationem ac doctrinam sequimur: usu maxime rerum quaeritur prudentia. usus est, uel cum experimur ipsi, uel cum, experientibus alijs, quid euenerit, obseruamus. nobis ipsis, experiri multa si uelimus, facile non licet. labore opus est, ac tempore: & fortuna tentanda; nec tentatur interdum sine periculo. commodius ergo, ac tutius, euentis aliorum examinandis, prudentia comparatur. id autem, profecto uides, Antoni doctissime, ac sapientissimae, proprium esse historiae bonum: in qua patent fortunae uicissitudines, regnorum mutationes, hominum siue uitia, siue uirtutes: ex quibus quae uitanda nobis sint, quae expetenda, nullo nostro periculo, nullo labore, sedentes in otio docemur. Atque hoc in genere Polybius inter Graecos, de nostris maxime is, cuius nunc libros tibi inscriptos emitto, Sallustius excellit. euenta enim ita narrat, ut causas simul aperiat. ex quo oritur illa omnium pulcherrima scientia, ut, malorum, & calamitatum origine perspecta, nihil agamus, nisi quod ratio praescribit; omniaque nostra consilia, omnes actiones ueterum exemplorum regula metiamur. Quae cum sit omnium, qui annales antiquorum euoluunt, communis utilitas: alia quaedam tua condicio est. habes enim historiam in familia tua: neque tibi, si quid inuenire

nire uis eregium, & imitatione dignum, confugere ad libros necesse est, neque longius euagari, & quasi peregrinari animo, ac mente, more multorum. domo petas, licet, omnium uirtutum exempla. persequere maiores tuos cogitando. quae fuerit eorum in pace iustitia, in bello uirtus, in omni fortuna moderatio, si attendes, nihil ad gloriam domesticam requireres. iustus Aristides, prudens Themistocles, fortis Epaminondas: de Romanis multi, multis eximijsq. uirtutibus insignes. horum alij facta dum legunt, bonas artes ex eorum uita discunt, & ad easdem res, eademq. studia laudis cupiditate rapiuntur. at tu refer animum ad tuos maiores. eminere uidebis, instructum egregijs artibus, Ioannem illum Iacobum Triultum, magni animi, summi consilij uirum, scientia rei militaris aetate sua facile principem; praeterea, iustum, liberalem, abstinentem, plane, praeter decus, & gloriam, nihil in uita cogitantem. Nam de laudibus Hieronymi, parentis tui, quia tecum quasi loquor, ne seruire tuis auribus uidear, nolo multus esse: tantum dicam; quam diu uixerit, Gallicam rem in bello floruisse; postea quam, hostium multitudine oppressus, fortiter pugnās in acie perierit, concidisse. tantum in uno uiro momenti fuit, ac roboris. Age, sint haec, ut ita dicam, in campestri quadam luce posita: quid? in urbe Roma, idest in omnium gentium celeberrimo theatro, non spectata, probataq. uehementer est triumphus tuae gentis Cardinalium doctrina, religio, sapientia? ut, Triultiorum nomine multorum uocibus in multas partes dissipato, non ipsi tantum Roma, sed omnis plane

plane Italia, omnis, ubi colitur humanitas, Europa, personaret. Omitto alios: sunt enim multi: nec tu quemquam ignoras. non enim sunt ex imaginibus, aut ex illa colorum inani specie maiores tui cognoscendi. quaerenda tibi facies tuorum non est. clari sunt ex recte factis: uirtute distinguuntur: cum alius in alia, in omnibus simul omnes enituerint. Quae tu quoniam a primis annis ad hanc aetatem non modo cogitasti, uerum etiam uita, ac moribus expressisti, propterea te, Episcopatu Tolonensi iam antea insignitum, legationibus honestatum, primum Perusina, & Auenionensi, in quibus miram iustitiae laudem tulisti, deinde ad Regem Galliae, & ad Venetam Remp. ubi prudentiam, ubi gravitatem incredibilem praestitisti, proximis diebus Cardinalem creauit Paullus I V. Pontifex omnium optimus, omniumque maximus, iudicio praeditus acerrimo in aestimandis hominum ingenijs, ac moribus, itaque animatus, ut, quae cuiusque meritis praemia debentur, ea libentissime, ac liberalissime persoluat. in quo, nemo est, qui tuam animi singularem aequitatem, ac moderationem uehementer non admiretur ac laudet, qui summae nuncium dignitatis, cum est ad te multis praesentibus allatus, ita acceperis, ut nemo, te commotum, nemo, ne leuiter quidem affectum, ex uultu, aut oratione, aut ullo corporis gestu, potuerit intelligere. ita patuit, quod ab insipientibus ambigi, ac disputari quandoque solet, a bonis uiris uirtutem magis ipsam diligere, quam uirtutis insignia; honorem esse praemium recte agendi, finem non esse: magnos illos, ac praestantes esse homines, qui laudabiliter ita uiuant, quasi laudem

Rr

perc u-

percupiant, ita laudem, aut dignitatem excipiāt, quasi nihil minus antea cogitauerint. quod in te & animadu-
uersum est maxime, & obseruatur quotidie magis. cole
re enim te quidē studiosius, quā antea, omnes uidentur:
ipse autē, qui antea fueras, idē omnibus es. nemo exclu-
ditur sermone tuo, nemo cōgressu: tui omnibus copiam
facis: eandem omnibus humanitatem ostendis. Sequitur
insolentia fortunam: comes est rerum secundarum arro-
gantia: tu mansuetudinem amas: tu continentiam, tu
benignitatem perpetuo retines. iure ergo hoc etiam no-
mine Cardinalis es. iure habes hanc, quo tui te pro Pe-
tri Ecclesia suscepti labores extulerant, maximi sacer-
dotij dignitatem. & nunc tu quidem comitatu stipatus
honestissimo familiarium tuorum, multo tamen insi-
gnior, atq. ornatior cohorte tuarum uirtutum, quae ti-
bi comites ubiq. sunt, Romam redibis expectatus, ex-
petitusq. columen futurus Christianae Reip. splendor
sacri Collegij, ornamētū familiae tuae. I, decus Italiae,
amor, ac deliciae bonorum omnium, dijs bene iuuanti-
bus, ad eam urbem, quae sola peregrinam uirtutem ex-
cipit, sola ornat honoribus, sola dominam facit rerum
omnium humanarum. nos autem, quibus tuam iusti-
tiam, tuam benignitatem ostenderas, laeti tua digni-
tate, maestis discessu, te prosequimur abeuntem opti-
mis ominibus; fauimus animis, precamur linguis;
uota prorsus eadem, quae pro parentibus, ac liberis
nostris, pro tua salute suscipimus. Atque ego, in hac
omnium eximia laetitia pariter & molestia, praeci-
puo quodam dolore diuellor; quia fato nescio quo meo
contigerit, ut, quam diu Venetjs fuisti, ego semper
afflictus

afflictus importuno morbo iacuerim : quo etiam nunc
 langueo : & ad morbum accedit aegritudo : quoniam
 quidem , alijs ad te aduentibus , deq. ista dignitate gra-
 tulantibus , ipse excludor unis , nec possum meae sum-
 mae erga te obseruantiae praesenti officio satisfacere.
 hactamen spe sustentor , quod humanitas ac sapien-
 tia tua facile fortunam a crimine seiunget . consilio ali-
 quid peccatur : accuses : iure feceris . culpam autem in ijs
 rebus , quae non a uoluntate nostra pendent , sapiens ne-
 mo umquam dixit esse . quare nec tu mihi , quia non ua-
 leo , uitio dandum putabis : & hoc ipsum , quia , me non
 ualere , non tam corporis , quam officij causa doleo ,
 laudi etiam fortasse tribues . equidem habeo non uolun-
 tatis modo testem . uerum etiam studij ac beneuolentiae
 auctorem in te meae , hominem honoratum , & cum
 omni uirtute excellentem , tum uero omnium ; quos
 ego in uita uiderim , humanissimum , qui te amat egre-
 gie , facitq. plurimi , tuasq. laudes utraque manu ad
 astra saepe tollit . uerum ego non id solum specto , mea
 ut uni tibi pateat obseruantia . illustrabo eam , si pote-
 ro , meis aliquando scriptis , & patefaciam omnibus
 gentibus . interim , ut haec tibi nostra ex aliquo signo
 uoluntas illucescat , praeclaram edo tuo cum nomine
 Sallustij historiam : cui tu si locum dabis inter eos li-
 bros , qui ab oculis tuis abesse non solent ; uigebit apud
 te nostri memoria : quoties eam uidebis , toties animo
 tibi occurram : adero tibi saepe absens ; tacitus saepe
 tecum loquar ; meq. esse de tuis familiaribus unum , de
 ijs maxime , qui operam tibi assiduam praebent , qui
 tuo potissimum honori seruiunt , existimabis : quod ut

Rr 2 ita

ita sit, uehementer opto: & si assequor, feram in caelum istam humanitatem, colam animo, tuebor officijs, & imitabor, quantum potero: studio certe, si minus re licebit, tibi ut satisfaciam, elaborabo. Venetijs. M D LVII.

A D . A L O Y S I V M . G A R Z O N I V M

I N . L I B R O S . X X I I I

D E . L I N G V A . L A T I N A

Q V I . C A L E P I N I . N O M I N E

C I R C V M F E R V N T V R

21

C O N S T A R E tibi puto, Aloysi Garzoni, cum ad res praeclaras natus homo sit, quippe qui solus ex omnibus animantibus munerationis, ac mentis excellat, nullam tamen artem eodem tempore & inueniam simul esse, & absolutam. omnes humili tenuique ab initio profectae, paullatim quasi per gradus adscendentes, ad id, quod summum uidetur esse, peruenerunt. hoc & in litteris accidit, maximeque quibusdam in libris, qui eiusmodi sunt, ut, semel atque iterum aucti, locupletari tamen, atque ornari deinde possint. quo ex genere bonum fatum Calepinus sortitus est, cui quotidie fere omnes homines de suo largiantur. certe enim illius Dictionarium, quod nunc emittimus, non tam ipsius industria, quam aliorum labore studioque in tantam altitudinem excreuit. unum tamen desidero, quod ij, quibus illud propositum fuit, ut in hunc librum quamplurima congererent, id ipsum, quod fecerunt,

runt , ut adderent , facere consideratius diligentiusq.
 potuerunt . quorsum enim in herbarum montiumq.
 nominibus colligendis diligentes sumus , uerba au-
 tem Latinae linguae illustria maxime , ac significan-
 tia , quae nescire nemo uult , in augendo Calepino
 negligimus ? ergo ipsi hoc potissimum spectauimus :
 & , opinor , tantum praestitimus , quantum qui ,
 hoc dictionario cum alijs dictionarijs conferendo , co-
 gnoscet , non dubito quin de hac opera nobis & fa-
 ueat , & bene precetur . non enim libet hic comme-
 morare , quae quibus in uerbis sint a nobis addita :
 nam sexcenta sunt , neque sumpta ex apertis alio-
 rum librorum indicibus , sed ex ijs Latinae linguae
 fontibus , ad quos peruenire cuius non licet , utrum
 autem ipsi peruenerimus , res ipsa indicet . In eo e-
 tiam ab aliorum instituto discrepauimus , quod alij
 tantum , ut addant , quae utilia putant , elaborant ;
 nos etiam , quae non utilia sunt , & discendi cupidis
 contraria , quae scilicet Calepinus ipse non recte per-
 cepit , haec , inquam , dedimus operam , ut de li-
 bro , tamquam de tritico lolium , eximeremus . ad-
 didimus , mutauimus , susculimus , prout res po-
 stulauit . dictiones certe Graecas , ex multiplici le-
 ctione deprauatas , ut est seie , nisi diligenter ca-
 ueas , corruptrix librorum Typographia , tam mul-
 tas correximus , ut , quod fabulosum est , nos dicere
 isogixōs possimus , Auguae stabulum a nobis esse
 repurgatum . Nostrium etiam in hoc opere proprium
 illud putamus , quod , cum alij in addendo supra
 modum curiosi fuerint , ut liber excresceret ; nos con-

Rr 3 tra,

tra, ne quid praeter rem adderemus, superstitiosi fuimus, nec minus in exsecando diligentes. ut in dictionibus Graecis, Latinarum ordini insertis, uel potius intrusis, multas, quasi de alieno loco, migrare coegimus. exempli gratia inter Latinas dictiones quem locum habere potuit Catabathynus, aut Hodoedocus, aut Pseudonymus, & huiusmodi, quae a Latinis scriptoribus Latine pro exemplo adducta minime reperiuntur: quae propemodum innumerabilia sustulimus, eodem iure quo Latina uocabula de Graeco dictionario tolleremus. Et, quoniam hoc uolumen, ob uariam infinitamq. doctrinam, multorum per manus circumfertur: facile futurum putavi, ut, si tibi a me inscriptum exiret, significationem multis daret amoris erga te mei. nam, ut omittam merita in me tua, quae nulla umquam delebit obliuio, tui me suauitates ingenij, tua incredibilis humanitas, singularis probitas, eximia ad colendam uirtutem animi propensio ad amandum alliciunt. non enim ideo mihi carus es, quia sis Venetae Reip. omnium amplissimae, a secretis, aut quia nunc una cum uiro clarissimo omnibusq. uirtutibus ornatissimo, Michiaele Suriano Legato, particeps & minister consiliorum omnium ad Philippum, Hispaniae Regem, sis profectus: sed, quia talem te praestas, ut & haec tibi, admodum ampla, atque honorifica, munera iure deferantur, & egregijs animi tui bonis maiora quoque debeantur. Sit igitur hic liber & tibi, & reliquis argumentum beneuolentiae meae, testimonium iudicij, grati uero animi non omnino quale uelim, sed quale possum hoc tempore,

pore, monumentum . tu autem istam praeclaram
in nos uoluntatem conserva : & , quo instituisli cur-
su , per directam , maximeq. expeditam , ac certam
litterarum uiam ad gloriam contende . quod ego qui-
dem , qui tuos sensus , tuos ad laudem impetus opti-
me teneo , ita opto , ut sperem ; ita spero , ut futurum
mihi persuadeam . idq. etiam reliquis praedicare non
desino . Venetijs , M D L I I X ,

AD . MICHAELEM . GHISLERIVM
C A R D I N A L E M

IN . LIBRVM . DE . LOCVTIONE . DEI
ACADEMIAE . VENETAE . NOMINE 22

R E R V M humanarum exitus , quam uaria
sint hominum consilia , declarant . quod si quis bene
cogitat ; sequitur , ut idem laudabiliter agat . recte au-
tem agentem , nihil umquam frustrabitur , nihil fal-
let . Decet igitur nos optima spe niti , admodumq. fir-
ma , quibus , in condenda , atque instituenda Acade-
mia nostra , nihil , praeter Dei gloriam , & commu-
nem hominum utilitatem , propositum fuit . Neque
uero actiones nostrae , ut speramus , eiusmodi erunt , ut
haec ad optimas res animorum nostrorum incredibi-
lem propensionem ambigue aliquis interpretari , aut in
dubium renocare possit . apparantur quotidie summa
cura , & edentur a nobis diuina doctrina referti , qui
pietatem , ac religionem complectantur , illustres li-
bri . & interim , quasi speciem quoddam , aut pignus

R r 4 no-

nostrae uoluntatis, egregia quaedam de locutione Dei, ab excellenti uiro conscripta, pijs mentibus, ac sacram litterarum, idest uerae gloriae, studiosis communicanda censuimus. quae duabus maxime de causis, praestantissime uir, tuo nomine decuit esse inscripta: primum, quod, suscepto Academiae nostrae patrocinio, nihil praetermittis, quod ad eam ornandam, augendamq. pertineat; & nos, quae a te officia proficiuntur, quibus animis, quam libentibus, quam gratis excipiamus, aliquo item officio tum ipsi tibi, tum ceteris omnibus indicatum, maximeq. perspicuum esse cupimus: deinde, quae de Deo loquuntur, ad quem potius mitti aequum fuit, quam ad eum, qui diuina studia in omni suae uitae cursu, cunctis & opibus, & honoribus anteposuit? qui cum uniuersam de Deo, diuinisq. rebus doctrinam accuratissime quaesiuit; tum uero cum ipsa doctrina uitae rationem coniunxit, & ut omnes rectam, salutaremq. uiam tenerent, aut, qui diuerterant, in eam renocarentur, studio, consilio, monitis, auctoritate contendit. nihil obscure fama loquitur de tuis uirtutibus. nihil de te aut exiguum, aut dubium affertur. patent multis, ac certissimis argumentis eximia tua in Christi Ecclesiam merita: colunt te omnes ob doctrinam: imitantur multi ob integritatem: amant ob humanitatem, maximeq. ob rectam, ac simplicem naturam, ab omni furo, omniq. fastu longissime remotam. praeconem uero tuarum laudum omnibus horis audimus eum, qui summa ipse laude dignus est, Federicum Baduarium, auctorem, & conditorem, Deo duce, Academiae nostrae: cui quidem ui-

ro

ro tum uitae probitas, tum ex assiduo studio doctrina,
 & ex diuturno rerum usu prudentia fidem, atque au-
 thoritatem in omni sermone conciliat. ipso igitur non
 modo approbante, uerum etiam hortante, praecla-
 rum de Deo libellum, grauem sententijs, illustrem uer-
 bis, ad te mittit, tuoq. dicatum nomini cum omnibus
 gentibus Academia nostra communicat. quae cum se
 tibi, suo primum iudicio commota, tuis deinde meri-
 tis impulsam, penitus addixerit, eandem obseruan-
 tiam in omni uita praestabit, & ut eam futurae quo-
 que gentes intelligant, ipso, ad quem omnia referimus,
 summo Deo opem ferente, aliquo merito consequemur.
 Tu interim, quando iam hoc tribuisti humanitati
 tuae, ut nos susciperes; tribue idem constantiae, ut
 susceptos tuearis, ac foueas; ita tamen, si nos, tuo
 praesidio, ac studio dignos, idest nostra ingenia in o-
 pimis artibus exercentes, nostrasq. uoluntates ad
 unam uirtutem dirigentes, & audies, & re ipsa co-
 gnosces. Venerijs. M DLIIX.

AD. ANTONIVM. CARLONEM

ALLIFARVM. PRINCIPEM

IN. SANNAZARII. POEMATA 23

UT est praeclarum, ornatissime Princeps, in ar-
 te poetica excellere: sic ea cognoscere, quibus ad illam
 laudem perueniatur, maximum quiddam, ac difficil-
 limum est. fallitur enim, si quis absoluti poetae par-
 tes in eo positas arbitratur, ut, cum metiendi carmi-
 nis

nis rationem optime perceperit, cum elegantissimarum
 uocum suppellectilem quasi quandam sibi compararit,
 addo etiam cum materiem animo comprehensam ordi-
 ne quodam atque artificio distinxerit, hisce rebus tam-
 quam egregie munitus ad scribendum se conferat. gra-
 uiora sunt, quae requiruntur, & ex abditis plurima-
 rum artium ac doctrinarum fontibus haurienda. nam,
 cum eius consilium, qui hoc in genere elaborat, uel in-
 primis id spectare debeat, ut, uoluptati uersum ui-
 litate sententiarum admiscenda, nihilo minus lectorem
 moneat, quam oblectet; monita uero illa plerumque
 necessaria sint, ut in uitis summam turpitudinem in-
 esse, in uirtutibus summam gloriam, ostendatur: quo-
 modo hoc sine philosophiae cognitione prudenter ac pe-
 rite poterit efficere? Iam, si res exigat, ut aut de cae-
 li stellarumque ratione, aut de regionum terrestrium ac
 maritimarum situ dicendum sit: certe hos locos non
 potuerit, nisi qui Astrologiam & Geographiam atti-
 gerit, commodè tractare. itaque, si quis huius faculta-
 tis studium eo complexus animo est, ut aliquando,
 quae litteris mandare studuerit, ea se speret, ueluti pi-
 ctorem egregium, omnibus artis coloribus illustratu-
 rum; is omnium fere disciplinarum scientiam, quae
 ad bene beateque uiuendum pertinent, ne prorsus igno-
 ret, necesse est. Quod si ad assequendum poetae nomen
 ubertatem illam ingenij a naturam datam satis esse pu-
 tat; atque hac una instructus, facile audet canoros il-
 los quidem, rerum tamen inanes uersus uel domi pan-
 gere, uel in triuijs ad populi aures effundere; statim
 ab intelligentibus explodetur, neque solum imprudens
 aut

aut parum uerecundas . sed etiam plane siultus , ac
 temerarius habebitur . Quo minus est mirandum ,
 si , ut hac arte praeſtarent , quam pauciſſimis conti-
 git : cum in omni praeterea liberalium doctriinarum
 genere plurimi ſemper floruerint . Sed egregiorum poe-
 tarum multo etiam maiorem hac noſtra tempeſtate ,
 quam priſcis temporibus , paenuriam eſſe conſtat : ſi-
 ue quod ſaeculi felicitas illa fuit : ſiue , quod equidem
 magis exiſtimo , quia non iſdem , quibus olim , prae-
 mys ad uirtutem nunc homines excitantur . Eorum au-
 tem , quos in hoc genere praeſtantes cognouimus , ſine
 controuerſia primum locum obtinuit uir eximius , &
 omni laude cumulatus , Iacobus Sannazarius : cuius
 ingenij monumenta non uetulaſas , non obliuio delebit
 ulla : ut ex tot Regum triumphis haud paulo clarior ,
 quam ex unius hominis doctriina , atque ingenio , Par-
 thenope ſit futura . Hoc autem , Princeps egregie , tui
 muneris fere totum eſt : qui , cum ad ſummam generis
 nobilitatem etiam optimarum diſciplinarum ſcientia
 adiunxeris ; tamen haec per ſe , niſi accederet ſtudia
 de poſteris bene merendi , quaſi minima iudicans , quae
 cumque a doctis uiris mandata litteris , digna , quae
 inter manus uerſentur , exiſtimas , in apertum ut reſe-
 rantur , maximopere contendis . Quo nomine ipſi pro-
 feſſo Sannazarij manes tibi òn uulgares gratias habēt ,
 cum eos libros , quos ille moriens tuae fidei commen-
 daret , peruulgandos diligentisſime curas . Qui uero inge-
 nuarum artium ſtudijs dediti ſunt , ij ſe tibi tantum de-
 bere profitentur , quantum perſolui nullo modo poſſit .
 itaque a me , qui eodem in aere ſum , petere uidentur ,
 vni-

uniuersorum caussam ut suscipiam, tibiue, propter hoc officium, quid omnes de te & sentiant, & loquantur, aliqua ratione significem. Ego, licet ipsa te recte factorum conscientia contentum esse, nihil praeterea requirere, exploratum habeam; tamen, ut eorum honestissimo desiderio ne desim, do me libenter in eam partem, in quam etiam mea sponte propendebam; & ad ostendendum non eorum modo animum, sed etiam obseruantiam & pietatem in te meam, haec ipsa Sannazarij poemata, quae nostris typis edenda curasti, nomini tuo dicata ad te mitto. Leges hic omnia, quaecumque ab eo Latine scripta nunc exstant. primum autem erit diuinum illud, quod ipse de partu Virginis inscripsit, opusculum: deinde Christi lamentatio: mox eclogae quinque: quas tamen decem scripserat; sed, e Gallia reuersus, has tantum, quas emisimus, & fragmentum illud, quod post Salices collocauimus, inuenit, reliquis aut furto surreptis, aut per incuriam suorum, quibus eas discedens crediderat, amissis. sequuntur elegiarum libri tres, epigrammatum totidem. quae omnia tuo inscripta nomini apparebunt; ut eius beneuolentiae, quam Sannazario & uiuo, & mortuo praestitisti, hunc saltem fructum percipias. Venetijs. M D XXV.

AD.

AD . PIVM . IV . MEDICEM
PONT . MAX .

IN . LIB . REGINALDI . POLI . CARD .

DE . CONCILIO 24

O PTIME consuluit Ecclesiae suae Deus,
atque humano generi uniuerso, cum in
tanta rerum omnium perturbatione, &
extremam periculi metu, Vicarium te
suum, Pie *IV* . inter homines constituit, ut omni
bus malis prudentia tua mederetur, nosq. a summis
difficultatibus, uel impendenti potius exitio ereptos
ad summam tranquillitatem, & optatam antea ma
gis, quam speratam felicitatem traduceret . itaque
nunc, tuis adducti praestantissimis & consilijs, &
factis, maxime uero tua fidei iustitia, quae tibi pri
ma, & antiquissima uirtus est, fuitq. in omni ui
ta, boni uiri ex omnibus Italiae partibus, atque
etiam ex transalpinis gentibus multi, ad Urbem con
fluunt; &, quia tuas omnes curas eo spectare uident,
non ut angustis paucorum annorum terminis tuae
fructus beneficentiae definiatur, sed ut ad posteros
quoque perueniat; hic sibi certam omnium rerum, ac
fortunarum suarum sedem domiciliumq. constituunt.
me quidem Venetijs, domestico patris mei restituen
dae antiquitatis instituto, & honeste satis, & com
mode uiuentem, nihilq. minus, quam de migratione,
cogitantem; quippe cum ab egregijs saepe ciuitatibus
atque adeo a superioribus Pontificibus semel & ite
rum

rum optima inuitatus condicione, nihil tamen umquā
 noui consilij cepissem; tui Pontificatus fama Romam
 facile perduxit. nam, cum ab summo uiro, Hiero-
 nymo Seripando, cui tua sapientia, debitum iam pri-
 dem eius integritati, atque doctrinae, in Cardina-
 lium Collegio locum tribuit, litteras accepissem, in
 quibus erat scriptum, cupere te, sacros omnes libros,
 uel hominum incuria, uel improbitate corruptos,
 quam emendatissimos perungi, uelleq. in eo opera
 uti, & industria mea; spatij ad deliberandum nihil
 sumpsi; statim rescripsi, cum tua uoluntas maxi-
 mae legis uim pro summa tua non modo potestate,
 uerum etiam sapientia obtinere apud omnes debeat,
 ita me animatum, ita paratum esse, tibi ut in omni
 bus rebus libenter obsequerer, susciperem, quaecum-
 que uelles, agerem, & praestarem, quidquid posset.
 Quo quidem tempore non mihi aut ulla nouorum
 commodorum, quibus tamen ducuntur multi, est inie-
 cta cupiditas, aut honorum splendor mentis oculos
 praestinxit: quamquam haec ipsa cumulate & exspe-
 ctari a tua liberalitate posse, & omnibus praeclare a-
 gentibus deferri a te solere intelligebam; sed, cum audi-
 rem, eas artes, quarum fructus immortalitas est, lon-
 go interuallo te Pontifice coli coeptas esse, suam reli-
 gioni, ac uerae pietati dignitatem restitui, cedere uir-
 tutibus uitia, rationi amentiam, libidinem pudori,
 uim aequitati; haec ego sum secutus, haec omnibus
 & commodis, & honoribus antepositi. Erat prae-
 terea mihi non modo laudabile, & honestum, sed il-
 lustre etiam, & gloriosum, uocari a Pio IV. Pon-
 tifice



tifice ad eam curam, ut sanctissimorum uirorum scriptis, quibus humano generi salutaris doctrina continetur, emendandis, edendisq. praeessem. quo in munere si mihi, non dico magnos labores excipere, (quis enim bono uiro labor est pro tuenda Ecclesiae dignitate, idest pro communi salute, recusandus?) sed si uitam ipsam profundero opus esset, egregie mecum actum putarem. Atque ego illam sane incredibilem capio uoluptatem, quod, cum praeclarum esse nihil constet, quin idem operosum, & perdifficile sit, hac tamen in re, omnium pulcherrima, ac praestantissima; plane omnes difficultates tua cum excellēs liberalitas, tum singularis sapientia sustulit. quis enim umquam tam libenter pecunias collegit, quam tu libenter effundis, ut exeant optimi libri, alij nondum editi; quorum notitia rectissimam ad fontem ueritatis uiam ostendit; alij sic emendati, ne qua supersit labes, quae imperitorum animos, obiecta falsae doctrinae specie, possit inspicere? quo quidem antea malo nimium grauiter laborauimus: utinam ijs remedijs, quae parantur, omnino liceat conualescere. quod ita facile consequemur, si modo is, qui optimarum, & maximarum auctor, perfectiorq. rerum est, affuerit Deus. nam nos quidem, ut opibus ualeamus, ut acuminis mentis excellamus, quam tamen infirmi sumus ad omnia, nisi praepotentis Dei ope fulciamur, quā plane caeci, nisi eiusdem luce regamur, turpissimus & miserrimus exitus ostendit. quis porro affuturum esse Deum dubitet, si sanctissimam illius doctrinam, quam, praeceptis declaratae plurimis, sico

denuum

demum ipse sanguine, suaeque mortis exemplo comprobavit, non uerbo tantum profitebimur, sed uita etiam, & moribus exprimemus? Hoc tu scilicet, Pie Pontifex, illo primum uidisti die, quo te in excelsa ista Sede, fauente, & approbante diuino Spiritu, omnium Cardinalium sententia collocauit: neque uero uidisti solum, quod tibi fortasse cum multis commune esse potuit, sed etiam, in quo propria tibi debetur laus, accurate praestitisti. tu enim ipse tua temperantia, iustitia, grauitate, constantia, quales esse alios oporteret, exemplum dedisti. inde manauit statim ad propinquos & affines tuos bene uiuendi disciplina: quorum omnium incredibilis abstinencia, humanitas, pudor ciuitatem breui correxit, & conformauit uniuersam. Nunc in illam curam totus incumbis, ut reliquae partes Ecclesiae, discordia laborantes, omni a te ratione sanentur. serpit enim quotidie longius transalpinum illud malum, a quibusdam primo ignoratum, ab alijs postea neglectum, postremo a nonnullis etiam uehementer actum. sed, ut hoc placuit Deo, quo uolente, aut saltem permittente, geruntur ea, quae cur ita fiant, causas indagare nostrum non est: sic eidem placebit, ut imminutam Christianae Reip. dignitatem tua uirtus, & sapientia in ueterem integritatem, splendoremque restituat. Instat a te indictum, & institutum iam generale Concilium: cuius ex ratio, ea uis, & consuetudo semper fuit, ut, sanctissimi Spiritus interuentu, diffidentes animos non concordia solum, & pace, uerum etiam beneuolentia, studioque coniungeret. Hoc tu nos, Pie I V. remedio seruabis; errantemque gregem, disie-

disiectum uaria culpa, tamquam Pastor optimus, ad oboedientiam reuocabis, cōtinebisq. in officio, & obseruantia erga diuinas leges tum perpetua sanctitate tua, unde hauriunt omnes exempla omnium uirtutum, tum uero ijs etiam edendis in hac urbe libris, quorum lectio malas & exitiosas euellit ex animis hominum opiniones, inserit eas, quae si coluntur pietate, & beneficentia, uberrimos, & praestantissimos, & plane salutares fructus ferunt. Atque huius quidem tanti, ac tam praeclari muneris initium unde sumi aptius potuit, quam ab eo libro, cuius argumentum & cum ratione temporum, & cum tuis consilijs ac studijs optime congruit? quid enim tempora, quid status Ecclesiae poscit, quid tu optas, curas ue magis, quam Concilium, quod unicum, & certissimum in tam graui discrimine, tam propinqua communi peste superesse remedium uidetur? at in hoc libro, quem tuo iussu primum emittimus, proxima ostenditur ad salutem uia, spes omnis in confessione culpae, in uitae ac morum emendatione, in summa demum Pontificis auctoritate collocatur. Quae cum per se maxima sunt, & curandis Christianae Reip. uulneribus utilissima; tum uero ponderis accedit plurimum ab eximia scriptoris innocentia, doctrina, dignitate. quis enim, quibus animi bonis, quibus industriae, ingenijque ornamentis abundauerit, qui denique uir, quantusq. fuerit Reginaldus Polus, aut ignorat, aut, si quam modo tantarum laudum partem habet cognitam, non earum memoria, & desiderio uehementer cōmonetur? potest ne quisquam tam inops a iudicio, tam

Sf

AUG.

auersus ab humanitate, tam plane ferus esse, ac fer-
 reus, qui non intimis eum sensibus dilexerit, cuius non
 modo in studijs, in moribus, in sermonibus, sed in ip-
 so plane adspectu omnis probitas, omnis luceret huma-
 nitas? De religione uero, deq. Christiani hominis of-
 ficio quid senserit, & iudicarit, non aut in uno, altero
 ue libro ita ostendit, ut in alijs umquam dissenserit: aut
 ita scripsit, ut aliter uiueret: aut ita uixit, ut inter-
 dum sibi non constaret: sed omnia, litteris ab illo pro-
 dita, sine ulla exceptione semper laudarunt, hodieq.
 laudant boni, & sapientes uiri: quorum directa ad
 ueritatem ipsam, idest ad unam Dei gloriam senten-
 tia nec obtrectandi studio, aut inuidia flectitur, nec
 maleuolentia, aut ambitione mutatur. Vitae uero
 totius instituta, & excellentem in omni actione, om-
 nique fortuna pietatem, utinam, quam facile noue-
 runt, tam libenter imitarentur multi. Opes, honores,
 clientelas, Regum maximorum gratiam, & beneuo-
 lentiam qui assequuntur, proxime ad felicitatem pu-
 tantur accedere. at ille haec omnia apud Henricum,
 Britanniae Regem, & iure propinquitatis, & multo
 etiam magis sua uirtute cum possideret, ultro contem-
 psit, ne turpissimas Regis actiones, & aduersantem
 Christi Vicario sententiam probare, aut etiam adiu-
 uare cogeretur. Patauij diu uixit, quamquam erat
 habitu naturae prope diuino, liberalibus tamen disci-
 plinis uehementer deditus: &, cum eloquentiae, atq.
 philosophiae pari studio flagrauerit, in utra tamē ma-
 gis enituerit, non facile est existimare. illud certe con-
 stat, qui uel meliora, uel ornatiora scriberet, hac ho-
 mi-

minum memoria exstitisse neminem. quamquam id ei
 propositum fuit, eo direxit cogitationes omnes, atque
 curas, ut philosophiae scientiam non tam scriptis,
 quam uita ostenderet. itaque maior, atque excelsior
 Patauij in tenui, & humili fortuna fuit, quam cum in
 Regno omnibus copijs, & ipsius maxime Regis gratia
 floreret. Hic, hic nimirum uerus est, ac praestantissimus
 optimorum studiorum fructus, si quis a se ipso pendeat,
 si temporum uicissitudines non extimescat, si aduersus
 hominum iniquitates, fortunaeque iniurias ratione,
 & uirtute pugnet. quam in Polo constantiam, & sa-
 pientiam fuisse, quis ignorat? metuendae erant a Re-
 ge potentissimo insidiae, metuenda uis; propterea quod,
 suscepta Ecclesiae caussa luculento illo de Pontificis au-
 thoritate libro, susceptum simul a se grauissimum eius
 odium intelligebat. deserebatur etiam quotidie magis
 a re domestica, fortunis exclusus amplissimis. nemo
 tamen eum deiecto, aut demisso sensit esse animo, ne-
 mo uidit umquam tristiore uultu. in sermonibus, in
 consuetudine, in conuietui, in tota denique uitae ra-
 tione tranquillitatem mentis, quam habuerat antea,
 perpetuo retinuit. Nec desuere, quae numquam spe-
 rauerat, ac ne cogitauerat quidem, tantis debita uir-
 tutibus praemia. nam, cum ita uiueret, ut in uno Deo
 omnia poneret, cetera, quae mortales admirantur,
 infirma, caduca, inania duceret; cumque in illa Pata-
 uini gymnasii celebritate, domesticis otij sui finibus
 contentus, paucorum admodum consuetudine utere-
 tur: breui tamen, ut sibi uiam facile uirtus aperit, ita
 manauit fama de admirabili eius prudentia, tempe-

rantia, doctrina, ut ad aures Paulli. III. Pont. Max. perueniret. qui cum esset ea mente praeditus, ut nemo umquam magis de ornanda egregijs Cardinalibus Ecclesia cogitauerit; eo iudicio, ut nemo in delectu errauerit minus; commotus multorum non dubio sermone, Reginaldum Polum, disciplinae Christianae renouandae causa, cum praestantibus aliquot uiris ad Urbem acciuit: eumq. paullo post non petentem, non optantem, prope etiam recusantem, Cardinalem creauit. In hac dignitate, cum alios antea, se ipsum uicit omni genere laudis. Omitto singularem illam, cui par oratio reperiri nulla potest, in caede matris acerbissima fortitudinem, atque constantiam. unicum illi contra omnes iniurias, omnesque calamitates conscientia praesidium fuit: & in aduersis rebus iam antea didicerat esse fortis. grauitatem eximiam, pari comitate conditam, mansuetudinem, prudentiam, benignitatem in subleuanda miserorum inopia non attingo. communia sint haec, in quibus tamen praecipua quadam laude Polus excelluit. uenio ad id, quod a Cardinalis persona proprie postulatur. Nam, ubi primum sacerdotio est ornatus amplissimo, non ille mentem, ut multi, cum fortuna mutauit; non sericam uellem, non argenteam supellectilem, non denique illustrem aliquam, aut opimam prouinciae praefecturam appetiuit; sed, contempta prorsus rerum humanarum specie, diuina studia, quae antea non leuiter attigerat, toto pectore complexus, de tuenda Pontificij iuris maiestate, de augenda inter homines Dei gloria, de illustanda ueritate dies noctesq. cogitare coepit. quam

tum

tum enim in ea philosophia, quae a sensibus ducitur, erroris insit, atque obscuritatis, cum antea non ignorasset, tum uero, totus ad eam philosophiam traductus, quae caelestium bonorum cognitionem parit, clarissime perspexit. iam, illam, quae colligitur ex rethorum praeceptis, eloquentiam, in qua prater ceteros antea floruerat, neglexit penitus, inanemq. duxit, cum sacrorum librorum uoces, non aurium uoluptati feruientes, sed ad intimas animorum partes incredibili quadam suauitate penetrantes, exaudiuit attentius. Nec uero quidquam habuit antiquius, quam ut a sanctissimis Ecclesiae legibus discedentes, quoquo modo ad sanitatem redirent: cum ipse multos cohortatione sua, consilio, doctrina, nonnullos etiam lenitate quadam ad meliora consilia conuerteret. Incidit tempus, cum de suscipiendo post obitum Paulli III. Pontifice habenda Cardinalibus deliberatio esset. affuit Polus ita sedato animo, ita cupiditatis, & ambitionis expers, ut, maiore Collegij parte Pontificatum ad eum deferente, non statim assenserit, differendamque rem tantam in posterum diem censuerit: fore enim, si probaret Deus, eundem post aliquot horas Cardinalium consensum: sin minus, omnino sibi, quod Deo displiceret, placere nihil posse. Scripsit etiam in eo Conclauis praeclara quaedam de officio Pontificis: quae cum alijs eius libris, quos Ioannes Moronus, Cardinalis ob summa erga Sedem Apostolicam merita, perpetuamq. uitae innocentiam clarissimus, accurate seruauit, propediem in lucem proferentur. quibus in libris cum spirare adhuc mens illa diuini homi-

nis, & uigere uideatur; afficimur non tam praeceptis, atque doctrina, quam recordatione tantarum uirtutum, quas in illo uidimus. Vitae clausula fuit, in qua ostendit lumen animi, ingenijq. sui, Britannica Legatio. nam, cum in illa insula per annos multos, duorum Regum imperio, Henrici primum, deinde Odoardi, eius filij, legitimus Dei cultus intermissis optimis ritibus, obsoleuisset; cumq. interitus Odoardi, succedente eius sorore Maria, spem aliquam renouandae pietatis, & religionis attulisset; uisa est unius maxime Poli sapientia rectam errantibus uiam monstrare posse, adiuncta praesertim auctoritate tanta, quantam nec sine uirtute dignitas ulla pareret, nec sine dignitate uirtus. in ea legatione optimos Reginae sensus confirmauit; principibus uiris, & multitudini, persuasit, ut nouam haeresim, Henrici nefaria libidine inductam, abijcerent, ueterem sacrorum disciplinam, rationemq. susciperent; cum Ecclesia, si salui esse uellent, in gratiam redirent: unum esse Romae, potestate summa, Christi Vicarium, in quo creando commotae Spiritu sancto Cardinalium mentes, ex uetere multorum saeculorum instituto, tradita per manus consuetudine, consentirent; quaecumque ille sanciret in terris, ea firma & rata in caelo esse: cetera communi saluti uehementer aduersari, hominum seditiosorum, uel Sathanae potius ipsius inuenta, ut genus humanum, si possit, uniuersum perdat, suaeq. socios habeat plurimos infelicitatis & culpae. Mansit in officio, & fide, quam diu Polus, & Regina uixerunt, Britannica natio, utriusque innocentia, & sanctitate, alterius etiam sermoni

monibus, praeceptisq. commota. Postea, cum utrumque Deus, cuius abdita consilia non assequitur humana mens, ad caelestis uitae praemia uocasset, lapsa est iterum, & concidit illa gens, destituta consilijs, quibus antea nitebatur. iamq. ad finitimas nationes peruasit haec pestis, & dira contagio, nec uideretur posse consistere, nisi tua, Pie. I V. Pont. Max. sapientia singularis occurreret, Tridenti indicto Concilio, Romae omnibus rebus ad rationem, aequitatemq. reuocatis. Quod uero etiam eorum scripta, quos in beatorum numerum iure olim Ecclesia retulit, integra, deletis omnibus maculis, peruulgari iubes: quod excellentem nobis Reginaldi Poli, amissa eius uoce, doctrinam restituis: mirum est, quam uehementer adiuues communem causam, quantum se tibi pro ista mente, istaq. cura omnes homines debere fateantur, quantum ab ipso Deo, qui tibi nostram salutem commisit, gratiam, & beneuolentiam ineas. Haec sunt illa merita, quibus hominum uita, breuissimis circumscripta finibus, ad infinitam memoriam propagatur; haec illa, numquam satis laudata, ueterum Pontificum instituta, quibus hanc nobis Ecclesiam tam praeclare fundatam, exstructamq. reliquerunt. quae utinam, sicuti propriat tua sunt, ita perpetua esse possent. nemo enim dubitat, quin, optare tibi perpetuam uitam, idem sit optare nobis perpetuam felicitatem. nec uero cuiquam bono uiro tanti est huiusce lucis usura, quin de sua detractum aliquid uita libenter, si possit, in tuam conferat. sed, quoniam hac lege hic omnes ingredimur, ut aliquando discedamus; nec licet nobis in te

uno singularem condicionem pro tua singulari beneficentia postulare: saltem, ut quamdiutissime te praesente perfruemur, & petimus a Deo supplices, & futurum pro summa eius erga nos clementia confidimus. magna enim sunt, quae iam inchoasti: maiora tamen, quae mente designas. nihil vulgare cogitas, nihil humile, nihil angustum: metiris omnia tua dignitate potius, quam communibus exemplis. praeclare. non enim Pontificiae laudes in mediocritate uersantur: nec decet, qui potestate, & honore cunctis hominibus antecellat, eum ab ullo homine recte agendi cupiditate, studioque superari. In te igitur, Pontifex Max. primum tuendae, atque amplificandae religionis, deinde eius otij conseruandi, cuius auctor, & custos antea fuisti, sita spes omnis est. a te honesta studia, a te liberales disciplinae, a te ipsa uirtus ornamenta sua repetit. tu, quod facis, & fecisti egregie, perpetuo facies, ut omnes gentes diuturna pace, iustitia, pietate foveas; urbem Romam operibus magnificentissimis, & cum ipsa antiquitate comparandis, exornes; ciuitatem, tuam studiosissimam, superiorum temporum calamitatibus afflictam, perpetua benignitate recrees; denique tollas aliquando ex imperitorum animis dubitationem illam, quae laudabilia multorum studia remoratur, utrum res maximas fortuna possit sine uirtute perficere, an uirtus, quo contendat, sine fortuna peruenire. de quo quid sentires ipse, ostendit iampridem tuae uirtutis ratio: nunc, ut omnes idem sentiant, facile unus praestare potes, restituta iis artibus dignitate, quae te talem, tantumque fecerunt, ut, quales ipsae, quantaeque.

I N . L I B . F R . V A R G . D E . I V R . E P . I I I
taeq. essent, ope tua, studioq. omnes mortales intel-
ligerent.

I N . L I B R V M
FRANCISCI VARGAS
DE IVRISDICTIONE EPISCOPORVM
ET
SVMMI PONTIFICIS
AVCTORITATE 25

I N Tridentino Concilio, singulari, atque diuina
P I I Quarti Pont. Max. sapientia constituto, cum
aliae res, uel antea parum exploratae, uel astutis ho-
minum consilijs immutatae, atque corruptae, in con-
sultationem controuersiamq. uenerunt: tum uero gra-
uis illa, & perdifficilis de iurisdictione Episcoporum,
& summi Pontificis auctoritate exorta quaestio est.
qua in deliberatione cum ita Patres illi, uitae inno-
centia, doctrinaq. insignes, dissiderent, uix ut aliquan-
do res conuenire posse uideretur: Pastor optimus, ut
est animo semper ac mente in grege seruando, tuen-
daq. communi salute defixus, incubuit in eam curam,
ut, adhibitis in consilium letissimis Cardinalibus,
hunc nodum expediret. & quoniam Francisci Vargas,
Catholici Regis Oratoris, in maximis rebus antea sae-
pe spectata uirtus erat: expedire in primis Reip. uisum
est, talem uirum, cum tanta res ageretur, interesse.
Qui cum esset accersitus a Pontifice, rogatusq. ut ea
diceret, quae ad Apostolicae Sedis dignitatem, id est
ad

ad Christi gloriam, & salutem animorum nostrorum pertinere uehementer duceret: sententiam dixit grauissimis ornatissimisq. uerbis, ea doctrina refertam, ut nihil aut e sacris litteris, aut ex antiquarum legum, Canonum ue fontibus deriuari possit, quod ille non & memoria, scientiaque comprehendisse, & summarum rerum, in quibus aetatem fere totam contriuit, experientia comprobasse uideretur. excepta est peratentis animis eius oratio: magnaq. est omnium Cardinalium, praecipue uero ipsius Pontificis, cuius ut potestas, ita iudicium, sapientiaq. eminet, assensio consecuta. Et, quoniam, quae tum quisque sensit, eadem ut mandata litteris ad Tridentinos Patres mitterentur, Pontifex adiuvandae cupidus publicae causae iam decreuerat: de Francisco Vargas hoc amplius placuit, ut eius Responsum (sic enim inscriptum est) impressum ederetur. Est hoc quoque PII Quarti diuinae liberalitatis, ac beneficentiae, ut, unde aliquid ad commune commodum emanare possit, id non latere in tenebris, aut paucissimis impertiri, quod angustii, ieiunij, nimium animi est, sed peruulgari ad omnium gentium utilitatem uehementer curet. porro, si nihil est religione utilius, quae beatam, aeternamq. uitam una largitur: quantam ijs debemus gratiam, qui suam industriam eo totam conferunt, ut, nouis quorundam opinionibus, quas inscitia dicam, an improbitas peperit? confutatis, ueritatem ipsam suae doctrinae lumine ita patefaciant, atque illustrent, ut a nemine iam, nisi plane impio, uocari in controuersiam possit? quod in hac maximi ponderis quaestione, quae per

per aliquot menses plurimorum hominum ingenia, mentesq. torsit, Francisci Vargas praestanti beneficio consecuti sumus. uir enim egregius laboranti publicae causae multis nominibus opem tulit, doctrina primum, tot annorum studio collecta; deinde prudentia, quam a natura acceptam diuturnus rerum maximarum usus uehementer auxit; tum integritate uitae, sine qua inanis prudentia, perniciosa etiam doctrina omnis est; postremo auctoritate tanta, quantum capere uidetur ea persona posse, quae pro summo omnium, quos meminimus, aut legimus, Imperatore Carolo Quinto, eiusq. dignissimo filio Philippo, Catholico Rege, grauissimis in muneribus, ac legationibus primarijs, temporibus difficillimis, diutissime tractata sit. haec igitur ubi coniunguntur omnia, quae per se singula in paucis excellere uidemus: praeclarum quiddam, atque excellens fieri necesse est. nec nos ueremur, cum haec simul uniuersa tali uiro tribuimus, ne nos aliquando res ipsa redarguat, eiusq. scripta, cum legentur, ita expectationi non respondeant, ut ei falsam affinxisse laudem uel gratiae causam, uel iudicij errore uideamur. perfecta uirtus laudem quasi fructum non quaerit; cognita, testimonio non indiget. id ipsum, lector optime, tum ex hoc Responso, quod nunc, a multis iam expetitur, exit; tum ex reliquis eiusdem libris, qui propediem, ut spero, consequentur, facile indicabis. id modo unum exopta, ne propensam ad bene merendum uoluntatem casus aliquis impediat, aut uoletudinis moretur infirmitas. Romae. M D L X I I I . Kal. Oct.

A D

AD. CAROLVM. BORROMAEIVM

CARDINALEM

IN. D. CAECILII. CYPRIANI. OPERA 26

MAGNA in molestia uersor, Carole Borromaeie, praestantissime Cardinalis, quod auunculo tuo Pio IV. Pontifice, cuius & benignitas; & sapientia, ueterem dignitatem restituere bonis artibus facile poterat, uereri saepe cogor, ne publica incommoda, & aduersi communium temporum casus, cursum optimae uoluntatis impediunt; maximique inter homines operis, atque pulcherrimi perfectionem desideremus. nec uero, ubi resideat tanti mali culpa, reperire difficillimum est. optimis rebus difficultatem afferunt uitia nostra, ita Deo permittente, ut aliquando resipiscamus. nam, si homines intelligerent, quod tu optime intelligis, Borromaeie prudentissime, quanti sit, ac semper fuerit, ab uno Deo expectare omnia, inania ducere, quae a nostris consilijs proficiscuntur: primum illud consequerentur, ut iucunde uiuerent, soluti molestissimis curis, quibus in omnium rerum affluentia ne magni quidem principes uacant: deinde, quae metuere solemus aduersa, ea uel nullumquam acciderent, uel nullo statim negotio depellerentur. nunc aliter euenit. dum enim a nostris ingenijs, opibusque secundas res petimus; dum & magnificas aedes, & ingentem agri modum, & auri, argentique uim, quae ne bona quidem sunt, sola esse bona credimus; eaque consecuti, quasi nobis dati

ti sint obsides perpetuae felicitatis , ita nihil time-
mus incommodi ; destituti saepe diuino praesidio , iu-
re plectimur , e maxima laetitia in maximos luctus ,
miseriasque coniecti . uterer priuatis exemplis , nisi pu-
blica nimium etiam multa suppeterent . Vidimus , gra-
ui Christianae Reip. damno , ardentem diu ciuili bel-
lo Germaniam : cum exitiosa discordiarum semina ,
mentibus iniecta multitudinis imperitae , principes
ignari quid exsistere malorum posset , auctoritate , opi-
bus , armis denique fouissent . inde sibi plebs infima ,
ut est cupida semper nouarum rerum , licentiam ar-
bitratu suo uiuendi , simulatione ac specie religionis ,
arripuit . ex eo nequitia primum , & incestus , dein-
de uis , rapinae , caedes , quaeque proposita impuni-
tate nascuntur mala , passim consecuta sunt . pendent
enim a diuinis humana iura . illa si contemnamus ,
haec non facile tuebimur : illa si labefactentur , haec
statim corruent . sublato igitur , qui per tot saecu-
la uiguerat , summi Dei cultu , perturbata sacrorum
rituum uetere disciplina , locum suum retinere diutius
ne honestas , nec pietas potuit : periit fides , & om-
nis inopiae subleuandae consuetudo : illa uero , mi-
nimapendentis humana omnia , uni Deo seruientis
animi demissio , qua nulla magis hominem Christia-
num uirtus decet , quae , tamquam hesperus , aut lu-
cifer inter sidera , sic ipsa inter uirtutes reliquas prae-
cipue fulget , extincta penitus est . tum & domestica
bella , populis uarie dissidentibus , exorta ; & exter-
nis hostibus , Christiano semper nomini crudeliter in-
festis , ad uniuersorum perniciem patefactus aditus
est

est: quosque antea tot ciuitatum, ac principum, integrae vires, atque coniunctae facile sustinere irruentes; ac repellere potuissent, nunc ut eorum impetum immittant, atque distraetae, ferre possint, sperandum uix est. Quid reliquae prouinciae? satis ne ualent, & alieno malo doctae sibi cauent? immo, quasi sit in dolore uoluptas, in exitio salus, ita se libenter in eandem flammam pleraeque coniiciunt. uincere iam coepit humanam medicinam morbus: proxima quaeque corrumpuntur: nec iam ullae possunt aut artes hominum, aut vires tantam pestem a finibus auertere. Gallia quidem, opibus antea florentissima, semper hostium religionis expultrix, semper inuadentibus Ecclesiam monstris inimica, nunc, alienatis multorum animis, deformata domesticis cladibus, ad spectum miserabili, paene procliuius ad perniciem labitur. nec periculo uacant finitimae gentes: quae si forte, quod auertat diuina clementia, insanire coeperint; uerendum est, ne malum erumpat, quod ferri non possit. nec uero nos, nisi praesidio nitamur innocentiae, quo uno seruari possumus, & uincere, uel excelsa asperrimarum alpium iuga, uel amnes rapidi, aut munitae arces, leetaeue militum copiae defendent. communibus remedijs communes depelluntur morbi: nunc, in extremum adducta discrimen salute publica, exquisitam quandam, & plane singularem curationem rei magnitudo postulat. corrupta iam pridem uitae ratio Deum offendit; eadem placabit emendata. huc igitur studia conferenda: huc intendendae sunt curae. quod quamquam ad omnes pertinet, cum in communi periculo

com-

commune officium requiratur : praecipuae tamen eorum partes videntur esse, qui, summo in gradu dignitatis, atque honoris, tamquam in specula, constituti, oculis patent omnium mortalium, ut nullum prorsus eorum neque dictum, neque factum obscurum esse possit. Quaeamus, quarum rerum amore flagrauerint, aut quibus artibus aditum sibi in caelum aperuerint primi illi nostrae religionis antistites, quos ecclesiis moderandis praefecerat Deus : reperiemus eos, tamquam in hac uita peregrinarentur, ita semper, obuia quaeque contemnenes, ad caelestem patriam, optimique parentis Dei, qui nos ad se uocare numquam desinit, adspectum, amplexumq. properasse. quam multos e sacrarum litterarum monumentis, & ex memoria uetustatis licet eruere, quorum omnes uitae partes ea, quae nos in malis ponenda censimus, paupertas, exsulum, carcer, mors denique illustrauerunt : cum saepe in maximis incommodis, atque adeo inter exquisitissima tormenta, corporis dolorem animi laetitia superante, quam hoc suaue est, dicerent, & immortalis Deo pro tam insigni munere gratias agerent. Non longe abeamus. est ne quisquam, aut esse potest beato Caecilio Cypriano, cuius nunc emendatissima scripta emittimus, aut uitae sanctitate, aut mortis constantia maior, & clarior? quam ille se gessit in omni uita abstinenter, & pie? in Episcopi autem officio, ac munere quam non attigit, immo quam non absoluit magno dignam praeside uirtutem? exstant de eo prodita litteris, aeternaeq. consignata memoriae praeclara sanctorum hominum testimonia : sed
in

in re nota, atque ante oculos posita, testibus non egemus. uitae illius prope animatam imaginem in libris, quos reliquit, uerissimis expressam lineamentis intuemur. quantus est in tuenda Ecclesiae Catholicae dignitate? quam seuerus in retinenda uetere disciplina? quam acer in condemnandis nouarum opinionum auctoribus, in contumacia insectanda, libidine comprimenda? quae sententiarum grauitas, uerborum uis, doctrinae praestantia? nemo ita languet, aut ita friget in cupiditate summi boni, qui non excitetur, & quasi facibus admotis incendatur, cum eius epistolas legit. Iam reliqua eius doctrina quos fructus affert, quam uberes, quam salutare docemur exoriri calamitates omisso ueri Dei cultu; haereses gigni Pontificis auctoritate contempta; qui uirginitatem, & pudicitiam colat, ei proposita esse maxima in caelo praemia; qui Ecclesiae praesit, aperto animo ac simplici esse oportere, prudentia tamen ita tectum, ut insidijs minime pateat communis inimici. plane omnes ueterum philosophorum libri, praecipis referti comparandae uirtutis, si cum Cypriani sermonibus conferantur, inanes, & paene pueriles uidebuntur. Sumantur in manus, quae de eleemosyna, ac benignitate litteris mandauit: statim omnes, si quae resident in mentibus nostris, auaritiae sordes exhauriri, & infundi eximium erga pauperes amorem sentiemus. Grauis est, & late patet inuidiae morbus: at hic rationibus egregie curatur, ex intima Theologia depromptis. Vexamur calamitatibus, & aerumnis, quibus proposita est hominum uita: praeclaram audia-

audiamus Cypriani uocem ad patientiam cohortantis, exemplo multorum allato, qui nihil acerbum, aut malum praeter culpam umquam duxerunt, & cum illo immenso sempiternae uitae lucro libenter omnes huius exiguae uitae fructus commutauerunt. Exstat etiam ad Martyres, primum, ut cum dolore pugnent, acerbissimisq. cruciatibus forti animo resistent, prudens & pia cohortatio; deinde, quod morte uitam quaesierint, & ex hostibus Dei uictoriam reportaerint, amoris & gaudij plena gratulatio. Neque uero aliter sensit, aut sui dissimilem se praebuit in extremo uitae die: sed, cum ita semper uixisset, ut obscure, inglorieq. decedere non posset, ita decessit, ut hoc uno uel obscurissimā uitam illustrare posset. Multa praetereo; nec sane persequi conor omnia; ne suscepisse hoc uidear, ut Cyprianum debitis ornem laudibus: quod, ut ego sentio, uel pro eius dignitate nemo, uel solus ipse praestare posset. Verum haec me commemoratio cum ipsa per se delectauit, tum quod in ea beneficij tui magnitudinem, & praestantem ad bene merendum naturae propensionem agnoscebam, qui totus in eam curam incubueris, ut omnia Cypriani scripta, mendis antea deformata, nunc in ueterem illam integritatem, ac speciem, acersito etiam Verona mirae uetustatis exemplari, accurata doctorum uirorum industria restituerentur. quo sane nomine, incredibile dictu est, quantum se tibi omnes boni debere fateantur. quamquam neque nunc primum, neque hoc uno tuos ad laudem impetus argumento cognoscimus. Omitto illa superiora, qualem te praestiteris in patria, qualem in Ticinensi

T t gymna-

gymnasio, cum, nihil praeter uerum decus, ueramque gloriam cogitans, Francisco Alciato, singularis doctrinae uiro, iuris prudentiam publice profitenti, operam dares. sint haec in tuis laudibus minima: non quia, si spectentur sola, maxima uideri non debeant: sed minora maioribus obscurantur: & angustior ille fuit priuatae uitae campus, quam ut in eo tua uirtus commode posset excurrere, itaque, Romam traductus ad publica negotia, parem facultati materiam nactus, dum te fingis quotidie ad exemplum sapientissimi Pontificis, auunculi tui, quotidie te ipsum uincis bene agendo, adiuuante naturam imitatione, quemadmodum sine praestanti natura parum proficeret imitatio. ab hac disciplina fluxerunt illa, quae quam paucis continent omnia, ignorat nemo; in consilio grauitas, in laboribus patientia, nihil in potestate insolens, nihil in opum abundantia dissolutum, seuerissimis omnia continentiae legibus adstricta: ut ab eius personae, quam sustines, dignitate numquam oculos defletere, sed illud perfectum, absolutumque decorum, cuius & studium, & splendor magna ex parte iam obsoleuit, assidue spectare uidearis. Iure igitur quotidie tibi summae res a summo Pontifice committuntur: iure se in tuam clientelam, quasi portum quendam in tantis horum temporum tempestatibus tutissimum, ac salutarem sperantes, conserunt omnes boni. tuum est, egentem patrocinio communem causam suscipere; & opinari, quod auunculus tuus, immortalitate dignus, iampridem sibi persuasit, egregieque praestitit, duas maxime res a Principe uiro postulari, unam, ne quid reprehend-

prehensum
minim
remit
stantius
praesertim
in priuati
namenta
nim suam
uoluit; eor
cum comm
tum ad ad
Quae tibi
haec melius
me tamen
tia, ut Cy
in illis, e
in ipsam u
quamquam
monitioni
fucio meo
dare cupieb
ab excellen
candum ar

I N
co

QVI
crates uti
sali: ar.

prehensione dignum committat ; in quo tu excellis omnium consensu ; alteram , ne quid laude dignum praetermittat ; quod aliquanto est optabilius , atque praestantius . nam , uacare culpa , est illud quidem , his praesertim moribus , egregium , eiusmodi tamen , ut in privati hominis condicione subsistat , ad principis ornamenta non perueniat . uera uirtus actione gaudet ; uim suam longe lateq. diffundi , & propagari sua bona cupit ; eoq. ipso alitur , & augetur . ceterae enim res , cum communicantur , minuuntur : ex uirtute quantum ad alios manat , tantundem ad ipsam accedit . Quae tibi profecto saepe in mentem uenerunt ; neque haec melius cuiusquam oratio , quam tu uita exprimis . me tamen cum incredibilis quaedam erga te obseruantia , ut Cypriani libros tibi inscriptos emitterem , adduxisset , eadem impulit obseruantia , & perpetuus in ipsam uirtutem amor , ut haec scriberem . tibi enim , quamquam neque cohortationi tua bonitas , neque admonitioni prudentia locum relinquit , uerumtamen , ut studio meo satisfacerem , liberales disciplinas commendare cupiebam : reliquis autem , qui haec legent , quid ab excellentibus animi tui bonis sperari posset , significandum arbitrabar .

IN . EDITIONE
CONCILII . TRIDENTINI 27

QVI de Catholica fide recte sentiunt , fatentur omnes utilissimum fuisse humano generi , atque ad salutem . Concilium Tridentinum , quod eximia sum-

Tt 2 mi

mi Dei erga nos clementia, Pij IV. Pont. Max. sapientia singulari, mirifica Legatorum Cardinalium, qui praesfuere, uigilantia, maximo etiam Imperatoris, Regum, Rerumpublicarum, Principum, & Patrum, qui interfuere, consensu, ita confectum absolutumque uidemus, ut exitiosam illam animorum pestem, quae quotidie serpebat latius, nunc quidem aliqua iam ex parte compressam esse, breui autem, ope diuina, cunctis populis & nationibus ad communem salutem consentientibus, prorsus tolli posse omnes confidant. quo merito gratiae sunt habendae primum immortalis Deo maximae, unde bona manant omnia, deinde Pio IV. qui hoc spectauit unum, & in hoc potissimum ab illo primum die, quo summam inter omnes homines potestatem, delatam diuinitus, accepit, fixit curas, & cogitationes omnes, ut communibus malis generali Concilio mederetur: quo saepe remedio Christiana Respublica erumpentibus uitis occurrit, & impendentes ex dissensione, atque discordia calamitates euitauit. Hoc beneficium disseminari quamprimum, ac distribui per orbem terrarum, ad propagandam ueritatem, & diuulgandam Ecclesiae Catholicae sententiam, necesse est. itaque nunc eduntur puri Canones, & ipsa Decreta, cum appendice nulla; tantum ut ea cognoscantur, quae primum Sacrosancta Synodus, in Spiritu sancto legitime congregata, deinde Pontifex ipse confirmando seruari pariter ab omnibus in perpetuum iussit. nam reliqua Concilij acta, diligentissime per scribas publicos in ipso Concilio excepta, & litteris mandata, mox ita emittentur, ut, quaecumque res in controuersiam uenerit,

rit, qua
ca sit, o
suo quid
tur. Inte
ad saluen
dentini C
poribus,
omnia di
nullam ex
incundum
modatum
Romae,

CLEN

CVM
piume, m
deo tuae l
quod inge
bus nihil e
mone com
manarum
lecebris, q
remplication
quem tua
sa morib
morem m
quo nihil
hi gratul

rit, quaecumque uel sententia dicta, uel oratio habita sit, omnia denique agitata, quaesita, deliberata, suo quidque loco, distincte, & abundanter exponantur. Interim accipe summam rei, lector optime, quae ad salutem uehementer pertinet: uniuersam uero Tridentini Concilij, trium Pontificum distinctam temporibus, historiam, eodem, cuius ad gloriam haec omnia diriguntur, iuuante Deo, propediem expecta. nullam enim tanti negotij partem ignorare, non modo incundum est, uerum ad multa etiam utile, & accommodatum: quod aliorum Conciliorum lectio declarat. Romae, M D L X I V.

CLEMENTI . MONILIANO CARDINALI

CUM tibi, Clemens Moniliane, Cardinalis amplissime, multis nominibus debeam, nullum tamen habeo tuae benignitatis argumentum illustrius, quam quod ingenij, doctrinaeq. tuae thesauros, cum quibus nihil comparo, saepe mecum uel scriptis, uel sermone communicas. quis enim est ita deditus rerum humanarum studijs, itaq. falsae uoluptatis delentus illecebris, quem tua uox ad caelestium bonorum contemplationem, admirationemq. non facile conuertat? quem tua pietas, non adumbrata leniter, sed expressa moribus, dictis, scriptisq. tuis, ad uerae uirtutis amorem non traducat. Quae cum ipse mecum cogito, quo nihil ad meam utilitatem facio libentius; ita mihi gratulor, ut ad multos, atque etiam, si fieri possit,

T t 3 ad

ad omnes eundem fructum cupiam pervenire . caput enim illud religionis nostrae primū est , prodesse quam plurimis . ad hanc nos uoluntatem , & consuetudinem informavit , hac nos erudit disciplina magister omnium sapientissimus , aeternae salutis auctor & largitor , Christus . itaque , cum uolumen illud tuum Theologicarum Disputationum . saluberrimis , sanctissimisq. refertum documentis , anno superiore multis efflagitantibus impressum , tuaq. mox industria ita locupletatum , ut aliud prope uideri posset , accurate legissem ; admiratus rerum praestantiam , copiam , uarietatem , ordinem ; praesertim uero duos illos , nuper additos tractatus admodum egregios , unum de Caelibatu , alterum de peccatis , quibus ne optare quidem melius quidquam licet ; contendere a te coepi , ut eundem librum iterum ederes , & Catholicorum pias mentes aleres cibo iucundissimo ; pestiferis autem haereticorum opinionibus , latius quotidie serpentibus , pro ea facultate , quam tibi Deus optimus maximam tribuit , obsisteres . In quam sententiam cum tu iam antea tua sponte propenderes ; (nihil enim tibi uel est , uel fuit unquam Sedis Apostolicae dignitate carius , nihil animarum comuni salute antiquius ; eo spectant studia tua ; eo dirigis omnes curas :) factum est , non tam meis , quam coniunctis multorum precibus , ut exirent denuo lucubrationes tuae , & frueretur non modo aetas nostra , sed etiam posteritas ipsa , minimo sibi labore , maximis laboribus tuis . Cum enim tibi propositum fuerit , ea , quae ad uitam pie sanctaeq. traducendam Christiano homini necessaria plane sunt , quae in-

numera-

numerabilibus prope libris dispersa, nec interdum satis dilucide traduntur, in unum ita colligere, ut confusus ordinem, obscuris lumen, dubijs certam notitiam redderes; id ita consecutus es, ut hoc tuo libro, quod ad res attinet, nihil uberius, quod ad uerba, nihil breuius; addo etiam, quod in breuitate difficillimum est, nihil planius, apertius, cōmunius esse possit. Quo quidem nomine & tibi, & Christianae Reip. uniuersae tantum gratulor, quantum res ipsa postulat: postulat autem, quantum cogitatione uix quisquam comprehendere, uerbis quidem assequi nemo potest. Romae, M D LXV. mense Sept.

AD. ILL. ATQVE. EXGELL.
IACOBVM. BONCOMPAGNV
IN. ORATIONIS. CIGERONIS
PRO. ARCHIA. POETA
COMMENTARIVM

CUM mihi tuae primum uirtutis, ac dignitatis, deinde eius, qua me es complexus, beneuolentiae in mentem uenit: (uenit autem saepissime) tibi quidem animo ac mente pro meo erga te singulari studio uehementer gratulor: ego autem, ut eius felicitatis, quae in hominem cadere possit, laud minimam partem affecutus, laetitia fruor tanta, quantum animus meus capere maximam potest, rursus cum recordor, omnibus ad te quotidie honoris causa conuentibus, quorum ego in te colendo atque obseruando nemini concedo, me unum tribus fere mensibus ad te non uenisse;

Tt 4 quam-

quamquam intermissi caussas officij, ut opinor, habeo satis iustas, uel calores perpetuos, quibus maiores non meminimus, uel aetatem, imbecillitatemq. meam; quarum altera quietem postulat; altera non modo postulat, uerum etiam flagitat; peccasse tamen mihi uideor; & quasi excusationem accusatio uincat, ita sensibus angor intimis, & in grauissimo dolore uersor. Atque haec quidem aliquanto etiam acerbior cogitatio esset, nisi perspecta mihi & cognita naturae tuae facilitas, & singularis humanitas certam plane spem afferret, nihil mihi obesse apud te, nihil detrabere prorsus aut de amore tuo, aut de iudicio absentiam meam. quod quidem abs te, artium optimarum a pueritia studiofissimo, eo facilius debeo impetrare, quia non ego, ut alij, feriatu aestu maximo sum, non me languori, non inertiae, aut desidia tradidi, nec rursus quibusdam uoluptatibus, quae cum ab aetate mea, tum etiam a uoluntate abhorrent, operam dedi, sed ad explanandas Ciceronis orationes ex instituto meo totus incubui. quid autem his tribus mensibus, quibus uacationem sibi quandam a negotijs plerique sumunt, ego in hoc negotij genere, omnium, ut arbitror, nobilissimo, praestiterim, cum cuperem te intelligere, ut quasi rationem otij mei redderem, feci ut ad te mitterem non quas a quo die ad te ueni orationes explicauis; ne molesta fortasse in magnis occupationibus, aut parum iucunda tibi copia esset; (decem enim illae omnino sunt) sed unam tantum, eamq. satis breuem, pro Archia poeta, sane luculentam, & ornatam: in qua studia illa, quae ab humanitate nomen acceperunt, quibus

quibus uterque nostrum mirifice delectatur, in caelum
 laudibus extolluntur. Equidem spero fore, ut, quem-
 admodum ego, cum interpretabar, uoluptate me per-
 fundi maxima sentiebam; sic tu, cum & ipsam ora-
 tionem, & meam simul interpretationem leges, (si-
 mul enim utramque mitto) non minorem animo uo-
 luptatem capias. quod si ita erit, uberrimum tulisse
 me fructum industriae meae putabo: &, quod operis
 superest, ad id eo fiam alacrior, quo tibi magis, mul-
 tas uirtutes cum litterarum gloria coniungenti, quam
 ceteris, haec studia colentibus, placere & probari mea
 scripta uelim. Opto ut ualeas, meq. ut facis, perpe-
 tuo diligas. Ex aedibus, pridie Kal. Oct. MDLXXII.

AD. EVNDEM. ILL. ATQ. EXC.
 IACOBVM. BONCOMPAGNUM

IN . HIPPOLYTI . CAPILVPI

V E R S V S

SAEPE mihi, clarissime, ac praestantissime I A-
 COBE, uenit in mentem gratulari, quod Romae sim:
 non quod urbis ornamenta, & illa, quibus multo-
 rum oculi pascuntur, antiquitatis miranda uestigia
 me capiant, quae tamen numquam contempsi: sed
 quod in ea ciuitate uitam agere, quae otio, libertate,
 copia rerum omnium, omni denique uirtute, uirtu-
 tumq. principe iustitia floreant, & in qua haec ipsa uel
 eadem perpetuo, uel etiam praestantiora, GREGO-
 RIO XIII. Pont. Max. fore uideantur, ita iucundum
 est, ut ad summam felicitatem prope nihil deesse uidea-
 tur.

tur. Haec ego mecum saepe libenter cogito, multo etiam libentius, cum illud addo, frui me beneuolentia tua, esse in clientela tam illustri praestantis ingenio, honore, auctoritate iuuenis, ea nobilitate ornat, quae uera demum nobilitas est, cum ab una uirtute, summisq. erga remp. studijs, ac meritis originem ducat. Nec uero, quae meae sunt partes, ne me tanto bono prorsus indignum praebeam, eas ut quisquam iure desideret, committo. quamquam enim, dispari fortuna, paria esse officia non possunt; gratiae tamen referendae facultates multae sunt. quarum illa fortasse non postrema: equidem ea uehementer delector; tueri memoria beneficium; commemorare, ubi locus est: cui debemus, eius causa uelle omnia, praestare quae possumus: denique non amore, non studio, non obseruantia deesse. Quid illud? non ad officium pertinet, atque adeo insigne quoddam officij genus est, eo de homine, a quo beneficium accepimus, quid alij sentiant, aut loquantur, in primis animaduertere, & eos, qui a certo sensu, ueroq. iudicant, beneuolentia complecti; qui obtrectant, & quibus recte iudicandi facultatem adimit inuidia, ab ijs animum abducere, refellere falsa, uera praedicare. Sed haec opinionum, & uoluntatum dissimilitudo, quam pauci effugiunt, in tuo statu ne accidat omnium florentissimo, tu quidem cum alijs uirtutibus, tum uero probitate, modestia, lenitate consequeris. una omnium uox, unus de tua laude sensus est. quo tamen quisque sapientior, aut eruditior, eo te magis & diligit, & laudat. qui cum sint multi, ex eo tamen numero uidi in primis

primis excellere magna sapientia, summa religione,
 moribus integerrimis Episcopum, poetica uero laude
 antiquis illis uatibus quamsimillimum, Hippolytum
 Capilupum: cuius ego consuetudine, doctissimisq. ser-
 monibus, si mihi, quantum per eius humanitatem li-
 cet, tantum per mea studia liceret, fruerer horis om-
 nibus incredibili uoluptate. interdum tamen una su-
 mus: & quia certamus amore erga te; ideo fit, ut eo
 magis inter nos amemus. atq. ille, totus ad tuam am-
 plitudinem, & gloriam incumbens, assidua tuorum
 studiorum, tuarumq. laudum praedicatione non con-
 tentus, cum tuae uitae rationem luculentis quoq. uer-
 sibus explicasset, eosq. mihi ostendisset; in quo hu-
 manieatem, ac beneuolentiam eius agnosco, iudicium,
 quo praestat, fortasse possum requirere: admiratus do-
 ctrinae uarietatem, singulari sermonis elegantia con-
 iunctam, artemq. miram cum praestanti natura ita
 contendentem, ut neutra alteram uincat, utraque
 pariter excellat, putauit me commode facturum, si,
 dum animi caussa propinqua loca ita peruagaris, ut
 a tuo comitatu Musas, elegantioresque litteras non
 disiungas, eos ipsos uersus, nondum editos, &
 adhuc quasi parentis in sinu commorantes, euolare
 ad te sinerem mittente me. postulat enim hoc anni
 tempus, ut otium incunda aliquare fallatur. quod
 si ad incunditatem fructus additur: quid magis expe-
 tendum? at in hoc opusculo utrumque cognosces, opti-
 meque perspicies: meum autem hoc officium, ut spe-
 ro, uehementer probabis. Ego interim commentarios
 meos in Ciceronis Orationes, biennio ante inchoa-
 tos,

tos, hieme proxima superiore ad exitum adductos ,
perpolire conor , & ita corrigere , ut addam multa ,
nonnulla detraham , pauca quaedam mutem . res
est magni sane laboris , mihi praesertim , numquam
intermissa tot mensium opera iam defatigato , ac pae-
ne confecto : sed addit vires Maximi Pontificis egre-
gia benignitas , meq. etiam , in praeclaro munere per-
gentem antiquitatis illustrandae , & eam , quam su-
cepi , Spartam pro uiribus ornantem , posteris tempo-
ris haud exigua spe sustentat. Vale.

F I N I S .

INDEX. EORVM AD. QVOS. MISSAE. SVNT EPISTOLAE

- A** 422.441.442. bis. Christophoro Madru-
tio, Cardinali. 39
534
- B** Christophoro Rufo. 365
Christophoro Saxo. 331
Claudio Strambonio.
- Alexandro Crispo. 304
Alfonso Carasae, Car- Bartholomaeo Riccio. 408.455
dinali creato. 3 69
Aloysio Estensi, Cardi- Benediſto Accolto, Car 227.229. Colae Antonio Caraccio
nali creato. 296 dinali. lo, Marchioni Vici.
Andreae Antonino. 230
470 Benediſto Rhamberto. 323
Andreae Gostinio. 338 77 Pro collegio Canonico-
Andreae Patricio. Bernardino Mafacio, rum D. Petri, Sere-
198.200.264 Episcopo creato. 27 nifs. Reginis Au-
Andreae Siluio. 318 Botuto Nericio. 440 strijs. 451
Andreae Zebridonio, Brancondio Ophidano.
Episcopo Craconien- 535
fi. 175
- C**
- Antonio Augustino. 71.72.73.74.77
Antonio Furnario. 352 Caesari Ferrantio. 104 203.266
353.354.377.389. Caesari Orlando. 531
415.459.460.461. Camillo Caetano. 509 Fabio Stellae. 80.81
514.523.524.525. Camillo Palaeotto. Federico Gallo. 278
Antonio Merlo. 235. 257.359.361.389. Federico Vinaldo. 419
Antonio Merulae. 378 472.475.477.494. Ferdinando Gatulae.
413 496.498.500.502. 375
Antonio Possuino. 43 516.517.518.519. Francisco Cicereio. 478
Antonio Rolando. 520.522 Francisco Gonzagae.
284.489 Carolo Borromaeio, Car 42
Antonio Verantio, dinali. 398 Francisco Luifino. 31
Episcopo Agriensi Carolo Sigonio. 238 Francisco Mancino.
173 Christophoro, Baroni 382
Augustino Angelello. Lobconicajo. 417 Francisco Molino. 118
Fran-

INDEX

- Francisco Morando. 45.49.50
209.340.471 Hieronymo Rubco.452
Francisco Plantedio. Hieronymo Seripando, Io. Baptistae Saracio.
411.447 Cardinali creato.295 298
Francisco Richardoto, Hippolyto Capilupio, Io. Baptistae Titio.319
Episcopo Atrebaten. Episcopo Fanensi. 367
309 291 Ioanni Caselio. 374.
Francisco Robortellio. Hippolyto Estensi, Car- 383.392.446.486.
302 dinali. 116 Ioanni Cratonia Cra-
Francisco Vargae, Ca- Horatio Cardaneto. fiheim. 434.
rol: V. Imp. oratori. 329.372.488.510 436.437.506.526.
53 Horatio Morono. 512 Io. Francisco Commen-
G Horatio Vrsino. 271 duno, Cardinali crea-
Gabrieli Catiano. 29 I ro. 364
Gaspari Contareno, Car Iacobo Boncompagno. Io. Francisco Cremonae.
dinali. 226 491 407
Gulielmo Paccio. 246 Iacobo Falconio. 414. Ioanni Genuae. 367
Gulielmo Sirletto, Car 424 Ioanni Morono, Cardi-
dinali. 466.467 Iacobo Gorscio. 448 nali. 463
H Iacobo Grisolo. 232 Ioanni Sambuco. 222.
Hannibali Caro. 107 Io. Antonio Seroni. 324 224.240
109.110.111 Io. Antonio Turoneo. Ioanni Sario Zamoscio.
Hannibali Cruceio. 275 312.316.527
234.504 Io. Antonio Vulpio. Ioanni Turrutiano.
Henrico, Camillo 425 317.321
Caetanis, fratribus. Io. Baptistae Arcucio. Ioanni Vincentio Pinel
434.508 415 lo. 180
Herculi Ciofano. 444. Io. Baptistae Ianuario. Iulio Bellogrado. 294
bis. 457 Iulio Iusto. 341
Hieronymo Caprae. Io. Baptistae Olinio. 450 Iulio Poggiano. 268
503 Io. Baptistae Pastorio.
Hieronymo Faletto, Her 85 L
culis, Ferrariensium Io. Baptistae Pignae. Laeuino Torrentio. 95.
Ducis, oratori. 56 238 210.260
Hieronymo Furnarino. Io. Baptistae Rasario. Laurentio Gambarae.
94 283 212.244
Hieronymo Lippomano. Io. Baptistae Rhammu- Lazaro Bonamico. 245
Mar-

I · N · D · E · X ·

M		Interamnae. 387	Pio IV. Pontifici Max.
Marcello Ceruino, Cardinali.	24	Nicasio Castetand. 293.	N
Marco Antonio Ciofi	327.416	Rainutio Farnesio, Cardinali creato.	R
no. 445.511.534	Nicolaso. Caetano, Cardinali.	432	I
Marco Antonio Lombardino.	99	Nicolaso Gotio. 311	205
Marco Antonio Mare-	Nicolaso Nathanaelo.	S	
to. 119. bis. 121.	213	Sebastiano Leoni. 96.	
122.124.125.127.		250	
bis. 129.130.131.	O	Siluestro Aldobrandi	
132. 133. 135.		no. 251	
136. bis. 137. 139.	Octaviano Ferrario.	Silvio Antoniano. 67	
140. 141. 142. bis.	259.273.274.281.	Stanislao Fogeluetrio.	
143. 145. 147. 289	481.	265	
Marco Antonio Nati-	Octaviano Magio. 113	Stephano Saulio. 5.10.	
tae. 152.154.155.	Octavio Sanmarco. 381	15	
156.157.158.160	P	V	
161. bis. 162. bis.	Paullo Comareno. 34	Vberto Folictae. 528	
163.164.166.167	Paullo Iupo. 420	Vido Fabro. 21	
168.169.355	Paullo Magnulo. 247.	Vido Gualterio. 386	
Mario Corrado. 78.	248.249	Vido Lolio. 106	
220. 344. 345.	Paullo Sacrato. 300.	Vido Pancirolo. 184	
368.370.380.409	357	Vincentio Ciliano. 207	
Mario Nizolio. 65.	Paullo Stempouio. 404	Vincentio Macario.	
355	435	406	
Martino Berzeuicaeo.	Paullo Tachono. 456	Vincentio Riccio a Spe.	
515	Petro Celso. 221	426. 427. 428. bis.	
Matthaeo Senaregae.	Petro Mafaeio. 356	429.430	
468	Petro Misconio, Sarma	Vincentio Stellae. 85.	
Maximo Zabreræ. 532	tarum Regi consilia	87	
Michaeli Sophiano.	rio. 176. 262. 314.		
236	418	Z	
Michaeli Turriano, Petro Perpiniano. 371			
Cenetenfi Episcopo. 392	Zerbino Ritio. 384.		
170	Pio IV. Pontifice crea-	* 87.88.89.91.93.	
Mucio Calino, Episcopo	to. 253	185.188.189. bis.	
		190.	

I N D E X

190. 191. bis. 192. Scripsit hanc, rogatus	Rebuspub.	57
193. 195. 196. a nobilissimo uiro. Prooemium libri de Ma		
197. 201. 204. 305	gistratibus Roma-	
215. 216. 217. Scripsit hanc, a Princi-	nis.	100
242. 332. perogatus.	399 Ioannes Crato	Paullo
* Episcopo creato. 347 Ex libro de quattuor	Manutio.	433

I N D E X . E O R V M AD . QVOS . MISSAE . SVNT PRAEFATIONES

Ad Alexandrum Caesa-	Ad Clementem Moni-	rum oratorem. 17
rinum, Card. 15	lianum, Card. 123	
Ad Alphonsum Cara-	Conciliij Tridentini prae-	Ad Ioannem Moruille-
fam, Antonij, Mar-	fatio. 121	rium, Regis Gallo-
chionis Montis bel-	Ad Diegum Hurtadum	rum orat. 56
li F. 39	de Mendoza, Caroli	Ad Isabellam Villama-
Ad Aloysium Garzo-	V. Imp. orat. 26	rinam, Salernitani
nium. 90	In librum Francisci	Principis coniu-
Ad Antonium Ae-	Vargas. 111	gem. 71
lium, Polae Episco-	Ad Gulielmum Bella-	Kaledary Romani prae-
pum. 50	ium Langeum, apud	fatio. 63
Ad Antonium Carlo-	Subalpinas gentes	Ad Marcellum Cerui-
nem, Allifarum	Proregem. 12	num, Card. 31
Principem. 95	Ad Hieronymum Fale-	Ad Mathaeum Sena-
Ad Antonium Triul-	tum, Herculis, Fer-	regam. 11
rium, Card. 84	rariensium Princi-	Ad Michaellem Ghisle-
Ad Benedictum Accol-	pis, oratorem. 66	rium, Card. 93
tum, Card. 9	Ad Hippolytum Esten-	Ad Paulum Rhamnu-
Ad Benedictum Rham-	sem, Card. 59	sum. 78
bertum. 23	Ad Illust. atq. Excell.	Ad Pium IV. Medicæ
Ad Carolum Borromae-	Iacobum Boncompa-	Pont. Max. 99
ium, Card. 114	gnum. 125. 127	Ad Rainutium Farne-
Ad Carolum Pisau-	Ad Ioannem Monlu-	sum, Card. 34
rum. 5	cium, Regis Gallo-	Ad Torquatum Bem-
		bum, Petri F. 73

F I N I S.



5213780

